

**JOSEPHI
CYRILLI ...
INSTITUT.
CANONICAE**

Giuseppe Pasquale Cirillo



BIBL. NAZ
Vitt Emanuele

RACCOLTA
VILLAROSA


C
145
NAPOLI

C. 145


592924

Bacc. Vill. c. 145

JOSEPHI CYRILLI
JURISCONSULTI,
E T
PRIMARII ANTECESSORIS NEAPOLITANI
INSTITUT. CANONICÆ
EDITIO NOVA.
TOMUS V.



NEAPOLI
SUMTIBUS, AC TYPIS VINCENTII VRSINI,
MDCCLXXXV.



BREVIS CANONICI

JURIS HISTORIA.



CHRISTUM Apostolis condendarum Legum potestatem dedisse eo verbo, quod extat *Luce* 10., *Qui vos audit, me audit*: eoque Episcopos etiam successores Apostolorum spectasse, non ambigitur. Porro recens Christi memoria, & vitæ Apostolicæ exemplum sic animos fidelium ad justitiam compellere, ut per tria ferme Ecclesiæ sæcula præter jus Veteris, ac Novi Testamenti, quod Episcopi urgebant, & nonnulla, quæ veluti per manus tradita sine scripto custodiebantur; vix fuerit opus novas Leges perscribi. Canones, qui dicuntur *Apostolorum*, certe Apostolorum non sunt: in quam sententiam selectiora proferam argumenta. Ii Canones non sunt, nec fuere unquam in censu Canonico-
rum Librorum Veteris, ac Novi Testamenti: nec potest quidquam causæ adferri, cur id opus, ut alia Apostolorum, in eo censu non sit. Eos Gelasius P. in Synodo Romana apud Gratianum *can. 3. dist. 15.* diserte rejicit ad apocrypha, hoc est, ad classem librorum, quos non probat Ecclesiæ: quo sentu *apocryphum* accipi eo loco debere, contextus ipse orationis ostendit: foeditissimum autem dictum est, de genuino Apostolorum opere sic sensisse Gelasium. Eorum nunquam meminere antiqui Ecclesiæ Patres; nam & Zephirini Epistolam in Decreto Gratiani *can. 2. dist. 16.*, quæ Apostolicos Canones memorat, apocrypham esse, id argumento est, quod Leo IV. *ep. 2. ad Episcopos Britannie* eam non recenseat inter Decretales veterum Pontificum Epistolas, quæ erant in Canone Ecclesiæ Romanæ: testimonium autem Tertulliani, quod vulgo laudant ex *lib. adv. Præseam.*, quodque laudant ex *Synopsi* Athanasio adscripta, nusquam extant. Porro ne ii quidem meminere, quorum intererat meminisse: ut ecce, Canon. 7. Pascha cum Judæis celebrantes coercet: Canones 46. 47., & 67. hæreticorum baptismum rejiciunt: & Canones 21. 22., & 23. severe statuunt in eos, qui se ipsi abscindunt. At neque in controversia de Pascha inter Victorem P., & Asiaticos: neque in ea, quæ de baptismo hæreticorum fuit inter Stephanum P., & Africanos Patres, quorum numero erat S. Cyprianus: neque aut quum Demetrius Patriarcha Alexandrinus exquisitis
Tom.V. A undi-



BREVIS CANONICI

undique argumentis Originem, qui se ipse eviraverat circa an. 203., voce de literis, tanquam summi sceleris reum notavit, aut quum S. Epiphanius contra Valesios virilia sibi amputantes late differuit *haer.* 53., ulla Apostolicorum Canonum mentio facta est. Denique apud Eusebium, & Hieronymum, qui Apostolorum opera diligenter percentent, de iis ne verbum quidem unum. Quem Canones isti auctorem habuerint, & num unum, an plures: quo tempore, quove loco, ac numero prodierint, omnino non liquet. Tu sic habe, Apostolicos Canones a multis Orientalibus Episcopis sub finem saec. III. scriptos, conjectaque in eos praecipuas antiquae disciplinae regulas, quae ab Apostolici Canones dicerentur: successu temporis accessisse etiam alia per fraudem haeticorum: quo referendus Iisidori locus in *can. 1. dist. 16.*: demum prodisse initio 85., namque hunc numerum Graeci semper servarunt: Latinos autem 50. tantum priores receperisse, quos Dionysius Exiguus in suum Codicem inseruerat (a). Si plura cupis, adi Bevcreg. in *Pandect. Canon.*, Cotel. *not. in Clem.*, & Dovjat *Praenot. lib. 3. c. 2.* Sed quae pauca pro instituto meo delibavi, satis tibi erunt, ut quae Gratianus tota *dist. 16. de Canonibus Apostolorum* edidit, nihil moreris.

Iisdem ferme argumentis cetero *Apostolicarum Constitutionum* libri, quos alii Apostolis, alii D. Clementi attribuunt, ab Apostolis, ac D. Clemente abjudicantur. Et vero Apostolicarum Constitutionum antiqui Ecclesiae Patres non meminere, ne il quidem, quibus earum laudandum se se dederat occasio; nam *cap. 15. lib. 6.* Africanis Patribus, qui de baptismo haeticorum contra Stephanum disputarunt, & *cap. 6., ac 20. lib. 5.,* itemque *cap. 25. lib. 6.* Ariani, ac Macedonianis mire favent: ea tamen capita non Africani Patres, aut Ariani, ac Macedoniani unquam laudarunt: nec porro earum meminere Eusebius, & Hieronymus Apostolorum, & Clementis opera recensentes. Illae jejunare vetant *secunda hebdomadis feria*: quod eo tempore fecisse *hipocritas* ajunt *lib. 7. c. 24.* Quis est autem antiquitatum adeo imperitius, qui non videat. Auctorem Constitutionum spectasse ad Manichaeos, quos in honorem *Lunae* secunda feria jejunasse, scribit Leo M. *serm. 33. c. 5.* At haereticis Manichaeorum sub finem saeculi III. primum erupit. Eas Gelasius P. apocryphas esse disertissime pronuntiavit in Synodo Romana. Denique in illis nonnulla sunt contra sacrae historiae fidem: nonnulla etiam contra Catholicae Ecclesiae doctrinam, quae singillatim persequitur N. Alexander in *saec. 1. dist. 19. prop. 1.* Jam fuisse id opus Apostolis affictum saec. IV., non obscure probat Apostolicarum Constitutionum mentio non rara apud S. Epiphanium, ut *haer. 45. 70. 75., & 80.* At vero *haer. 70.* illas dubiae apud multos fidei fuisse, scribit. Quod autem addit, *nihil aut in Fide, & Catholica professione depravatum, aut Ecclesiae administrationi, ac Decretis contrarium continuisse*; id argumento esse debet, posterioribus temporibus multa eis mala haeticorum, & maxime Arianorum opera accessisse: nam quae N. Alexandri opinio est, fuisse tempore Epiphani Constitutiones aliquas Apostolis adscriptas, sed plane alias ab iis, quae nunc circumferuntur; eam nec vetus ullum monumentum confirmat, neque ulla satis apposita adjuvat conjectura. Dicam verbo. Idem de Constitutionibus Apostolicis, quod de Apostolorum Canonibus, iudicium esto.

Neque aliud esse iudicium debere de novem Canonibus Antiocheno cui-

dam

(a) Canones 46., & 47. de haeticorum baptismo expendit Dovjatius *Praenot. lib. 3. c. 2.*

dam Apostolorum Concilio adscriptis, quos Turrrianus *lib. 1. pro Canonibus Apostolicis c. 25.* invenisse se scribit in vetustissimo Pamphyli Martyris Codice MS.; & veterum PP. silentium probat, & porro multa, quae habent, ab Apostolorum temporibus aliena: ac praecipue duo illa, quae *can. 1., & 8.* statuuntur: alterum, ut qui profitentur Fidem Christi, *Christiani* dicantur, non *Galilaei*; quum tamen ex Socrate *lib. 3. c. 12.*, Theodoro *lib. 3. c. 4.*, & Chrysostomo *Hom. 63.* compertum sit, primum omnium Julianum Apostatam, qui saec. IV. imperavit, Christianos per contumeliam dixisse *Galilaeos*, & quod addit Nazianz. *Orat. 3.*, lege cavisse, ne quis eos alio nomine appellaret: alterum, ut pro Idolis statua Christi adoretur; quum contra exploratum sit, imaginibus, & maxime statuis ut plurimum (a) abstinuisse veteres Christianos, ut, quoniam omnia eorum sive facta sive dicta Ethnici in peiorem partem torquebant, omnis abesset suspicio Idololatriae. Nec quidquam obturbant Innocentii I. verba de Ecclesia Antiochena *ep. 18.*, *Ibi & nomen accepit Religio Christiana, & conventum Apostolorum apud se fieri celeberrimum meruit*; nam conventum pro Synodo accipi *eo celeberrimum* vetat; anne enim *celeberrima* recte dici Synodus potest, cuius nomen ante Innocentium I. Forte Innocentius & Petrum Antiochiae sedisse, & Paulum ac Barnabam eo protectos illo verbo explicavit, ut bene N. Alexander in *saec. 1. diss. 20.* Quod porro is addit, forte Innocentium memoriae lapsu Antiochiae tribuisse, quod erat Hierosolymis tribuendum, id mihi quidem vix probatur; quod veri speciem non habeat, Innocentium in describenda re plane vulgata, quam proprie spectabat Epistola, memoriam defecisse.

Post saec. III. pace per Imperat. Constantinum Ecclesiae data coeperunt Episcoporum conventus multo frequentius haberi. Hinc excrevit in dies Canonum numero, utile, atque adco necessarium visum est, eos ex multis Conciliis selectos in unum corpus conferre: idque primum in Orientali, tum in Occidentali Ecclesia factum. Mihi in animo est celebriores Canonum Collectiones huc adferre: idque ad eruditionem adolescentum, quorum gratia hoc opus aggredior, videtur satis. Quas omitto, eae a scriptoribus Ecclesiasticis per raro laudantur, ut proinde earum enarratio multum operae habeat, parum utilitatis. Jam Collectionum non eadem ratio fuit. Aliae Canones integros, aliae contractos: quaedam solum Canones, quaedam Canones simul, & Leges habent: atque hae *Nomocanones* dictae. Quantum ad methodum, in antiquioribus Canones secundum temporum tere seriem digesti: in recentioribus ad sua quique capita, seu classes, ut postulare ipsa materia videbatur, relati sunt.

Omnibus Graecorum Collectionibus tempore praecunt Canones Apostolorum, atque Apostolicae Constitutiones. Sed de iis jam dictum. Dicam de aliis. Collectiones, quae temporum ferme seriem sequuntur, Graeci habent omnino quinque. Primae sub Theodosio M. circa an. 385. composita Auctor incertus, titulus hic, *Codex Canonum*. Tanti fuit, ut in Conciliis ad controversias dirimendas cum Libro Evangeliorum adhiberetur. Secundae Auctor incertus, incertus titulus, proprium tempus incertum: certe vero scripta est post Chalced. Concilium, cuius 29. Canones habet. Eam sub titulo *Codici Canonum Ecclesiae Universae an. 1010.* edidit Christophorus Justellus. Secundam non multo post excepit Tertia, quam Florens, Petrus de Marca, & novissime Dobjatius *lib. 3. Praenot. c. 5.* Theodorito Cyri Episcopo attribuit contra Justellum. Quartae occasio passim traditur, praeterea nihil. Occasionem secundus ei dedit Trullanae Synodi Canon, quo multa Conciliorum Decreta, & Graecorum Pa-

(a) Non enim omnino nullus, sed rarus fuit olim sacrarum iraginum usus.

trum sententiae recenserentur, & confirmantur. Tum circa an. 790. aucta isthaec Collectio fuit Canonibus 22. Synodi Nicaenae II. Quinta auctore Photio Constantinopolitano Patriarcha schismatico homine post Conciliabulum Constantinopolitano in Templo S. Sophiae habitum an. 879. prodit, & forte circa an. 880. Photianam Collectionem Joh. Zonaras, Alexius Arislinus ambo Monachi, & Theodorus Balsamon Antiochenus Patriarcha schismatici Commentarii, caute tamen legendis, ornarunt. Celebriores Graecorum Collectiones in certa capita tributae tres sunt. Duarum auctor Joh. Antiochenus cognomento *Scholasticus*, quod ex *Schola*, hoc est, ordine Advocatorum, qui & *Scholastici* dicti, ad Ecclesiasticum transiit. Is adhuc Presbyter ex ea Graecorum Collectione, cuius auctorem fecimus Theodoritum, novam nova methodo Collectionem concinnavit: quod bene contra Florentem adstruit Dovjat. c. 9. Ejus sub nomine *Concordiae Canonum* meminisse videtur Nicolaus I. can. ult. dist. 16. Tum Patriarcha Constantinopolitanus creatus, quod factum an. 564., primus *Nomocanonem* conscripsit, atque iurque suae Collectioni. Tertiae auctor is idem Photius, de quo dictum: eaque composita ad exemplum Nomocanonis Joh. Antiocheni *Nomocanon* Photii appellatur.

Venio ad Latinos, quorum praecipuae prioris generis Collectiones sunt numero quatuor. Prima est Canonum secundae illius Graecae Collectionis, quam post Concilium Chalcedonense scriptam diximus, Latina versio. Sunt autem eorum versiones multae, receptissima vero, quae adscribitur S. Leoni. Secunda, quae vulgo dicitur *Codex Canonum veteris Ecclesiae Romanae*, auctorem habet Dionysium cognomento *Exiguum* Iustiniano Imp. coaevum. Is & Canones bene multos Graecorum Conciliorum a se latine redditos, & Decreta Romanorum Pontificum a Siricio ad Hormisdam collegit: qua in re animadvertendum, ut in Conciliis Canonibus colligendis Graeci Latinis exemplo fuerunt, in colligendis Romanorum Pontificum Decretis Latinos exemplo Graecis fuisse. Tertiae auctor Isidorus Episcopus Hispalensis, qui sexto, ac septimo Ecclesiae saeculo floruit; sed qualis ea sit, multae enim Collectiones ei tribuuntur, adhuc non constat. Vero propius est, genuinam Isidori Collectionem esse, quam reperit Petrus de Marca in Bibliotheca Ecclesiae Urgellensis in Catalonia, cuiusque Ordinem diligenter enarrat Dovjat. c. 19. In eam Isidorus Dionysium imitatus non Canones solum, sed & Decreta Pontificum inseruit. Quarta est Isidori cognomento *Mercatoris*, ut libri quidam habent, sive *Peccatoris*, ut habent alii, quod posterius cognomentum ea ratione praefertur nonnulli, quod Latinis Episcopis Conciliorum Decreta subscribentibus solenne olim fuerit se *peccatores* cognominare, quemadmodum Graeci se se *ἀμαρτωλούς* cognominabant. Is Collectionem Hispalensis adauxit Apostolicorum Canonum, & Decretalium Epistolarum D. Clementis, aliorumque veterum Pontificum ulque ad Damalum accessione. Sed Decretales istae antiquioribus Siricio Pontificibus attributae multas in Ecclesia turbas excitarunt. Eas Riculfus, seu Richolphus saeculo VIII. Archiepiscopus Moguntinus in Galliam intulit, & evulgavit, teste Hincmaro Rhemenfi Archiepiscopo lib. 55. Capit. c. 34. Principio eas Galliae Episcopi genuinas habuere, ex eisque Hincmarus Laudunensis privatam pro Ecclesia sua Collectionem confecit; verum Hincmarus Rhemenfis, qui initio communem opinionem sequutus Decretales illas laudaverat in Opusculis suis, procedente tempore doctior factus eas sibi suspectas professus est, atque in suo contra Laudunensem Opusculo haud esse in numero Canonum habendas contendit: quod idem diserte tradidit lib. 55. Capit. c. 25., & 43.: sicque multos Galliae Episcopos in suam sententiam adduxit. Contra Nicolaus I. ep. 42. ad Episcopos Galliae late pro illis disputat adversus Gallos. Nicolao mortuo eadem

eadem disputatio sub Hadriano II., Joh. VIII., aliisque Pontificibus recruduit. Tandem Patres Concilii Rhemensis sub Rege Hugone habiti aliquid eis tribuisse visi sunt in causa Arnulphi Archiepiscopi. V. Perrum de Marca, *lib. 3. Concord. c. 6.*, & Baluz. *Praefat. ad Ant. Aug. de Emend. Gratian.* Illud exploratissimum est, ab *an. Chr. 900.* usque ad saecul. XIV. in Occidente universo earum Decretalium fidem stetit: quod Collectiones per id tempus evulgatae satis luculenter ostendunt: unde restissime dictum a Petro de Marca, jus Canonicum novum ex Isidori Collectione enatum in Occidente. At vero circa tempus Concilii Basileensis Nicolaus Cusanus Cardinalis *lib. 2. de Concord. Cathol. cap. 37.*, & *lib. 3. cap. 2.* quarundam ex eis fidem coepit in dubium revocare: cumque eo doctiores quique senserant. Postremo quum multas illarum sententias Catholici haereticis, ac praecipue Lutheranis, & Calvinistis opponerent, hique illas a Mercatore confictas ad adstruendam Romanorum Pontificum potentiam contenderent; in eas diligentius inquiri coeptum est, ac denique a doctissimis Catholicorum ita statutum, illas Isidori, aut, quod nonnulli addunt, Riculsi etiam figmentum esse. Acris hac super re disputatio instituta est inter Turrianum e Soc. Jesu, & Blondellum e grege Calvini. Prostant Turriani Libri pro istis Decretalibus, & Blondelli liber in contrariam sententiam sub *tit. Pseudo-Isidorus, & Turrianus rapulantes*. Nihil est autem, cur haeretici aut hujus critices gloriam tribuant sibi, aut putent, Decretalibus istis ad apocrypha ablegatis aliquid de dignitate Ecclesiae Romanae decessisse: namque ante eos & Cardinali Cusano, & aliis Catholicis scriptoribus figmentum illud Isidori suboluit, neque ad jus suum stabiendum figmentis indiget Ecclesia Romana, uti bene Cardinalis Baronius hoc idem argumentum pertractans ad *an. 863.* Jam praecipua istius figmenti argumenta haec sunt. Primum verisimile non est, eas Decretales non meminisse Hieronymum, non Romanos Pontifices aetate Isidori antiquiores, non octo priora Oecumenica Concilia, non Photium antiquitatum Ecclesiasticarum studiosissimum, non Dionysium Exiguum, qui scripserit Romanae Ecclesiae diligenter excussis Decretales Pontificum, quotquot reperit, collegisse se scribit *ep. ad Julianum tit. S. Anastas. Presbyterum*: nec quemquam alium ante saeculum IX. Deinde veri speciem non habet, in tot diversorum Pontificum sane multorum Epistolis unum eundemque esse scribendi characterem. Postremo habent illae quamplurima saeculo III. recentiora, & Scripturae loca ex versione S. Hieronymi descripta, & sententias ex Theodosiano Codice, & Constitutionibus Justiniani depraevatas, & posteriorum Conciliorum, Pontificumque Canones, ac Decreta, & alia multa id genus. Duo hic moneo. Unum est, in apocryphis veterum Pontificum Epistolis non paucae esse vere, & pie scriptae: alterum est, si qua ex iis epistola ab antiquis Ecclesiae Patribus memoratur, eam esse procul dubio genuinam. Sic genuinae sunt Epistolae S. Cornelii apud Cyprianum, Epistolae Julii I. apud Athanasium *Apolog. 2.*, Epistolae Liberii apud Hilarium in *Fragm.*, Damasi Epistola ad Episcopos Illyrici apud Theodoret. *lib. 2. Hist. c. 23.*, aliaeque etiam Damasi apud Hieronymum.

Latinae posterioris generis Collectiones praecipuae sunt numero novem. Prima est *Breviatio Canonum* Fulgentii Ferrandi Diaconi Ecclesiae Carthaginensis, quem saec. VI. floruisse, scriptum est in Chronico Victoris Tununenensis Episcopi. Secunda est *Collectio Orientalium Canonum* Martini Bracarensis, qui VI. etiam saeculo inclaruit. Tertia est *Breviarium-Canonicum* Cresconii, live Cricconii Episcopi Africani, qui vixit saec. VII. Quarta est *Concordia*, vel *Libri Canonum* ejusdem Cresconii. Quinta sunt Libri duo de *Ecclesiasticis Di-*
sci-

seiplinis, & Religione Christiana, quos IX. saec. scripsit Regino monachus ex sodalitate S. Benedicti. Sexta est *Magnum Decretorum volumen*, quae genuina est operis inscriptio, sive, ut brevitatis gratia vulgo coepit laudari, *Decretum* Burchardi Wormatiensis Episcopi. Septima est Ivonis Carnotensis Episcopi, qui saec. XI. scripsit, sub tit. *Exceptionum Ecclesiasticarum Regularum*, quae Collectio vulgo *Decretum* dicitur. Octava est ejusdem Ivonis inscripta *Pannormia*, seu *Pannormia*, nomine facto partim ex Graeco idiomate, partim ex Latino, quo librum omnes recte ac rite vivendi normas comprehendentem Auctor expressit. Qui proprietatem verborum sectantes *Pannormiae* nomen substituunt, ii ad ruditatem saeculi XI. non attendunt. Nona sunt *Capitularia* Regum, atque Imperatorum Francorum.

Hae sunt celeberrimae Canonum Collectiones secundum ordinem materiarum ante saec. XI. scriptae a Latinis. Sed omnium inter Latinos celeberrimae sunt *Decretum*, *Decretales*, *Sextus Decretalium Liber*, *Clementinae*, *Extravagantes*: ex quibus constat Corpus juris Canonici hodie ubique in Scholis, ac Foro receptum. Decreti Auctor Gratianus Monachus Benedictinus Clusii natus. Is ab anno 1127. ad an. 1150. novam Collectionem adornasse perhibetur: tum eam an. 1151., uti est in ejus Epitaphio apud Pancirol. *de Clar. LL. interpret.*, edidisse sub titulo *Concordiae discordantium Canonum*, quod multa Scripturarum, Conciliorum, Pontificum, Patrum, aliorumque Scriptorum loca in speciem pugnantia eo libro committantur, atque adjectis interpretationibus conciliuntur: vulgo autem ea Collectio *Decretum* Gratiani per abusum appellatur. Multa quoque juris Romani loca in suum Decretum retulit Gratianus; jam enim ea aetate jus Romanum coeperat Bononiae tradi, atque Ecclesiastica judicia ex ejus formula exerceri; unde aequae haec, atque alia *Canonis* nomine laudantur. Sunt capita quaedam, quibus inscribitur *Palea*: de qua Epigraphe non idem omnibus. A vero propius adest opinio, quae fert, eam vocem nomen esse auctoris eorum Capitum, quae fuere primum margini adscripta, tum per librarios in ipsum textum intrusa. Et vero ab antiquis Gratiani exemplaribus ab sunt ea capita, Ant. Augustino teste *lib. 1. de Emend. Gratian. dial. 2.*, & unus vetus, & castigatissimus Codex, quem Romani Correctores laudant, ea habet in margine. Opus suum tribuit Gratianus in partes tres, quarum prima habet *Distinctiones* CI.: secunda *Causas* XXXVI., quarum singulae plures continent *Quaestiones*: tertia in *Distinctiones* V. divisa inscribitur *de Consecratione*. Quas Gratianus *causas*, Romani Jurisconsulti *species*, & *casus* appellant. Multa Gratianus peccavit vitio temporis, quo nec mos erat authentica ipsa consulare, neque omnia erant ad manum, ac si qua erant, mendis librorum scatebant: porro ars deerat, qua vera, & supposititia intemolerentur. Quoniam autem Gratiani Librum Scholae passim receperant, oportere visum est emendatricis manus ad eum admoventi. Primi suas admoventur Ant. Demochares Theologus, & Ant. Contius Jurisconsultus: qua de re Florens *Pref. de method. & autorit. Grat.*; sed hi prope innumera posteris emendanda reliquerunt. Sub Pio IV., atque hujus successore Pio V., ac tandem sub Gregorio XIII. a solertissimis viris publico judicio probatis Opus illud repurgatum est Romae: atque hi sunt *Romani Correctores*, quos his libris persaepe laudabo. Quid praestiterint, & in eorum Praefatione, quae Gratiani Decretum praefit, & quum primis habes in eorum animadversionibus in pleraque capita ejus Libri. Per idem tempus emendando Gratiano adlaborabat Ant. Augustinus Archiepiscopus Tarraconensis, cujus sunt *libri duo Dialogorum de emendatione Gratiani*. Jam prope absolverat is suum opus, quum exemplar Decreti per Romanos Correctores

dores emendati ad eum perlatum est Tarraconem: unde auctum opus novis accessionibus, quae sunt in fine singulorum Dialogorum. Ant. Augustini libri opera Stephani Baluzii recusi sunt Baluzianis notis quum in Ant. Augustinum, tum in Gratianum auctiores. Ita doctissimi Viri collatis operis Gratiani sordes eluerunt. Sed non pauca eorum diligentiam effugere, quae novissime adnotavit Van-Espen in *Decret. Gratiani*: & forte adhuc sunt quaedam, quae novam operam requirunt. Nonnulla, ut se se dabit occasio, admonebo. Decretum neque ab Eugenio III., neque a Gregorio XIII. vim juris accepisse, jam satis constat: quaeque sunt in eo volumine, ejus fidei esse, cujus sunt in autographis. Venio ad Decretales Gregorii IX. Per id tempus, quod inter editum Gratiani Decretum, & Decretales Gregorii IX. medium excurrit, octo Decretalium Collectiones prodire, quarum quinque usus recepit, nempe has, primam Bernardi Papiensis, secundam Johannis Vallenensis, tertiam Petri Beneventani, quae omnium prima publico jussu scripta est, puta, Innocenti III.: quartam Anonymi sub eodem Innoc., quintam Honorii III., quam suis animadversionibus ornatam edidit Innoc. Cironius an. 1645. Has veterum Canonici juris interpretum alii nomine Compilationis primae, 1. 3. 4., & 5., alii nomine Libri primi, 2. 3. 4., & 5. laudant. Harum Collectionum nulla est hoc tempore pars Corporis juris Canonici. Nunc secunda ejus pars est Collectio, quam Gregorius IX. concinnavit an. 1230. opera usus Raymundi a Pegna forti, quem Clemens VIII. retulit in Canonem Sanctorum. Collectio haec inscribitur *Decretalium Gregorii IX. Papae Compilatio*: vulgo autem solo *Decretalium* nomine laudatur. Habet ea pauca quaedam Scripturae loca, Canones nonnullos Conciliorum, sententias quosdam Patrum, aliorumque Scriptorum; sed maximam partem constat ex Epistolis Decretalibus Summorum Pontificum circiter sex & triginta a Gregorio I. ad IX.; unde factum Collectioni nomen. Quidquid in ea est, juris vim habet ex Gregorii IX. Constitutione, quae in eo volumine Praefationis loco est. Post Decretales editas multae Gregorii IX., ac successorum Pontificum usque ad Bonifacium VIII. novae Constitutiones prodire. Eas collegit Bonifacius VIII., addiditque Decreta duorum generalium Lugdunensium Conciliorum, quorum prius sub Innoc. IV. habitum an. 1245., alterum sub Greg. X. an. 1274. Collectionis hujus nomen est *Sextus*, quod Gregoriana Collectio in quinque libros divisae accedat. Sed & in quinque libros *Sextus* Bonifacii liber tributus est. Sextum sequuntur *Clementinae*. Clemens V. Constitutiones Concilii Viennensis oecumenici, cui praefuit an. 1311., & quasdam suas Constitutiones, & Decretales Epistolas vulgare proposuerat sub titulo *libri VII. Decretalium*; sed eo morte occupato Johannes XXII. Collectionem Clementis edidit an. 1317. sub titulo *Clementinarum*. Ultima Corporis juris Canonici pars sunt *Extravagantes*. Hoc nomine designabantur olim Constitutiones omnes, quae extra Gratiani Decretum vagabantur: quod *Breviarium Extravagantium* Bernardi Papiensis Decreto Gratiani recentius ostendit: nunc *Extravagantes* dicuntur (licet extra Corpus recepti juris Canonici non vagentur) Constitutiones 20. Johannes XXII., ab ipso Johanne editae an. 1325. Sunt & Extravagantes vulgo *communes* dictae, quod non unius Pontificis propriae, uti Extravagantes Johannis XXII., sed communes sint plurium, nempe Pontificum XXV. ab Urbano IV. (si priorem *cap. 1. de sim.* epigraphen retineas) usque ad Sixtum IV.

INSTITUTIONUM CANONICARUM

LIBER I.

TITULUS I.

De Jure Canonico.



US Canonicum est a *Canone*. Canonis in re quum Ecclesiastica, tum Civili acceptio multiplex, de qua Doytius *Praenot. Canon. lib. 1. c. 1.*: proprie *Κανών* est Architectorum, aliorumque Artificum instrumentum, quo lineae diriguntur: *μυστοποικίς* est regula, quae Christianorum actiones dirigit ad aeternae beatitudinis finem, quo jus Canonicum spectat. In hanc sententiam leges quoque Principum, quae bonam civem instituunt, dici Canones recte possunt, unde Chrysippus apud Marcianum *l. 2. D. de leg. legem definit κατὰ δίκαιον, κατ' εὐνομίαν, regulam justorum, & injustorum*. Sed Ecclesiastici juris dignitas fecit, ut sacrae Patrum constitutiones, quae Christiani hominis mores formant, inde usque a temporibus Apostolorum *Canones* dicerentur, S. Paul. in Graeca *ep. ad Philip. cap. 3. v. 16*. Constat autem Jus nostrum ex Jure Divino, Constitutionibus, & Consuetudine: sicque, ut Romanum, aut scriptum est, aut non scriptum.

Divinum jus, quod & *Verbum Dei* appellatur, Veteri, ac Novo Testamento comprehenditur. Praeceptorum Veteris Testamenti genus triplex: unum eorum, quae ad judicia: alterum eorum, quae ad ceremonias: tertium eorum, quae pertinent ad mores. Duo illa, quae jus Divinum Civile dici recte poterant, quod essent ingenii hominum, ac temporibus accommodata, morte Christi sublata sunt, S. Aug. *ep. 19.*, S. Hieron. *epist. 11.*, ac si qua Mosaica de judiciis praecepta arripuit Ecclesia (arripuit autem nonnulla, *cap. 1. de adult. cap. 1. de furt.*) ea nunc Ecclesiastici juris pars sunt: tertium, quod naturale jus sit, stat adhuc, aeternumque stabit, ac praecipuus fons est juris Canonici. Praeceptorum Novi Testamenti genus duplex: unum eorum, quae spectant ceremonias, quo Sacrificium, & Sacramenta referuntur: alterum eorum, quae mores: atque haec sunt ipsa eadem, quae fuere in Veteri Testamento de moribus scripta, & Decalogo continentur. Utrumque sancta lex est. De judiciis praeeptum nullum in Novo Testamento. Judiciale jus Ecclesiae humanum est ex jure Mosaico de judiciis, & maximam partem ex jure Civili conflatum: in multis autem primum a Pontificibus institutum: qua de re *lib. 3.*

Constitutio est hic jus humanum scriptum, quod aut Civile est, aut Ecclesiasticum. Lancellotus *tit. 2. §. 3.* nihil omnino esse cum re sacra Christianis Principibus opinatur, atque, etiam si quid legibus eorum statuatur, quod in Ecclesiae bonum cedat, nisi ab Ecclesia comprobetur, ejus vim nullam

iam esse ex *can. 1. in fin. dist. 96.* Judicium de hac re meum habes *lib. 1. Hist. Juris Nesp. tit. 2.*, quem locum adi. Ecclesiasticae Constitutiones proprie *Canones* appellantur, ut dictum est. Canonum autem alii sunt *Statuta Conciliorum*, alii *Decreta Pontificum*, alii *Dicta Sanctorum*, *can. 1. dist. 20.* Concilia Graecis Synodi sunt Cleri conventus ad tractandum de Fide, atque Ecclesiastica Disciplina rite ac sollemniter habiti. Conciliorum alia *generalia*, seu *oecumenica*, S. Augustino *plenaria dicta lib. 2. de bapt. contr. Donat. c. 3.*, de quibus apud Gratian. *dist. 15.*, & 16., alia *particularia*, seu *topica*: atque horum alia *Provincialia*, sive unius Provinciae, de quibus *can. 3.*, & passim, *dist. 18.*, sive plurium: alia *Nationalia*, quae dicta olim *Dioecessana*, quod totius nationis, seu majoris Dioeceseos Episcopi convenirent: alia *Dioecessana*, quae & *Episcopalia* dicuntur, quod ea habet Episcopus cum Presbyteris suae Dioecesis, *can. 16. dist. 18.* Discrimen inter oecumenica, & alia minora Concilia non in eorum, qui intersunt, numero est positum, nam Constantinopolitanae Synodo, quae secunda oecumenica fuit, centum quinquaginta: Carthaginensi, quae fuit nationalis, septemdecim supra ducentos adfuisse, inter quos S. Augustinus, uti Prosper in *Chron.*; sed in diversa eorum vocandorum ratione. Quod habet Romanus Pontifex accitis omnibus omnium Christiani orbis Ecclesiarum Catholicis Episcopis, cuique aut ipse per se praest, aut per suos Legatos, id generale Concilium est. Quod aut idem Pontifex habet, aut Patriarcha, aut Exarchus, aut Primas advocatis Regionis unius Episcopis, id est *nationale*: idemque de Provinciali, ac Dioecessana Synodo jus est. Jus oecumenica Concilia indiciendi penes Rom. Pontificem semper fuit. Id & PP. Concilii Constantinopolitani I. profitentur in *ep. Synodica ad Damasum*, quae est apud Theodoret. *lib. 5. Hist. cap. 9.*, & Pelagius II. disertè docet *ep. 8.* ad Episcopos a Joh. Constantinop. Patriarcha, qui jus generalis Concilii indiciendi usurpaverat, Constantinopolim advocatos: quam Epistolam illi silentio probarunt: & Francorum Capitularia non uno loco, maxime autem *lib. 6. cap. 287.*, ac demum omnia oecumenica Concilia in Occidente habita a Romanis Pontificibus indicta luculentissime confirmant. Videsis Christianum Lupum Schol. in *can. 16. Dictati S. Greg. VII.* id jus Romano Pontifici latissime vindicantem contra nonnullos, ac praecipue contra Joh. Launojum. Exploratum quidem est, Constantinum Imp. Nicaenum, aliosque alia Orientis Concilia convocasse: sed quis eos non ex sententia Romanorum Pontificum id ausos affirmet? Certe Constantinum convocasse Nicaenum Concilium scribit Rufinus *lib. 5. Hist. Eccl. c. 1. ex sententia Sacerdotum*, hoc est, Episcoporum: & *Act. 18.* Synodi VI. Generalis *serm. Prosphontico*, seu *Acclamatorio* scriptum est, *Constantinum, & Sylvestrum magnam in Nicæa Synodum congregasse*: & Valentinianus ab Hellepont, Bithyniae, aliisque Episcopis rogatus, ut pro doctrina Fidei rite constituenda Concilii faceret potestatem, *sibi, qui unus o laicorum numero erat, non licere, se ejusmodi negotiis interponere*: ideoque *Sacerdotes, & Episcopos seorsum per se, ubicumque eis libitum esset, posse in unum convenire*, respondit apud Sozom. *lib. 6. Hist. Eccl. c. 7.* Et vero quum de indicendis Conciliis agebatur, aliae Romanorum Pontificum, aliae Principum partes erant. Ut eorum, quae in Concilio statuebantur, sacra staret auctoritas sacra Pontificum auctoritate opus erat. Patribus, quum Ecclesiae temporale dominium non dum accefferat, locum habendo Concilio dare, ac Tractoriis literis paupertati eorum consulere, munia erant Principum Christianorum: erantque praeterea olim, & vero etiam sunt adhuc eorum munia, Ecclesiasticam auctoritatem Civili potestate adjuvare; sunt enim tutores Canonum, atque

Tom.V.

B

que

que exequutores, ac porro videre, nam & ii sunt capita Reip., cujus pars Ecclesia, quod est proprium Optati Milevitani dictum, ne quid damni pro varia temporum, & locorum ratione ex indicto multorum conventu in Remp. redundet: qua de re in legibus caurum: eoque pertinent *l. convensicula C.Th. de Ep. & Cler.*, & *l. 1. de Colleg.* Haec fecere, ut quandoque Romani Pontifices ad indicenda Concilia Imperatores hortarentur, idque eos etiam rogarent. V. Liberii P. *Epist.* ad Constantium, ac Theodor. *lib. 2. Hist. Eccl. cap. 13.* Nunc quaedam pauca attingam de ritu, quem in Conciliis, & maxime Generalibus celebrandis servavit Ecclesia. Locus, quo ea plerumque habita, Ecclesia fuit: ibique habitas sex priores oecumenicas Synodos, tradit Scriptor Vitae S. Stephani junioris *Analect. Graec. tom. 1. (a)* In Catechumeniis, quae pars erant Navis Ecclesiae, qua mulieres a viris secretas confidebant sacros cantus, ac Dei verbum auscultaturae *(b)*, Concilium Constantinop. *an. 1165.* fuisse habitum, Leo Allatus docet *de consens. Eccl. lib. 2. c. 11.* In Secretario etiam, quod inter Ecclesiae Exedras erat, Carthaginensia Concilia III. IV. V., & VI., atque alia nonnulla habita, satis constat: quo factum recte Du Fresnius advertit *Comm. in Paul. Silentiar.*, ut ipsae Conciliorum Sessiones Secretaria dicerentur. Sed Secretaria olim, quod sua haberent Altaria, haud longe aberant a Sacris Templis *(c)*. Conciliis aderant Episcopi, Presbyteri, Diaconi, alique inferioris ordinis Clerici. Nicaeno Concilio Episcopos 318. (quae receptior sententia est) & Presbyterorum, Diaconorum, atque Acolythorum ingentem numerum interfuisse, testes sunt Euseb. *lib. 3. c. 8.*, & Socrates *lib. 1. c. 8.* Sedebant Episcopi in primo ordine, a tergo Presbyteri; stabant autem Diaconi, ac ceteri inferiores Clerici. Concil. Elib. in *Praefat.*, Concil. Tolet. *c. 4.* Suffragii jus proprium semper fuit Episcoporum, quibus Ecclesiae regimen jure Divino datum, *Act. 20.* Presbyteri, ac Diaconi aut in consilium ab Episcopis adhibendi, aut cum haereticis praesentibus disputaturi ad Concilium acciti: quo nomine Origenem Arabico, Malchionem Presbyterum Antiocheno, ac Nicaeno Concilio Athanasium Diaconum interfuisse, scribant Euseb. *lib. 6. Hist. cap. 37.*, & *lib. 7. c. 28.*, ac Rufinus, & Socrates: interdu etiam vicario jure suffragium dabant, puta absentium Episcoporum nomine, a quibus mittebantur: atque hos in Orientalibus Conciliis sedisse inter Episcopos, cumque Episcopis subscripsisse, quibus locis sedere, ac subscribere debuissent illi, quorum erant procuratores, ex Nicaenis Conciliis I., & II. Constantinopolitanis, Ephesinis, atque aliis patet: in Occidentalibus autem & post Episcopos sedisse, & subscripsisse seorsum ab eis, Arelatense I., Romanum I. sub Symmacho, Agathense, atque alia commonstrant. Nunc jure singulari Ecclesiastico Cardinales sunt in Conciliis judices, licet Episcopi non sint: itemque Abbates consecrati, & Ordinum Regularium Generales. Olim quoque subscripsisse Conciliis Abbates, satis probat Concilium Constantinopolitanum I., cui Abbates subscribere numero 23. Sed non eadem omnino formula Episcopi subscribebant, atque Abbates. Episcopi formula erat haec, *N. Episcopus judicans subscripsi*: a formula autem Abbatis *ro judicans* aberat,

(a) Quod ex Euseb. *lib. 3. de Vita Const. c. 12.*, Sozom. *lib. 1. c. 18.*, ac Theodorito *lib. 1. c. 7.* vulgo putant, Nicaenum Concilium in Palatio habitum, id falsum esse, multis argumentis, & maxime ipsius Eusebii testimonio *ex cap. 7.* probat Valesius in Euseb. *lib. 3. c. 12.*

(b) De Catechumeniis dicam *lib. 2.*

(c) Late de Secretario *lib. 2.*

aberat, ut inde liqueret, in Conciliis Episcopum proprie judicem esse, Abbatem Episcopi judicio adfentire: & sane contra Canones fecit Theodosius Imp., quum Barsumae Archimandritae ad Synodum Ephesinam II., quae vulgo dicitur *Praedioria*, suis literis accersito jus suffragii decrevit: qua de re Nat. Alex. in *saec. V. art. 13. §. 8.* Advenientes a Diaconis introductos, & Rituales Libri MSS. tradunt, & Conciliorum acta apertissimum faciunt. Imperatores etiam & Reges Conciliis interfuisse, compertum est, ut eos, qui Conciliis aderant, sua praesentia continerent in officio, Fidemque Catholicam, & Canones apud eos, qui peccare oderunt formidine poenae, suo imperio facerent sanctiores, non ut quidquam de Religione caverent: quod pie professus est in Conc. Chalced. *act. 6.* Imp. Marcianus. In Concilium deferabantur Evangelium, quod in sancto Throno collocabatur, Cyrill. Alex. in *Apolog ad Theodor.*, Reliquiae Sanctorum, ut ex Actis Concilii Chalcedonenfis, Nicaeni II., & Constantinopolitani ultimi, & quandoque etiam Imagines, Greg. P. II. *ep. 2. ad Leon. I. Iaur.* Primum Diaconus aliquid ex Evangelio legebat, deinde Praefes Concilii proferri, ac perlegi jubebat Apostolicas Literas, quae in Conciliis Graecis primum Latine, tum eorum caussa, qui Latinas literas ignorabant, Graece perlegebantur. Post haec condebantur Canones primum de Fide Catholica, tum de Disciplina Ecclesiastica, & morum emendatione; ac si qua incideret disputatio, disputantium verba Notarii excipiebant, Socrar. *lib. 2. c. 30. Aug. ep. 33., & 44.* Conditos Canones sequebantur Adclamationes, ac Subscriptions; & Concilii Acta ad absentes Episcopos subscribenda transmittabantur, Concil. Parisiens. III. *can. 10.* Ordinem sessionis enarrant Valesius in Euseb. *lib. 5. Hist. c. 23.,* & Cabassutius in Conc. Nicaenum sub initium.

Pontificum Constitutiones sunt *Decreta, Decretales Epistola, ac Rescripta.* Decreta jure Civili causae cognitionem desiderant, l. 9. §. 1. *de off. Procons.* suntque Decreta Principum Imperiales sententiae in cognitionibus prolatae, de quibus tres libros scripsisse Paulum accepimus. At vero in re Ecclesiastica Decretorum nomiae veteres illas Constitutiones proprie intelligi, tradit Doyarius l. 2. c. 21. *num. 6.,* quas Romani Pontifices a nemine consulti in Synodo Provinciae Romanae, aut Episcoporum Italiae totius ut plurimum edebant, uti ex Leone M. liquet *Decret. c. 13.* nunc Cardinalium consilio edunt: quales Constitutiones Civile jus *Edicta* vocat: intelligi quoque Responso per id tempus ad quaestiones Episcoporum emissa: quales Constitutiones *Rescripta* dicunt Romani Jurisconsulti. Decretales Epistolae sunt rescripta Pontificum ad Praelatos, privatosve sive consultores, sive relatores, quae licet plerumque ad privatam causam spectent; tamen, quod eo animo concepta sint, ut ad similes species producantur, vim obtinent Constitutionis, *cap. 8. 9., & 14. de rescript.* qualia sunt jure Romano Principum Rescripta. Porro *Rescripta* Pontificum proprie nunc sunt Literae, quibus fieri aliquid supplicantium causa jubent: eaeque *Diplomata* quoque appellantur, ac *Bullae, Brevis*que opponuntur. Maximam Pontificiae Constitutiones vim habent: habent quoque multam *Dicta*, seu sententiae SS. Patrum, sed non tantam; nisi enim publica auctoritate inserta sint libris juris (in qua demum specie parem cum Pontificiis Constitutionibus faciunt fidem arg. l. 7. §. 6. *C. de vet. jur. enucl.*) pars juris non sunt, *tor. dist. 20.*; eademque eorum ratio est, quae Responso Prudentum ante tempora Augusti fuit.

Juris, quod ex non scripto venit, summas partes vulgo faciunt duas *Traditionem, & Consuetudinem*, laudantque Augustini testimonium in *can. 8. dist.*

INSTITUT. CANONIC.

11., in quem v. Correctores Rom. Alii Traditionem commode posse ad Consuetudinem referri aiunt testimonio S. Basilii *can. 11. dist. 11.*, qui Traditionem diferte *Consuetudinem* vocat. Ego Traditionem juris scripti partem facio. Sane scriptum jus, & non scriptum non scriptura differunt, sed hoc uno, quod non scriptum moribus, seu factis populi introducit, scriptum sola voluntate legislatoris constituitur: atque hoc *scriptum* dicitur, etiam si non scribatur, illud dicitur *non scriptum*, licet scripto comprehendatur: Traditi nis autem nomine Tridentini Patres intelligunt *sess. 4. pr. c. 4.* quae *ipsum Christi ore ab Apostolis accepta*, aut *ab ipsis Apostolis Spiritu Sancto dictante quasi per manus tradita sine scripto ad nos pervenerunt*: quo spectat Pauli locus 2. ad *Thesal. 2. v. 15.* Ut ut sit, traditionis tanta vis est, quanta Divinarum Scripturarum: & sunt certe multa Fidei, ac Disciplinae capita, quae sola traditione constant, & sanctissime in Ecclesia custodiuntur, ut quae sunt sacris literis consignata, *Tertull. de coron. mili. c. 3.*, S. *Basil. ibid.* Consuetudinis (nisi sit contra jus Divinum; namque haec non tam consuetudo, quam vetustas erroris est appellanda *can. 8. dist. 8.*) magna vis est. Ea vel generalis, quam Christianus orbis universus, vel specialis, quam Regio, aut Provincia, aut certa aliqua servat Ecclesia. Generalem, cuius originem ignoramus, vel ab ipsis Apostolis, vel a plenariis Conciliis repetendam, ac pro lege servandam, docet S. Augustinus *ep. 118. ad Jan. in can. 11. dist. 12.* & *epist. 86. ad Casul. in can. 7. dist. 11.* Hinc Tertullianus *loc. cit.* nefas esse scribit *die Dominico de geniculis adorare*; & Aug. *d. epist. 86. Deum offendere* ait, qui *die Dominico jejanat*; sic enim ferebat Ecclesiae universae consuetudo, ut Dominico die fideles in Dominicae resurrectionis memoriam stantes in Ecclesia orarent, ac laeti jejunio abstinerent. Specialis aut praeter legem est, quae, quum jus scriptum deficiat, pro lege suscipitur, *132. c. 33. de leg. & can. 5. dist. 1.*; aut contra legem, quae si *rationabilis sit*, & *legitime praescripta* (praescriptionem quadragenariam Canones probant, *cap. 15. de praescript. v. Gloss. in cap. ult. de consuetud.*) jus scriptum humanum tollit, *d. cap. ult. de consuet.*; aut denique secundum legem, quae scriptum jus dubium interpretatur, *137. eod., c. 8. de consuet.* Sed quae secundum legem dicitur, ea magis est usus legis, quam nova species consuetudinis. Proprias locorum, quibus degimus, consuetudines servare debemus. Monica Augustini mater, quae diu Romae commemorata sabbato jejunaverat de more Ecclesiae Romanae, quum venisset Mediolanum, ubi Sabbati dies festus erat, coepit animi pendere. Consultus de ea re ab Augustino adhuc catechumenus Ambrosius respondit, *Quando hic sum, non jejunio sabbato: quando Romae sum, jejunio sabbato: & ad quaecumque Ecclesiam veneris, ejus morem servate, si pati scandalum non vultis, aut facere.* Aug. *ep. 86. & 145.*

Juris Canonici Objecta tria, atque eadem, quae Civilis, *Personae, Res, Judicia*. Lancellotti methodo jam in Scholis receptissimae insistens primo de personis, secundo de rebus, tertio, & quarto Libro de judiciis agam.

TITULUS II.

De jure personarum, ac primum de liberis, ac servis.

Summam illam hominum divisionem in liberos, & servos, quam in suis Institutionibus primo loco proponit Tribonianus, negligit nunc, sed non semper neglexit Ecclesia. Suos ea servos habuit a fidelibus aut inter vivos dono

dono datos, aut testamento relictos, quorum frequens in antiquis Canonibus apud A. Augustin. *Epit. jur. lib. 10. a tit. 22. ad 27.*, & non rara in libris Decretalium mentio est, *cap. 3. & 4. de reb. Eccl. alien.*, & *cap. 3. & 4. de rer. perm.* Eadem prope omnium conditio erat, sed non eadem ministeria: qua de re, nisi qua fuisset a donatore, vel testatore lex dicta, Praelatus Ecclesiae statuebat, Concil. Parisiens. III. *can. 9.* Chronic. Constantiens. c. 19. in *vita S. Gebardi*. Nonnulli, quos ingenium & pietas commendabat, in spem Cleri educabantur, Concil. Toletan. IV. *can. 74.*, & Toletan. IX. c. 11. Generaliter Ecclesiae servi multa habuere praecipua, uti videre est in Legibus Aleman. *tit. 8.*, & Legib. Ripuar. *cap. 9.*, ac 10., & Concil. Toletan. III. c. 22., cum eisque iniussimè actum, ut poenae loco esset in laicos transferri *d. c. 4. de rer. perm.* Usque ad tempora Decretalium servitutis, ac servituti appictae irregularitatis mentio in monumentis Ecclesiasticis: post ea tempora de servis, fervorumque irregularitate verbum nullum: imo Clemens IV. *an. 1266. ep. ad Belam Hungariae Regem* de Episcopo scribens, quem utpote servum origine rejiciebat Bela, homines, inquit, Dei judicio pares, ac servitutem commentum esse hominum contra naturam, qua omnes aequè liberi: in summa discrimen inter liberos & servos nihili esse concludit. In Germania & Gallia extinctas post ea tempora servitutes, ostendit Thomasinus *part. 2. lib. 1. c. 74.*: in Oriente autem diutius stetit.

T I T U L U S III.

De Ingenius, ac Libertinis.

Quamdiu in Ecclesia distinctum inter liberos & servos, liberorum alii ingenui, alii dicti sunt libertini: qua in re jus Civile sequuta est. Servos Ecclesiae manumittebat Ecclesiae Praelatus non tamquam dominus, nam dominium penes ipsam Ecclesiam erat (quo sensu *manumittentem* dicit Ecclesiam Innocentius III. in c. 4. *de serv. non ord.*, non quod servi Ecclesiae in Ecclesia manumitterentur, uti minus proprie Gonzalez), sed tamquam Ecclesiae procurator: quo jure in rebus Ecclesiarum consentur Praelati; ut proinde si eos sine iusta causa manumitteret, nihil actum intelligeretur, & recte eos *successor Episcopus ad jus Ecclesiae revocaret*, *cap. 4. de reb. Eccl. alien.*, & iustae manumittendi causae numero tres. Quandoque fugitivos, si pingue peculium haberent, accepta pecunia manumittebat: quod vetus probat manumissionis Charta apud Lemaitre *lib. 3. de bonis Eccl. c. 9. (a)*. Quandoque si quis servus Praelati gratiam sibi demeruerat, eum in grati animi argumentum manumittebat Praelatus, si tamen is tantumdem de suo dedisset Ecclesiae, aut aliunde quaesivisset: alioqui enim, ne quid detrimenti caperet Ecclesia, in servitutum revocabatur, *d. cap. 3., & 4.*, Conc. Hispal. I. *can. 1., & c.*, & Emerit. *can. 20.* Saepissime servos bonae frugis manumittebat cooptandos in Clerum, Concil. Emerit. c. 74. Ante tempora Caroli M. fervorum manumissio expediebatur aut coram Principe per denarium (hoc est, *per excussionem* de-

(a) Concilii Agathensis Canon 46., quem in hanc sententiam laudat Gonzalez in d. *cap. 4.*, de fugitivo servo distrahendo loquitur, non manumittendo. Frequentissimum autem erat fugitivos Ecclesiae servos ab Episcopo distrahi, hoc est, in saecularem edigi servitutem, uti est apud Gratian. *can. 55. caus. 12. q. 2.*

denarii, ut in veteri manumissionis formula habetur apud Lemaistre de *jurib. Episcop. lib. 3. c. 8.*; tota enim in eo erat, ut *denarius* in servi manu positus de manu ejus per Principem excuteretur. ac jactaretur, P. Pithoeus ad L. Salicam tit. 28., Bignonius ad Marculf. lib. 1. c. 22.; unde *denariales liberi*, & *homines denariales* in Capitularibus Caroli M., & Legibus Longobardorum: atque haec manumittendi ratio ex lege Salica manaverat): aut *per chartam*, unde *Chartularii liberi* in Capitularibus, & in Concilio Wormatiensi can. 20., quae Charta non Principis Breviculum erat, quo donabantur, uti suspicatur Thomassinus p. 2. lib. 1. c. 74. n. 2.; namque ea manumissio in Ecclesia *juxta altare dimissi sunt liberi*, neque ullo ad eam Principis breviculo opus erat, sed charta libertatis, quam Dominus a se scriptam, subscriptamve, atque in Ecclesia recitatum manumisso tradebat, vel si Dominus servum esse liberum ore pronuntiaret, a se scriptam tradebat Archidiaconus: atque haec illa ipsa manumissio erat, quam in Sacrosanctis Ecclesiis expediri, dixit Tribon. lib. 1. Inst. tit. 5. §. 1.; cuiusque auctor Constantinus M. l. 1., & 2. C. de his, qui in Eccl. man.; unde qui eo modo liberi fiebant, secundum legem Romanam manumitti dicebantur. Porro servos Ecclesiae, quibus libertas Clericatus gratia dabatur, alias manumitti, quam in Ecclesia, interdictum erat: quod jus Saliorum, Francorum, aliarumque barbaricarum gentium legibus mutatum non fuit: hinc illud in Long. lib. 3. l. 33., & Rip. tit. 60., *Ecclesiam lege Romana vivere*: ac diserte in Francorum legibus scriptum est lib. 1. c. 188., *Quandocumque de familia Ecclesiae utilis inventus aliquis ordinandus est, in ambone ipsa auctoritas coram populo legatur, & coram Sacerdotibus, vel coram Fidelibus laicis ante cornu altaris libertatem consequatur, & tunc demum ad gradus Ecclesiasticos promoveatur*: idemque jus erat de servis, quos domini etiam laici Clericatus causa manumittebant: quod ex Concilio aliquo Gallicano tradit in Decretal. Gregorius IX. cap. 1. de servis non ord.: & plane mendosa est vulgata lectio, quae habet, ex Concilio Toletano, quum id in nullo Toletanorum legatur. V. Ant. Aug. ad prim. Collect. d. cap. 1. de serv. non ord., & Thomassin. loc. cit. Quod autem ibi dicitur, eos servos non debere saeculari iudicio jugo servitutis absolvi, in hanc sententiam accipiendum est, non debere apud Principem per denarium manumitti. Denique idem jus erat de servis, quos Domini pro remedio animae suae manumittebant, id quod ex pacto, h. e. lege Francorum, de qua in Leg. Ripuar. tit. 14. (nam quandoque lex dicitur pactum. V. Brisson. de V. S.) in Gregorianas Decretales insertum est d. c. 1.. Cur servi, qui, ut Clerici fierent, manumittebantur, manumitti non nisi in Ecclesia deberent, ratio duplex, altera, quod absurdum videretur, eos, qui ministrare Ecclesiae debebant, extra Ecclesiam ad id idoneos fieri, d. cap. 1.: altera, quod nefas esset, fieri aliquem de servo Clericum, antequam esset perfecta ditatus ingenuitate, uti est in Concilio Triburiensi an. 895. can. 19.: manumissis autem in Ecclesia libertas plena, & Romana Civitas dabatur ex Constitutione Imp. Constantini, Niceph. lib. 7. Hist. c. 16. Cur ii etiam, qui pro remedio animae liberi fiebant, in Ecclesia essent manumittendi, ratio erat haec, ut ita liberi essent Ecclesiae; sic enim jus erat, ut alieni quoque servi, modo in Ecclesia manumitterentur, Ecclesiam haberent patronam: quod ut Ecclesiae jura augebat, ita erat libertis honorificentissimum, & vero etiam utile. Lemaistre lib. 2. c. 3. §. 8., & 9., Bignon. ad Marculf. c. 23., Thomassin. d. c. 74. n. 1. Jam quae erat manumittendi ratio, si ob aliam justam causam Ecclesiae servus esset manumittendus? Ego eandem fuisse arbitror; neque enim veri

veri speciem habet, Ecclesiam, quae semper Romana lege vixit, alia manumittendi ratione usam ab ea, quae receptissima in Ecclesia erat, quamque constituit in gratiam Ecclesiae Constantinus. Non in omni autem Ecclesia manumissiones recte poterant expediri. Cuidam Monasterio privilegii jure indultum a Gregorio M. lib. 2. ep. 24., ut in ejus Ecclesia servi manumitterentur. Servorum manumissiones in ea tantum Ecclesia sollemniter celebrari jus erat, cui vel Episcopus praeerat, vel Sacerdos. In Ecclesia manumissi operas, & obsequium Ecclesiae debebant, uti quilibet libertus patrono suo: ac si novus Episcopus Ecclesiae praeficeretur, necesse eis erat intra annum sese illi praesentes sistere, chartaque libertatis exhibita se libertos Ecclesiae profiteri, ne alioqui contingeret, diutina taciturnitate jura Ecclesiae interverti: quod non de ipsis libertis tantum, sed & de eorum liberis cautum fuit, Concil. Tolet. IV. in *can. 65. caus. 2. q. 2.*, Tolet. VI. in *can. 64. ibid.*, & Caesaraugust. III. c. 4.; id nisi facerent, tamquam ingratos detrudi in servitutem, mos fuit. Sed eum tamen morem eo temperamento Caesaraugustanum Concilium probavit, si jam novus Pontifex libertos *per Clerum, aut domesticos* officii sui praemouisset. Generaliter autem ut jure Romano, sic jure Canonum libertos ob magnum aliquod ingrati animi vitium revocatos in servitutem, constat ex Concil. Hispal. in *can. 62. caus. 12. q. 2.*, & Tolet. IV. in *can. 58. caus. 12. q. 2.* Quod non liberi solum, sed & liberi eorum novo Episcopo profiteri obsequium debent, id argumento nonnullis fuit, peculiare de libertis Ecclesiae jus fuisse, ut liberi quoque eorum post manumissionem suscepti Ecclesiae liberti essent, quum jure communi libertorum liberi, quod ingenui nascantur, operas non praestent, l. 11, C. de op. lib.: quum opinionem praeclare confirmant verba Concilii Toletani in *cap. 3. de reb. Eccl. alien.*, *Sacerdotibus liceat aliquos de familiis Ecclesiae manumittere, ita ut cum peculio, & posteritate sua, si ingenui sunt, sub patrocinio Ecclesiae maneant, utilitates injunctas sibi, juxta quod potuerint, prosequentes.* Ego libertorum Ecclesiae libertos *quas libertos* dixerim, nam & Ecclesiae tamquam patronae debebant, quod ipsi prope liberti, ingenui tamen erant. Huc refero illud Concilii Toletani IV. *can. 69.* apud Grav. loc. cit. *Ipsa posteritas naturali ingenuitate obnitens sese ab Ecclesiae patrocinio non subtrahet.* Id etiam peculiare de libertis Ecclesiae jus fuisse ostendit *quod cum peculio* in descriptis Concilii Toletani verbis, ipsa manumissione peculium concessum non intelligi: quod Toletanum IX. diserte cavit *can. 16.*: quum jure communi servo inter vivos manumisso res secus se habeat: l. 53. de pec.

T I T U L U S IV.

De Laicis, & Clericis.

EXtincta inter Christianos servitute summa hominum divisio haec est, Alii sunt laici, alii Clerici, seu Ecclesiastici (a). Laici a graeco λαός plebs; sunt enim laici quasi plebs Ecclesiae. Clerici a graeco κληρος fors, live quia

(a) Interdum omnes Christiani nullo Clericorum, & laicorum discrimine Ecclesiastici appellantur, maxime quum Judaeis, paganis, atque haereticis opponuntur. Exempla sunt apud Eusebium lib. 4 c. 7., & lib. 5 c. 27., & Cyrillum Hierosolym. Catech. 13. n. 4. Sed plerumque ea vox Clericis propria designat. V. Valej. not. in Euseb. lib. 2 c. 25.

de sorte sunt Domini, sive quia ipse Dominus fors, id est, pars Clericorum est, uti Hieron. ep. 2. ad Nepot. Clerici lata significatione dicebantur non ii solum, qui in ordine, sed & qui sine ordine in officio erant. S. Ephrem Serm. paranei. de secund. Domini adventu, & Canon 24. Laodicaenae Synodi sub Damalo cum Capitul. Caroli M. lib. 1. c. 14. collatus Clericos appellant Cantores, quos in officio fuisse, non in ordine, argumento est illud Concilii Carth. IV. can. 10., posse aliquem a simplici Presbytero, infuso etiam Episcopo, Cantorem fieri. Qui in ordine erant, ii proprie Clerici, & proprie ordinarii: qui in officio erant, ii proprie in canone esse, & promoveri dicebantur, Concil. Chalced. can. 2. Canon hoc loco est Catalogus, uti Canon inter Apostolicos 14., seu matricula, uti Concilium Agathense can. 2., seu album, uti Sidonius Apollinaris lib. 6. ep. 8., seu, uti loquitur Augustinus hom. 50. de divers., tabula eorum, qui Ecclesiae erant addicti, deque ejus sportulis, & oblationibus participabant. Hinc factum nomen Canoniorum, quo omnes canone comprehensi designabantur. Cantorum Canoniorum meminit Concilium Laodicaen. can. 15. Igitur aut ordo, aut officium Clericos faciebat. Qui nunc sola Tonsura, atque Ecclesiastico habitu Clerici fiunt, eos Ecclesia per quinque priora saecula ignoravit. Probat id & Patrum de ea re silentium, & illud Patrum per id tempus effatum, aut ordinatione, aut officio aditum patere ad Clerum: quam sententiam mire adstruit Thomasin. p. 1. lib. 2. c. 34. Addam argumentum a Clericalis Tonsurae, atque habitus origine ductum, a quo nullum esse effugium potest. Sunt qui Tonsurae, seu Coronae Clericalis originem ab Apostolis repetunt. Moventur verbis Papae Aniceti ex ep. ad Episc. Galliar., Ut (Clerici) juxta Apostolum comam non nutriend, sed desuper caput in modum sphaerae radant; itemque verbis Gregorii Turon. de glor. Martyr. lib. 1. c. 20., Petrus Apostolus ad humilitatem docendam caput desuper conderi instituit. At vero Aniceti epistola Isidori Mercatoris figmentum est. Id tantum ab Aniceto constitutum, in Libro Pontificali, qui Damalo tribuitur, scriptum est, ut Clericus comam non nutriat secundum praeceptum Apostolicum: quod de capillibus brevitate, quam omnibus fidelibus, & maxime Clericis Paulus imperavit 1. ad Cor. 11. v. 14., quamque non pauci infidelium modestiae causa servabant; non de radenda in modum sphaerae summa capitis parte intelligendum est. Neque aliud est sensus Gregorii Turonensis, cujus verba laicos aequae, atque Clericos spectant. Jam veri speciem non habet, quo tempore desaevebat in Ecclesiam rabies Persequutorum, quam devitari Ecclesiae intererat, Clericos se se eis tam certa nota conspicuos fecisse. Porro Optatus Milcvitanus lib. 2. id Donatistis vitio dedit, quod contra facis multa exempla in contrarium proposita capita raderent Sacerdotibus, sive ut ita ii populo despectui essent, sive ut viderentur publici poenitentes, quales esse Clerici non poterant (a): quod nullum fuisse eo tempore Tonsurae Clericalis usum supponit. Denique Hieronymus legem illam Moysis de Sacerdotibus Synagogae, Caput suum non radent, neque comam nutriend, sed attondebant capita sua, ad Ecclesiae Ministros refert in cap. 44. Ezechiel. his verbis, Perspicue demonstratur, nec rasis capitis, sicut Sacerdotes, cultoresque Isidis, atque Serapis, nos esse debere, nec rursus comam dimittere. Discimus, nec calvitium novacula esse faciendum, nec ita ad pressum condendum caput, ut rasorum similes esse videamur: sed in tantum capillos esse demittendos, ut opertum sit caput. Constat hinc super hac re cum Occidentali Ecclesia Orientalem, demonstrant Auctor Constitutio-

num

(a) Dicam de hac re lib. 2.

num Apostolic. lib. 1. cap. 3., Eusebius l. 2. c. 22., Clemens Alexandrin. *Paedagog.* l. 1. c. 3., & Auctor librorum de *Eccl. Hier.* c. 6. Nulla quoque olim fuit propria Clericorum civilis vestis. Quum laici, tum Clerici tunicam, togamque Romanam gestabant. Illustre est in hanc rem Coelestini Papae testimonium ex ejus Epistola an. 428. ad Viennensis, ac Narbonensis Provinciae Episcopos data. Reprehendit is Gallicanae Ecclesiae Clericos, qui pallio, & cingulo utebantur contra *Ecclesiasticum* morem: additque momentola haec verba, *Non ferendi a plebe, vel ceteris (laicis) sumus doctrina, non veste: mentis puritate, non cultu.* Eandem fuisse olim Orientalis Ecclesiae disciplinam, multis docet Thomassin. cap. 44. Sexto saec. ratum Clericorum caput exemplo Monasticae tonsurae (a), unde Clericali occasio data, atque inferius tenui pilorum ordine veluti corona cinctum, habes ex Gregorio Turonensi de *vis. Patr.* cap. 17. Sexto etiam saec. Ecclesiasticum a saeculari habitu distinctum, atque hunc breviorē a Barbaris in Italiam ipsam, illum oblongiorē, propriumque Romanorum, patet ex S. Gregorio lib. 7. ep. 11., *Hom.* 4. 17. 36. in *Ev.*, & *Dial.* lib. 4. c. 40., & ex Joh. Diacono in *vit. S. Greg.* lib. 2. cap. 13. Nunc vides, per quinque priora Ecclesiae saecula neminem sola tonsura, etque habitu sine ordine, aut officio Clericum fuisse. Sed non ut primum Clericalis tonsura instituta est, Clerici sola tonsura insignes esse in Ecclesia coeperunt. Tonsis continuo unum ex inferioribus ordinibus collatum, docere videtur Synodus Trullana can. 32., & non obicere tradit Surius in vita Eutychii Patriarchae Constantinopolitani die 6. Apr. c. 10. Quo primum tempore id genus Clericorum Ecclesia receperit, haud liquere ajo. Eos meminit Synodus VII. an. 787. can. 14. & Meldense Concilium an. 845. can. 58.: multoque aperius meminerit Zonaras in d. can. 14., & Ballamon in eundem can. & in can. 62. *Apostol.*, & can. 33. *Trull.*: quin in d. can. 14. Ballamon eorū meminit, quos non tantos Clericali veste Episcopus induerat, eoque Clericos esse affirmat. Nunc de Clericis singillatim. Horum alii Ordine, alii Officio, ac dignitate distinguuntur inter se.

TITULUS V.

De Clericis, qui ordine distinguuntur inter se.

Clericorum, quos Ordo distinguit, alii Minores, alii Majores. Minores, quos *juniores Ecclesiae* Gregorius Turonensis appellat lib. 5. c. 26., sunt *Offitii*, *Lectores*, *Exorcistae*, *Acolythi*. Nomina haec, & ministeria, quae his nominibus designantur, ad ipsum Ecclesiae initium refert Synodus Tridentina sess. 23. c. 2. Quid proprie sit Ecclesiae initium in Tridentina Synodo, non constat. Hinc dubitatum, num sit eorum origo ab Apostolis repetenda. Affirmant Baron. ad an. 44. n. 78., Bellarminus de Clericis lib. 1. c. 11., & Schellstratus Concil. Antioch. restit. Diff. 4. c. 17. art. 2., laudantque Ignatii Martyris S. Johannis Evangelistae discipuli Epistolam ad Antiochenos, & Apostolicas Constitutiones. Sed eam Epistolam apocrypham esse ex eo, quod nulla sit ejus mentio apud antiquos Patres, nulla apud Euseb., qui septem alias Ignatii Epistolas recenit, & vero etiam ex eo, quod illa hypodiaconos, qui per plura saecula inter minores Clericos fuere, Lectores, ac Janitores Ignatii aevo

Tom. V.

C

re-

(a) Sub finem hujus Libri sit. de Monachis triplex Tonsurae genus, puta, Monasticam, Clericalem, & Poenitentium expendam.

recentiores memoret, jam Critici tradiderunt. Cujus autem aetatis sit Auctor Constitutum Apostolicarum, jam dictum. Eos Clericos ab Apostolis, eorumve proximis successoribus institutos, non probari, ingenue fatetur Cardinalis Bona *Rer. Liturg. lib. 1. c. 25. n. 17.*: ac dilerte P. Lombardus 4. *sent. dist. 24.* D. Thomas *supplem. p. 3. q. 37. art. 2.*, & Amalarius Fortunatus *de Off. Eccl. lib. 2. c. 6.* eos procedente tempore Ecclesiam sibi constituisse docent: sed nec quo proprie post Apostolos tempore instituti sint, ulla certa conjectura deprehendi posse, Cotelerius inquit in *Const. Apostolic. lib. 2. c. 25.* Prima eorum mentio apud Tertullianum, Cornelium P., ac Cyprianum. Sed primus Cornelius *ep. ad Fab. apud Euseb. lib. 6. c. 43.* videtur quatuor illas minorum Clericorum species meminisse. Auctor Epistolae ad Antiochenos, quae falso Ignatii nomen praefert, itemque Auctor Apostolicarum Constitutionum, & Canonum, qui dicuntur Apostolorum, Auctor, hic *can. 69.*, ille *lib. 3. c. 11.*, & *lib. 8. c. 26.*, quibus locis minores Clericos memorant, de Acolythis verbum nullum: quin Auctor Epistolae sub nomine Ignatii inter Ostiarios, atque Exorcistas interjicit *Laborantes*, quos Apostolicae Constitutiones, atque Apostolici Canones omittunt: ut hinc liceat colligere, non fuisse certum, nec semper ubique eundem eorum numerum in Ecclesia primitiva. Porro hoc idem alia etiam probant, nempe Apostolica Constitutio *lib. 3. c. 26.* in haec verba, *Exorcista non ordinatur, nam hoc munus spontaneae Dei erga homines misericordiae est*: Clericatus initia a Lectoratu interdum facta apud Zozimum ad Helychium *ep. 1. c. 3.*, Siricium ad Himerium *ep. 1 c 9.*, Cyprianum *lib. 2. ep. 5.*, Gelasium ad Episcopos Lucaniae *ep. 1. c. 3.*, Gregorium Turon. *lib. 4. c. 6.*, & Paulinum Natal. 4., ubi de Felice Nolano: Lectores in Ecclesia Alexandrina nullo discrimine, uti Socrates loquitur *lib. 5. c. 22.*, adsumti sive ex *fidelibus*, sive ex *Catechumenis*, qui certe Clerici non erant, ac datus quandoque a Lectoratu ad Diaconatum nullo alio interjecto ordine adscensus, uti Joh. Chrysostomo datum scribunt Pallad. in *eius vita*, & Socrat. *lib. 6. c. 3.* Facit quoque huc *can. 13.* Concilii Sardie. Quid de Graeca Ecclesia dicam? Graecos ab antiquis usque temporibus, quorum initium aliter Morinus de *Ord. exerc. 14. c. 1.*, aliter desinit Schellstratus *loc. cit.*, unum habere minorum Clericorum ordinem, puta, Lectoratum, jam omnibus compertum est; neque enim potuit veterem Graecorum morem solvere Innocentius IV *ep. 10.* apud Rainald. *an. 1154. n. 9.*, ubi, *Praecipimus, quod Episcopi Graeci septem Ordines secundum morem Ecclesiae Romanae de cetero conservant; quum hucusque tres de minoribus neglexisse, vel praetermisisse dicantur.* Sed vide Arcud. de *Sacr. Ord. lib. 5. c. 9.*, Morin. de *sacr. Ordin. exerc. 11. c. 3.*, & Thomassin. *p. 1. lib. 2. c. 23. n. 10.* Quoniam autem quae posterioribus temporibus minorum Clericorum coeperunt esse partes, eae initio prope omnes erant Diaconorum, vero proxima videtur opinio, quae fert, minores Ordines sua origine, haec est, quatenus Diaconatu comprehendebantur, Apostolicae institutionis esse: tum, quod crescente Fidelium numero Diaconi tot muneribus obundis pares non essent, ees diversis temperibus veluti quidam portiones a Diaconatu Ecclesiam decerpisse.

Ostiarii, qui & *janitores*, & *aedui* dicti, sunt, qui Templorum januas custodiunt. Graecorum, & Romanorum Tempia suos habere aeduios, quorum praecipuum munus erat prostrans a sacris arceri. Consiuitores etiam a Salomone Ostiarios, scriptum est 1. *Paralip. 23.*: & forte Salomonem imitata Ostiarios suos constituit Ecclesia. A veri specie haud longe abest conjectura Binghami *Orig. Eccl. lib. 3. c. 6. 9. 3.*, eam maxime ob causam Ostiarios ab Ecclesia Ro-

Romana institutos, ut formidolosus persequutionum temporibus stata conventum, & precationum tempora per eos indicerentur. Oſtarii officium satis prodit formula, quam recitat Episcopus ordinator. Hic claves Ecclesiae manibus ejus tradens inquit, *Sic age, quasi redditurus Deo rationem de his rebus, quae his clavibus recluduntur.* Concil. Carth. IV. c. 9. Multo apertius Oſtarii officium exponit Hidorus Hispalensis *can. 1. dist. 25.*, *Ad Oſtarium pertinent claves Ecclesiae, ut claudat, & aperiat Templum Dei, & omnia, quae sunt intus, extraque, custodiat: fideles recipiat, excommunicatos, & infideles ejiciat:* quod postremum non est ita accipiendum, ut quo tempore aliquid recitabatur e sacris libris, aut verbum Dei praedicabatur, haereticos, judaeos, gentiles Ecclesia exclusos putes; namque ees interfuisse, ostendunt Patres suis Homiliis, quibus saepe ees compellant. Et sane iis denegari, quae ad mentes instruendas, formandosque mores spectant, Christiana caritas non paritur. Apud Graecos primum Diaconi, tum Subdiaconi portas servarunt. Auctor *Libror. de Eich. Hierarch. c. 5.*, in eumque locum S. Maximus, & Pachymeres, Synod. Laodic. *can. 22.*, & 43. Sicubi erant Oſtarii, hi exteriores, Subdiaconi portas Sanctuarii custodiebant: ubi nulli Oſtarii (nullos fere semper habuere Graeci) utralque Subdiaconi obtinebant. Morin. *ex. 12. c. 4.* Oſtiorum officium jam prope desuevit. Lectores, quos tanquam Clericos primus nominasse videtur Tertullianus de *Praescript. haeret. c. 41.*, sunt, qui aliquid in Ecclesia recitant e sacris libris, *d. can. 1.* Hinc olim sacri Codices apud Lectores depositi, atque urgentibus Persequutoribus, ut sibi eos Episcopi traderent, saepe ab Episcopis responsum, *Scripturas Lectores habent.* Baron. *ad an. 303. n. 7. 12. 13.* Recitabant autem e suggestu, seu pulpito; unde phraſes illae Cypriani de Lectoribus *super pulpitu imponi, & ad pulpitu venire:* & *pulpitu tribunal Lectorum* Sozomeno dictum *lib. 9. c. 2.* Ante institutos Lectores Scripturas a Presbyteris, ac Diaconis, & vero etiam laicis mandatu Episcopi in Ecclesia lectas exemplo Synagogae, in qua Lightfoote teste *Harmon. p. 479.*, septem Sabbatho lectores legebant, primum Sacerdos, tum Levita, postremo quinque Israelitae sibi invicem succedentes, conjectura est Balsagii *Exercit. in Baron. p. 623.* Quod de Presbyteris, ac Diaconis inquit, id nemo est, qui jure neget, si advertat, vel post constitutos Lectores id munus Presbyteros, & maxime Diaconos tanquam proprium retinuisse. Auctor *Const. Apost. lib. 2. c. 57.*, Hieronym. *ep. 48. ad Sabinian.*, Sozom. *lib. 7. c. 19.* Quod de laicis addit, id omnino obscurum; si tamen verisimile videtur posse ex eo, quod de Ecclesia Alexandrina memoriae prodidit Socrates *lib. 5. c. 22.*, cujus loci sententiam paulo superius dedi: itemque ex eo, quod de Saturo scribit Cyprianus *lib. 3. ep. 22.* Saturum Clero proximum fecisse se, Cyprianus ait, quod adhuc laico *semel atque iterum lectionem dedit die Paschatis*, ut peritiae ejus periculum fieret. Dixi, Lectoratu instituto retinuisse Presbyteros, ac Diaconos antiquum munus. Sed non eadem ubique obtinuit disciplina. In Africa Lectores Scripturas omnes, & vel ipsum Evangelium legisse, testis est Cyprianus *lib. 2. ep. 5.*, & *lib. 3. ep. 22.* Eandem consuetudinem Hispanicas Ecclesias servasse, ex *can. 2.* Concilii Toler. I. collige cum Albaspinaco in eum *can.* In Ecclesia Alexandrina Evangelii lectio soli Archidiacono data. Sozom. *lib. 7. cap.* Alibi passim a Diaconis, aut Presbyteris ex Evangelio aliquid recitatum, Auctor *Const. Apost.*, & Hieronym. *cit. loc.*, Concil. Valsense II. *c. 2.* Antequam Lector inimum lectioni faceret, indictum elata voce a Diacono silentium verbo, *Attendamus*, tradit Chrysostomus *Hom. 19. in Acta Apost. V.* quoque Ambros. *praefat. in Psalm.*, & Augustin. de *Civ. Dei lib. 22. c. 8.*

Quum Evangelium legebatur, Clerum, & populum adurgere, mos fuit, Auctor *Const.*, & Sozom. *ibid.* Fuisse in quibusdam Ecclesiis certum quoddam Lectorum corpus, argumento est mentio *Archilectoris* *sess. 14.* Concilii Chalced. Exorcistarum, qui Latinis sunt *Adjutores*, munus exponit Concilium Carth. IV. *can. 7.*, *Exorcista, quum ordinatur, accipiat de manu Episcopi libellum, in quo scripti sunt exorcismi, dicente sibi Episcopo: Accipe, & comenda memoriae, & habeto potestatem imponendi manus super energumenum, sive baptizatum, sive catechumenum.* Nullus olim certus Exorcistarum ordo, Christiani sive Clerici, sive laici beneficio Christi daemonia expellebant. Orig. *contra Celj. lib. 7.* Tertull. *Ap. c. c. 23.*, Auctor *Const. Apost. lib. 8. c. 28.* Solenne autem fuisse, ut Christianorum adjurationibus Daemones urgerentur, iustri Tertulliani testimonio docemur, *Edatur hic aliquis (Ethnicos compellat d. c. 23.) sub Tribunalibus vestris, quem daemone agi constat. Iustus a quolibet Christiano loqui spiritus ille tam se daemone confitebitur de vero, quam alibi Deum de falso.* Sub exitum saec. III., quum Deus denegare utilitatem depellendorum Daemonum gratiam coepisset, certus videtur factus ordo Exorcistarum, quos proinde inter minores Romanae Ecclesiae ordines recenset Cornelii P. Epistola apud Euseb. *lib. 6. cap. 43.* Quod vero Constitutionum Apostolicarum Auctor, qui certe antiquior Cornelio non est, nullum suo tempore Exorcistarum Ordinem fuisse affirmet, hinc conice, eum Ordinem citius Romae, serius alibi constitutum. Passim autem ejus memere saeculi IV. Scriptores, V. Concil. Laod. *c. 24.*, Antioch. *c. 10.*, Ephes. *exposit. Fil. num. 21.*, Paulin. *Natal. 4. S. Felic. & Sulpit. Sever. vit. Sancti Martin. c. 8.* Exorcistarum est energumenos, puta a daemone vexatos, quos proinde daemoneas dicunt, curare, *d. can. 7.* Carth. IV. Pimum curabant, ut maximam diem partem energumeni essent in Ecclesia: quod ex Concilio Carth. IV. *can. 9.*, & 92. manifestissimum fit. *Parvimenta sanctorum Dei energumeni verrant. Energumenis in domo Dei assilientibus victus quotidianus per Exorcistas opportuno tempore ministraretur.* Deinde eis, quod praeceptum erat omni die manus imponebant. Concil. Carth. IV. *can. 90.* Nunc ad malos spiritus adjurandos maiores Clerici adhibentur. Ac lythi, quos & Acoluthos dicunt, *q. de re Pamel. in ep. 55. Cypriani*, latine sonant Comites, Affectae; quae significatio opinandi occasionem Daemones dedit *de Benef. lib. 1. c. 14.*, eos ideo fortasse sic dictos, quod Episcopus comitarentur, quocumque proficisci vellent. Sane Ecclesiastica disciplina sic ferebat, ut Episcopi, ac Presbyteri comites sibi adungerent Clericos, perpetuis vitae testes, *can. 58.*, & 60. *caus. 2. q. 7.* Hinc Etherium Lexovientem Episcopum quievisse in stratum suum, scribit Greg. Turonensis *lib. 6. c. 36.*, *habentem circa lectum suum multos lectulos Clericorum.* Hinc multa Acolythorum fides: quo factum, ut Ecclesiasticae literae ab Episcopis ad Episcopos Acolythis dari consueverint. Cyprian. *lib. 2. ep. 8.*, 10., ac *lib. 3. ep. 7. 11.*, & 24. Sed Episcopi & Presbyteris perpetuum illud Acolythorum testimonium gravior & acerbis ferentibus, aliae eis partes intra Ecclesiam datae, de quibus ita Concilium Carth. IV. *can. 6.* *Acolythus quum ordinatur, ab Episcopo quidem doceatur, qualiter in officio suo agere debeat; sed ab Archidiacono accipiat ceroferarium cum cereo, ut sciat, se ad accendenda luminaria participari (Hinc Acolythis ceroferarii dicti, *can. 1. dist. 21.*) Accipiat & urceolum vacuum ad suggerendum (ministris) vinum in Eucharistica sanguinis Christi. Officium hoc Acolythorum nunc passim obeunt homines nullis ordinibus initiati. Jamque ante Concilium Tridentini tempora sanctorum Oratorum a Diaconatu ad Officiarium functiones pluribus in locis fuerant*

rant *intermissae* : quas proinde Concilium *revocari in usum juxta sacros Canones* jubet *sess. 23. c. 17. de ref.* Sed non dum antiqua Ecclesiae disciplina omnino restituta est : quod Cardinalis Bona quaeritur *rer. liturg. lib. 1. c. 25. num. 15.*

Majores Clerici sunt *Subdiaconi, Diaconi, Presbyteri*. Subdiaconi, quos primi videntur meminisse inter Latinos Cyprianus non uno Epistolarum loco, inter Graecos Athanasius *ep. ad solit. vit. ag.*, diu minorum Clericorum numero fuerunt. Docet id Innocentius III. in *cap. 9. de aetat. & qual. , & ordin.* Hinc olim in Ecclesia Latina, uti nunc etiam in Graeca, pariter acque alii minorum ordinum Clerici extra altare ac Sanctuarium ordinati. Amalarius (*a*) *lib. 2. de Div. off. c. 6.* At quo primum tempore coepit Subdiaconatus esse sacer ordo ? Interpretes Decretalium in *d. cap. 9.* id tum factum putant, quum primum Subdiaconis perpetuae continentiae lex est imposita. Sed nae si omnino errant. Coelibatus Subdiaconis indictus *can. 33. Concilii Illiberitani*; at eum Canonem non recepit Hispania, multoque minus aliae gentes: tum saeculo quinto ea lege subdiaconos obstrinxit Leo I. *ep. 12. ult. edit.* : ac sexto demum saeculo de eadem re generaliter cautum a Gregorio I. *lib. 1. ep. 42.*, post quod tempus vix ulla Subdiaconorum conjugatorum mentio occurrit. At vero aetate Amalarii, qui IX. saeculo Libros IV. de *Divinis Officiis* scripsit, Subdiaconi inter minores Clericos erant. Quin Morinus *exerc. 11. c. 6.* id adstruit, sub exitum saeculi XI. Subdiaconatum in minoribus ordinibus adhuc fuisse, licet non diffiretur, eum alicubi inde usque a saec. IX. sacri Ordinis loco habitum: ut hinc intelligas, non uno ubique tempore ejus ordinis rationem in Ecclesia immutatam. Alibi citius, serius alibi coepit esse ordo intra Sanctuarium, Missarumque solemniam conferri, aequae sacri Ordinis jure censeri. Quoniam autem de hac re edisserit Innocentius III. *d. c. 9.*, ejus verba expendamus. Describit primo loco Urbani P. I. decretum, quod etiam Gratianus refert *can. 4. dist. 60.* Sed certo errore ammannensium Urbano I. tribuitur, quod Urbano II. tribuendum est; namque ibi Innocentius Urbanum inquit *referre se ad statum Ecclesiae primitivae*: quod minus proprie dicitur de Urbano I., qui in tempus incidit Ecclesiae primitivae: ac porro apud Ivonem, & in Panormia laudatur illud Decretum ex Synodo Beneventana sub Urb. II. V. Romanos Correctores in *d. can. 4.* Decreti verba haec sunt: *Nullus in Episcopum, nisi in sacris Ordinibus inventus fuerit, eligatur. Sacros ordines dicimus Diaconatum, & Presbyteratum; hos siquidem solos primitiva Ecclesia legitur habuisse.* Igitur sub Urbano II., qui XI. saec. Pontificatum gessit, non dum Subdiaconatus sacris Ordinibus acceptabatur. Subdiaconis vero (sunt & haec Decreti verba) *quia & ipsi ministrant altaribus, opportunitate exigente concedimus in Episcopos eligi. . . quod ipsum non sine R. Pontificis, vel Metropolitanis licentia fieri permitimus.* Hinc etiam habes, Subdiaconos tempore Urbani II. adhuc in censu minorum Clericorum fuisse; alioqui enim quid opus illa Romani Pon-

(a) *Auctor Librorum de Divinis, sive Ecclesiasticis Officiis, non fuit Amalarius Fortunatus Archiepiscopus Trevirensis, ut Morino Exerc. 11. c. 6., aliique non paucis visum; sed Amalarius Ecclesiae Metensis Diaconus Fortunato recentior. Et vero Fortunatum anno 814. mortuum, Annales Francorum probant: contra eos libros non ante annum 827. scriptos, ex opere ipso satis apparet. Id te, bone Lector, monitum volui, quod alibi me aliud agentem eos libros Fortunato tribuisse, memini.*

Pontificis, aut Metropolitani indulgentia fuisset? Consilendum nunc in verbis Innocentii III., *Quum hodie Subdiaconatus inter sacros Ordines computetur, sicut Urbanus II. expressit, Erubejant &c.* Alterum Urbani II. decretum addit, quod Subdiaconatum jam factum Ordinem sacrum supponit. Tum Innocentius totam causam concludit his verbis, *Nos volentes sub hoc articulo disceptationis materiam amputare, statuimus, ut Subdiaconus libere valeat in Episcopum eligi, sicut Diaconus, vel Sacerdos.* Thomassinus p. 1. lib. 2. c. 33. duo Urbani II. pugnancia Decreta admiratur; deinde ait, non alium vere quam Innocentium III. Subdiaconos inter majores Clericos retulisse, quum eos non petita venia libere posse in Episcopos eligi, constituit, sicut Diaconi poterant, vel Sacerdotes. Cum Thomasio novissime sentit Van Espen p. 1. lib. 1. tit. 3. Ego seorsim sentio. Si enim posterior Decretum, quo Subdiaconatus sacer ordo pronuntiatur, Urbano II. adscribas, uti Thomassinus adscribit, & certe ex Innoc. III. auctoritate omnes adscribunt; quid causae est, cur eum ab Innoc. III. petius, quam ab Urbano II. inter majores Ordines positum dicas? Sunt haec plane nugae. Ego, ut & sibi constet Urbanus, & Innocentii III. consistat auctoritas, sic facio conjecturam, usque ad annum 1091., qui tertius Pontificatus Urbani annus fuit, quoque anno is beneventanam Synodum habuit, Subdiaconos in minoribus Clericis fuisse; at vero eundem ipsum intra octo reliquos Pontificatus sui annos sacris Ordinibus addidisse Subdiaconatum: quo spectat posterius ejus Decretum in d. c. 9.: quumque posterius hoc Urbani Decretum ita conceptum sit, ut Subdiaconatum jam factum sacrum Ordinem supponat potius, quam faciat, fortasse medio inter utrumque Decretum tempore novum Urbani de Subdiaconatu in sacros Ordines referendo Decretum prodiit, quod nunc tamen non exat. De Subdiaconorum officiis sic habet. Olim Episcoporum literae ad Episcopos ut Acolythos, ita & Subdiaconos datae: quod saepe a Cypriano factum, multae ejus Epistolae commonstrant. Tempore oblationis ut Diaconi ad januas, quibus viri Ecclesiam ingrediebantur, ita Subdiaconi ad januas stabant, quibus ingrediebantur mulieres, vetabantque, ne quis exiret, aut intraret, etsi fidelis. Auctor Constit. Apostol. libr. 8. c. 11. *Oblationes in Templo Dei a fidelibus Subdiaconi suscipiebant, & Levitis (h. e. Diaconis) superponendas altaribus deferabant, can. 1. dist. 25.* Dabatur id munus primo Subdiaconorum, quem Graeci Domesticum Subdiaconorum (a), Latini Oblationarium dixerunt, Synod. VIII. act. 2., Anastas. Biblioth. in Greg. III. Nunc praecipuum eorum munus est, quod & semper praecipuum fuit, Diaconis in Sacra liturgia ministrare: unde factum nomen Subdiaconorum. Pertinet huc Canon 5. Concilii Carth. IV., *Subdiaconus, qui ordinatur, patinam de Episcopi manu accipiat vacuum, & calicem vacuum: de manu vero Archidiaconi urceolum cum aqua, & mantile, & manutergium.* Ex hoc ordinationis ritu consequitur illud, quod Isidorus Hispalensis scribit apud Gratian. can. 1. dist. 25., *Ad Subdiaconum pertinet calicem, & patenam ad altare Christi deferre, & Levitis tradere, eisque ministrare: urceolum quoque, & aquam, manile, (alibi est, aquamanilem) & manutergium tenere, Episcopoque, & Presbytero, & Levitis pro lavandis ante altare*

(a) Graecis Domesticus est alicujus Collegii praefes; unde Domesticus Scholarum, h. e. praefectus tyronum, qui in Ephoebasis ad militiam erudiebantur: & cantorum Domesticus, h. e. qui in Ecclesia cantus regit. V. Bulenger. de Imperio Rom. lib. 4. c. 38.

altare manibus aquam praebere. Diaconi Latinis sunt *Ministri*, quod Presbyteris sacris operantibus solenniter & proxime ministrant. Hinc Hebraeis dicti *Azanitae*, pura *Adiutores*, teste Epiphanio *haer.* 30., & passim *Levitae* appellantur, praestant enim in Ecclesia, quod *Levitae* olim in Synagoga, *can.* 1. *dist.* 21. Diaconos ab Apostolis institutos, & communi Christianorum mensae addictis, scriptum est *Act.* 6. Cave tamen putes, Diaconos communibus mensis tantum praepositos. Ecce tibi Cypriani locum in *can.* 25. *dist.* 93., *Diaconos Apostoli sui constituerunt Episcopatus sui, & Ecclesiae in nistros*. Idem habet Ambros. in *Luc. lib.* 7. c. 9. Porro quod ajunt Apostoli *Ad.* 6., *Non est aequum, nos derelinquere verbum Dei, & ministrare mensis*, non solum ad corporalis victus, sed & ad Eucharistiae distributionem referunt interpretum plerique; nam praecipue id munus sibi datum a Christo Apostoli proferebantur verbum Dei praedicare: unde Paulus 1. *ad Cor.* 1. v. 16 & 17, *Baptizavi autem & Stephanae domum: ceterum nescio si quem alium baptizaverim; non enim misit me Christus baptizare, sed evangelizare*. Et vero Diaconi quum post, tum ante sublarum mensae communionem permixta sacra munia obierunt. I. Verbum Dei praedicarunt: quod Stephanum, & Philippum Diaconos Apostolis ipsis coevos fecisse, constat ex *Act.* 6. v. 10., & *Act.* 8. v. 3. Verum id eos mandatu Apostolorum fecisse, argumento est illud, quod mox de Presbyteris dabo, hos non sine Episcoporum venia sacras habere conciones potuisse. II. Evangelium in Ecclesia legerunt. Auctor *Const. Apost.* lib. 2. c. 57., S. Hieronym. *ep.* 57. *ad Sabin.*, Concil. Varsense II. *can.* 2. III. Certis formulis in quibus Divini cultus parte proclamantur; unde Synesio *ep.* 67., & Chrysostomo *Hom.* 17. in *Hebr.* 9. *Ecclesiae praecones dicti*. De hac re *lib.* 2. IV. Diferentium nomina publice in Ecclesia recitabant. Hieronym. in *Ezech.* 18. V. Nulla necessitate urgente baptizabant: extatque in hac rem Philippus Diaconi exemplum *Act.* 8. v. 38.; sed Episcopi tamen accedebat auctoritas. Tertull. *de Bapt.* c. 17., Hieronym. *Dial. contra Lucifer.* c. 4. VI. Corpus, & sanguinem Christi in Ecclesia distribuerunt, sed laicis tamen, atque absentibus Presbyteris: his autem praesentibus nonnisi iussi. Concil. Arelat. II. *can.* 15., & Carth. IV. *can.* 38. Diaconos ipsis Presbyteris dare Eucharistiam contra canonem, & consuetudinem ausos Nicaenum Concilium coercuit *can.* 18. VII. Missam, quam dixere Catechumenorum, celebrant. *Cassian. lib.* 11. *Instr.* c. 15., *Celebrare velut Diaconum Catechumenis missam*. De hac Missa sic Concilium Carth. VII. *can.* 49., *Episcopus nullum prohibeat ingredi Ecclesiam, & audire verbum Dei, sive gentilem, sive haereticum, sive judaeum usque ad Missam Catechumenorum: ex quo loco satis, ut mihi videtur, aperte liquet, Missam Catechumenorum fuisse eam nostrae Missae partem, quae est ab Introitu ad Offertorium. Dicta autem Missa Catechumenorum, quod usque ad Offertorium liceret Catechumenis interesse, uti latius *lib.* 2. Alieubi Diaconos Sacrificium ipsum per summam aulaciam obtulisse, testes sunt Patres Concilii Arelat. I.; sed continus Arelatense Concilium restitit *can.* 15. Et sane Diaconi ad ministerium, non ad Sacerdotium consecrantur. Concil. Carth. IV. *can.* 4. (a) Quid circa*

(a) At enim Diaconos consecrassse Eucharistiam, videtur tradere Ambrosius de *Offic.* lib. 1. c. 41. Ibi Laurentius Diaconus ita Sixtum Episcopum suum ad martyrium properantem alloquitur, Quo, sancte Sacerdos, sine Diacono properas? Nanquam Sacrificium sine ministro offerre consueveris. Quid in me ergo displicuit, Pater? Cui commisisti Dominici sanguinis consecrationem, cui con-

circa Poenitentiae Sacramentum potuerint Diaconi, lib. 2. proponam. Haec fuere praecipua Diaconorum intra Ecclesiam officia. Extra Ecclesiam viduis, orphanis, pauperibus, & Confessoribus carcere detentis consilio, atque elemosinis aderant. *Act. 6. v. 1.*, Dionys. Alexandr. apud Euseb. lib. 7. c. 11., Auctor *Const. lib. 2. c. 31.*, & 32., ac lib. 3. c. 19., Concil. Carth. IV. *can. 43.* Habant autem elemosynas Episcopo auctore, *d. c. 31.* De peccatis populi ad Episcopos referebant. Auctor *Const. lib. 2. c. 44.* Denique Episcopis in publicum procedentibus praeibant. Pallad. in *vit. Chrysost. c. 2.* Diaconi primum instituti numero septem. *Act. 6. v. 1.* Eundem numerum Ecclesiae primum seruarunt. In Ecclesia Romana is diu stetit. Certe stabat saec. IV.; & vero etiam quinto. Sozomen. lib. 7. c. 19., Auctor (a) *Comm. in 1. ad Timoth. 3.* Alibi eum suo tempore varium fuisse, Sozomenus addit, uti variis

ubi-

consummandorum consortium Sacramentorum, huic consortium tui sanguini negas? Baronius ad an. 261. n. 7. sic locum restituit, Dominici sanguinis dispensationem: quam lectionem Editiones Baronio recentiores sequutae sunt. Sed ea tamen est contra omnium antiquorum quum editorum, tum MSS. Codicum fidem. Petrus Blesens. ep. 123. ad Episc. Londonens. in eum Ambrosii locum haec habet, Nobis Diaconis consecratio committitur, non ut conficiamus, sed ut conficientibus humiliter assistamus. Verum ita non Diaconi solum, sed omnes adstantes consecrant: quod etsi a Guerrico Abbate dictum term. 5. de Purificat., haud est tamen proprie dictum, atque a sensu veteris Ecclesiae longissime abest, uti recte Card. Bona rer. liturg. lib. 1. c. 25. §. 4. Laudatus Cardinalis: quem norissime sequutus est Binghamus Orig. lib. 2. c. 20. §. 8. consecrationem interpretatur distributionem, quae pro eorum temporum consuetudine ministerialis consecratio, aut Sacramenti contummatio dicebatur, quod ita fideles consecrarentur, & consummarentur. At vero ista fidelium, non sanguinis consecratio est. Accedit, quod sanguinis dispensatio satis explicetur per ea, quae sequuntur, cui consummandorum &c., ut proinde sanguinis consecratio esse debeat omnino aliud. Meum animum subit conjectura, quam iudicio aliorum libens subijcio. Antiquorum Ritualium testimonio exploratum est, plures in uno Sacrificio adhiberi olim Calices consuevisse, unum, ex quo Sacerdos, & Ministri, alios multo grandiores dictos ministeriales, ex quibus fideles Christi sanguinem bibebant. Porro vinum a fidelibus oblatum Calici majori Diaconos infusus, Ordo Romanus testatur. Denique Sacerdotes, aliosque Altaris ministros ex puro sanguine, reliquos fideles ex sanguine vino infuso potasse: ejusque consuetudinis causam praecipuam fuisse communicantium multitudinem, cui consecrati vini non parua quantitas vix sufficere potuisset, ex Ordine Romano, & Consuetudinibus S. Benigni Divionensis docet Martene de antiq. Eccl. rit. lib. 1. c. 4. art. 10. n. 11. Fortasse igitur Diaconi, uti vinum & scyphus offerentium calici majori infundebant, sic partem vini consecrati de minore Sacerdotis calice in ministerialem, ac majorem non consecrato vino plenum derivantes, consecrare sanguinem dicebantur. Ita aliquando nonnullis visum, inmissa in vinum hostiae particula vinum consecrari, sicut in Ecclesiis quibusdam receptum, demonstrat post Mabillonium Martene ibid.

(a) Auctor Commentariorum in Epistolas S. Pauli creditus olim Ambrosius; vere tamen est Hilarus Sardus Ecclesiae Romanae Diaconus, qui IV. saec. vixit. Petavius de Eccl. Hier. c. 12. opus illud Hilaro adjudicat; sed Petavii argumenta rejicit N. Alexander in saec. IV. art. 14.

ubique hoc tempore est. Presbyteri latine *seniores*; magis tamen sapientiae quam aetatis gratia Presbyteri dicti, quod Hieronymus monet in *Ipsi*. 3., quemadmodum *Senatores* Romae, & *γερωνες* apud Graecos. A sacris, quibus operantur, dicti etiam *Sacerdotes*. Var. lib. 4. de L. I. Sed & Presbyteri, & Sacerdosis nomen fuit olim Episcopo quoque commune, Cyprian. ep. 33., Chrysost. hom. 1. in *Philipp.* 1. V. Coteler. in *Ignat. ep. ad Magnes.* n. 1., & Fabrot. in *Parat. Cujacii* lib. 1. C. tit. 3. Sac. e., ne equivocandi occasio daretur, Episcopi aut *jummi Sacerdotes*, aut *Sacerdotes primi ordinis*: Presbyteri autem *secundi ordinis Sacerdotes*, vel *Sacerdotes secundi* appellati sunt. Tertull. de *Bapt.* c. 17., Ambros. sive potius Hilar. in ep. ad *Eph.* c. 4., Theodos. & Valentin. *Append. Cod. Theod.* n. 20. Quam late pateat Presbyterorum potestas, intellige ex Epiphanio haec 72. n. 5., ubi Aërium Presbyteros Episcopis aequantem hoc uno argumento rejecit, *Ordo Episcoporum ad gignendos*, h. e. ordinandos Patres praecipue pertinet. Spectat huc illud Hieronymi ad *Evagr.*, *Quid facit excepta ordinatione Episcopus, quod Presbyter non faciat?* Quibus locis Epiphanius, & Hieronymus cum Presbytero Episcopum conferunt spectata solum potestate, quam dicant ordinis; namque haec sola utrique communis est, & *ordinatione excepta*, quae propria semper Episcopi fuit, qua de re late lib. 2.; eadem in Presbytero est, quae in Episcopo, si id unum addas, de quo mox, Episcopum liberam, Presbyterum ebnoxiam potestatem exercere. Ecce, Presbyteri communem cum Episcopis habent ligandi, & solvendi potestatem. Hieronym. in *Matth.* 16. 11. 11 in *confectione Divini corporis, & sanguinis consortes cum Episcopis sunt*. Concil. Aquisgr. II. c. 8. III. *Eis, sicut Episcopis, dispensatio mysteriorum Dei commissa est*, d. c. 8. IV. Communis eorum, atque Episcoporum cura in *doctrina populorum, & in officio praedicandi*, d. c. 8. Verum honos summo Sacerdotio debitus fecit, ut Presbyteri ab iis nulla in re non penderent. Presbyteri, & Diaconi (ait Canon Apostolicus 40.) *praeter Episcopum nihil agere possunt*. Et vero praeter Episcopi sententiam non baptizabant. Tertull. de *Bapt.* c. 17. Sacras conciones ad populum habere nisi aut absente, aut mandante Episcopo non poterant, unde ut saepe jussi concionabantur, ita interdum id facere pro ejus arbitrio vetabantur. In Oriente inde usque ab antiquis temporibus verbum Dei Presbyteris praedicasse mandatu Episcoporum, ex eo patet, quod est apud Socratem lib. 5. c. 22. & Sozomenum lib. 7. c. 17., quo tempore Arius Ecclesiam perturbavit, Presbyteris sacra praedicatione Alexandriae interdictum. In Occidente primus omnium Augustinus Presbyter ab Episcopo Valerio concionandi potestatem accepit, praesente etiam ipso Valerio, *contra consuetudinem Africanarum Ecclesiarum*, uti Possidius inquit in *vit. Aug.* c. 5. Et quamquam nonnulli Episcopi obloquerentur; tamen Valerius objecta Orientalium Ecclesiarum disciplina sacrum tueretur suum: quod mox non pauci suo quoque facto probarunt. Possid. *ibid.* Denique eis non licebat *sine Episcopo*, h. e. in jussu Episcopi, *missas celebrare*. S. Ignat. ep. ad *Smyrn.* De Presbyterorum jure circa Poenitentiae Sacramentum, dicat lib. 2. *Quia nec enim alicuius nihil a Presbyteris sedum sine Episcoporum auctoritate ita prope nihil ab Episcopis actum nisi ex consilio Presbyterorum*. Id multis dato quum de Ordinationibus, & Judiciis Ecclesiasticis agam. Nunc, quoniam Presbyteri nomen Episcopo etiam commune fuit, uti jam praemonui, placet quaecumque Episcopis addere pro potestate, quam habent, ordinis; nam de eorum officio, ac jurisdictione redibit sermo *tit. seq.* Ad potestatem ordinis nonne pertinet Ordinatio, quam Epiphanius, & Hieronymus laudatis locis

fic propriam faciunt Episcoporum, ut ea una Presbyteris praestent. Atque hoc uno nomine Episcopatum esse Sacramentum a Presbyteratu distinctum, Ianiores Theologi contendunt. Adeamdem potestatem quaedam alia referuntur Ordinationi proxima, pura, Ecclesiasticarum aedium, atque Altarium consecratio, Ecclesiarum pollutarum reconciliatio, Chrismatis confectio, Confirmatio, Benedictiones nonnullae, & consecratio Virginum, ac Viduarum: quorum quinque priora *lib. 2.*, postremum exponam hoc loco. Sacras Deo Virgines ante Monasteriorum institutionem, ac vel ab ipsis Ecclesiae primordiis fuisse, testes sunt Tertullianus *lib. 1. ad uxor.*, & Cyprianus *de habit. virgin.* Earum vita intra domesticos parietes eadem, quae processu temporis Monialium fuit. Hieronym. *ad Eustoch. de cust. Virgin.* Porro earum duplex genus; aliae enim aut ipsae se pulla, ac vili veste induentes, aut hanc accipientes a parentibus nullo adhibito solenni ritu se se sacabant Deo: de quibus Hieronym. *ad Marcellam de laudib. Asellae*: aliae celebriore aliquo die festo ab Episcopis intra Missarum solennia sacro flammæ, quod Optatus *mitram* dixit *lib. 2. c. 7.*, velabantur: de quibus Ambrosius *exhortat. ad Virgin.*, & *ad Virgin. lapsam c. 5. (a)*, ubi ritum ejus consecrationis describit. Viduae, quarum hic mentionem inieci, sunt quas dixere *Diaconissas*. Earum institutores Apostoli. Paulus *ep. ad Rom. ult. v. 1.* cuiusdam *Phaebes* meminit, quam vocat *dixoror*, *ministram*: quo etiam nomine latine appellatas, Plinius tradit *lib. 10. ep. 97.* Viduae ut plurimum, quae unum erant virum passae, eligebantur. Paulus *1. ad Timoth. 5. v. 3.* Quandoque etiam *perpetuae virgines*. Epiphani. *expofit. Fid. n. 21.* Nonnisi emensis sexaginta annis eligebantur. Paul. *ibid.*, Tertullian. *de vel. virg. c. 9.*, Theodosius *l. 27. C. Th. de Episc. & Cl. (b)*. Tum Chalcedonenſe Concilium Diaconissas quadagesimo anno non minores admiſit *can. 14. al. 15.*; quam aetatem Justinianus expreſſit *Nov. 123. cap. 13.* Idem Justinianus *Nov. 6. c. 6.* de Diaconissis ait, *Circa quinquaginta annos agentes*. Contra Olympiano Diaconissam multo quadragenariis juniorem sub Necturio Constantinopolitano Episcopo memorat *Sozom. lib. 8. c. 9.*; ut hinc liceat colligere, circa Diaconissarum aetatem aliquid fuisse Episcoporum arbitrio datum. Diaconissarum officia intra Ecclesiam erant portas fervare, per quas feminae Ecclesiam intrabant: seminis locum in Ecclesia dare: feminas, per id tempus, quo baptismus per immersionem dabatur, sacro oleo (qui proprius Graecae Ecclesiae mos fuit) ante baptismum inungere, & baptizatas suscipere, atque abstergere. Auctor *Const. Apost. lib. 8. c. 28.*, Auctor *ep. ad Antioch. n. 12.*, rursus Auctor *Const. lib. 3. c. 15.*, & Epiphani. *expof. Fid. n. 21.* Extra Ecclesiam erant Episcoporum mandata ad mulieres adterre: eas aegrotantes invisere, eisque pietatis officia praestare: ac demum Confessoribus carcere detentis, ad quas Clericis tempore persecutionum facilis aditus non patebat, ministrare. Auctor *Const. lib. 3. c. 15.*, Epiphani. *haer. 79. n. 3.*, Hieronym. *ep. 2. ad Nepoc.*, Coeler. in *Const. lib. 3. c. 15.*, Gothofred. in *l. 27. C. Th. de Ep. & Cl.* Graeci diutius, quam

(a) Nihil causae esse, cur Tractatus ad Virginem lapsam Ambrosio abjiciatur, quod a Bellarmino, ac Possuvino factum, contendit N. Alexander in *saec. IV. art. 27.*

(b) Theodosii Constitutio extat etiam in C. Just., estque l. 9. cod., ubi tamen pro LX. annis, est L. Forte Tribon., ut suo tempore serviret scripsit XL., ad Chalced. Concilium spectans.

quam Latini, Diaconissas habuere; sed non uno tempore in Oriente, aut Occidente universo desierunt. Tempore Balsamonis, qui saec. XII vixit, erant Diaconissae in Ecclesia Constantinopolitana; at in aliis Graecis Ecclesiis desierant. Balsamon *Resp. ad interrog. Mercii c. 35.* apud Leunclav *Jur Graec. Rom. tom. 1.* In Occidente de abrogandis Diaconissis saepe in Conciliis actum, uti habes ex *can. 26. Concilii Arausiaci. I., can. 21. Epacensis. can. 16. Aurelianensis. II.* Nihilominus earum mentio est apud Venantium Fortunatum, & in Wormatiensi Concilio, ut mox. Sed tandem saec. X., aut XI. Diaconissarum usus omnino videtur intercidisse. Bona *rer. liturg. lib. 1. c. 25. n. 15.* De Diaconissarum consecratione, cujus gratia haec de Diaconissis tractatio suscepta est, non idem omnibus. Eas Baronius ad *an. 34. n. 283.* nullum accepisse manuum impositionem scribit. Movetur *can. 19. Concilii Nicaeni*, in cujus fine haec verba sunt, *Diaconissarum meminimus, quae in habitu quidem censentur, quoniam nec ullam habent manuum impositionem, ut omnino inter laicos ipsae connumerentur.* Verum non de Diaconissis in universum agitur eo Canone, sed de iis, quae habitum sine ulla manuum impositione inter Paulianistas, sumserunt. Quod si quis integrum Canonem per partes expendit, is deprehendet sane, Diaconissas in Ecclesia Catholica per impositionem manuum consecratas. V. Albaspin., & Lup. in *d. can.*, & Fabrot. *not. ad Balsam. Collect. Constit. p. 1417.* Ut ita Nicaenum Canonem accipiamus, faciunt Auctor *Constit. lib. 8. c. 19.* Patres Concilii Chalced. *can. 15.*, Trullani *can. 14.*, Wormatiensis *can. 73.*, & Fortunatus in *vita Radegundis* apud Sur. *August. 13.*, qui de Diaconissis agentes impositionis manuum meminere. Erat ea manuum impositio non sacramentalis, quae characterem imprimit, sternitque viam ad Sacerdotium, sed ceremonialis, qua mulieres illae certo muneris in Ecclesia obeundo addebantur: idque erat consecrari. Manus imponebat Episcopus. Auctor *Constit. d. c. 19.*, & Fortunat. *ibid.*

T I T U L U S VI.

De Clericis, qui officio, ac dignitate distinguuntur inter se.

JAm septem Ecclesiae ordines percurramus. Sed quoniam praeter ea, quae cujusque ordinis propria sunt, alia etiam munia aut Christiana caritas, aut recta regiminis ratio exercebat, ea inter minores, majoresque Clericos divisa sunt, atque ad ea munia, quae ordinum erant, tanquam cumulus, accesserunt. De his officiis nunc instituenda oratio est. Clerici officiis, ac dignitate distincti inter se sunt *Copiatæ, Parabolani, Catechistae, Psalmistae, Paramonarii, Oeconomi, Defensores, Interpretes, Notarii, Apocrypharii, Parochi Archipresbyteri, Archidiaconi, Vicarii, Coadjutores, Chorpiscopi, Canonici, Episcopi, Metropolitanii, Patriarchae, Primates, Cardinales, Papa.*

Copiatæ a Graeco *κίτρος, labor*, Latinis sunt *Laborantes*. Eorum partes erant defunctorum corpora gestare, ac tumulis inferre: hinc a Justiniano *Nov. 43.*, ac Theodoro *ep. 110. Lectorarii* dicti a *lectis* Ecclesiae, quibus mortuorum corpora efferebantur, *d. Nov. & Fossarii* ab Auctore Libri *de septem ord. Eccles.*, qui sub Hieronymi nomine circumfertur, quod corporibus condendis terram foderent. Eos rectissime dicas *Libitinarios, Pollinctores, Vespillones*. Id munus olim Clericos exercuisse, testatissimum faciunt Epiphanius *expof. Fid. n. 21.* Auctor *ep. ad Antioch. n. 12.*, & Hieronymus *ep. 49. edit.*

Francof. Hinc Copiatis utpote Clericis sacra lustralis collationis gratia l. 1. C. Th. de lustral. collat.

Parabolani (quae vox , uti omnium rectissime (a). *Duarenus de Benef. lib. 1. c. 19.* ex eo facti , quod παραβολαι ἱερων , rem periculi plenam tractarent) *Parabolani*, inquam, ad curanda debiliū aegra corpora deputabantur , l. 43. C. Th. de Episc. , quae est l. 18. C. Justin. eod. tit. Eos fuisse Clericos , habes ex l. 42. C. Th. eod. : & vero proxima est opinio Baronii ad an. 416. , minoribus Clericis id muneris datum.

Catechistae erudiendis catechumenis vacabant. Id quandoque a b Episcopis , aut Presbyteris , Diaconisve , quandoque etiam a Lectoribus factum . De Episcopo Ambrosi. ep. 33 : de Presbytero Chrylost. Hom. 21. ad Popul. Antioch. : de Diacono Aug. de catechiz. rudib. c. 1. ac de Lectore Cyprian. ep. 24. al. 29. , ubi *Catechistam Doctorem audientium* appellat . Quoniam vero interdum erat cum Philosphis , ac reliquae profanae literaturae peritissimis viris agendum , hinc factum quandoque , ut si quis laicus sapere supra Clericos videretur , eum Episcopus potius haberet. Auctor *Const. Apost. lib. 8. c. 38.* Ita ab Origene adhuc laico , sed suae aetatis facile doctissimo , institutos Alexandriae Catechumenos , ferunt. Ab Apostolis , atque Apostolicis viris plerumque in foro , ac plateis habitas Catecheses , Apostolorum Acta , & Vitae Sanctorum commonstrant. V. Sancti Ottonis Episcopi vitam apud Surium die 2. Julii . Habitas etiam quandoque in privatis Catechistarum aedibus , non obscure intelleges ex Epistola Demetrii Episcopi Alexandrini ad Alexandrum Hierosolymitanum Episcopum , ac Theodotium Caesareensem. Hos Episcopos accusat Demetrius , quod Origene non dum Presbytero publice in Ecclesia coram Episcopo concionandi potestatem fecissent . Quoniam autem erat Origenes Catechistae officio functus Alexandriae sub Demetrio ipso , si id praestitisset non in privato auditorio , sed in Ecclesia , desuisset certe Demetrio ejus epistolae feribendae causa , uti subtiliter , ac vere Valesius in *Euseb. lib. 6. c. 9.* Idem praecclare confirmat , quod de Diacrisis apud Auctorem *Comm. in Rom. 16. v. 1.* qui vulgo dicitur Hieronymus , & in can. 2. Concil. Carth. IV. scriptum est , ab eis fuisse in Orientalibus , atque Africanis Ecclesiis Catechumenos Christianam Religionem edoctos : quod quum fieri in Ecclesia non potuerit ; namque id ab Apostolo interdictum proterito eo verbo , *Docere mulieri non permitto* , Patrum sententia est ; omnino debuit in privatis aedibus fieri . Denique in Exedris Ecclesiae Catecheses habitas , ex epistola Johannis Hierosolymitani ad Theophilum Alexandrinum ostendit Valesius *cit. loc.* In eandem sententiam laudari potest Ambrosii locus ex ep. 20. ad Marcellinam nov. edit. , ubi se competentibus in Baptisterio symbolum enarraffe , ait . V. quoque Nov. 73. Imp. Leonis .

Psalmistae , seu *Psaltae* Latinis sunt Cantores . Psalmos , atque Hymnos temporibus Apostolorum fuisse in Ecclesia cantatos , Pauli Apostoli testimonio liquet ep. ad Ephes. c. 5. v. 1. Cantasse Clerum , ac populum univertum , docent Chryostomus Hom. 36. in 1. ad Cor. , & Hieronymus praef. l. 2. *Comm. in ep. ad Galat.* , ut proinde quod fuit can. 15. Laodiceae Synodi cautum *Non oportet , praeter canonicos Cantores , qui suggestum adscendant , & ex membrana legunt , aliquos alios canere in Ecclesia* , id aut non fuisse ubique receptum

(a) *Acursii , & Alciati originationes rejicit Jac. Goshofredus l. 42. C. Th. de Episc.*

ptum, ut *Card. Bona rer. liturg. lib. 1. c. 25. n. 19.*, aut ad tempus cautum dicas, necesse sit, nempe, ut Binghamus *Orig. lib. 3. c. 6. §. 2.*, quousque Psalmodia dignitati pristinae, quae defecerat, redderetur. Et sane facile erat in populi cantum cacophoniam, atque immodestiam irrepere: quod suo tempore factum queritur Chryl. *Hom. 1. de verbis Isai., vidi Dominum.* Restituendae Psalmodiae saepe adlaboratum, ut fideles cantus dulcedine detinerentur, & sacra Scripturarum sensa in eorum animos suavius influerent. Maxime omnium de Ecclesiastico cantu sollicitus fuit S. Gregorius, quem cantus Ecclesiastici libros redigisse in compendium, & cantorum scholam constituisse, ex eaque cantores in Occidentem uniuersum emissos, Joh. Diaconus tradit in ejus *vit. lib. 1. c. 6. 7., & 8.* De Scholis Cantorum videndus Bona *d. esp. 25. §. 20.* Proecedente tempore cantatum in Ecclesia ab Eunuchis, qui ordinis Ecclesiastici experies erant. Balsam in *can. 4. Syn. VI. in Trullo.*

Paramonarios, quorum Chalced. Concilium meminit *can. 2.*, & Justinianus *l. 46. §. 3. C. de Ep. & Cl.*, Dionysius Exiguus in *d. can. 2.* latine dicit *manfionarios*: quae vox occurrit etiam apud Gregorium M. *Dial. lib. 3. c. 25.* Hi ultimi manebant in Ecclesia, unde *manfionarium* nomen. S. Gregorius *loc. cit.* Abundum quendam primum *Ecclesiae manfionarium*, tum *Ecclesiae custodem* appellat. Idem *lib. 1. c. 5.* Constantio cuidam manfionario tribuit *accendendum lampadum munus.* Carte & oleum lampadibus infundere, & lampades accendere, atque extinguere, & Ecclesiam custodire temporibus Gregorii Manfionarium partes erant. V. Voss *lib. 3. de vitiiis ferm.* At Paramonarios proprie esse *villicos*, seu *actores possessionum* ex eorum genere, qui res Ecclesiasticas administrant, docent Cujacius, Gothofredus, Vossius, aliique graece docti viri. Et Justinianus quidem eos *d. §. 3.* inter piarum actionum rerumque Ecclesiasticarum administratores recenset, eosque eo genere comprehendendi ait. Forte *Manfionarius*, ac *Paramonarius* duo diversa inter se Officia erant.

Oeconomus definit Concilium Tolet. *c. 43.*, qui *vice Episcoporum res Ecclesiasticas tractant.* Eos Leo, & Anthemius *dispensatores pauperum* dicunt *l. 33. §. 4. C. de Ep. & Cl.*, quod *propria pauperum sunt Ecclesiae bona* Ibid. Pelusiot. *lib. 1. ep. 269.* Rectissime a Toletanis Patribus dictum, *vice Episcoporum.* Olim Episcopi res Ecclesiarum curabant, sibi administratos ut plurimum adsciscebant Archidiaconos suos. Deinde saec. IV. fidelium numero, & bonorum Ecclesiasticorum, itemque negotiorum, quibus Episcopi, atque Archidiaconi distinebantur, copia in dies crescente, Oeconomi instituti sunt. Accessit & ea causa, quod Episcopi res Ecclesiasticas sine Oeconomis tractantes malam de se ingererent opinionem, unde Sacerdotio uniuerso la bes adsperebatur. Id in causa fuit, cur Chalcedonenfis Conc. Patres caverint ad hunc modum *can. 26.*, *Placuit, omnem Ecclesiam Episcopum habentem ex proprio Clero oeconomum habere, ut nec sine testibus sit Ecclesiae administratio &c.* Ex proprio cuiusque Ecclesiae Clero deligebantur, *d. can. 26.*, & plerumque ex ordine Presbyterorum, Concil. Ephesin. *act. 1. in Concil. Chalc.* Liberat. *Breviar. c. 16.*

Ecclesiae Defensores eisdem esse cum *Defensoribus pauperum*, opinio est nonnullorum. At mis est, ut omnino alii sint. Hi pauperes, viduas, orphanos, quorum molestiis ipsa fatigabatur Ecclesia, *aduersus potentias diuitum* apud Magistratus, aut Impervios tuebantur, uti est in Concilio Carth. *V. c. 9.*, & apud S. Ambros. *lib. 2. de off. cap. 29.*, & *ep. 27.*: illi iura Ecclesiae, aut Clerici alicujus, si quando contra Clerici aut Ecclesiae iura fa-

ctum diceretur, uti est in Conc. Carth. I. c. 9., & apud Possid. *vie. S. Aug.* c. 12. Ut ut sit, certe exemplo *Defensorum Civitatum*, de quibus prostat titulus in Codice, *pauperum*, & *Ecclesiae Defensores* institui sunt. Defensores fuisse laicos, Petavius scribit in *Epiph. haer.* 61, n. 10. Ex adverso Morin. *de ordinat. Exerc.* 16. c. 6, n. 16. eos fuisse Clericos contendit. Satis duco inter Orientalem, atque Occidentalem Ecclesiam distinguere. In Oriente Defensores ex Clero adsciti, ac plerumque ex Presbyteris. Concil. Ephesin. *act.* 5. Constantinop. sub Flaviano *act.* 2., & Constantinop. sub Menna *act.* 1. In Occidente etiam Clerici primum fuerunt; tum, quod minus decere videretur, Clericos in foro agere, coepere Episcopi *Scholaesticos*, hoc est, Advocatos, qui laici erant, ad id munus ab Imperatoribus exorare. Conc. Carth. V. c. 9., & *Milevit.* c. 16. Ex his Africanis Canonibus constare Thomassinus inquit *p. 1. lib. 2. c. 97. n. 6.*, Defensores in Occidente primum laicos fuisse; at vero ex iis liquere videtur mihi, initio, id est, ante eos Canones Clericos in Occidente Defensores egisse. Id mire illustrat Honorii Constitutio, quam Patrum Africanorum preces impetrarunt, in *l. 38. C. Th. de Ep. & Cl. Hoc ipsis* (Ecclesiis, & Clericis) *praecipuum, ac singulare deferimus, ut quaecumque ad Ecclesiam tantum pertinentia specialiter fuerint impetrata, non per Coronatos* (puta, per Clericos, ut antea) *sed ab Advocatis, eorum arbitrata & iudicibus innovescant, & fortiantur effectum.* Africanæ Ecclesiæ disciplina mox Romæ recepta. *Zosim. ep.* 1. c. 3. Sed rursus in Occidente ea res ad Clericos rediit quod S. Gregorii Epistolæ commonstrant, maxime *ep.* 25. *lib. 4.*, *ep.* 17. *lib. 7.*, *ep.* 33. *lib. 9.*; unde & illud compertum sit, in Ecclesia Latina minores Clericos id munus gessisse. Tandem Africanos Canones de Defensoribus laicis Capitularia Caroli M. restituerunt. *V. lib. 5. c. 31., & lib. 7. c. 308.*

Interpres, quos in censu Ministrorum Ecclesiæ posuit Epiphanius *expof. Fid. n. 21.*, sicubi populus non una, eademque lingua utebatur, ad ea, quæ fuerant in Ecclesia sive a Lectoribus recitata, sive a concionatoribus tractata, alio idiomate explicanda adhibebantur. Illiusmodi Interpretibus affines sunt, quos ab Episcopis, in quorum Dioecesibus permixti sunt populi diversarum linguarum, constitui ad Divina eis officia celebranda, sacramenta ministranda, eosque instruendos, jubet Innoc. III. in *cap. 14. de off. jud. ord.*

Notarii Martyrum sive gesta, sive dicta per notas, seu compendia vocum describebant. Septem subdiaconos, qui totidem Notariis praeessent, ut acta Martyrum scripto fideliter consignarentur, a Fabiano P. institutos, est in vetustissimo Romanorum Pontificum Catalogo. *V. Pearson. de success. Episc. Rom. diss. 1. c. 4. n. 3.* Quod subdiaconos Notariis praeponerit Fabianus, id tibi argumento esse potest, Notarios ex minoribus Clericis fuisse. Processu temporis Conciliorum acta per Notarios descripta, ex Euseb. *lib. 7. c. 30.*, Socrate *lib. 2. c. 30.*, & ex ipsis Conciliorum actis apparet. Ad id Diaconi adhibebantur. Concil. Ephesin. *act.* 1. in *act. 1. Chalced.* Notariorum principes, *prim. cerit. Notariorum* dicti, quandoque Presbyteri, *d. act. 1.*

Apocrisarii, seu *Responsales Ecclesiarum*, vel Episcoporum causas in aula Imperatoris procurabant. De iis Justinianus Nov. 6. c. 2. Eos Clericorum numero fuisse, habes ex Liberato Diacono *Breviar. c. 12.*, & Evagrio *lib. 4. c. 38.* Plerumque Diaconi Apocrisarios agebant. S. Gregor. *lib. 4. ep. 35., lib. 6. ep. 30., lib. 9. ep. 2., lib. 11. ep. 45.* Constantino M. antiquiores non sunt, sub quo primum liber potuit Clericis aditus ad aulam patere & a Constantino quidem eorum originem accessit Hincmarus *to. 2. p. 206.* Sed primum etiam Leo I. post Chalcedonensem Concilium cum Marciano egit, ut ordinaria ac perpetua

petua esset Romanae Ecclesiae legatio apud Imperatorem, ut ex ejus *ep.* 56. 57., & 58., quoniam autem nonnulli ad certas causas, certumque tempus decerneretur. Mittendum autem ad Imperatorem Apocrisfariorum Romano tantum Pontifici, ac Patriarcho jus fuit, praeterea nemini, *d. Nov.* 6. c. 3. Ad id genus Apocrisfariorum longe alii erant *Apocrisarii cujusque Ecclesiae*, de quibus in *Nov.* 123. c. 25., namque hi ab Episcopis ad suos Metropolitae, & Patriarchas delegabantur. Proxime ad illos accedere videntur hoc tempore Nuntii Pontificii, qui Roma ad Christianos Reges mittuntur. De Pontificiis Nuntius v. Thomasin. *p.* 1. *lib.* 2. c. 117. ad libri finem.

Parochi sunt Presbyteri certarum cujusque Dioecesis portionum proprii sive in Urbe, sive in pagis. Parochos nullos per tria ferme priora saecula saecula Patres meminere; namque in *Epistolis* Ignatii, ac Cypriani, in *epistola* Dionysii Corinthiorum Episcopi ad Soterem P., atque in ea, quam Cornelius P. ad Fabium Antiochenum Episcopum dedit, apud Euseb. *lib.* 4. *Hist.* c. 23., & *l.* 6. c. 43., itemque in Canonibus Apostolicis de locis maximarum Urbium Ecclesiarum mentio est; ac si quando *Parochiae* vox occurrit, ea Dioecesis universa significatur. Una in primaria Dioecesis urbe Ecclesia erat, altare unum, ubi Episcopus, aut, jubente vel absente Episcopo, Presbyter offerebat: in eumque locum fideles, sive in urbibus, sive in agris degerent, *die solis*, h. e. Dominico conveniebant, & praesentibus quidem distribuebatur Eucharistia, ad absentes per Diaconos mittebatur. Justin. *Apol.* 2. Huc spectat *can.* inter Apostolicos 32., depositionis poena Presbytero inflicta, qui seorsim ab Episcopo alterum altare fecisset. Tandem aucto fidelium numero, & Ecclesia a persecutionum metu respirante Parochiae institutae sunt. Has instituisse Dionysium P., qui *an.* 258. Romanus Episcopus creatus est, satis multi tradidere ex ejus *ep.* apud Gratian. *can.* 1. *caus.* 13. q. 1. Sed eam epistolam ab Isidoro Mercatore confictam, doctissimorum virorum judicium est. Habebant tamen Athanasii aevi singuli Alexandrini Episcopatus pagi Presbyteros suos, hoc est, Parochos. Athan. *Apol.* 2. V. late de hac re differentem Thomasin. *p.* 1. *lib.* 2. c. 22. *Jure* Martino Parochorum partes proprias esse, docet Tridentina Synodus *sess.* 23. de *ref.* c. 1. oves suas agnoscere, pro his sacrificium offerre, verbique Divini praedicatione, sacramentorum administratione, bonorum omnium operum exemplo pascere. Addit Synodus *sess.* 5. c. 2., debere eos populum sibi creditum diebus saltem Dominicis, & Festis solennibus edocere, quae ad erudiendas mentes animoque ad iustitiam componendos sunt opus. Demum haec res praestare per se, aut per alios idoneos, si legitime impediti fuerint, jubet *d. c.* 2. De Parochorum jurisdictione *lib.* 4. *tit.* ult.

Archipresbyteros, seu *Protopresbyteros*, uti Socrates loquitur *lib.* 6. c. 9., ac fere semper Graeci (namque *Archipresbyterum* nomen, licet graecum, perraro (a) usurparunt Graeci) *Archipresbyteros* inquam, puta, principes Presbyterorum, forte primus inter Latinos Hieronymus invenit *ep.* 4. *ad Rustic.* Antiquiores ordinatione Archipresbyteri, constituebantur apud Latinos. Leo *l.* *ep.* 57. 58. Apud Graecos interdum aetas virtuti cessit. Thomasin. ex Nazianzeno *p.* 1. *lib.* 2. c. 3. n. 3. Forte apud Latinos etiam quandoque cessit, nam Proterium a Diocleto Archipresbyterum factum, narrat Liberatus *Breviar.* c. 14.

(a) Thomasio sienti *p.* 1. *lib.* 2. c. 3. n. 1., quem Latini Archipresbyterum dixere, a Graecis Protopresbyterum tantum appellari, Sozomenum oppono *lib.* 8. n. 12, ubi Archipresbyteri vox occurrit.

c. 14. Singulas Cathedralis Ecclesias singulos habuisse Archipresbyteros, ut Archidiaconos, testis est Hieronym. *ibid.* Sed aucto fidelium numero, plures constitui Archipresbyteros, recta regiminis ratio poposcit. Archipresbyteri aut *urbani*, aut *rurales*. De urbanis est *cap. 1. 2.*, & 3. in *Decretal de off. Archipresb.*: de ruralibus est *cap. 4.* Urbanorum est in Ecclesia Episcopi praesentis curam levare, absentis vicem supplere in iis omnibus, quae Sacerdotalis officii sunt. Ruralium est, *imperiti vulgi sollicitudinem gerere*, & *Presbyterorum*, qui *per minores titulos*, hoc est, Ecclesias, *habitant*, puta, Parochorum, *vitam jugi circumspiciunt custodire*, & *qua unusquisque industria Divinum opus exerceat*, *Episcopo renunciare*, *d. cap. 4.* Igitur & fidelis populi, ut Parochi, curam gerunt, & ipsi Parochis praesunt. Hi a *plebibus* dicti etiam *plebani*. Plebes Gonzalez in *d. c. 4. Parochias* interpretatur: rectius Thomasius *p. 1. lib. 2. c. 5. n. 8.*, & *c. 6. n. 1.*, quod in *d. cap. minores tituli plebibus* opponantur, liquere ait, has plurium Parochiarum tractum, illos Parochias esse. Sane quum baptismus in urbe, ac ruri in certis tantum Ecclesiis conferretur, quod persequar *lib. 2.*, istis maxime baptismalibus Ecclesiis praeponebantur Archipresbyteri, unde & plebibus, & Parochis eorum curae commendatis invigilabant.

Archidiaconi ex ordine Diaconorum erant, sed principes eorum. Hieronym. *ep. 65. ad Evagr.*, Prudent. *hymn. de S. Laur.* Non is, qui ordinationis tempore prior erat, Archidiaconus dicebatur, uti Salmasio vitum de *Primat. Papae*; namque Athanasius Diaconus ut ut junior, princeps ordinis Theodoro dicitur *lib. 1. c. 26.*; sed quem Diaconi de se eligebant, quod *industrium* noster, uti Hieronym. *ibid.* Electum a Diaconis Archidiaconum, tradere videtur Hieronymus. At vero Laurentium Xistus, & Serapionem Chryostomus Archidiaconum constituit. Ambros. *lib. 1. de off. c. 41.*, Sozom. *lib. 8. c. 9.* Bene Thomasius *p. 1. lib. 2. c. 17. n. 4.* Hieronymum, inquit, non affirmare, sed fingere, ac supponere rem, quam proferat ad comparationem. Et primum quidem ait is, Alexandrinus Presbyteros de se unum eligere solitos, qui Episcopos constitueretur: tum subdit, *quemodo si exercitus faciat Imperatorem, aut Diaconi elegant de se, quem industrium noverint, & Archidiaconum vocent*. *ut si supplicationis, non verae narrationis est nota.* At Archidiaconum gradu movere, nisi causa cognita, Episcopus non poterat. Hinc Aetius Archidiaconus ab Anatolio Patriarcha sine causa defectus Archidiaconatu, Leonis jussu fuit in integrum restitutus. V. Leonis *ep. 71.*, ac Thomas *d. c. 17. n. 5.* In Ecclesia, & ea quidem Cathedrali unus Archidiaconus. Hieronym. *ep. 4. ad Rust.*, Concil. Emerit. *can. 10.* Tum plures constituit. Intra Ecclesiam Archidiaconus vice Episcopi officia inter Diaconos, ac minores Clericos, dividebat *cap. 2. de off. Archid.* Junior es Clericos, quae scire singulos oportebat, sive ad mentes intruendas, sive ad formandos mores, ea domi suae edocebat omnia. Concil. Carth. IV. *can. 9.*, Greg. Turon. *hist. lib. 6. c. 36.*, & Mirac. *lib. 1. c. 75.*, Beda *lib. 5. c. 20.* Quum minores Clerici ab Episcopo ordinabantur, sacra instrumenta cuiusque ordinationis propria Archidiaconus porrigebat. Conc. Carth. IV. *can. 5. 6.*, & 9. In ordinandis vel ipsi Presbyteris, atque Episcopis Archidiaconi testimonium plurimi erat: quod ad eum de moribus ordinandorum a laicis, & Clero mos esset referri. Conc. Chal. *act. 10. ep. ad Evagr.* Tractu temporis jurisdictionem etiam Archidiacono accessit. Primum ab Episcopo mandatum in minores Clericos exercuit jurisdictionem. Clerici, qui *omam nutrium* (verba sunt Concilii Agath. *can. 20.*) ab Archidiacono inviti *disonantur*. Quia jurisdictionis omnis quum voluntaria, tum contentiosa in unum iveriam Diocesim

cessim mandata Archidiacono fuit in Occidente atque, atque in Oriente, ut omnino esset Episcopi Vicarius generalis: qua de re abunde Thomassinus c. 17. 18., & 19. in Oriente citius Archidiaconi iurisdictionis defectus: caepitque Archidiaconatus multo ante annum Christi millesimum officium esse, quod intra solius Ecclesiae fines se se continebat, quum Divina officia, ac sacra solennia paragebantur. Thomassin. d. c. 19. n. 11. At in Occidente habet potestas eadem temporibus Decretalium, namque in cap. 1. de off. Archid. scriptum est, *Archidiaconus post Episcopum seiat, se Vicarium ejus esse in omnibus*: ac tam late sua Archidiaconi potestas mox in cap. 7. explicatur. Alicui consuetudo iurisdictionem ejus ordinariam fecit, cap. 54. de elect. Ita Archidiaconi licet ordine Archipresbyteris inferiores, iurisdictioni tamen potiores erant, can. 1. dist. 25., cap. 1. de off. Archipresb. Hinc factum, ut ordine scripturae praeponerentur, cap. 1. de aetate qual. & ord. P. aq., ac Sacerdotii accessione injuriam sibi fieri putarent. Hieronym. in Ezech. c. 18., Petrus Blefen. ep. 123. Quod vero post annum Christi millesimum fieri agere coepissent, ut suo magis, quam vicario jure agere viderentur, haud esse terendum est vitium, non Presbyteros Presbyteris praesse, eisque necessitas imposita Presbyteratus: unde Hinemari Reimenis Epistolae ad Archidiaconos Presbyteros. Tandem Archidiaconorum in exercenda iurisdictione avaritia, & contumacia in Episcopos fecere, ut hi paulatim iurisdictionem impetrenturam, quam Vicariis generalibus pro arbitrio amovibilibus demandant, ut mox. Novo etiam Tridentini Concilii jure aliqua in causis Ecclesiasticis Archidiacono reliqua est iurdictio: sed matrimoniales, & criminales causae exceptae sunt sess. 24. de reform. c. 20.: quo Tridentini loco Beneficiales quoque, & in universum majores causae omnes, quae altioris indignis dicuntur, atque excipi arbitrantur. V. Barbof. in Collect. n. 6.

Vicariorum species multae. Alios Parochi, atque inferiores etiam Beneficarii constituunt vice sua sive in perpetuum, sive ad tempus: de quibus in tit. Decretal. de officio Vicarii: alios ipsi Romani Pontifices Urbe absumunt: de quibus in cap. 5. eod.: alios Episcopi, mandata eis generaliter iurisdictione, unde Vicarii generales vulgo appellati. Horum imago quidem haud obscura in antiquis Occidentalis, atque Orientalis Ecclesiae monumentis elucet, quam vide apud Thomassin. p. 1. lib. 2. c. 7.: vere tamen qui proprie Vicarii generales dicuntur, libro Decretalium recentiores sunt, quod tempore Gregorii IX. Episcoporum Vicarii Archidiaconi essent, ut iam dixi. At vero de his agitur eod. tit. in Sexto. Saeculo igitur XIII. jam erat suis cuicque Episcopo Vicarius generalis, uti suis cuicque fuit olim Archidiaconus. Non teneri Episcopum, si is oneri suo par sit, Vicarium constituere, res ipsa loquitur, & praeclare probat historia eorum temporum, quibus Episcopi ipsi per se soli Episcopatum gessere: teneri vero, si impar sit, ipsa Episcopalis officii ratio dicat, puta, necessitas ei Divino jure imposita quam optime prospiciendi Populo Christiano. Ita paucis explicari videtur posse vetus controversia, in qua definienda plerique Canonistae, ac Theologi ingenio, ac tempore abusi sunt. In eo etiam ferme totus est Thomassin. c. 9., ut demonstraret, posse Episcopum, qui jam sibi Vicarium constituit, per se judicia agitare, ac lites finire: idque multis collatis Conciliorum testimoniis confirmat. Sed nihil est, cur de hac re multo sermone laboremus. In eam sententiam utar hoc uno argumento. Qui potest non constituere Vicarium, & constitutum pro arbitrio amovere, eum quis neget jure posse per se judicare?

Mandatur Vicario generali formula jurisdictionis in universam Dioecesim. Quoniam autem regula juris est, in generali concessione non venire ea, quae quis versimiliter non esset in specie concessurus, cap. 81. de reg. jur. in l. 1. consuetaneum est, Vicarium ex generali jurisdictionis mandato, quod ei ab Episcopo datur, non omnia omnino posse. At quae sint, quae non possint, vix est, ut certa quae regula definiri. Quae in disputatione sunt posita, omitto; quae certo sunt jure cauta, proponam. Generali mandato non comprehenduntur cognitio de criminali causa, cap. 2. de off. vic. in VI.: Beneficiorum collatio ea ratione, quod nequeat regulariter donare is, cui bonorum administratio etiam libera est concessa, cap. 3. eod.: quae ratio plerisque argumento est, id verum quidem esse de libera collatione, quae donationis speciem habet, non de institutione, quae in praesentato jus petendi supponit: item dimissoriarum literarum datio, nisi Episcopo in remotis agente, cap. 3. de temp. ord. in VI.: porro absolutio in casibus Episcopo reservatis arg. cap. 2. de poenit. & remis. in VI.: dispensatio ab irregularitatibus, & suspensionibus, quarum potestatem Episcopis facit Synodus Tridentina sess. 24. de ref. l. 6.; nam posse Episcopos absolvere Synodus ait per seipsum, aut Vicarium ad id specialiter deputandum: ac Dioecesis iustitrandae jus; nam debere Episcopum per se, nisi iudici iusta vetet causa, Dioecesim iustigare, nec nisi ubi ei a jure permittitur, id jure posse alii mandare, habes in cap. 6. de off. ordin. in VI. Quoniam autem Vicario mandata est jurisdictionis, consuetaneum est, unum idemque esse Vicarii, atque Episcopi auditorium, atque a Vicario non Episcopum provocari, sed qui provocaretur ab eo, qui mandavit jurisdictionem, cap. 3. de appell. in VI. Ad lib. 4. tit. 2.

Coadjutores sunt, qui Episcopis, quos aut senium, aut mala valetudo, aut infamia, aut aliqua alia iusta causa suum exequi munus prohibet, in subsidium accedunt. Primum Coadjutorum Episcoporum exemplum in Hierosolymitana Ecclesia eluxisse, scribit Valesius in Euseb. lib. 6. c. 11.; Narcisso enim Hierosolymitano Episcopo annos nato 120. Coadjutor datus Alexander. Euseb. loc. cit., Hieronym. de scriptor. Eccles. in Alexandro. Exinde Coadjutorum exempla frequentari in Ecclesia coeperunt. Illustre est exemplum Augustini, qui Valerio Episcopo Hipponensi male affectae valetudinis, ac senit causa Coadjutor accessit, teste Possidio in ejus vit. cap. 8. Fuit autem Augustinus Valerio adhuc vivo Episcopus ordinatus: quo nomine dein scrupulus ei animo insedit. Hic adhuc, ait ep. 110., in corpore posito beatae memoriae Patre, & Episcopo meo sene Valerio Episcopus ordinatus sum, & sedi cum illo: quod Concilio Nicaeno prohibitum fuisse nesciebam, nec ipse sciebat. Spectat Augustinus ad Nicaenum Canonem 8., ubi cautum, ne in una urbe duo simul Episcopi sint: unde Constantio Imperatori, qui velle se Liberium ac Felicem sedis Episcopalis socios esse, Romano Populo significavit, id repositum apud Theodoretum lib. 2. c. 14. Unus Deus, unus Christus, unus Episcopus. Scrupulum illum nunquam sibi ex animo exemisse videtur Augustinus, namque Eriadem collegam adsevit, at Episcopum non ordinavit. Quod reprehensum est in me, inquit loc. cit., nolo reprehendi in filio meo. Erit Presbyter, ut est, quando Deus voluerit, futurus Episcopus. Ad duorum in urbe una Episcoporum exempla non desunt. Seligam unum, cujus testem do Eusebium lib. 7. c. 39., ubi, Hinc (Anatolio) Theotenus Caesariae Palaestinae Episcopus: Episcopum ordinavit, successorem illam Ecclesiae suae despondens. Ambo certe aliquantisper

eam-

eandem Ecclesiam simul rexerunt. Ad haec Africanos Episcopos Catholicos hanc Donatistis conditionem obtulisse, in *Collatione Carthag. l. c. 16.* scriptum est, ut servato Episcopatus honore se se Catholicis collegas adungerent: ut proinde in ea sententia fuisse Ecclesiae Patres videantur, si aut regendae Ecclesiae necessitas, aut pax Ecclesiae duos reposceret in una Urbe Episcopos. Nicaeno Canoni locum non esse. Jam Coadjutorum genus duplex, alterum eorum, qui sine futurae successionis jure constituuntur. Quod vero futurae successionis jus votum continet captandae mortis, posterius Coadjutorum genus Tridentina Synodus averfatur: neque alias cum futura successione Coadjutorem dari permittit, quam causa a Romano Pontifice diligenter cognita, & probata *sess. 25. de ref. c. 7.* Quae de Coadjutoribus Episcoporum, eadem dicta de ceterorum Rectorum Coadjutoribus puta.

Chorepiscopi sunt Episcopi τῶν χωρῶν, ruris. Quod saepe paganis fidem Christi suscipientibus Episcopales Dioeceses multo latius paterent, quam ut iis regendis soli sufficere Episcopi viderentur; in majoribus vicis, certissimè Parochiarum Episcoporum regionibus Chorepiscopos sibi Episcopi rurales Vicarios constituerunt. Eorum antiquior in Oriente mentio, quam in Occidente. Eos in Oriente meminit Ancyra Synodus *an. 314. can. 13*: in Occidente primum Synodus Regiensis in Gallia *an. 439.* Num Presbyteri fuerint, an Episcopi, vetus quaestio est. Posterius visum Hammond *Diff. 3. contra Blondel. c. 8.*, Beveregio *Pand. to. 2. in d. can. 13. Concil. Ancyran.*, & novissime Binghamo *Orig. lib. 2. c. 14. §. 4.*: prius visum Ant. Augustino *epit. lib. 6. tit. 1. c. 8. 11. 13.*, ac Thomasio *p. 1. lib. 2. c. 1.*, cum quibus sentio his argumentis ductus. Primum Nicaeni Patres *can. 8.*, si quis ex Novatianis ad Catholicam Ecclesiam redeuntibus Episcopi gradum obtinebat, eum Presbyteri honorem habere jubent, nisi utique Episcopo placeat iusi nominis illius honorem impertiri. Si autem hoc illi non placeat, vel Presbyteri, vel Chorepiscopi iocum ei dari, ut in Clero prorsus esse videantur, nec in una civitate duo Episcopi probentur existere. Si Chorepiscopi locus Novatiano Episcopo redeunti ad Ecclesiam datur, ne duo in civitate in Episcopi sint, quis est, qui non videat, Chorepiscopum certe Episcopum non esse? Deinde Antiochena Synodus *can. 10.* haec habet. Si qui sunt in vicis, vel pagis, qui dicuntur Chorepiscopi, etiamsi Episcopi ordinationem, manuumque impositionem acceperint, visum est, ut suum modum sciant. Ex iis verbis, etiamsi Episcopi &c. haud obscure patet, constitutos aliquando Chorepiscopos, qui jam Episcopi erant, & aliqua iusta de causa gerere non poterant Episcopatum, at Chorepiscoporum tamen gradum infra ordinem Episcoporum fuisse. Accedit, quod Chorepiscopi in vicis esse, vel in pagis dicantur eo *can.*, at Episcopos in vicis, ac minoribus oppidis constitui non debere, ne eorum nomen vilescat, regula est ab Apostolicis temporibus per manus tradita. S. Athan. *Apol. 2.*, Concil. Tolet. XII. *can. 8.*, Gratian. *rot. dist. 80. c. 1. de privileg.* Postremo quum temporibus Caroli M. gravis de hac ipsa eadem re, de qua nunc quaerimus, suborta esset controversia, ejusque finiendae causa Salisburgensis Archiepiscopus a Carolo ad Leonem III. fuisset delegatus, Chorepiscopos haud esse Episcoporum jure censendos, responsum est, maxime quod non a tribus, sed ab uno Episcopo ordinentur: quod jam tradiderant Antiocheni Patres *d. can. 10.*: proindeque si Presbyteros, vel Diaconos, Subdiaconosve ordinaverint, si

Christina consecerint, vel confirmaverint, si demum Virgines, Ecclesias, vel Altaria consecraverint, nihil actum intelligi. Secundum hanc Romani Pontificis sententiam Synodi Ratisponensis Patres pronunciarunt. V. Conc. Gall. 2. tom. 2. p. 239., & seq. Argumentum, quod in contrariam sententiam suppeditat locus ille Athanasii *Apol. 2.*, *Mareotes regio est Alexandria, in qua nunquam Episcopus fuit, aut Chorepiscopus. Presbyteri autem singuli suos vicos habent* &c., est meo iudicio levissimum. Aperte quidem Athanasius inter Chorepiscopos, & Presbyteros distinguit; at quid causae est, cur non pro officio potius, ac jurisdictione, quam pro ordine distinctum ab Athanasio inter Chorepiscopos, & Presbyteros dicas? Nicolai I. ad Rodolphum Archiepiscopum Bituricensem Epistolam an. 864., ubi & Discipulos LXX. vere Episcopos fuisse, & successores eorum Chorepiscopos Episcopalia obire munia recte posse, scriptum est; certae tamen non esse, jam evicere Critici ex Concilio Metensi, quod an. 883. habitum est; nam can. 8. Chorepiscopos esse Presbyteros docet, ac si quid proprium ordinis Episcopalis adtrectaverint, id vacuum atque inane pronunciat juxta Decreta Damasi P. (a), Innocentii, & Leonis. Nicolaum contra decessorem suorum Decreta scripsisse, & Metense Concilium recentissimam Nicolai epistolam ignorasse, veri speciem non habet. Chorepiscopis multo plus, quam Parochiarum Presbyteris datum. Minores ordines conferebant. Basilis quidem ep. 151. nonnulli ex sua sententia in singulas vices ordinari a Chorepiscopis minores Clericos passus est: quae vetus Ecclesiae disciplina fuit; at Concilii Antiocheni Patres can. 10. veniae in singulas species petendae necessitatem remisere, generalem delegationem satis esse rati. Literas, quas dicunt *pastificas*, seu *formatas* (b), Clericis ruralibus in aliam Diocesim abeuntibus dabant. Concil. Antioch. can. 8. Non unam, ut Parochi, sed plures singuli Ecclesias curabant, quas *regionis* nomine comprehendit Antiochenus Canon 10., easque lustrabant; unde eos *episporas*, h. e. *circitores*, seu *visitatores* appellat Laodicens Synodus can. 57.; & a vero aberrare videtur mihi Binghamus, qui quum act. 4. & 10. Chalcedonensis Concilii *episporas* istos dici Presbyteros animadvertisset, ne id suam de Chorepiscoporum Episcopatu opinionem convelleret, *episporas* Chorepiscopos a Laodicens Concilio substitutos ad Chorepiscoporum potestatem infringendam, sed a Chorepiscopis fuisse alios nullo idoneo testimonio tradit §. 12. (c) Falsum in ea rem esse, probari ex eo facile potest, quod diu post Concilium Laodicenum & Chorepiscoporum nomen, & vetus steterit in Ecclesia potestas. Ad rurales

(a) Decretum Damasi, quod Metense Concilio laudat, est Damasi Epistola 4. de Chorepiscopis, quae extat in can. 5. dist. 69. Verum ea Epistola Damasi non est; data est enim ad Episcopos Africae, quam nullos habuisse Chorepiscopos, Africana Concilia satis probant.

(b) De Literis formatis bene multa lib. 4.

(c) Chorepiscopi, & Periodevtae non omnino unum: quod visum nonnullis, ac nominatim Salmasio de Primat. c. 1., ubi in suam sententiam laudat L. 42. §. 9. C. de Ep. & Cler. At vero Justinianus d. §. 9. Chorepiscopos discrete separat a Periodevtis. Sic habet. Omnes Chorepiscopi Periodevtae, non omnes Periodevtae Chorepiscopi erant, uti rectissime de Roye Inst. jur. Can. lib. 1. tit. 15. At quod Binghamus contendit. Periodevtae Chorepiscopis substitutos, id vix est, ut homini sano probeatur. De Periodevtis v. Fabrot. in Cujac. ad d. tit. C.

rales Archipresbyteros proxime videntur accessisse Chorepiscopi, quibus ipse Archipresbyteri successerunt. Tandem quod coepissent jura Episcoporum invadere, eorum usum in Occidente sustulit Leo III. in *Capitulari*. Caroli M. *lib. 6. c. 119.*; sed vel usque ad XI. saeculum videntur in quibusdam Occidentalibus Ecclesiis fuisse: qua de re videlicet Thomasin. *c. 2.*; in Oriente vetate Bassamonis jam omnino exoleverant: cujus rei testis est idem Bassamon in *cap. 13. Ancyran.*

Nunc de *Canonicis*. Initio Ecclesiae fideles non Clericos solum, sed & laicos communem vitam vixisse, ex Actis Apostolorum, jam liquet: cujus communis vitae rationem explicat Thomasinus *p. 1. lib. 3. c. 2. n. 3.* Nullos fuisse per tria priora Ecclesiae saecula Clericorum in commune viventium conventus, & Patrum per id tempus silentio probatur, & eo etiam argumento, quod illi per persequutores non licuissent. Primus Augustinus Episcopus factus in domo, quam *Episcopi domum* dicebant, instituit monasterium, ut ipse loquitur, *Clericorum*, quibus non licebat *aliquid proprium habere* (a), *serm. 49. de div.* In monasterium, seu seminarium illud suum solos Presbyteros, Diaconos, & Subdiaconos admittebat Augustinus, praeterea neminem, *serm. 50.* Augustini exemplo sodalitia Clericorum in Africa percrebuisse, auctor est Possidius in *eius vit.*; at in plerisque aliis orbis Christiani Ecclesiis ejus exempti nulla vis fuit: ac vitae communis institutum intra Monachorum coenobia stetit. Sed communem Clericorum vitam restaurarunt in Hispania S. Isidorus Hispalensis, in Anglia S. Egbertus Eboracensis, in Gallia Crodogangus Metensis, cujus regula in Concilio Aquilgranensi a Ludovico Pio proposita est, itemque Ivo Carnotensis, & in Italia Petrus Damianus, Verum Aquilgranensis Concilii *cap. 115.* aliquid habere proprium Canonicis dabatur: quod urgente Petro Damiano duo Romana Concilia vetuere. At ex eo *cap. 115.* occasio arrepta est, ut vitae communis disciplina magis magisque se se remitteret in dies, donec *refrigescente caritate*, uti Ivo Carnotensis saec. XII. scriptor inquit *ep. 60., in omnibus Ecclesiis pene defecit.* Omnino autem videtur defecisse saec. XII. Stephanus Tornac. *ep. 118. 160., & 172.* Coepit subinde inter res Episcoporum, & res Canonicorum distinguere. Hinc illa, *mensa Episcopi, & Capituli mensa*, *sess. 5.*, Trident. *cap. 1.*, hoc est, Episcopi, & Capituli substantia: quo sensu ea vox est apud Gregor. Turon. *lib. 11. c. 3.*, & in *Concordia regular. cap. 65. §. 2.* Suas igitur singuli Canonici portiones ferebant de Capituli bonis, vivebantque inter saeculares, uti & nunc; unde *Canonicorum saecularium* nomen, qui *Canonicis Regularibus* opponuntur in Concilio Trident. *sess. 7. de Ref. c. 14.*; quod hi a saeculo secreti tribus votis emissis monasticam regulam profiteantur, de qua ad calcem hujus libri. Sunt autem Canonici saeculares aut in Cathedralibus, seu Episcopalibus Ecclesiis, aut etiam in minoribus, quas vocitant Collegiatas. Quoniam vero in Crodogangi, & Concilii Aquilgranensis regula de solis Cathedralium Ecclesiarum Canonicis agitur, nonnullorum opinio fert, Collegiatas Ecclesias initio Canonicorum Regularium Abbatis fuisse, quae tandem circa saec. X. in Collegiatas abire. Sed Collegiatarum eo saec. antiquiorum, quae Abbatis non fuerant, exempla profert de Roye *lib. 1. t. 19. V. Thomaf. p. 1. l. 3. c. 9.* Canonicorum praecipuae partes sunt Divinum Officium persolvere,

(a) Eusebii Verellenfis Episcopi, aliorumque instituta longe alia ab instituto Augustini fuisse, multis docet Thomasin. *c. 4.*

solvere, de quo in Concil. Aquisgran. cap. 131., & Trident. sess. 24. de Ref. c. 12. Quem libi finem in Divino Officio persolvendo propositum habere debeant, in ipsa Canoniorum regula expressum est. *Ut laudes Deo in communi persolventes, pro suis, populorumque, quorum oblationibus vivunt, delictis Deum exorent.* Id autem exequi eos debere per se. & non per substitutos, inquit Synodus Tridentina loc. cit. Ne Canonici impune esset in Divino Officio persolvendo negligenter agere, Distributionis quotidianae insituta sunt, quas acciperent assidui, amitterent tardi, uti suis ad Paschalem P. literis Ivo Carnotensis inquit. Eundem ob finem Tridentina Synodus iussit sess. 21. de Ref. c. 3., tertiam fructuum, quorumcumque proveniunt, & obventionum tam Dignitatum, quam Canonicatum, Personatum, portionum, & officiorum separari, & in distributiones quotidianas converti. Consequitur hinc, quod Tridentina Synodus tradit d. c. 3., & sess. 24. c. 12., debere Canonicos residere, hoc est, Ecclesiae in Divinis inservire: quod sic accipiendum, ut eis liceat tertis mensibus in annos singulos ab Ecclesiis abesse, quod eodem cap. 12. expressum est; si qua tamen honesta sit absentiae causa; non enim facile credendum, voluisse Concilium generi Canoniorum indulgere. Sed nisi legitimum tempus excurrat, Superioris venia non est opus. Sunt iustae nonnullae causae, quae Canoniorum absentiam excusant, eosque percipere fructus patiuntur; quarum duae praecipuae sunt, altera si necessarium, vel utile Episcopi tamquam Rectoris Ecclesiae negotium curaturi absint, cap. 7., & 15. de cleric. non resid., quod ad duas tantum Canonicos passim restringunt Canonistae ex cit. cap. 15.; altera si absint in aliquo probato Gymnasio Sacrae Theologiae, ac Sacris Canonibus operam daturi, cap. 12. eod., cap. ult. de magistr., sess. 5. Concilii Trident. c. 1. de Ref.: in quam rem necessaria est iure communi expressa Episcopi venia, d. c. 12.; namque Episcopi est videre, num bonae spei sit, qui studiorum causa animo statuit abesse: quod de Magistris etiam est cautum d. c. ult., & d. c. 1. Verum longe alia est ratio distributionum quotidianarum, quarum id est ingenium, ut eas recipiant, qui statis horis interfuerunt, inquit Tridentinum cit. c. 12., reliqui, quavis collusionis, aut remissione exclusi, careant juxta Bonifacii VIII. decretum, quod S. Synodus in usum revocat, non obstantibus quibuscumque statutis, & consuetudinibus. Bonifacii Decretum est in cap. un. de cler. non resid. in VI., ubi quoad addit Bonifacius, exceptis illis, quos infirmitas, seu iuxta & rationabilis corporalis necessitas, aut evidens Ecclesiae utilitas excusant, ita velim accipias, si sic ferat peculiaris Ecclesiae consuetudo. Bonifacius consuetudinem, quae absentibus sine iusta causa distributiones indulget, omnino reprobat: quae vero non residentibus iustis ex causis, quas recenset, concedit, eam solam consuetudinem probat: quod si desit consuetudo, his etiam denegat: quam interpretationem contextus ipse legis confirmat. Sunt species quaedam particularium Synodorum Canonibus exceptae, de quibus Van Espen. jur. Eccl. p. 1. tit. 7. c. 9. Jam quae distributiones absentibus denegantur, in pios usus arbitratu Episcopi convertantur. Trident. sess. 22. de Ref. c. 3. Quae Canonici in commune viventibus Monasteria, abjecta communi vita Capitula dicta sunt: quemque Ecclesiae Senatui constituebant olim Episcopus, Presbyteri, Diaconi, quae de re lib. 4., eum successu temporis mire aucto Clericorum numero Episcopus, & selecti quidam ex Clero constituerunt, puta, Canonici Cathedrales. Trident. sess. 24. c. 12. Ad haec dum stetit communis Canoniorum vita, prope omnia in veteri illo Ecclesiae Senatu expe-

expediebantur; at ubi Clerici a praeica illa vitae communione desciverunt, triplex rerum agendarum ratio instituta est; nam nonnulla solus Episcopus infuso etiam Capitulo facit tot. tit. de iis, quae sunt a Praelat. sine consensu capituli: nonnulla Capitulum solum, de quibus passim in tit. de Constit. alia Episcopus & Capitulum simul faciunt, cap. 1. de iis, quae sunt &c. De Capitulo sede vacante dicam inferius.

De Episcopis pro eorum officio ac jurisdictione nunc redit oratio. Qui nunc Episcopi, initio Apostoli dicebantur, Theodoro teste in 1. ad Timot. 3. tum Apostolis vita defunctis, quod movum sanctitate, ac testimonio miraculorum se Apostolis haud esse pares cognoscerent, nomen abiecerunt Apostolorum, dictique Episcopi, uti Amalarius tradit de off. Eccl. lib. 2. c. 13., hoc est, inspectores, ac speculatores: quod veluti speculatores majoribus Ecclesiis praepositi sint. Episcoporum tum quantum ad ordinem, tum quantum ad jurisdictionem institutio omnino Divina, Act. 20., Cypr. lib. 3. ep. 9., & h. 4. ep. 5. Quae Diaconos, Presbyteros, Archipresbyteros, Archidiaconos, Chorepiscopos, & Vicarios Episcopis delegantibus exequutos dixi, ea propria Episcoporum officia sunt. Praecipuum eorum munus praedicationis, ait Synodus Tridentina sess. 24. c. 4.: quod ipsos per se, aut si legitime impediti fuerint, per idoneos viros jubet exercere. Id munus adeo proprium est Episcoporum, ut alii Clerici, sive saeculares, sive Regulares sine eorum venia praedicare non possint, uti Trident. ibid. Tenentur quoque Episcopi per se ipsi, aut per alios, si iusta eorum causa excuset, Dioecesim lustrare, Trident. sess. 24. cap. 3., ac porro Sacrificium pro populo suo offerre, Sacramenta administrare, exemplo juvare, pauperum, aliarumve miserabilium personarum curam paternam gerere: quae de omnibus, quibus animarum cura commissa est, tradit Trident. sess. 23. cap. 1. Quod vero his officiis fungi non possint Episcopi, nisi in Episcopali Ecclesia resideant, consectaneum est, eos omnino residere in Episcopatu debere. Hinc Tridentinum sess. 6. de ref. cap. 1. Episcopos, qui per sex perpetuos menses sua Dioecesi abfuerint, quarta fructuum unius anni parte in Fabricam Ecclesiae, alendosve pauperes expendenda multat: perseverantes autem per alios sex menses in eadem absentia, alia quarta parte: crescente vero contumacia severiori Canonum censurae subjicit. Hoc plus eos mortalis peccati reos pronunciat sess. 23. de ref. cap. 1. Idem Concilium d. sess. 23. cap. 1. licet expresse non definiat, Episcoporum residentiam juris Divini esse; ad jus tamen illud non obscure videtur spectare his verbis, Quum praepcepto Divino mandatum sit omnibus, quibus animarum cura commissa est, oves suas agnoscere &c. quae omnia nequaquam ab iis praestari, & impleri possunt, qui gregi suo non invigilant, neque assistunt, sed mercenariorum more deserunt. Sacrosancta Synodus eos admonet, & hortatur, ut Divinorum praepceptorum memores, pascant, & regant. Quod si quis velit aliquantulum abscedere, indulget Synodus aliquod spatium singulis annis sive continuum, sive interruptum, quod duos, ad summum tres menses non excedat. Sed debet id aequa ex causa fieri, & sine ullo gregis detrimento. Si quis autem contra Tridentini Decreti sententiam abfuerit, fructus beneficii sui pro eo tempore, quo abfuit, suos non facit: quae omnia de aliis etiam Curatis in universum Tridentina Synodus statuit. Jam vero iustae causae, quae Pastores Ecclesiae a personali residentia excusant, haec sunt ex ejusdem Synodi praescripto: Christiana caritas, urgens necessitas, debita obedientia, ac evidens Ecclesiae, vel Reip. utilitas. Id quaeritur, num liceat Episcopo fu-

regere ab Ecclesia sua, si qua urgeat persecutio. Aut persecutio in solum Episcopum, aut in univerſum populum deſaevit: ſi prius, licet: ſi poſterius, non licet; nam priore caſu Episcopum periculum populo ſuo malo cedit: poſteriore in bonum redundat; nam fidelium animos praefentia ſua confirmat: quod facere tenetur, etiamſi vitam ſuam in ſummum diſcrimen adſueat. V. S. Auguſt. *ep. 128. ad Honorat.* Episcopi in univerſam Diaceſim iuriſdictio eſt adeo ut qui cum Episcopo non eſt, in Eccleſia non eſſe dicatur Cypriano *ep. 69. ad Papiam.* Clerici, Monachi, laici omnes cujuſcumque dignitatis ſub cura ac diſcipline ſunt Episcopi ſuo. Concil. Chalced. *can. 4.*, & *8.*, Juſtin. *Nov. 6. cap. 9.* Concil. Arelat. *1. can. 7.* Monachi, qui primum ac diu laici fuere, prioribus Eccleſiae ſaeculis ſpirituale Episcoporum poteſtati aequae ac laici ſubſtiterunt. Primum in Chalced. Concilio *can. 4.* expreſſum eſt, Monachos jure quodam peculiari Episcopo ſubjectos eſſe, proindeque nec poſſe Monasterium, vel oratorium domum ſibi conſtituere praeter ſententiam Episcopi Civitatis, nec niſi jubente Episcopo ſeſe Eccleſiaſticis, aut ſecularibus negotiis immiſcere: quod jam ſuggeſſerat Imp. Marcianus *act. 4.* Secundum hanc diſciplinam poſteriorum temporum Leges, & Canones ſcripti ſunt. V. *l. 40. C. de Ep. & Cl.*, Juſtiniani *Nov. 67.*, & *123. cap. 21.*, Concilium Aurelianenſe *1. can. 7.*, & *21.*, Epaoanenſe *can. 3. & 19.*, Aurelianenſe *11. can. 21.*, & Arelatenſe *V. can. 2.* Succellu temporis caepere Monasteria juriſdictione Episcoporum eximere: quod non ante ſaec. XI. factum probat Van Elpen *jur. Eccl. p. 3. tit. 12. c. 4.*: & probabile eſt, circa ſaec. XIII. exemptionum Monasteriorum exemplo induci exemptiones Capitulorum caepiſſe. V. *Journal des Audiences tom. 3. lib. 1. cap. 31.*: demum re in deterius data ſingularis etiam perſonae quum Regulares, tum ſaeculares exemplo Monasteriorum, & Capitulorum exemptiones ſibi impetrarunt, de quibus Trident. *ſeſſ. 24. de Ref. cap. 11.* Late fuit in Concilio Tridentino de exemptionum jure diſputatum: ſuique tandem nimis effuſa exemptionum licentia intra certum modum coercita. V. *ſeſſ. 6. cap. 3. & 4.*, *ſeſſ. 7. c. 14. ſeſſ. 14. c. 4.*, *ſeſſ. 21. c. 8. ſeſſ. 25. c. 4. 11. 12. & 14.*, ac Thomalin. *p. 1. lib. 3. c. 40.*, & *41.*

Metropolitani ſunt Archiepiscopi, quorum prima mentio in Concilio Nicaeno facta eſt. Sed ex ejuſdem Concilii *can. 4. 6.*, & *7.* manifeſtum eſt, institutionem Metropolitanorum ipſo Concilio antiquiorem, Metropolis eſt *urbs mater*, h. e. urbs Provinciae princeps. Sequuta eſt autem initio Eccleſia Metropolitanum Civilium partitionem e re Eccleſiaſtica futurum rata, ibi Metropolitanos eſſe, quo concurrunt omnes, qui habent negotia: quod optimum Eccleſiae conſilium expreſſit Synodus Antiochena *can. 9.* Sed deinde, ut Eccleſiae utilitas, aut neceſſitas poſtulare viſa eſt, praeter civilem illam partitionem Eccleſiaſticae Metropoles inſtitutae ſunt. Metropolitanus juriſdictionem accipit per Pallii traditionem, quod ſumere dicuntur de corpore B. Petri *c. 4. de elect.* Metropolitanum ante Pallii reſeptionem nihil poſſe juriſdictionis exercere ſcribit Innocentius III. in *c. 28. de elect.*: atque hoc eſt quod dicitur in *cap. 2. de uſu, & auctorit. Pallii*, contineri in Pallio plenitudinem Pontificalis officii. Quemadmodum autem traditio Pallii eſt poteſtatis collatio, ita ejus ademtio fuit olim depolitionis argumentum. Paulum Alexandrinum Patriarcham per Pallii ademtionem depoſitum fuiſſe, ſcribit Liberatus in *Breviar. cap. 21.* De Pallii origine nihil certi. Decretum Donationis Constantini Imperat. & Liber Pontificis Damasi P. Pallii uſum meminere; at vero utriuſque operis ſuſpecta fides. Certe Pallii uſus apud Graecos primum invaluit: in Eccleſiam Latina

nam non ante saec. VI. inlatus est: qua de re vide P. de Marca *lib. 6. de Concord. c. 6.*, ac Thomae. *p. 1. lib. 2. c. 53.*, & 54. Crucis etiam privilegium, quod primum legatis Apostolicis, tum Patriarchis datum fuisse, ostendit Thomaeus *p. 1. lib. 2. cap. 58. & 59.* concedi Metropolitanis coepit. Et quamquam initio certis quibuldam Apostolicae Sedis beneficio daretur, tandem omnibus concessum est: quod supponit textus in *Clementina 2. de privileg.* Magna olim fuit Metropolitanorum auctoritas; nam suffraganei Episcopi accusari apud eos debebant *can. 1. Conc. Carthagin. III.*, imo ab eis excommunicabantur, uti constat ex Honorio III. in *cap. 3. de sent. excom.* Sed Tridentina Synodus judicalem Metropolitanorum potestatem imminuit, nam *sess. 13. cap. 8. de ref. criminales* Episcoporum causas ad Romanum Pontificem detulit: idque plenius explicavit *sess. 24. cap. 5.* his verbis, *Causae criminales graves contra Episcopos, quae depositione, aut privatione dignae sunt, ab ipso tantum Summo Pontifice dignoscantur, & terminentur. Quod si ejusmodi sit causa, quae necessario, extra Romanam Curiam sit committenda, nemini prorsus ea committatur, nisi Metropolitanis, aut Episcopis a Beatissimo Papa eligendis. Haec vero commissio & specialis sit, & manu ipsius Summi Pontificis signata, nec unquam plus tribuat, quam ut solam facti instructionem sumant, processumque conficiant, quem statim ad Romanum Pontificem transmittant, reservata eidem Sanctissimo sententia definitiva.... Minores vero criminales causae Episcoporum in Concilio tantum Provinciali cognoscantur, & terminentur, vel deputandis per Concilium Provinciale.* Haec de criminalibus causis scripta sunt. Et quoniam de causis civilibus nihil est diserte cautum, patet, stare adhuc jus antiquum, hoc est, Metropolitanos esse suffraganeorum Ordinarios Judices. Poterant quoque olim Metropolitanis Dioeceses suffraganeorum iustitare, *cap. 1. de constitut. in VI.* At Synodus Tridentina id eis, nonnisi causa in Provinciali Concilio cognita, & probata, demum concessit, *sess. 24. cap. 3. de ref. Habere Metropolitanus Provinciale Synodum debet.* Concil. Nicaen. *can. 5.*, Antiochen. *can. 20.*, Lateranense in *cap. 25. de accusat.*, ac Trident. *sess. 24. cap. 2. de ref.* Sine Metropolitanis consensu haberi Synodus non potest, *d. can. 20.* Si qua iusta causa Metropolitanum impediatur, antiquior Coepiscopus Synodum indicit, Trident. *ibid.* Quod si Metropolitana sedes vacet, idem ius esse, Fagnanus docet in *d. cap. 25. n. 17.* Vetis quidem disciplina sic ferebat, ut binae in singulos annos Synodi fierent, una ante Quatagesimam, ut omnibus animi sordibus sublatis purum munus Deo offeratur: altera autumni tempore, *d. can. 5.*: quam disciplinam Chalcedonense Concilium restituit *can. 19.* Quod vero plena difficultatis res esset bis quolibet anno totius Provinciae Episcopos convenire, atque hinc Ecclesiastica labasceret disciplina, Justinianus eo nomine, quo Principes disciplinam tenebant, siletem singulas annis singulis haberi Synodos iussit Nov. 137. *c. 4.* Posterioribus temporibus veteri disciplinae restaurandae adlaboratum est in Oriente; licet tamen difficile esset, Provinciae Patres bis in unum coire, semel omnino coire iussi sunt ex Concil. Trullan., & *can. 6. Synodi VII.*: novamque istam disciplinam mox Latina Ecclesia recepit. Concil. Toletan. III. *can. 18.*, S. Gregor. *lib. 7. ep. 3.*, Concil. Parisiense VI. *cap. 26.* Verum quum passim Metropolitanis magis magisque in dies cessarent, a nova etiam disciplina desistere necessum fuit, ac Basilientis Concilii Patres tempori servientes unam ad minus quolibet triennio Provinciale Synodum decreverunt: Tom. V.

F

quod

quod idem in Lateranensi Leonis X. Synodo, ac tandem in Tridentina cautum est *cit. loc.*

Patriarchae, quos summos Patrum, & Patrum Principes interpretatur *Ibid. can. 1. dist. 21.*, sunt primarii post Pontificem Romanum Antistites, qui pluribus Provinciis, ac Metropolitanis praesunt. Primum *Archiepiscopi*, quod nomen patebat latius, tum Patriarchae dicti sunt. V. Concil. Chalced. *act. 1.*, Justinian. *Nov. 11.*, & Liberat. *Breviar. c. 17.* Dicti quoque *Episcopi*, *Exarchi Dioecesis*. Concilii Antioch. *act. 14.*, Concil. Const. VI. *act. 18.* Dioecesis plures Provincias continebat; quae de re Brisson. de *V. S.* Hinc intellige, quod *can. 9.*, & 17 Chalcedonenſis Synodi scriptum est, a Metropolitano ad Exarcham Dioecesis recte provocari. Patriarcharum prima mentio in Conc. Chalced. *act. 2.* Quos ante ejus Concilii tempora meminit Socrates *lib. 5. c. 8.*, num veri, & ordinarii Patriarchae sint, ut vulgo ajunt, an extraordinarii quidam Legati in singulis Dioecesebus ad stabilendam Fidem a Concilio constituti, uti vidum Valesio in *Socrat.*, & quibusdam aliis, non constat: quem autem Patriarcham memorat Epistola Hadriani apud Vopiscum in *Saturnino*, eum non fuisse Christianum, ut male Salmasius de *Primat. cap. 4.*, sed certe Judaicum, ex ipsis Epistolae verbis novissime collegit Josephus Binghamus *Orig. Eccl. lib. 2. c. 17. §. 5.* Quantum ad Patriarchici juris originem, in diversa abeunt viri docti. Alii illud ab ipsis Apostolis manasse tradunt: alii Apostolorum aevae recentius, sed Concilio Nicaeno antiquius faciunt. Nonnulli a Nicaenis Patribus *can. 6* institutum contendunt. Denique Launojus de *reſt. interpret. can. 6. Concilii Nicaeni*, & quidam pauci existimant, primum de eo actum in Ecclesia circa *an. 381.*, quo secundum generale Concilium Constantinopoli habitum est. Prima opinio nullo idoneo adstruitur argumento; tertium, & quartam ipse Canon 6. refellit. Verba Canonis sunt, *Antiqui mores servantur, qui sunt in Aegypto, Lybia, & Pentapoli, ut Alexandrinus Episcopus horum omnium habeat potestatem, quandoquidem & Episcopo Romano hoc est consuetum. Similiter & in Antiochia, & in aliis Provinciis sua privilegia, ac suae dignitates, & auctoritates Ecclesiis servantur.* Verba, *antiqui mores servantur*, tertiae opinioni maxime obstant. Quae sequuntur, *Patriarchicum jus Episcoporum Romani, Alexandrini, atque Antiocheni aperissime supponunt: ut qui possit quarta opinio consistere, non videam: ac ne ullus sit reliquus dubitationi locus, facit Epiphanius Haer. 69. n. 3.*, ubi Meletium in Aegypto Archiepiscopum, seu Metropolitanum memorat subiectum Alexandro Alexandrino Archiepiscopo, hoc est, Patriarchae, qui Nicaenae Synodo interfuit. Secundam igitur opinionem habere potiore, quam *antiqui mores Nicaeni Canonis praeclare confirmat. Patriarchatum antiquissimi fuisse Romanus, Alexandrinus, Antiochenus.* Ideo autem primi Ecclesiae Patres in primariis Romani Imperii urbibus Patriarchas instituerunt, quia Reipublicae Christianae interesse judicaverunt, ibi Patriarchas esse, ubi Primates gentium, & Archiflamines erant, potestatemque judicariam exercebant. Vide Gonzalez in *cap. 9. de off. judicis ordinarii num. 7.* At non omnium Patriarcharum eadem fuit potestas, nam Romanus Patriarchatus latissime omnium patebat: secundum locum post Romanum obtinebat Alexandrinus, tertium Antiochenus. Tres hi Patriarchatus confirmati sunt a Nicaenis PP. *can. 6.*, in quem v. Cabassut. Quum vero Byzantium, quae urbs a Constantino Constantinopolis dicta, Imperii Romani sedes translata fuisset, ejus urbis Episcopum Concilii Constantinopolitani Patres dignitate

Pa-

Patriarchatus ornarunt *can. 3.*, quem Canonem, utpote Nicaeno Concilio refragantem, omnes Pontifices usque ad Innocentium rejecerunt. Sed rursum *can. 28.* Chalcedonenſis Concilii Patriarchatus dignitas Conſtantinopolitanae Eccleſiae reſſedit ſuit. Sed eum Canonem Leo M., & nonnulli alii ſucceſſores ejus repulere; ſed tandem receperunt alii precibus Imperatorum adju- ti. Succeſſit Hieroſolymitanae Eccleſiae Patriarchatus. Hieroſolymitana quidem Eccleſia per quatuor priora ſaecula Episcopatus dignitatem obtinuit, eique ſuper omnes alios Episcopatus maximus honor habebatur in generali- um Conciliorum conſeſſu. Sane in Concilio Nicaeno Macarius Hiero- ſolymitanus Episcopus digniorem tenuit locum, quam Eusebius Episcopus Caesariensis, & Metropoli- ta: idemque contigit in Concilio Chalcedonenſi. At quum Juvenalis Episcopus Hieroſolymitanus Hieroſolymitanae Eccleſiae, quam tanto honore Romana ſedes dignabatur, a Theodoſio Juniore Patriar- chatus dignitatem exoraret, reſcriptis Imperator, ut iſi jurisdictionem in- trium Paleſtinarum, & utriusque Phoeniciae, & Arabiae Metropolitanos exerceret. Conqueſtus ea de re Antiochenus Patriarcha contrario ejusdem Imperatoris reſcripto ſuit juri priſtino reſtitutus. Suborta inde lis inter Antiochenum, & Hieroſolymitanum Episcopum ea lege in Chalcedonenſi Concilio composita eſt, ut utraque Phoenicia, & Arabia Patriarchae Antio- cheno; prima autem Paleſtina Hieroſolymitano Episcopo, tanquam Metro- politano, aliae duae tanquam Patriarchae ſubjacerent. Tractu temporis Pa- triarchatus alii inſtituti ſunt; ſed de majoribus dixiſſe ſit ſatis. Patriarchae latius patet jurisdictione, quam Metropolitanis. Episcopus Dioceſi, Metro- politanus Provinciae. Patriarcha multis Provinciis praeeſt, Leo IX. *ep. 4.* Patriarcharum jura ſunt haec. Metropolitanos ordinabant. Concil. Chalc. *can. 28.*, Juſtin. *Nov. 7. cap. 1.*, & *Nov. 131. cap. 3.* Sibi ſubjectos Epi- scopos vocabant ad Synodum, cui ipſi praerant. Theodoret. *ep. 81.* In- gravioribus cauſis a Metropolitanis conſulebantur. Concil. Chalc. *act. 4.* Metropolitanos, & vero etiam ipſos Metropolitanorum ſuffraganeos, ſi Metropolitanis ceſſarent, Eccleſiaſticis cenſuris ſubjiciebant. Juſtin. *Nov. 132. cap. 5.*, Sozom. *lib. 8. cap. 6.* Denique contra Metropolitanorum ſententias appellabantur. Concil. Chalc. *can. 9.*, & 17.

Num Primas idem cum Metropolitano, an cum Patriarcha? Num magis eſt, ut ſit alius ab utroque? Res haec diu me ſollicitum habuit: & eſt qui- dem, cur Canonistaſum ſuper hac re negligentiam acculeſ. Qui eundem cum Metropolitano Primatem faciunt, moventur praecipue ex eo, quod Cartha- ginenſem Episcopum Poſſidius in *vir. Aug. c. 8. Primatem*, Petrus Presby- ter, ac Notariorum Primicerius *act. 1.* Ephesine Concilii *Metropolitanum* appelleſ: itemque ex eo, quod Africani Primates etiam Metropolitanis di- cerentur: qua de re Lopus *Diſſert. 2. de Afric. Eccl. Romanis appellat. c. 2.*: ac demum ex eo, quod ex Concilio Affricano deſcriptum eſt in *cap. 2. de for. comp.*, ſuborta inter Episcopos diverſarum Provinciarum lite, dari juſtices a Primates, in cujus Provincia eſt locus, de quo contenditur: ubi, quum Episcoporum proprius iudex ſit Metropolitanus, certe *Primas* Metro- politanus eſt. Qui Primatem faciunt eundem cum Patriarcha, verba laudant Innocentii III. apud Boſquetum in ejus *Gestis p. 60.* Apud nos haec duo nomi- na *Primas*, & *Patriarcha* pene penitus idem ſonant, quum *Patriarchae*, & *Primates* teneant unam formam, licet eorum nomina ſint diverſa: quae Inno- centii verba videntur deſcripta ex *ep. 2.* Anacleii ad Episcopos Italiae apud Gratianum *can. 1. diſt. 99.*, In majoribus civitatibus *Patriarchas*, vel *Primates*,

mates, qui unam formam tenent, licet diversa sint nomina, leges Divinae, & Ecclesiasticae poni, & esse jusserunt. Laudant quoque nonnullas Clementis, Anacleti, ac Lucii epistolas apud eundem Gratianum *dist. 80. can. 1., & 2., & d. dist. 99. can. 2.*, quibus locis Patriarcha, & Primas idem sonant. Nemini qui Primitatem a Patriarcha, & Metropolitano alium statuunt, in suam sententiam expendunt *can. 6. Concilii Chalcedonensis*, Si quis *primas* suo Metropolitano laeditur, apud *Primatem Dioeceseos*, aut apud sanctum Constantinopolitanam sedem judicetur. Qui se a Metropolitano laesum sentit, liberum ei est, sive apud Exarchum Dioeceseos, sive apud Constantinopolitanum Episcopum agere. Uterque igitur Metropolitano superiori. At Constantinopolitanus Episcopus certe erat Patriarcha. Primas ergo medius inter Metropolitatum, ac Patriarcham erat, puta, qui pluribus Metropolitis praeparat, suberat tamen Patriarchae. Ego rem explicatius enarrabo. *Primas* e re Civili ad Ecclesiasticam traducta est. Occurrunt in legibus *Primates Civitatum*, & *Officii*, de quibus Briffon. *de V. S.* Quam primam Ecclesia vocabulum *Primates* adhibuit, eo Metropolitano praerogativam explicavit. Episcopis Arelatensi, ac Viennensi de primatus honore contententibus, Taurinense Concilium *an. 397. can. 2.* ita definivit, Qui ex iis comprobaverit, suam Civitatem esse Metropolim, is totius Provinciae honorem, primatus obtineat. Porro Afferiani Primates, quorum saepissime Africana Concilia, & Augustinus meminere, erant omnino ii, quos reliquis orbis Christianis, dixit Metropolitano, *can. 19., & 28. Collect. African. Conciliorum*. Hoc distabat ab aliis Ecclesia Africana, quod Primatus non Civitati, sed personae daretur, Carthagenensi Ecclesia excepta. Qui igitur comprovinciales Episcopos tempore ordinationis praeparat, is erat Primas; unde passim & nunc dictus. P. de Marca *Diff. de Primat. n. 3.*, & Lupus *l. cap. 2.* Tum media Ecclesiae saecula, uti Lupus inquit, Primates appellarunt Episcopos pluribus Metropolitans ac Provinciis praefectos, quales sunt Patriarchae. Primatis vox novo hoc sensu usurpari primam coepit in falsis Clementis, Anacleti, Aniceti, Lucii, aliorumque Siricio antiquiorum Epistolis, quae in Collectione Isidoriana prostant; & forte istaram Epistolarum auctor eam vocem in novum sensum detorsit ex non bene intellectis *can. 9., & can. 17. Concilii Chalcedonensis*. Episcopos, & Clericos: queri de Metropolitano posse apud *Primatem Dioeceseos*, iis locis scriptum est. At a Primare Provinciae longe alius est Primas Dioeceseos. Hic Patriarcha, ille sive Provinciae Primas, sive Primas sine adjuncto dicatur, Metropolitano est. Nunc intelligis, cur apud Burchardum, Ivonem, Gratianum, & in libris Decretalium Primates sint Patriarchae. Neque est, cur mireris, quod in *d. cap. 2. de for. comp.* Metropolitano vocetur *Primas*; defunctum est enim id caput ex Concilio Africano, quod apocryphis illis Decretalibus antiquius est. Quod vero Chalcedanense Concilium *d. can. 9.* actori potestatem facit actionis sive apud Exarchum Dioeceseos, sive apud Patriarcham intendendae adversus Metropolitatum; id argumento esse non debet, Exarchum intra Patriarcham fuisse; fuit enim id jure peculiari, & extra ordinem Constantinopolitano Episcopo indultum, ut de causis Metropolitano non suae Dioeceseos primo iudicio decerneret per Orientem. Pater id exemplo Flaviani Patriarchae Constantinopolitani, quem in causa Ibae Metropolitae Edeseni Orientalis Dioeceseos, quam Antiochenus Patriarcha propriam habebat, iudices dedisse, scriptum est *act. 10. Concilii Chalcedonensis*. Igitur in eo *can. Primas Dioeceseos Patriarcha est*. Sed istud tamen privilegium tandem extin-

extinctum est, uti ex Justiniani Nov. 123. c. 22. satis luculenter apparet. Nunc Primates sunt minores quidam Patriarchae, de quibus Marca, d. Diff.; & Thomasin. p. 1. lib. 1. cap. 30. & segg.

Patriarchis dignitate praestant hoc tempore Romanae Ecclesiae Cardinales. In antiquis monumentis, & maxime in Epistolis Gregorii Papae, non rara est mentio Episcoporum, Presbyterorum, & Diaconorum Cardinalium. Cardinales dicebantur a *Cardinibus*, quod fixi, & immobiles essent tanquam cardines: hinc verbum *incardinari* apud Ecclesiasticos Scriptores, hoc est, addici. Episcopi, Presbyteri, Diaconi, qui certae Ecclesiae erant addicti, Cardinales dicebantur. Ita apud Gelasium Papam in can. 4. dist. 24. *Pontifex*, hoc est, Episcopus Cardinalis opponitur *Pontifici Visitatori*, qui ad tempus alicui Ecclesiae tanquam Visitator invigilat. Leo quoque *Sacerdotum Cardinalium* meminit, puta, Parochorum, in cap. 2. de off. *Archipresb.*: quam Decretalem si Leoni IX. attribuas, cui eam ex veterum librorum fide adscribit A. Augustinus, jam habes, medio etiam saec. XI. Parochos dici *Sacerdotes Cardinales* consuevisse. Dignitas Cardinalium, nomina recentior: suntque hoc tempore Episcopi, Presbyteri, Diaconi Cardinales: quarum appellationum origines hae sunt. Erant olim Romae Domus quaedam veluti hospitales, quibus excipiebantur, atque alebantur pauperes, viduae, pupilli, ac senes. His ministrabant Diaconi, qui, quod iis locis erant addicti, Diaconi Cardinales dicebantur: unde factum *Diaconarum* nomen. Erant & in his Domibus Oratoria, seu Sacella: erantque Domus istae hospitales in singulis Urbis Romae Regionibus, quae quatuordecim erant, unde *Diaconorum Regionariorum* appellatio. Tandem Domus istae hospitales exoleverunt, & sola Sacella Diaconiarum nomen retinere. Quatuordecim hinc Diaconis Cardinalibus additi sunt alii quatuor, qui Ecclesiae Lateranensi, auct Summo Pontifici in ea Ecclesia celebranti ministrabant. Denique novus titulus, hoc est, titulus S. Onuphrii in Vaticano sub Leone X. accessit. Quod pertinet ad Presbyteros Cardinales, horum tituli fuere XXVIII., qui numerus usque ad Honorium II. stetit, & post an. 1125. mutatus est. Postremo quod ad Episcopos Cardinales, initio Romae unus fuit, nempe, Romanus, qui unus Romanae Ecclesiae proprius Episcopus est. Tum accessere septem Episcopi Cardinales circa saec. XI. & XII.; nam septem Episcopi ex vicinis Civitatibus selecti Ecclesiae Lateranensi addicti sunt ea lege, ut singuli certis diebus in ea Ecclesia apud Romanum Pontificem sacra mysteria peragerent, vel Summo Pontifici in ea Ecclesia sacris operanti ministrarent. Omnes igitur sive Diaconi, sive Presbyteri, sive Episcopi ante saec. XII. fuere LII. At sub initium ejus saec. minus coepit, & incertus esse, quousque Concilii Basilienfis Patres caverunt, ne plures essent quam XXIV. Nihil tamen minus Xistus Papa IV., & Alexander VI. eum numerum excefferunt, ita tamen ut veteri numero quinquaginta trium pauciores essent. At Leo X. numerum adauxit ad Cardinales ferme LXX.: Paulus IV. usque ad LXX., quem numerum probavit Xistus V. in sua Constitutione, quae incipit, *Postquam verum*; quod ita Cardinales LXX. Senioribus a Mose in adiutorium assumtis, & septuaginta Discipulis responderent. Hodie Cardinales Episcopi sunt sex; nam duae Episcopales Ecclesiae, seu tituli duo in unum coalescerunt. Haec omnia ex Panvini *lib. de Episcopos. tituli & Diaconis Cardinalium*. Principio Romanae Ecclesiae Cardinales erant Episcopi Clerus, qui constabat ex Presbyteris, & Diaconis, quemque Episcopus Romanus in consilium adhibebat: id quod in aliis quoque Ecclesiis

fa-

INSTITUT. CANONIC.

factum, ut fufe *lib. 4* : nec Presbyter, aut Diaconus Cardinalis Ecclesiae Romanae Presbytero, aut Diacono alterius Ecclesiae potior habebatur, nisi ordinatione prior esset: quod idem de septem illis Episcopis Cardinalibus Panvinus docet. Cardinalium Ecclesiae Romanae dignitas Romani Pontificis dignitatem sequuta est, cumque hac sensim crevit. At vero Romani Pontificis dignitas mire crevit quantum ad exteriorem politiam sub Alexandro III., qui Fridericum Imperatorem devicit, pacemque petere coegit. Ab eo tempore coepisse Episcopos fieri Cardinales, scribit Panvinus. Circa an. 1244 ab Innocentio IV. primam datus rubeus pileus Cardinalibus, quibus Terrae Ecclesiae regendae dabantur, ac tractu temporis omnibus. *Barbosa lib. 1. jur. Eccl. c. 3. n. 8.* Tum Paulus II. sub initium Pontificatus rubrum pannum Cardinalibus dedit, quo equitantes sternerent equos: & mox publice decrevit, ne quis alius praeter Cardinales *Birretum Cocineam* gestaret. *Claconius in ejus vita.* Quumque haec iis tantum Cardinalibus indulsissent Pontifices, qui de Clero saeculari fuerant adiuncti, Regularibus etiam concessit Gregorius XIV., alique. Demum ab Urbano VIII. *Eminentiae* titulus Cardinalibus datus est, qui antea *Illustissimi* dicebantur, cautumque, ne quis alius praeter Cardinales, & Electores Imperii Ecclesiasticos eum titulum usurparet. Nunc Cardinales Consilium Romani Pontificis constituunt, uti olim Romanus Clerus. Hinc eos Bernardus ad Eugen. III. *Collaterales*, & *coadjutores* Pontificis appellat: eosque ait *orbem judicare*: & *ep. 89.* scribit, eos cum Pontifice *Regnum Dei*, hoc est, Ecclesiam curare. Huc spectant Cardinalium Congregationes sive statae, sive repentinae, de quibus novissime Van Elpen *jur. Eccl. p. 1. tit. 22.*

Summus Pontifex dicitur *Papa* a Graeco *πάππας*, pater. Papae vox antiquissima. Ejus meminit Tertullianus *lib. de pudic. c. 13.* Initio proprius Romani Pontificis titulus non fuit. Episcopi omnes *Papae* appellabantur. S. Cyprianum Clerus Romanus, S. Alexandrum Episcopum suum Presbyteri, & Diaconi Alexandrini apud S. Athanasium *lib. de Synod. Arim. & Seleuc.*, Hieronymus Augustinum, Augustinus Aurelium, Avitum Viennensem Episcopum Patres Concilii Turonensis II. *can. 20. & 21.* *Papas* dixerunt. Quin Graecorum Euthologion, & Novellae posteriorum Principum Graecorum minores Clericos nuncupant *parvos*, seu *simplices Papas*: quo spectare videtur illud Walsridii Strabonis *de reb. Eccl. cap. 7.*, *Papa cujusdam paternitatis nomen est, & Clericorum congruit dignitati.* Tandem is titulus Romano Pontifici attributus est, qui vere pater Ecclesiae, & pater Episcoporum, quibus eum titulis Patres appellarunt. Id factum plerique putant temporibus Gregorii VII., in cujus *Dictatu* haec habentur *can. 11.*, *Quod Papa est unicum nomen in Mundo.* Sed Dictatum istum posterior scriptor nescio quis Gregorio VII. affinxit. Id quum ex eo, quod nemo Gregorio aequalis aut suppar ejus meminisset, tum ex eo, quod habeat sane multa a Gregorii ingenio, atque aetate aliena, jam demonstrantur Launojus *ep. ad Magistrum Anton. Faurum*, & N. Alexander in saec. XI. *diff. 3. art. un.* Coepit quidem post tempora Gregorii VII. nomen *Papae* Romano tantum Episcopo tribui, praeterea nemini; sed jam inde a saeculo V. Romanum Episcopum ob quandam dignitatem *Papam* nullo alio addito dictum, ex Concilio Toletano I., & Chalcedonensi ostendit Thomasinus *p. 1. lib. 1. c. 50. n. 14.* In eodem Dictatu *can. 3.* scriptum est, *Quod solus Romanus Pontifex jure dicatur universalis.* Verum hic titulus magnas in Ecclesia turbas excitavit. Hunc S. Leoni per Chalcedonensem Synodum, hoc est, per Alexan-

Alexandrinus Clericus in ea Synodo oblatum, atque a Leone rejectum, scribit S. Gregorius *lib. 4. ep. 16. ad Eulog*; additque, decessores suos exemplum Leonis sequutos *profanum illud vocabulum* refugisse. Ac Graeci tamen eo titulo Constantinopolitanis adulabuntur Episcopis, ac vel ipse Justinianus, uti constat ex inscriptionibus Novellarum 3. 5. 16., & 42.: eo-que res tandem venit, ut quem titulum alii sibi oblatum haud quidem gravare acceperant, eum Johannes IV. P. Constantinopolitanus cognomento *Jejunator* ipse sibi sumserit in Synodo Constantinopolitana: quo nomine illum acerbè carpunt Pelagius II. *ep. 3.*, & Gregorius M. *lib. 4. ep. 58.* Johanni favit Mauritius Augustus, Gregorio S. Eulogius P. Alexandrinus, qui Romano tantum Episcopo eum convenire titulum ajebat, tribuitque Gregorio; sed ut in posterum eo vocabulo abstineret, Gregorius rescripsit; quin ut quae literis docuerat, facto probaret, is omnium primus se *servum servorum Dei* in principio Epistolarum suarum inscripsit, teste Joh. Diacono in ejus *vita lib. 4. c. 53.* Controversiam, quae Gregorium inter, & Johannem Jejunatorem fuit, diligenter enarrant Lupus in *d. Diſſat.*, Thomassin. *p. 1. lib. 1. c. 11.*, ac N. Alex. in *ſaec. VI. art. 13.* Romanum Pontificem in universum orbem tenere primatum, & successorem esse B. Petri, & verum Christi Vicarium, totiusque Ecclesiae caput, & omnium Christianorum patrem, ac Doctorem, & ipsi in B. Petro pascendi, regendi, & gubernandi universalem Ecclesiam a Christo plenam potestatem traditam esse, definivit Concilium Florentinum: quam Catholicae Ecclesiae fidem latissime adstruunt Catholici adversus heterodoxos. V. Nat. Alex. in *ſaec. 1. diſſ. 4.*, & Juenin. *de Sacram. diſſ. 9. c. 8. art. 1.* Primatus hic facit, ut is oecumenica Concilia suo jure indicat, quae de re jam actum, ac si qui Episcopi nulla justa detenti causa iis adesse detrectent, in eos animadvertat: cujus rei testes locupletissimi sunt Ecclesiastici Annales: ut rite possit de Fide, ac moribus ita statuere, ut ejus Decreta universam spectent Ecclesiam: ut generales de Ecclesiastica disciplina leges condant: ut Ecclesiasticas leges sapienter relaxent: ut ab omnibus Christiani Orbis Episcopis super maxima quaque re consulatur. Sunt haec potissima Primatus conspectanea, quae Theologi, & Canonistae uberrius pertractarunt.

T I T U L U S VII.

De electione.

Episcopus proprie *eligi*, Presbyteros proprie *ordinari*, ait Balsamon in *can. 3. Concilii Nicaeni*. Episcoporum *ordinationes* apud S. Cyprianum *ep. 63. edit. Rigalt.* electiones sunt; sed ibi est abusus nominis. Olim Episcopus Episcopi comprovinciales in unum convenientes adstantibus, ac testimonium dicentibus Clero, & plebe eligebant: quod egregie confirmat Thomassinus *p. 2. lib. 2. cap. 1. & segg.* Veterem disciplinam describit Nicaena Synodus *can. 4.* Episcopum convenit ab omnibus, qui sunt in Provincia, constitui. Si autem sit hoc difficile vel propter urgentem necessitatem, vel viae longitudinem; tribus omnino eundem in locum congregatis, absentibus quoque suffragium ferentibus, scripsitque assentientibus, tunc electionem fieri. Eodem ritu Episcopi Provinciarum conventu habito suos sibi Archiepiscopos, & Patriarchas eligebant: cujus ritus testimonia sunt apud Thomassin. *p. 2. lib. 2. c. 5.* Ipsos etiam Romanos Pontifices suffragiis Cleri Romani, plebisque olim electos, Cypria-

Cyprianus non uno loco, & Ecclesiastica passim docet historia. Laici testes aderant, non iudices. *Episcopus eligatur*, verba sunt Cypriani, *plebe praesente*, quae singulorum vitam plenissime novit. Iudices erant Episcopi soli. Synodus Antiochena can. 23. oportere, inquit, non aliter fieri Episcopi electionem, nisi cum Synodo, & iudicio Episcoporum, qui post obitum quiescentis potestatem habent eum, qui dignus extiterit, promovere. Synodus Nicaena II. can. 5. oportere, ait, eum, qui est promovendus ad Episcopatum, ab Episcopis eligi. Quod vero de electione D. Martini Severus inquit in eius vita c. 7., incredibilem multitudinem ad serenda suffragia venisse, id non est ita accipiendum, quasi venisset populus tanquam iudex suffragaturus; id enim addit Severus, *Una omnium voluntas, eadem vota, eademque sententia*, Martinum Episcopatu esse dignissimum, felitem fore tali Ecclesiam Sacerdote: quod erat certum hominem laudare, atque Episcopum postulare; sed hoc idem quandoque dictum eligere. Gregor. VII. lib. 5. ep. 2. Cleri, ac populi, maxime honoratiorum, quandoque enim villis plebucula ad arcendas turbas exclusa, uti ex Justiniani Nov. 123. c. 1., Cleri, inquam, & populi testimonia ac desideria exquirebantur, ut de moribus ejus, qui eligebatur, constaret, atque ut ne Episcopus daretur inivitis: quod posterius ne fieret, maxime curabant Ecclesiae Patres. Caecilius P. I. apud Gratianum can. 13. dist. 61. In hunc finem populo saepe cessisse Episcopos, innumeris exemplis docemur. Ceterum, si quem populus minus idoneum postulabat, eum rejicere integrum erat Episcopis, quos docere populum, non sequi oportere, idem Caecilius aiebat can. 2. dist. 62. Confirmat haec quod apud S. Gregorium lib. 2. ep. 19., & Hincmarum Remensem ep. ad Hedenolphum Laudanensem, & ep. ad Clerum, & p. Bellovacensem memoriae est proditum de Episcopo Visitatore. Quum primum Metropolitano de alicujus Episcopi morte obnunciabatur, mitti ab eo mos fuit ad viduam Ecclesiam Episcopum Visitatorem, cuius has fuissent partes, Gregorius, & Hincmarus tradunt, populum, quid esset de eligendis Episcopis per Canones cautum, edocere: ejus vota explorare: ac si quando is in contraria studia scindebatur, quod factum non raro, motus animorum componere. Ita Clerici Monachi, laici cum Episcopo Visitatore certum hominem laudabant. Re ad Metropolitanum perlata, hic accitis Provinciae Episcopis, si nihil erat contra Canones factum, electionem habebat ratam: si contra Canones factum erat, ea rejecta, alium eligebat in Episcopum, consecrabatque: quod in posteriore Hincmari Epistola expressum est. In hunc eundem finem ne eos quidem Clericos, qui Episcopi sunt inferiores, Clero, populoque inconsulto eligere Episcopi consuevere, quod ex Epist. Cypriani exploratum est. Sterit haec disciplina per novem saecula apud Graecos, ac desecisse villa est post can. 22. Synodi VIII. saeculo IX. habitae: at apud Latinos stabat adhuc saec. XII. S. Bernard. ep. 13. & 27. (2) Eodem

(a) Quantoque suos sibi successores designabant Episcopi: deque ea re ad Clerum, & populum referebant. Ita Augustinus Presbyterum Eradium sibi successorem designavit Clero, & populo acclamante, ut ipse scribit ep. 110. Eam designationem Notarii Ecclesiae excipiebant, d. ep. 110. Similia exempla sane multa collegit Thomassinus p. 2. lib. 2. c. 55. & 56. Caverat quidem Antiochena Synodus can. 23., Episcopo non licere pro se alteram successorem sibi constituere; sed is Canon de non ordinando atque in possessionem mittendo successore acceptus est, ne duo simul in urbe una essent Episcopi: quod Ecclesiastica vetabat disciplina. V. Thomassin. c. 25.

dem saeculo XII. Episcopi a Cathedralibus tantum Capitulis eligi coepere: quod Decretalium Gregorii IX. jus esse, Caput de *Electiōe* abunde demonstrat. Tandem per Bonifacium VIII., Clementem V., aliosque posteriorum temporum Pontifices Episcoporum Electiones Romanae Sedi reservatae sunt, uti ex Sexto Decretalium libro, ex Clementinis, & Cancellariae Regulis constat: verum novissimum id jus non ubique receptum est. V. Van Elpen *p. 1. tit. 13. c. 2.* Quae fuerint olim in Episcoporum Electionibus Imperatorum, aliorumque Principum partes: quidve juris sit de Regia Nominatione, docent Lupus peculiari *Dissert.*, Thomasinus *p. 2. lib. 2. c. 6. 13. & seqq.*, Van Elpen *p. 1. tit. 13. c. 3. & 4.*, alique satis multi. Novum quoque jus de summi Pontificis electione conditum est. Romana Synodus sub Stephano IV. an. 769. eligi eum e numero Cardinalium iussit: qua de re Anastasius Bibliothecarius. Tum prodit Constitutio Romanae Synodi sub Nicolao II. habitae an. 1059. apud Gratianum *can. 1. dist. 23.* Maxima turbae, quas in Ecclesia excitaverat Johannes Velitrensis Episcopus, qui potentiorum quorundam gratia fretus, armatoque milite cinctus Romanam Ecclesiam invaserat, novo juri occasionem dedit. Cautum est igitur in hunc modum, *Obeunte Pontifice in primis Cardinales Episcopi diligentissime simul de electione tractantes, mox Christi Clericos Cardinales adhibeant: seque reliquus Clerus & populus ad consensum novae electionis accedat.* Non fuit igitur populus omnino exclusus, sed praecipuae tamen partes Episcopis, & Clero Cardinali datae sunt: quum antea nullum inter Cardinalem Clerum, ac reliquum Clerum, populumque discrimen esset. Addit & illud Nicolaus, *quia Sedes Apostolica super se Metropolitanum habere non potest. Cardinales Episcopos Metropolitanum vice fungi, hoc est, eo jure uti, quo Provincialis Synodus in Episcoporum electione utebatur.* Porro ait Nicolaus, *Salvo debito honore, & reverentia Henrici, qui impraesentiarum Rex Romanorum habetur, & futurus Imperator speratur.* De hoc veteri Imperatorum jure quod sano modo explicandum in diversas partes disputant Lupus *d. dissert.*, Fleury. *hist. Eccl. lib. 60. n. 31.*, Van Elpen in *d. c. 1. dist. 23.*, & Ev. Otto peculiari *Dissertatione*, quae inter ejus Dissertationes primo loco posita est. Successit jus Concilii Lateranensis III. sub Alexandro III., ut duae praesentium Cardinalium partes consentirent in unum *cap. 6. de elect.* Denum uno Conclavi Cardinales concludi, Concilium Lugdunense II. sub Gregorio X. constituit *cap. 3. eod. tit. in VI.*, quo etiam spectat Clementina 2. *eod.* Fusa hoc argumentum persequitur Bignonius peculiari Tractatu de summi Pontificis electione.

T I T U L U S VIII.

De Confirmatione, & Consecratione.

ELectus confirmari debet. Olim confirmandae electionis jus penes Metropolitanum, & comprovinciales Episcopos fuit. Nicaenum Concilium *can. 4.*, *Eorum, inquit, quae sunt, confirmationem in unaquaque Provincia a Metropolitano fieri.* Idem habent *can. 5. & can. 8. dist. 64.* Ita etiam Metropolitanus a Primatibus, atque hic a Patriarcha confirmabatur. V. Joh. Eckium *lib. 3. de Primatu Petri cap. 40.*, & Thomasinum *p. 2. lib. 2. c. 19.* Stabat id jus temporibus Gregorii IX., uti nonnulla libri Decretalium loca commonstrant. Quum Clerus, & populus Electionum participes erant, *Canonicum*, uti tunc dici mos erat, electionis *Decretum* a Clericis, Monachis, ac laicis subscriptum offerebatur Metropolitanano, qui illud

Tom. V.

G

caus-

caussa cognita confirmabat. Multae istiusmodi Decretorum formulae prostant tom. 8. *Concil.* Ubi ad Capitula transire, Decretum a Canonicis signatum, subscriptumque ad Metropolitanum mittebatur. Barbosa *lib. 1. juris Eccl. c. 9. n. 5.* Sed quum primum electiones Episcoporum Romano Pontifici reservatae sunt, Confirmationes etiam electionum reservari Romano Episcopo coeperunt; absurdum est enim visum, iudicium summi Pontificis iudicio Metropolitani subesse. Quod Ecclesia ex diuturniore viduitate non parum capiat detrimenti, electus infra mensem a die scientiae consentire in electionem iubetur: si sine legitima causa praestare consensum detrectet, iure suo cadit, recteque potest alius eligi, *cap. 6. de elect. in VI.* Eodem *cap. 6.* cautum erat, ut electus intra tres a consensu praestito menses, si nulla iusta vetaret causa, Confirmationem peteret electionis suae: eoque tempore exacto omnino irrita electio esset: tum, quod interdum loci propinquitas minus, interdum longinquitas plus exigat intervalli, prudentissime a Nicolao III. sancitum in *cap. 16. eod. in VI.*, ut quorum electiones a Romano Pontifice confirmandae sunt, intra mensem a consensu praestito se se dent viae Romam versus, & quum primum commode poterunt, se praesentes Romae fiant, aut idoneum dent procuratorem, *cap. 44. de elect.*; licet Romana Sedes vacet, *Clement. 2. §. ult. eod. tit.* Sed nemo nisi causa cognita confirmandus, *cap. 44. pr. de elect.* Non confirmato rerum Ecclesiae quam spirituum, tum temporarium administratio sive oeconomatus, five quovis alio nomine interdicta est: si se in eam intrudat, jus sibi per electionem questum perdit, *c. 9. & 17. de elect., & c. 5. eod. in VI.* Recte autem potest confirmatus ea, quae jurisdictionis sunt, exercere: ea vero, quae ordinis sunt, tum demum, quum consecratur, *c. 28. §. 2. eod.* Adde Glossam in *c. 5. eod. tit.* Sed hoc ita accipiendum est, si confirmatus Pontificis Bullis jam sit infiractus, namque hae si desint, populus, cui Episcopus datus est, illum accipere Episcopum non tenetur, *extrav. injunctae de elect. inter com.*

Confirmationem excipit Consecratio. Ante XI. saeculum Confirmatio vix, & ne vix quidem ab ipsa Consecratione, seu Ordinatione secernebatur, unde *χωρηγία electio*, & *χωρηγία manum impositio* interdum promiscue accepta; Metropolitanus enim, & comprovinciales Episcopi electos ordinando confirmabant. Quae igitur in electo confirmando per XII. saecula, & amplius Metropolitanis praecipuae partes fuere, eadem fuerunt in consecrando, *can. 5. 6. & 8. dist. 64. Gregor. VII. lib. 4. ep. 15.* Tres saltem Episcopi convenire, Nicaena Synodus iussit *can. 4.*: qui Canon etiam de Electione, & Confirmatione potius, quam de Consecratione agere videatur, tamen de Consecratione etiam a Graecis aequae ac Latinis acceptus est: eoque Canone usi sunt passim ad adstruendam veterem disciplinam, ut, quum de consecrando Episcopo agitur, praeter Metropolitanum, aliumve ordinatorem Episcopum duo alii praesentes adsint. Sed ab ea disciplina non raro defectum, & interdum a duobus, quandoque etiam ab uno Episcopo, si qua visa est urgere necessitas, Consecratio expedita est. Auctor *Consl. Apost. lib. 3. c. 20.*, Synesius *ep. 67.*, Anastasius Bibliothecarius in *Pelagio I.* At successu temporis quum Episcopi non Romanae solum Provinciae, sed & Italiae, & vero etiam Occidentis universi Confirmationem petere coepissent a Romano Pontifice, Confirmationem a Consecratione sejungi necessum fuit, quod Consecratio in Provinciis, Confirmatio autem Romae expediretur. Demum uti Confirmatio, ita Consecratio Pontifici Romano reservata est: cautumque, ut trimestre spatium Confirmationem inter, & Consecrationem interponeretur, illud omnino idem, quod inter Electionem, & Confirmationem interjiciebatur, Trident. *sess. 23. cap. 2. de Ref. ibi, Si munus Consecrationis intra tres menses non susceperint, ad fructuum perceptorum resti-*

tutionem teneantur: si intra totidem menses postea id facere neglexerint, Ecclesiis ipso jure sint privati. Caverant quidem jamdudum Chalcedonenſis Synodus apud Gratian. *can. 2. dist. 75.*, Gregorius M. *can. 11. dist. 56.*, & Pelagius I. *can. 1. dist. 100.*, ut intra tres menses Episcoporum Ordinationes fierent, at id tamen tempus a die vacationis incipiebat, non a die Confirmationis, unde incipit jure novo.

T I T U L U S IX.

De Monachis.

Inſtituti Monaſtici origines magnas dedere turbas. Qui *Carmelitas* appellantur, primos laudant auctores Eliam, atque Elizaëum. Opinionem hanc ſolide reſutatur Papebrochius, & Cardinalis Capſucchiſ *controv. 16.* Ut alia deſint argumenta, id certe unum contra Carmelitas facit maxime, neque Eliam, & Elizaëum votis, quae monaſtica dicuntur, fuiſſe unquam obſtrictos, nec Monaſticum ſtarum iis cognitum, qui veteri lege vixerunt. Baronius *ad an. 64.*, alique Monachatus originem repetunt a *Therapeutis*, quorum duriffimum vitae genus deſcribit Philo Judaeus S. Marco Evangelistae coaevus *lib. de vit. contempl.* Plane eos de civitatum frequentia in agrum, ac ſolitudinem ſecedentes orationibus, aliſque piis officiis perpetuo vacaſſe, compertum eſt. At vero primum omnino non conſtat, num Therapeutae iſti Chriſtiani fuerint, quod Euſebio viſum *lib. 2. hiſt. c. 17.*, an Judaei, quod viſum Scaligero *lib. 6. de emend. temp.*, ac Valeſio in *Euſebium loc. cit.*; deinde eos uxores Therapeutrias, hoc eſt, cultrices ſecum habuiſſe, licet uſu matrimonii abſtinerent, Philo tradit: quod convenire cum Monaſticae vitae genere haud quaquam poteſt. Therapeutae igitur Aſcetae erant, non Monachi. *Aſcetae* vox eſt generis, cujus ſpecies una Monachi. Aſcetarum origo jam inde a primo nominis Chriſtiani aevo accerſenda eſt: ac plerique eorum in civitatum frequentia verſabantur, nec ſibi ab uxori- bus temperabant: quod vero ſeveriorem inſtituebant vitam, *aſcetae*, ſi ma- res eſſent, *aſetriae*, ſi foeminae, dicebantur: nonnulli ſecedebant quidem in ſolitudinem, quales Therapeutae erant; hos enim Chriſtianos fuiſſe, ve- roſimilius duco; ſed quia uxores habebant, neque ullis obligabantur votis, longe aberant a Monachis. V. Valeſium *ibid.* Merito igitur Lucas Hoſſe- nius *praef. ad reg. vet. Monach. 1.*, Papebrochius *com. in acta Pachomii*, Pagius in *Baron. an. 318. n. 12.*, alique melioris notae Scriptores Coeno- biorum, in quibus communem vitam viverent Monachi ſub regimine Abbat- tis, originem reſerunt ad aetatem Conſtantini M., hoc eſt, ad IV. Eccle- ſiae ſaeculum. Illuſtre in hanc ſententiam eſt teſtimonium Auctoris vitae S. Pachomii in Actis Hollandi die 14. Maji. Sic apud eum S. Antonius Sacchaeum Pachomii diſcipulum alloquitur, Quo ego tempore Monachum cae- pi agere, nullum uſquam extabat Coenobium... poſtea pater veſter (Pachomius) tantum bonum Deo adjuvante eſſecit. Monachi omnes olim laici. Hinc eorum poena non ſuſpenſio, aut deſcriptio, quae propriae Clericorum erant, ſed excommunicatio, quae propria erat laicorum. Concil. Chalced. *can. 2.*, & 8., ac Trullan. *can. 82.* Hinc, teſte S. Leone *ad Ruſticum Nar- bonenſem c. 12.*, ſubjecti publicae poenitentiae, qua Clericos caſtigari prae- ter Canones erat: qua de re *lib. 2.* Hinc demum ſi quos Epilcopi deeſſe ſibi Clericos arbitrabantur, eos plerumque ex numero Monachorum ordina- bant, *l. 32. C. Th. de Epilcop.* quam fuiſſe receptiſſimam in utraque Eccle- ſia conſuetudinem, praeclare demonſtrat Jac. Gothofredus in *d. l. 32. lgi*

ut aut Monachi Abbate duce ad Parochiales Ecclesias conveniebant, ut Mysteriorum participes fierent, aut penes se habebant saecularem Presbyterum ad titulum Monasterii ordinatum, uti ex Chalc. Concilio *can. 6. & 8.* Exemplum tamen aliquod vetus memoria suppeditat Monachi Presbyteri. Talis certe fuit Eutyches, uti Liberatus testatur *Breviar. c. 11.* Tum Ecclesiae utilitas induxit, ut sacros ordines Monachi susciperent: idque ad *ampliationem cultus Divini* certa ac perpetua lege tandem constituit Clemens V. *Clement. 1. sub finem de statu Monach.* Regebantur Monachi *Præpositorum*, seu *Superiorum* arbitrio, quod initio *Regulae* loco fuit: explicabatur autem arbitrium illud, uti se se dabat occasio. S. Benedictus, qui primus, aut certe inter primos, uti Mabillonius loquitur *praef. ad 1. part. facc. IV. Benedict.*, solennis professionis formam modumque praescripsit, primus videtur instituisse certae ac perpetuae Regulae professionem. Haec, nisi Novitatus praecesserit, inutilis est, *cap. 8. & 16. de Regular.* Monasterium ingressi apud Orientales in Novitatu per triennium erant, *Nov. 5.* Iustiniani: quod a Pachornio institutum scribit Palladius in *Lauliac. cap. 38.* At S. Benedicti Regula annum praescripsit: quod Tridentini Concilii ius est *sess. 25. de Regul. c. 15.* De aetate, qua edenda Professio est, varium jus fuit. Romana Synodus sub Sylvestro I. *can. 10. XXV.* aetatis annum constituit in eam rem: S. Basilii *cap. 7. Regulae* pubertatem: quam aetatem sit Ambrosius *lib. 3. de Virginit.*, & Alexander III. *d. cap. 8.* probant: S. vero ad *Amphiloch. can. 18. XVI.* aut *XVII.* annum: postremo Tridentina Synodus *loc. cit.* annum *XVI.* exactum. V. Palavicin. *lib. 24. cap. 6.* Secundum Benedictinam, qualis nunc extat, formulam tria is, qui Regulam proficetur, discrete promittit, *loci stabilitatem, morum conversionem, obedientiam.* Recentiores quorundam Ordinum tormulae tria expresse continent vota, *paupertatis, obedientiae, castitatis:* quae tamen omnia Benedictinae Regulae tacite inesse, docet Van Espen *p. 1. tit. 27. c. 3.* Porro de Monachorum tonsura, ac veste dicendum est. Triplex in monumentis Ecclesiasticis Tonsura, Poenitentium, Monachorum, Clericorum. Prima omnium antiquissima, ejus enim meminit Synodus Agathensis, *can. 15.* Eam Monastica sequuta est: quod Monachorum vita quaedam est poenitentiae professio, uti Zonaras inquit in *can. 2. Pseudo Synodi VIII.* Quod apud Hilarionem in *vita Hilarionis* scriptum est, Hilarionem *semel in anno die Paschae capillum tondere* consuevisse, id argumento est, initio nihil cautum de tonsura Monachorum. Id quum Christianis omnibus, tum maxime Monachis interdictum erat, ne comam alerent. S. Aug. de opere *Monach. c. 31.* Procedente tempore tondere caput Monachi coeperunt, atque ut deformitas eos faceret hominibus despectissimos, partem comae caedebant ad cutem, partem inaequaliter attondebant. Paulin, *ep. 7.* Denum Clerici Monachos imitati sunt. Sed Poenitentium, & Monachorum tonsura longe distabat a tonsura Clericorum; namque haec apud Ecclesiasticos Scriptores *corona* passim dicitur, nunquam illa: quo discrimen inter utramque tonsuram perspicue patet. Clerici detonso superius capite inferius solam relinquebant circuli coronam, uti nos *tit. 4.* hujus Libri, ac Thomasin. *p. 1. lib. 2. c. 38. n. 3. & 4.*, non item Poenitentes, aut Monachi; Corona enim, ut Ildorus tradit *lib. 2. de off. c. 4.*, Regale Christi Sacerdotium significabat, quod in Clericis, & maxime in Episcopis spectatur, unde mos adjurandi Episcopos per coronam: quodque Poenitentes, & Monachos dedecere videbatur. Posremo quum coepissent Monachi suscipere Clericatum, illius circuli usus ad Monachos etiam transiit: quod primum in Anglia factum videbatur. V. Thomasin, *c. 38.* sub finem. Quod facit ad vestem, initio eos, qui

sub

sub Pachonii disciplina vivebant, certum gestasse habitum, & eum quidem asperum, & a communi hominum usu longe alienum, testis est Cassianus *lib. 1. de habitu Monach.* At vero Occidentales Monachi vestitu gravi quidem, & modesto, sed haud tamen diverso a vulgari consuetudine usi sunt, uti Cassianus *ibid. cap. 11.* Non fuit is multum absimilis veteri Clericorum vestitu, quam descripsi *d. tit. 4.* Id quumprimis cavebant, ne affectato habitus admirationem sive risum ciere viderentur. Hieronym. *ep. 22. ad Eustoch.* Procedente tempore Monachi a laicis, & Clericis, & vero etiam inter se habitu distingui coeperunt. Ante tempora Concilii Lateranensis IV. nulla Sedis Apostolicae auctoritate opus erat ad novam Religionis Regulam instituendam. Ne id sine Romani Pontificis adprobatione fieret, primum in *cit.* Lateranensi Concilio ab Innocentio III. vetitum, docent passim Canonistae ex *cap. ult. de relig. dom.* idque ea ratione cautum, inquit Bellarminus *lib. 2. de Monachis cap. 4.*, quod Apostolicae Sedis auctoritas metum omnem discedit, ne quid a vera pietate alienum inducatur. Vetitum quoque nisi bona cum venia Episcopi novum construi monasterium, *can. 4. Chalcedonensis Concilii*: quam disciplinam Synodus Tridentina restituit *sess. 25. de Regular. c. 3.* Sub idem tempus, quo Monachorum Coenobia instituta sunt, instituta sunt etiam Monasteria Monialium, de quibus prope eadem, quae de Monachis, cauta sunt. V. de Monialibus Thomasin. *p. 1. lib. 3. cap. 44. & seqq.* Monialibus tempore praecedunt Virgines sacrae, de quibus dictum *tit. 5.*

TITULUS ULTIMUS.

De Privilegiis Clericorum.

Quod aequum est, gratiosos in civitate esse, qui sunt Divini ministerii addicti, uti & apud ethnicos erant, privilegia quaedam fuere Clericis indulta, quae in *personali*, ac *reali* exemptione posita sunt. Num Divini, an humani juris sint, vetus quaestio est, in qua amplissimi Cardinales Baronius, Bellarminus, ac plerique quum antiquiorum, tum recentiorum Canonistarum magno studio versati sunt. Ego id nunc non ago; res est enim invidiae, ac periculi plena. Id tantum in animum induxi Christianorum Principum Constitutiones, & Canones super ea re conditos, uti facere historicum deceret, quambrevisime recensere. Personalis exemptio eo spectat, ut nec publicis muneribus fungi, nec venire ad laicos iudices compellantur. Clericos publicis muneribus exempti Constantinus M. Constitutione sua ad Aulium Africae Proconsul an. 312. aut 313. edita apud Euseb. *lib. 10. c. 7.*, ne a cultu summae Divinitati debito abstraherentur. Huc etiam pertinet exemptio ab onere hospitii, si milites, alive, per quos publica res agitur, officii causa faciant iter. Huic oneri, quod patrimonii est *l. 3. de mun. & honor. & l. 3. Cod. de mun. patrim.*, quodque Romanis metatum dicebatur, uti ex *tir. C. Th.*, & *Just. de metatis*, Ecclesiasticos subduxit Constantius Imp. *l. 8. C. Th. de Ep. & Cl.* De Clericorum in civilibus causis exemptione, quae facit, ut contra eos apud Episcopum necessario agendum sit, primus inter Christianos Principes cavuit Justinianus rogante Menna P. Constantinopolitano Nov. 83., in cujus principio, *Petiti*, inquit, *sumus a Menna reverendissimis Clericis hoc dare privilegium*: quod idem privilegium jam ante Monialibus, & Monachis indulserat Nov. 79., abrogata Leonis, atque Anthemii Constitutione in *l. 33. C. cod. Epaoensem Canonem 11. Novella Justiniani antiquiorem nolo tacitus praeterire, sed nihil in eo momenti positum est, quod de germana ejus lectione non constar. Legunt*

Crabius, & Binius, *Clerici si pulsati fuerint, sequi ad saeculare iudicium non praesumant*: at legit tamen Sirmondus, *Sequi ad saeculare iudicium non morentur*. Quale esse debeat de Epzonenlis Canonis lectione iudicium, in medium relinquo. Id exploratissimum est, privilegium hoc Clericorum sexcentis juris Canonici locis probari. Egregium in eam sententiam est Innocentii III. rescriptum in *cap. 12. de foro comp.*, quod *lib. 3.* harum Institutionum expendam. De Clericorum in criminalibus causis exemptione *lib. 4.* De exemptione reali multae extant Christianorum Principum Constitutiones, quae, ut probe intelligantur, de diverso tributorum genere pauca quaedam praefibor. Erat Romae *census capitum*, quod personale tributum erat: erat & *census agrorum*, quod tributum soli erat, quodque & *canon dictum* in *Apol. 2.* Athanasii, ac utroque Codice, & *capitatio vel terrena vel humana & animalium* in *l. 6. C. Th. de constat. donat.*: quae vocabula scire exponunt Jac. Gothofredus in *Cod. Th.*, & Brissonius de *l. S.* Porro erat Romae tributum ordinarium sive capitum sive soli, quod antiquo atque ordinario jure pendebatur: erat & tributum extraordinarium, seu *superindictum*, quod pro peculiari Reip. necessitate aut Imperio universo, aut cuidam Provinciae ad certum tempus imponebatur, uti ex *cit. utriusque Cod. tit. de superindicto*. Censu capitum fuere Clerici exempti. Ecce tibi Constantii Imp. verba in *l. 10. C. Th. de Ep. & Cl.*, *Clericis, ac juvenibus praebeatur immunitas, ubi ro juvenibus* argumento est, agi eo loco de censu capitum, quo impuberes non fuisse obligatos, auctor est Ulpianus *l. 3. de censib.* Censu agrorum solos *Ecclesiarum* fundos exempti Constantius *l. 1. C. Th. de annon*: patrimonialia Clericorum non exempti. Forte movit piensissimum Principem Ecclesiarum, in quas Tyranni desceverant, paupertas. Ubi coeperunt Ecclesiae ditescere, bonorum Ecclesiasticorum immunitatem ad extraordinaria onera revocavit Honorius, ac Theodosius in *l. 4. C. Th. eod. tit.*: in eundemque sensum Ecclesiasticorum bonorum immunitatem confirmavit Imp. Justinianus *Nov. 131. c. 5.*, ubi publicae utilitatis, ac publicae salutis ergo certa etiam onera excepit ex sententia Theodosii Junioris in *l. 6. C. Th. de itin. muniend.*, qua abrogata est Honorii Constitutio in *l. 40. C. Th. de Episc. & Cler.* Patrimonialia Clericorum fundos *novis*, hoc est, extraordinariis *collationibus* a Constantio subducos in *l. 8. Cod. Th. de Episc. & Cleric.* opinio est Thomadini *p. 3. l. 1. cap. 33. num. 4.* Idem Constantius sordidis muneribus, quae extraordinaria erant, *tit. C. Th. de extraord. & sord. mun.*, quum personalibus, tum patrimonialibus Clericos absolvit *l. 10. & 14. C. Th. eod. tit.* Sordida munera percrensit Jac. Gothofredus in *Cod. Th.* Horum numero fuit *parangarium praestatio*, ad quam non vocari Clericos, nec eorumdem facultates aequae substantias, idem Constantius iussit *d. l. 14* Et quamquam de nonnullis extraordinariis oneribus non idem semper jus fuerit, & extraordinaria dici aliquando ordinaria placuerit, uti ex Valentiniiani *Nov. 21.*; tamen Justinianus Ecclesiarum & Venerabilium Domorum possessiones extraordinariis descriptionibus immunes fecit *d. Nov. 131. c. 13.*, & probabile est, non aliam fuisse patrimonii Clericorum rationem. Thomadin. *c. 34. n. 6.* Varium quoque de hac re jus fuit posterioribus saeculis, ejusque varii juris historiam contexit Thomasinus *cap. 35.* Quantum ad Canones, prostant horum nonnulli in Decretalibus Gregorii IX. *tit. de immunit. Eccles.*, nonnulli apud Thomadin. *c. 3.* Super his Clericorum privilegiis suas quaeque Christiana Provincia leges; moreque habet. Novissimum apud nos jus est, quod S. P. Benedictus XIV., & Carolus Harbonius Rex noster tractatu habito constituerunt: de quo jure *lib. 1. Juris Neap.*

INSTITUTIONUM

55

CANONICARUM

LIBER II.

Personas excipiunt Res, quo nomine comprehenduntur Sacramenta,
 Ecclesiae, Beneficia, Pensiones, aliique redditus Ecclesiastici, de
 quibus omnibus singillatim.

TITULUS I.

De Sacramentis.

Scripturus de Sacramentis, ne cui meo videar officio deesse, id moneo
 atque edico, me iis omnibus controversiis, quae super hac ipsa re inde
 ultique a XII., aut XIII. saeculo Scholasticorum ingenia exercent, ultro ab-
 sistere. Meum est, quae ad disciplinam, ritusque Ecclesiasticos pertinent,
 enarrare. Pauca quaedam eorum, quae ablegavi ad Theologos, ut consue-
 tudini serviam, delibabo.

Sacramenti in re quum Civili, tum Ecclesiastica multiplex significatio.
 Hoc loco est *signum rei sacrae*. Quicquid sub sensum cadit *signum* dico :
 gratiam, quam externum illud signum designat, & confert, *rem sacram* ap-
 pello. Definitionem huic simillimam sub nomine Augustini proponit Gra-
 tianus *can. 32. dist. 2. de Consecr.*, *Sacramentum est invisibilis gratiae visibili-*
lis forma : quae definitio expressis verbis apud Augustinum nunquam extat :
 tamen ex Augustini verbis in *ep. 16.* collecta est : uti in eum locum mo-
 nent Correctores Romani. Tribus perfici Sacramenta, Concilium Florenti-
 num docet in *Instruct. ad Armen.*, *rebus, tanquam materia, verbis tanquam*
forma, & persona Ministri conferentis Sacramentum : quorum si aliquod de-
 sit, non perficitur Sacramentum. Voces *materia*, & *forma* saeculo XII. an-
 tiquiores non sunt. Ante id tempus duo in Sacramentis distinguebant, *rem*,
 hoc est, *materiam*, & *verba*, hoc est, *formam* : itemque distinguebant *signum*,
 & *rem sacram*, seu *rem invisibilem* : ac denique *Sacramentum*, & *rem Sacra-*
menti. Signo, Sacramentove materiam, & formam, re sacra, seu invisibi-
 li, aut re Sacramenti Characterem, & gratiam significabant. At postquam
 saec. XII. Peripatetica Philosophia in Theologiam irrepsit, eas voces *ma-*
teria, & *forma* a Peripateticis procusas arripuerunt Theologi : ac videtur
 eas primus omnium usurpasse Guilelmus Antiodorensis haud multo post an-
 Chr. 1215., quem mox sequuti sunt Alexander de Hales, Albertus M., D.
 Thomas, ac tandem Ecclesia universa. Sed Latini primum, tum Graeci ea
 vocabula adhibuerunt. Morin. *de SS. Ordin. p. 3. Exerc. 1. cap. 3.* Ex ea-
 dem Philosophia est ea materiae partitio in *remotam*, & *proximam*. *Remo-*
tam dicunt rem ipsam, quae est ad conferendum Sacramentum adhibenda,
 qualis est aqua, oleum &c. : *proximam* dicunt ipsum rei usum, qualis est
 ablutio, unctio &c. *Forma* est aut pura, quam dicunt *absolutam*, aut *con-*
ditionalis. Est haec partitio VIII. saeculo recentior. Quo casu nunc Sacra-
 menta, quae non iterantur, conferri sub conditione solent, antea iterabantur.
 S. Cyprian. *ep. 76.*, Leo M. *ep. 37.*, S. Gregor. *ep. 31.* Neque id Patres
 religioni ducebant sibi ; nam non videri iteratum aiebant, quod non certis
 argumentis rite peractum constabat : quam regulam Leo, & Gregorius di-
 ser-

sertissime proponunt: ea autem regula nullum fuisse per id tempus formae conditionalis usum supponit. Primum in Capitularibus Caroli M. *lib. 6. cap. 151.* ea forma praescripta est: tum saec. XII. ab Alexandro III., cuius Decretum inseruit saec. XIII. Gregorius IX. in Libros Decretalium: extatque in *cap. 2. de Baptism.* Sed non ante saec. XIII. Latinae omnes Ecclesiae eius formae usum receperunt, quod non ante Decretales editas Alexandri III. Decretum innotuit ubique: quo factum, ut Petrus Cantor, qui post Alexandrum scripsit de *Sacramentis*, eam formam rejecerit. Conditionalis formae locus est, ubi de collati Sacramenti vi dubitatur, *d. cap. 2.*: nec nisi in Sacramentis, quae repeti non possunt, est locus; namque alia praeter ea Sacramenta Ecclesiastici Scriptores ab Alexandro ad proxime exactum saeculum non meminere. Saeculo proxime exacto conditionalem Absolutionis formam aliquando adhibendam tradidere quidam Theologorum: qua de re v. Juenin. de *Sacram. Diss. 1. g. 3. art. 2.* Ministri etiam *intentione*, hoc est, voluntate ad perficiendum Sacramentum est opus. Debet autem Minister ita statuere apud se, velle se *saltem facere*, quod facit Ecclesia. Trident. *d. sess. 6. can. 11.*

Sacramenta numero septem, eaque Christus omnia instituit. Trident. *sess. 6. de Sacram. in genere c. 1.* Alexander de Hales, & S. Bonaventura Confirmationem ab Ecclesia: Hugo a S. Victore, Petrus Lombardus, alique nonnulli Theologi Tridentino Concilio antiquiores extremam unctionem ab Apostolo Jacobo institutam tradidere. Non erat ante Concilii Tridentini tempora satis exploratum, quod possea esse ratum fixumque apud Catholicos coepit. Omnium communis effectus *gratia*, quam dicimus *sanctificantem*. Trident. *d. sess. c. 6.* Porro Baptismi, Confirmationis, atque Ordinis proprius effectus *Character*, seu spiritualis quaedam nota, quae semel animae impressa nunquam deletur: quo fit, ut repeti non possint. Trident. *d. sess. 7. c. 9.* Vox *Character* apud antiquos Ecclesiae Patres nusquam extat; extant vero voces aliae, quibus Tridentini de Characteris sententiam fuisse antiquae Ecclesiae perspectam, satis luculenter ostenditur: qua de re Theologos adi, qui Catholicum dogma de Characteris contra haereticos tuentur. Id moneo, a saeculo XIII. coepisse; Theologos uberius subtiliusque naturam, rationesque characteris pertractare; sed longae eorum disputationes huc tandem videntur redire, characterem esse specialem quandam hominis Divino cultui additionem: qua veluti nota ab aliis distinguitur: id autem Baptismo, Confirmatione, Ordine fieri, cuius facile est intelligere.

TITULUS II.

De Baptismo.

Baptismus est a Graeco βαπτίζω, quod proprie redditur *mergere*, uti vetustiores Glossae habent, per metalepsin *ablueri*: quae significatio huc pertinet. Igitur Baptismus *ablutio* est. Remota Baptismi mater a est aqua naturalis: quod ex Divinis libris, & perpetua Ecclesiae traditione docent Tridentinum *sess. 7. c. 2.*, ac Theologi passim. Stephani III. rescriptum apud Sirmundum *tom. 2. Conciliorum Galliae*, quo Baptismus periclitanti puero in vino, quod aqua deesset, datus probatur, omnino apocryphum habere, primum quia a veri specie longissime abest, summum Pontificem in re protrita turpissime lapsum: deinde quia de ejus rescripti auctore non constat, illudque duo MSS. Codices Stephano II., tertius Siricio adscribit: de-
mum

mum quia non uno in iis omnibus MSS. modo res ipsa enarratur. Quid,
 quod nullus Patrum ejus rescripti meminerit ad hunc diem? Id, si de re-
 scripto non ambigas, quo pacto verosimile esse, probes, non video. Ad
 A. Augustin. de emend. Gratiani p. 200., & Baluz. in A. Aug. p. 431. A-
 quam benedici, vetus disciplina Ecclesiae est. Basiliius de Sp. S. cap. 27.,
 Cyrill. Hierosolym. Cath. 3. Haec aquae benedictio est, quam patres aquae,
 sanctificationem, & consecrationem dixerunt. Tertul. de Bapt. c. 4., Basil.
 ibid. Certae preces ab Ecclesia institutae ad sanctificandam aquam adhibi-
 tae, quas habes in Const. Apost. lib. 7. c. 43. hinc deprecari super aquam
 Baptismi apud Aug. de Bapt. lib. 5. c. 20. Signo etiam Crucis aquam si-
 gnari, testes sunt Auctor Libr. de Eccl. Hierarch., August. Hom. 27. ex
 50. tom. 10., alique. Si aqua satis ad abluendam multitudinem non erat,
 nova per canales in Baptisterium infundebatur. V. Ennodii epigr. 149. de
 fonte Baptisterii S. Stephani. Materia proxima est ipsa ablutio. Ablutionis
 modus triplex, Adpersio, effusio, Immersio. De Baptismo per adpersio-
 nem, aut effusionem dato a veteribus dubitatum. Cornel. P. ep. ad Fabium
 Antiochen. apud Euseb. lib. 6. Hist. c. 43., S. Cyprian. lib. 4. ep. 7.: at jam-
 diu certi juris esse coepit, Baptisimum valere: quam sententiam Cyprianus
 habuit potiorē. Et sane adpersio, effusio, immersio diversi quidem ablu-
 tionis modi sunt; re tamen ipsa nihil distant. Veterum dubitatio de Baptis-
 mo per adpersionem, aut effusionem collato luculentissimo argumento est,
 prioribus Ecclesiae saeculis conferri Baptisimum immersione consuevisse: &
 certe hunc ritum per XII. priora saecula servavit Ecclesia: saeculo XIII.
 ineunte adhiberi effusio in quibusdam Latinis Ecclesiis coepit, teste D Tho-
 ma p. 3. q. 66. art. 7.; sed sub exitum ejus saeculi immersionem desuere,
 ac frequentari effusionem coepisse, Rituales Libri demonstrant. Trina erat
 immersio. Tertullian. de Coron. milit. c. 3., Canon Apostolic. 50., Auctor
 Libr. de Ecclesiast. Hierarch. Ambros., seu quisquis alius est auctor Libro-
 rum de Sacramentis, S. Gregor. in Sacramentar. Qui non ter mergebat,
 praecepti Ecclesiastici violati poenas dabat, d. can. Apost. At neque ad vim
 Sacramenti, neque ad Divinum ullum praeceptum trinus ille meritionum nu-
 merus pertinebat; quum enim Hispani nonnulli, ne Arianos, qui trina mer-
 sione triplicem in Trinitate substantiam designabant, imitari viderentur, se-
 mel mergerent; eorum factum Gregorius M. probavit lib. 1. ep. 41. ad Leandr.
 Episcopum Hispanensem. Quum infantes, tum adulti, & foeminae aequae ac
 mares omnino nudi, ac ne levi quidem fasciola cincti toto corpore merge-
 bantur. S. Ambros. serm. 20., Chrylost. ep. 1. ad Innocent., Augustin. Hom.
 3. ad Neophytos, Gregor. M. in Sacramentario. Ut autem sexus pudori
 consuleretur, foeminae a maribus alicubi Baptisterio, cujus duo plerumque
 concia via erant, uti suo loco ostendam, alicubi tempore distinguebantur.
 Augustin. de Civ. Dei lib. 22. c. 8., Gregor. in Sacram., Albinus Flaccus
 de Divin. Off. apud Voss. de Bapt. disp. 1. Consulebatur etiam muliebri ve-
 recundiae per Diaconissas, de quibus jam dictum.

Baptismi forma apud Latinos haec est, Ego te baptizo in nomine Patris,
 & Filii, & Spiritus Sancti. Eugen. IV. in Decret. Armen., & Rituale Ro-
 man. Pauli V. Multorum, ac maxime Petri Cantoris, & Praepositivi opi-
 nio fuit, salvo Sacramento omitti posse verba, Ego te baptizo, hoc argu-
 mento, quod in iis Christi verbis Matt. 20., Baptizantes eos in nomine
 Patris, & Filii, & Spiritus Sancti, & baptizantes factum ipsum Ministri
 designet. V. Morin. de Poenit. lib. 8. c. 16. At contra Alexander III. re-
 Tom. V.

scripsit in *cap. 1. de Baptism.* Sed Alexandri rescriptum Petrum Cantorem, Praepositum, aliosque Theologos Alexandro recentiores omnino latuit: neque ante Decretalium Libros sub Gregorio IX. editos Ecclesiae videatur innovisse. Graecorum forma haec est, *Baptizetur servus, vel serva Dei N. in nomine Patris, & Filii, & Spiritus Sancti.* Joh. Moschus in *Prato Spirit.* cap. 176., Arcudius, & Graecorum Euchologia apud Goarium habent *Baptizatur*: quae germana lectio D. Thomae, aliosque scholasticos fugit. At sive hoc, sive illo modo formula efferatur, vis Sacramenti constabit. Eugenius IV. in *Decreto.* Vetus est haec formula apud Graecos in eum finem, quod multi putant, adhibita, ut subolescenti errori occurreretur; namque illud Ministri verbum, *Ego te Baptizo*, occasionem opinandi dedit, vim Sacramenti ex persona Ministri aestimandam: quo referunt nonnulli Corinthiorum dissidium, de quo Paulus 1. ad Cor. 1., *Unusquisque vestrum dicit, Ego sum Pauli.* Ego Caephae, Ego Christi... Nunquid Paulus crucifixus est pro vobis, aut in nomine Pauli baptizati estis? Certe videntur Graeci Patres eam formulam usurpasse, ne quis verbum, *Ego te baptizo*, torqueret in sententiam Novatianorum, quorum haeresis late manaverat in Oriente, ad vim Sacramenti fide Ministri opus esse. Sed Graeci tamen in pejus delapsi Baptismum formula Latinorum datum nihil esse rati sunt, ac proinde a Latinis baptizatos rebaptizabant: quo nomine Graecos acerbè carpit Innocentius III. in *cap. ult. h. s.*

Baptismi solennis, puta ejus, qui adhibitis caeremoniis conferebatur, ordinarius Minister fuit olim Episcopus, aut Presbyter non tamen sine Episcopi auctoritate propter Ecclesiae honorem, quo salvo salva pax est, inquit Tertullianus de *Bapt.* c. 17. V. quoque Hieronym. *Dial. advers. Luciferian.* & Aug. *lib. 22. de Civ. Dei* c. 8. Post saeculum V. proprius Presbyter etiam sine Episcopi venia solennem conferre Baptismum coepit. S. Gregor. in *Sacrament.* Saeculo VII. Episcopus fere nunquam baptizabat. Extra ordinem ipse Diaconus baptizabat jussu Episcopi. Hieronym. *ibid.* Quod si qua necessitas urgeat, laici omnes recte baptizant. Tertullian., & Hieronym. *cit. loc.* Recte, inquam, hoc est, sine culpa: ceterum etiam si nulla necessitas sit, valere Baptismum a laicis datum, perpetua traditione docemur; at nae illi tamen contra disciplinam Ecclesiae peccant. Apposite Augustinus *lib. 2. contra ep. Parmen.* c. 13., *Nulla necessitate si fiat, alieni muneris usurpatio est.* De Baptismo ab haereticis collato Stephanus P., atque Africani Patres magnis animis disputarunt. Primus Agrippinus Cartaginiensis Episcopus sub finem saeculi II. haereticorum baptismum nullum pronunciavit. Augustin. *lib. 2. de Bapt. cont. Donatist.* Vincent. Lirinenf. *Commonit.* 1. c. 9. Saeculo III. Agrippini sententiam Cyprianus, alique Africani Episcopi tribus in eam rem habitis Conciliis confirmarunt: neque aliud Firmiliano Caesareae in Cappadocia Episcopo, aliisque non paucis Asianis Episcopis de ea re visum. Adi N. Alexandr. in *saec. 3. tot. artic.* 5. Unus contra omnes Stephanus haereticorum baptismum, si praescripta a Christo formula conferretur, habuit ratum. Cyprian. *ep. ad Pompejum Episcopum Sabratensem*, Firmilian. *Ep. ad Cyprian.* Stephani judicium Ecclesiam universa sequuta est, teste Augustino *lib. 2. de Bapt.* c. 4., ubi secundum eum in plenario, id est, oecumenico Concilio pronunciatum, inquit: idque Concilium post Cypriani martyrium, se tamen nondum nato habitum addit *cap. 9.*: quod argumento est, Augustinum spectasse ad Nicaenam Synodum, quae, uti Hieronymus loquitur *ibid.*, omnes haereticos suscipit (puta *gan. 8.*) ex-

cepit

ceptis Pauli Samosatensi discipulis, de quibus *can. 19.*; namque usitatum in Catholica Ecclesia formulam non servabant. Ex sententia Stephani novissime definitum Trident. *sess. 7. can. 4.* Idem de Baptismo Judaeorum jus est. *Aug. lib. 5. de Bapt. c. 20., & lib. 2. contra Parmen. c. 13.* Quod si quis non baptizatus ritum Ecclesiae seruet, sique animo propositum habeat, vel le se secundum Ecclesiae mentem agere, baptismum valere, non ambigitur. Contra quidem sensere Patres, qui valere Baptismum haereticorum negabant: Augustino in hac re aqua haesit, nec quidquam temere affirmandum sine auctoritate tanti Concilii, quantum *tantae rei sufficit, lib. 2. contr. ep. Parmen. c. 13.* scripsit. At Baptismum valere Nicolaus P. rescripsit saec. IX. ad consulta Bulgarorum in *can. 24. de Consecr. dist. 4.*

Infantibus, atque adultis datur Baptismus. Baptismus parvulorum nihili esse, haereticorum quorundam opinio fuit. Tertullianus ipse *lib. de Baptism.* satius habuit Baptismum differre, dum, qui erant baptizandi, Christum nossent. At recte infantes in fide Ecclesiae baptizari, Catholica Fides docet. Trident. *sess. 7. de Bapt. can. 13.* Quod parvulorum Baptismum nulla praeiret catechesis, sponsores adsumti, qui conceptis verbis responderent, de quibus mox: Adulti antequam Baptismum susceperent, rudimenta fidei edocebantur: unde nomen *Catechumenorum* a Graeco *καταχύμαιναι*, docere, erudire. Hinc Tertulliano Novitoli de Poenit. *c. 6.*, Augustino Tyrones Dei de *Symbol. fid. ad Catech. lib. 2. c. 1.*, ac passim Latinis Patribus *Audientes*, & *Auditores* dicti. Quandoque *Christiani* etiam appellati: Concil. Illiberit. *can. 39.*, & Constantinop. I. *can. 7.*: quo factum, ut interdum *facere Christianum* perinde esset, ac *facere catechumenum*, ut in *vit. S. Martini Dialog.* 2. c. 5. Vere Catechumeni inter Ethnicos, & Fideles mediū habebantur; sed is gradus non sine manuum impositione, & recitatione precum obtinebatur. *V. vit. S. Mart. loc. cit.*, Valesium in *Euseb. de vit. Const. lib. 4. c. 61.*, & Coteler. in *Const. Apost. lib. 7. c. 39.* Ex hoc ritu explicandi sunt *can. 29.* Concilii Illiberitani, & *can. 6.* Arelatensis I. Hinc etiam lux efulget d. canonis 7. Constantinop. I., & *can. 95.* Concil. Trullani, quibus locis *Christianum facere* perinde est, atque aliquem impositis manibus, recitatisque solennibus precibus in imo Catechumenorum gradu collocare. Manuum impositioni accedebat quoque signum Crucis, quo signabantur: de quo ritu apud Augustin. de *peccat. merit. lib. 2. cap. 26.*, & *lib. 1. Confession. cap. 11.*, & in *vita Porphyrii Ecclesiae Gazensis Episcopi* apud Baron. ad *an. 401.* De tempore Catechumenatus non idem semper, & ubique jus fuit. Apostolorum aevo nullum prope temporis spatium inter primam hominum conversionem, & Baptismum videtur interjectum. *Act. Apost. c. 8. v. 38., c. 9. v. 18., c. 10. v. 47., c. 11. v. 41., c. 15. v. 33.* Tum, quod experimento compertum esset, ab hominibus sine periculo ad Baptismum admittis jure esse Christianae Reip. metuendum, intra certum tempus Catechumenatum Ecclesia conclusit. Synodus Illiberitana *can. 42.*, & Iulianus Nov. 144. biennium: Auctor *Const. Apost. lib. 8. c. 38.*, & Nicaeni Patres *can. 14.* triennium: Synodus Agathensis *can. 34.* menses octo Judaeis: Illiberitana *can. 4.* annos tres Flaminiis praescribit. Si quis in Catechumenatu peccaret, legitimum tempus producebatur, isque de superiore ad inferiorem gradum dejiciebatur: si in imo ordine erat, e Catechumenis omnino extrudebatur. Concil. Neocaesariense *can. 5.* Contra interdum aut. multitudo confluentium ad Baptismum, aut periculosus curti hominis morbus fecit, ut tempus contraheretur. Socrates *lib. 7. cap. 39.* Synodus Agathens. *can. 34.*

Duos Catechumenorum ordines, seu gradus fecere Graeci canonum interpretes Zonaras, Aristinus, Ballamon in *can. 5.* Concilii Neocaesariensis: unum eorum quos *ἀνακρίσις imperfectiores*, alterum eorum, quos *κατακρίσις perfectiores* appellant. Duos etiam fecere gradus Catechumenorum Bevereg. in *can. 14.* Concilii Nicaeni, Suicerus *Thesaur. Eccl. tom. 2.*, alique: unum *Audientium*, alterum *Genusflectentium*, seu *Substratorum*. Rectius Morin. de Poenit. *lib. 6. c. 1. n. 15.*, Albaspinaeus *Obs. lib. 2.*, & Martene de ritib. Bapt. alios *Audientes*, alios *Genusflectentes*, alios *Competentes*, seu *Electos* dicunt. In imo ordine erant *Audientes* (a). Si quos Baptismi desiderio teneri nosset Ecclesia, eos ad sacras Conciones, Lectionesque audiendas admittebat. Hinc factum nomen *Audientium*. Concil. Nicaen. *d. c. 14.* Diacono post absolutam Scripturarum explicationem proclamante, *Ne quis Audientium, ne quis Infidelium*, cum ethnicis abibant. In medio ordine erant *Genusflectentes*, quod eis in genua provolutis imponeretur manus, & benediceretur. Hi veteribus proprie dicti *Catechumeni*, quaque eos spectabat Liturgiae pars *Catechumenorum oratio* dicta. Conc. Laodic. *can. 19.* Ad hos proprie referebatur ea Diaconi proclamatio, *Quicumque Catechumeni discedite*. In summo ordine erant *Competentes*, quod jam peterent Baptismum, uti August. tradit de *fid. & oper. c. 6.*, seu *Electi*, quod ad Baptismum proxime futuris diebus testis suscipiendum seligerentur. Hi sua dabant Baptismi vota, ac nomina, quae iubente Episcopo cum nominibus Susceptorum libri Ecclesiae, quos *Diptycha viventium* (b) dicebant, teste Pachymere in Auctorem *Libr. de Eccl. Hierarch. c. 2.*, Sacerdos, aut Diaconus inferebat. Auctor *Libr. de Eccl. Hier. loc. cit.*, Concil. Constantin. sub Menna *act. 5. S. August. ferm. 131.* Sed plura de nominibus mōx. Toto tyrocinii tempore Catechumeni rationes Fidei, ac vitae Christianae officia edocebantur. Aug. *ibid.* Sed reticeri tamen quaedam Religionis mysteria, vetus Ecclesiae disciplina fuit: quam Ecclesiasticae Disciplinae partem egregie praeter ceteros illustravit Schelstratius peculiari Dissertatione de *Disciplina arcani*. Seligam in hanc rem pauca quaedam, sed conceptissima Patrum loca. Tertullianus de *praescript. advers. haeret. c. 41.* sui temporis haereticos carpit, quod nullam reticentiae mysteriorum rationem haberent, eo verbo, *Quis catechumenus, quis fidelis, incertum est. Pariter audiunt, pariter orant. Etiam ethnici si supervenerint, sanctum canibus, & porcis margaritas, licet non veras, jactabant.* Cyrillus Hierosolym. *catech. 6. n. 16.* De mysteriis apud Catechumenos aperte non loquimur, sed multa saepe loquimur obsecrante, ut fideles, qui rem tenent, intelligant, & qui non tenent, haud laudantur. V. quoque Nazianzen. *orat. 40. de Bapt.*, Chrysost. *Hom. 46. in Act.*, Theodoret. *haeret. fabul. lib. 5. c. 13.*, & Cyrill. Alexandr. *adv. Julian. lib. 7.* In hanc disciplinam diligentius inquirere, pulcrum est. Eam ab ipsa Christi, & Apostolorum memoria repetunt, ac diu in Ecclesia constantissime servatam, tradunt Schelstratius *loc. cit.*, Pagius in *Baron. ad an. 118. n. 4.*, alique. Potissima, quae in hanc sententiam adferuntur argumenta, haec sunt. I. Interrogantibus Christum Discipulis, cur Judaeos in parabolis alloqueretur, respondit *Matth. 13. v. 11. Quia vobis datum est nosse mysteria Regni Caelorum: illis autem non est datum.* II. Ipse Chri-

(a) Duplicem novam de Catechumenorum classibus opinionem, alteram Bonae, alteram Binghami videsis apud eos ver. liturg. *lib. 1. c. 16. n. 4.*, & orig. *lib. 10. c. 2. §. 1.*, & 2. (b) De Diptychis aliquid inferius

Christus reticentiae legem Apostolis dedit *Matth. 7. v. 6.*, *Nolite sanctum dare canibus, neque mittatis margaritas vestras ante porcos.* Hoc sensu verba Christi interpretantur Clemens Alexandrinus. *Sermonat. lib. 1.*, Tertullianus *ibid.*, & Chrysostr. *de cordis compunct. lib. 1. c. 6.*, & *Hom. 23. in Matth.*

III. Apostolos factum, praeceptumque Christi sequutos, probant eorum orationes ad Judaeos, atque Ethnicos *Act. 2.*, *4.*, *10.*, *17.*, in quibus de penitioribus mysteriis alium silentium. Nominatim Paulum Apost. Christi legem servasse tradit *lib. 5.* Clemens Alexandr. ex eo Pauli verbo, *Ut aliquid impartiar vobis gratiae spiritualis*; itemque ex eo, *Sapientiam loquimur inter perfectos.* IV. Apostolorum exemplo instituisse Patres Ecclesiae successores Apostolorum, producta Tertulliani, & Cyrilli testimonia confirmant, & porro potita illa Ethnicorum, & maxime Celsi objectio, doctrinam Christianorum clanculariam esse: quam notam Tertullianus, & Origenes abstergere reponentes, bene multa Religionis Christianae capita in vulgus patere: esse quidem nonnulla, quae non evulgabantur; id vero non Christianae tantum doctrinae proprium esse, sed Ethnicae etiam Religionis, ac Philosophiae commune: & Tertullianus quidem Eleusiniorum, Origenes Scholae Pythagoricae reticentiam urgent. Hoc eodem argumento arcanam Christianorum doctrinam fuisse, atque erudite tuetur Clemens Alexandrinus laudato loco. Hinc intelligis, quanta sit ad Religionem tuendam necessitas Traditionis; nonnulla enim sunt, quae, ne profanis paterent, literis consignare Patres Ecclesiae veriti sunt. Apposite S. Basilii *de Spir. S. cap. 27.* docet, multa esse, quae sine scripto a Christianis sanctissime custodiuntur *tae-rita secretaque traditione*: & mox ea haberi ait *ex minime publicata, & arcana traditione, & ex doctrina, quam silentio quieto Patres servarunt, pul-cre quidem illi, nimirum docti, arcanorum venerationem silentio conservari.* Intelligis etiam vim ejus formulae in Concionibus Patrum, ubi de Sacramentis potissimum agunt, frequentissimae, *Norunt fideles, seu Norunt initiati, quod dicitur*: quam formulam minimum quinquaginta Operum Chrysostomi locis observari posse, Casaubonus inquit *Exercit. 16. in Baron.* Ea formula Patres fidelibus indigebant, quod celabant profanis. Contra Dal-laeus *de Scriptis Ignatii lib. 1. cap. 22.* totam hanc illius arcani quiritu adul-to, & toto quinto saeculo solennem, & notissimam disciplinam primis, & Apostolorum proximis saeculis nondum cognitam contendit Binghamus *orig. lib. 10. cap. 5. §. 3.* eam sua coepisse initia opinatur circa tempora Tertul-liani, quem primum ejus meminisse ait *de praescript. adver. haeret. d. c. 41.* At vero eos abunde refellunt, quae de Christo, atque Apostolis sacrorum Librorum, ac Patrum testimonio proposita sunt: refellit Basilii *d. c. 27.*, ubi eam disciplinam a suis Patribus servatam inquit: ac ne quis Patres in-terpretetur eos, qui aut Tertulliano aequales, aut juniores fuere, faciunt haec, quae apud eundem Basilium sequuntur, *Qui in primordiis Ecclesiae certos ritus praescripserunt Apostoli, & Patres in occulto, silentioque My-steriis suam servare dignitatem; neque enim omnino Mysterium est, quod ad populares, & vulgares aures effertur*: denique refellit ipse Tertullianus, qui cit. loc. disciplinam illam adstruit ex verbis Christi, *Nolite Sanctum dare canibus, neque mittatis margaritas ante porcos*: ut ambigendum non sit, in ea sententia fuisse Tertullianum, disciplinam illam non tum primum in Ecclesiam investitam, sed inde ab ipso Christo traditam, & usurpatam. Unus hic amovendus est obex. Duae Justini Martyris Apologiae Imperatoribus, ac Senatui Romano oblatae Ecclesiasticorum Conventuum rationes, Baptismi,

at-

atque Eucharistiae ritus; Ecclesiae de Trinitate, Incarnatione, ac Vita aeterna sententiam, & abditissima quaeque Christianae Religionis recludunt. Quis autem dicat, Justinum legem de Mysteriorum silentio solvisse? Ego Justinum aliquanto liberius loquutum ajo: sed quis, si ejus temporis rationes animo reputet suo, Justinum non excuset, & vero etiam laudet? Non uno nomine Justinus aeo malis rumoribus differebatur Christiani. Tria maxime de eis factabantur, Atheismus, Thyestaeae coenae, & Concubitus iaceffi. Ne quid per calumnias Ethnicorum res Christianae caperet detrimenti, Apologiae illae scriptae sunt, quibus Christianorum pietas in Deum, mores, ritusque casti, & innoxii conventus perspicue, ac sincere enarrantur. Indulgit quidem sibi Justinus aliquanto liberiores dicendi facultatem; sed ita tamen erat faciendum, ut turpes notae Christiano nomini adpersae omnino eluerentur. Decessit aliquid de Ecclesiasticae disciplinae severitate, ne quid de Ecclesiae ipsius dignitate decederet. Fuit aliquid necessitati dandum. Si qua in re cum Imperatoribus, ac Romano Senatu minus sincere egisset Justinus, nulla steterisset verborum ejus fides. In eadem causa cum Justinus sunt ejus discipulus Tetianus, & Athenagoras, quorum etiam Opera objectat Albertinus de *Eucharist. lib. 2.* Quod autem de Clem. Alexandrino, Tertulliano, atque Origene jactat Dallaeus, id falsum esse, superius dicta commonstrant. Religionis arcana potissimum fuere Sacramenta. De Baptismo testes do Basil. *loc. cit.*, & Aug. *comm. in Psalm. 103. conc. 1.*: quo factum, ut Catechumenos ad Baptisterium admitti, Concilii Araucanici I. Patres veterint *can. 19.*: de Confirmatione eundem Basilium, & Innocentium I. *ep. 1. ad Decentium Eugubin. c. 3.*: de Poenitentia Patres Laodiceos *can. 19.*, Auctorem *Const. Apost. lib. 8. c. 7.*, & Optat. contra *Parmen. lib. 2.*: de Eucharistia Julium P. *ep. ad Episcopos Oriental.*, Chrysostomum *ep. 1. ad Innocent. P.*, & Augustin. *ibid.*: de sacris Ordinationibus laudatos Patres Laodiceos *can. 5.*, & Chrysost. *Hom. 18. in 2. Cor.* De extrema Unctione idem ex eo patet, quod ea proxime sequi Eucharistiam soleat. Idem quoque de Matrimonio habendum, satis, ut mihi videtur, aperte intelligi ex eo potest, quod Tertullianus scribit *lib. 2. ad uxorem. c. 9.*, Matrimonium conciliare Ecclesiam, & Oblationem confirmare: Oblationi autem praesentes adesse Catechumeni prohibebantur. Nonnullis etiam precationibus Catechumeni arcebantur: quod ut recte queat intelligi, animadvertendum est, olim publicas preces maximam partem post Concionem effusas Justin. *apol. 2.*, Chrysost. *Hom. 11. in 1. Thess.* Istarum precum duplex genus, alterum earum, quae propriae fidelium, seu communicantium erant: alterum earum, quae pro Catechumenis, Energumenis, Competentibus, ac Poenitentibus effundebantur. Omnibus exclusi Judaei, Ethnici, & qui e Catechumenis proprie *Audientes* dicti: quo spectat formula illa, quam concione absoluta Diaconus ex edito loco recitabat, *Ne quis Audientium, ne quis Infidelium.* Auctor *Const. lib. 8. cap. 5.* Secundi ordinis Catechumeni, quos proprie dictos Catechumenos praemonui, in Ecclesia manebant: tum rursus proclamabat Diaconus, *Orate Catechumeni:* &, *Omnes fideles pro illis cum attentione orent, dicentes, Kyrie eleison.* Ubi Diaconus proclamaverat, preces pro Catechumenis recitabantur, quas exhibent Auctor *Const. c. 6.*, & Chrysost. *Hom. 2. in 2. Cor.* Recitata a fidelibus pro Catechumenis prece, Catechumenos surgere, ac pro semetipsis orare Diaconus jubebat, *d. c. 6.*, & *d. Hom. 2.* Catechumeni postquam oraverant, capitibus Diaconi jussu inclinatis, benedictionem suscipiebant: qua suscepta a Diacono dimit-

dimittebantur hac formula, *Exite Catechumeni in pace*, d. c. 6. Dimissis Catechumenis, orari pro Energumenis, eisque benedici, mos fuit. Auctor *Conf. c. 6. & 7.*, Chrysost. *Hom. 18. in 2. Cor.* Energumenorum dimissionem precatio pro Competentibus, eorumque benedictio sequebatur, d. c. 7., & 8. Ultima erat precatio pro Penitentibus, de qua *tit. 5.* Omnia haec ex Graecis scriptoribus proposui. Num eadem fuerit Latinae Ecclesiae disciplina, plane non constat. Eandem fuisse, verosimilius est. V. Bingham. *lib. 14. c. 5. §. 13.* Ex dictis liquet, eam Liturgiae partem, quae *missa fidelium*, sive *Officium Eucharisticum* vocitabatur, inter arcana Religionis fuisse. Ad haec Fidei Symbolum nondum initiatos latebat: quae causa fuit, cur verba symboli Nicaeni describere reformidaret Sozom. *hist. lib. 1. c. 20.* Idem de Oratione Dominica docent Theodoretus *lib. 5. fab. c. 28.*, & Chrysost. *Hom. 20.*, al. 19. in *Matth.* ea ratione, quod nondum initiato Deum vocare *Patrem* non liceat. Denique idem de Trinitatis mysterio, scriptum est apud Hieronym. *ep. 61. ad Pammach. cap. 4.* Sed eorum, quae recensui, non una omnino ratio; Sacramenta enim, & publicae communicantium preces nunquam ante Baptismum, cetera vel ante Baptismum Catechumenis patebant. Iis, qui proxime aberant a Baptismo, tradebatur Symbolum: & in Romana quidem Ecclesia feria IV. hebdomadae IV. Quadragesimae, uti liquet ex *Ordine Romano*: in Gallicana, Hispanica, & Mediolanensi die Dominico, qui dicitur *palmarum*, uti est in Concilio Agath. *can. 13.* apud S. Isidor. *de Div. Off. lib. 2. cap. 17.*, & S. Ambros. *ep. 20. ad Marcellinam sororem*: in Africana Sabbato ante Dominicam IV. Quadragesimae, Augustino teste *serm. 213. nov. edit.*: in Constantinopolitana vero die Parasceves. Nicephor. *lib. 16. cap. 35.*, Theodor. *Lector. Hist. Eccl. lib. 2.* Symbolum traditurus Episcopus pauca quaedam in rem proloquebatur: tum Symbolum recitabat: postremo expendebat per partes: cuius rei auctor est Augustin. *serm. 214.* Solenne in Romana Ecclesia fuisse, ex antiquis monumentis docet Martene, ut bis Symbolum recitaretur, primum Graece super mares, tum Latine super feminas. Dominica quoque Oratio tradebatur. Theodoret. *loc. cit.*, Augustin. *Hom. 42.* In Romana Ecclesia idem tradendi Symboli, qui tradendae Orationis Dominicae dies fuit, uti ex *cod. Ord. Rom.* Antequam ea Oratio traderetur, illam Evangelii partem, quae eam Orationem conceptis verbis comprehendit, publice recitari consuevisse, testimoniis patet Augustini *serm. 59.* Denique Trinitatem per quadraginta dies publice traditam baptizandis in Ecclesia Bethleemitana, S. Hieronym. inquit *d. ep. 61. c. 9.*: quod forte de ipso Symbolo accipiendum est. Quae tradebantur, voce tradi, mos fuit, ne charta ad Ethnicorum manus veniret: quod ex cit. Hieronymi, & Sozom. locis facile est intelligere. Tradita memoriter reddi ad certum tempus ante Baptismum debebant. Laodic. *can. 46.*, Augustin. *ibid.* Disciplinae, quam enarravimus, fines fuerunt potissimum hi: primus, ut *mysteriorum veneratio silentio conservaretur*, uti Basilii loquitur *d. c. 27.*: secundus, ne ea Ethnici corrumpere, atque irriderent: quam causam reddit Synodus Alexandrina apud Athanas. *Apol. 2.*: tertius, ut ea tanto ardentius a Catechumenis concupiscerentur, quanto eis honorabilius occultabantur, verba sunt Augustini *Hom. 96. in Joh.* Nunc de Scrutiniis opportunum est dicere. Scrutinia a *scrutando*, quod per ea Catechumenorum corda scrutaretur Ecclesia, videretque, quanta vigilantia convenirent, quo studio severent, qua cura penderent, uti Augustinus ait *de Fid. & oper. c. 6.*: hinc scrutinium eidem Augustino *examen* dicitur *lib. 2.*

de Symbolo cap. 1. Non Romanam solum, ac Romanae similes ritu Ecclesias; sed & Mediolanensem, Africanam, Hispanicam, Gallicam, & Graecam Scrutinia adhibuisse, contra Josephum Vicecom. lib. 3. de Bapt. rit. cap. 21. evinci facile potest ex Ambrosio de Myster. cap. 1., Concilio Carth. IV. can. 1., Petro Chrysol. serm. 52., Concilio Bracarense II. c. 1., antiquo Gallicano Missali per Jos. Thomassium edito, & Cyrillo Hierosolym. praef. ad Catech. Plura Baptismum Scrutinia praeibant, de quibus Martene: eorumque initium factum a die, quo nomina a Competentibus dabantur, vetus Ordo Romanus circa S. Gregorii aetatem scriptus enarrat. Adhibebantur in Scrutiniis manuum impositio, certae preces, exorcismi, exufflationes, ritusque alii: ac porro Symbolum, & Dominica Oratio tradebantur. De Exorcismis, & Exufflationibus Augustinus de Fid. & oper. cap. 6., & lib. 1. de Symb. cap. 5., ac Libri Rituales. Apud Latinos exufflationes in faciem Catechumeni factas, ex iisdem Libris elucet: apud Graecos etiam in aures, ex can. 7. Concilii Constantinop. I., & Niceta lib. 2. Orthodoxae Fidei constat. Salem quoque benedictum in os Catechumenorum injectum, auctor est Augustinus lib. 1. Confess. cap. 11.: atque eum salem latiore quadam significatione Sacramentum Catechumenorum appellat Augustin. lib. 4. de Bapt. contr. Donat. cap. 21., & lib. 2. de peccat. merit. cap. 26.: & certe falsi sunt Batonius, Bellarminus, & alii nonnulli, qui Sacramentum Catechumenorum interpretantur Eulogias, seu panem benedictum. V. Cardinalem Bona lib. 1. rer. Liturg. cap. 16. Adulorum Baptismum confessio peccatorum praecessit. Tertul. de Bapt. c. 20., Gregor. Nazianz. orat. 40. de Bapt., Cyril. Catech. 1. Publicam quoque poenitentiam Catechumenis impositam, Tertullian. loc. cit., Auctor Const. Apost. lib. 7. c. 23., & Concilium Carth. IV. can. 85. luculentissime testantur. Eam poenitentiam datis nominibus imperatam, in Praef. Cyrilli ad Catech., in d. c. 85., & in lib. August. de Fid. & oper. c. 6. Scriptum est. Per id tempus Catechumeni carne, vino, & uxoribus temperabant. Concil. Carth. d. c. 85., Aug. d. c. 6. Pedes nudabant, cilicioque cingebantur. Aug. lib. 2. de Symbolo cap. 1. Demum vello vultum obnubebant. Cyril. d. Praefat. Poenitentiam, & vero ipsam Confessionem praeibat caeremonia, de qua Ambrosius de Sacram. lib. 3. c. 2., & Augustin. tract. 44. in Joh., Catechumenorum oculis luto illinendi exemplo caeci, quem Christus luto restituit: eoque ritu lucem eis affulgere significabatur, qua conscientiam ipsi suam recognoscere, peccata confiteri sua, eorumque agere poenitentiam possent. De duabus lotionibus, quas memorant Synodus Eliberitana can. 48., & August. ep. 54. ad Jan., scil. altera capitis, altera pedum, vid. Bingham. Orig. Eccles. lib. 2. cap. 4. §. 10. Adveniente die Catechumeni ad locum Baptismi deducebantur. Aetate Apostolorum, atque ea, quae proxime Apostolos sequuta est, nullos fuisse certos Baptismi dies, Apostolorum Acta admonent, & Auctor comm. in ep. Pauli, qui sub nomine laet Ambrosii, diserte tradit in Ephes. 4. Tum certa solenni Baptismo dicta sunt anni tempora, nempe Paschae, & Pentecostes. Tertull. de Bapt. c. 9., Siricius P. ad Himer. Tarrac. Episc. c. 2., Gregor. M. in Sacram.: quam disciplinam diu perstitisse, posteriorum temporum Scriptores de Divinis Officiis monstrant. Apud Graecos, atque Aethiopes Epiphania etiam solennis fuit Baptismi dies. Gregor. Nyssen. orat. de Bapt., Victor Vitenfis lib. 2. de persecut. Vandalic. Galli duos porro addiderunt festos dies, alterum Natalis Domini, alterum S. Johannis Baptista. Gregor. Turon. de gloria Martyr. c. 6., & Hist. Franc. lib. 8. c. 9.

Ac-

Accessere his omnibus in quibusdam Hispanicis Ecclesiis Apostolorum, & Martyrum festi dies. Siricius P. ad *Himer. Episc. Hispanicarum Ecclesiarum consuetudinem* Campaniae, Samnii, ac Piceni Episcopi arripuerunt: quo nomine eos reprehendit Leo M. *ep. 136.* Thessali solos Paichae dies solennes habuere. Soerat. *lib. 5. Hist. c. 17.* Quum Pascha dico, *Sabbatum* quoque magnum intelligo. Chrysost. *ep. 1. ad Innocent.* Quandoque etiam extra calum necessitatis praeter illos dies solennem Baptismum praefertim in Oriente datum, ex Chrysostomo habes *Hom. 1. in Act. Discipulorum* de solenni Baptismi tempore ante saec. XII. dehisce apud Occidentales, auctor est Rupertus Abbas *lib. 4. de Div. off. c. 18.* jamque multa abhinc saecula apud Graecos aequae, atque apud Latinos quovis die solennis Baptismus confertur. Nullo etiam certo loco natum olim Baptismum, Spadonis a Philippo Diacono in via baptizati exemplo docemur. Saepe baptizandos ad flumina, & stagna adductos, testis est Tertullian. *de Bapt. c. 1.* Multos in memoriam Christi in Jordane baptizari desiderasse, Hieronymus scribit *de loc. Hebraic.* Posterioribus temporibus pace per Constantinum Ecclesiae data sacrae aedes ad conferendum Baptismum constitutae sunt, quas *Baptisteria* dictitarunt: de quibus aliquid suo loco. Primum autem in solis Cathedralibus Ecclesiis: tum in minoribus urbibus: postremo in pagis constituta Baptisteria, plerique omnes existimant. Ut ut sit, certe saec. IV. omnes extra urbem Parochiae Baptisteria habebant. Hieronym. *adv. Luciferian.* Deducti ad Baptisterium Catechumeni praestabant maxime tria. I. Abrenunciabant *Satanae, & operibus ejus, & pompis ejus, & cultibus ejus, & Angelis ejus, & inventis ejus, ac omnibus, quae sub eo sunt:* quae renunciationis formula extat apud Auctorem *Const. lib. 7. cap. 41.* Ejusdem formulae sententia est apud Hieronym. *comm. in Matth. 25.* Constitutis Baptisteriis, Catechumenus nudus, & discalceatus, quod in *lib. de Hierarch. Eccl. c. 3.* scriptum est, porticum domus Baptisterii ingressus, uti Cyrillus Hieronymitanus loquitur *Catech. 1.* stans Occidentem versus protensa manu *Satanae* tanquam praesenti renunciabat. Occidentem spectare perinde erat, atque *Satanam* ipsum spectare, qui princeps dicitur tenebrarum: quod mox addit Cyril. Renunciabat autem semel, iterum, atque tertio. Auctor *lib. de Eccl. Hierarch. ibid.* Ejus trinae abrenunciationis mysteria aperit Vicecomes de ritib. *Bapt. lib. 2. c. 20.* Denum Catechumenus *Satanam* abrenuncians in eum exultabat, expuebatque, aliasque edebat in eum averfantis animi significationes. Auctor *Eccl. Hier. loc. cit. II.* Eam abrenunciationem excipiebat sponso, qua se Catechumeni Christo in posterum servituros promittebant. Hieron. *comm. in Anos c. 6. v. 14.* Sponsoem hanc promissum, pactum, & votum Latini dicunt. Formulam dat Auctor *Const. d. cap. 31.* Post renunciationem Catechumenus dicat, *Adferibo Christo.* Similem dat Chrysost. *Hom. 6. in Coloss.* Uti ad Occidentem spectans Catechumenus *Satanam* renunciabat, ita pactum cum Christo initurus convertibat se se ad Orientem, quae lucis est regio, inquit (Cyrill.) *Catech. 1. n. 6.* unde perbelle Hieronymus laudato loco pactum iniri ait *cum sole justitiae.* III. Fidem solenniter profitebantur. Pluries quidem reddere Catechumeni traditum Symbolum debebant: at quum instaret Baptismus, solennem edere professionem Fidei secundum verba Symboli tenebantur, & rogati respondebant: qua de re egregie Augustinus *de Fid. & oper. cap. 9.* Fidebatur haec Fidei Professio manibus, oculisque ad Caelum sublatis apud multos testes. Auctor *Eccl. Hier. c. 2.*, Leo P. *serm. 4. de nativ. Dom.* Quin Romae de editore loco editam apud populum, nisi nimia Catechumeni verecundia obstarat, te-

his est Augustin. 8. *Confession.* 2. Et quemadmodum ter Diabolo renunciare, ita ter Fidem profiteri Catechumenum oportebat. *Cyrril. Alex. lib. 2. in Joh. 21.* Aderant tempore Baptismi *Sponsores*. Qui nunc *Patrini*, dicti olim *Sponsores*, seu *Fidei iutores*, quod suam pro baptizandis interponerent fidem: dicti quoque *Susceptores*, quod susceperent mergentes. Infantum sponsores ut plurimum parentes ipsi: si parentes id praestare officium aut non possent, aut nollent, etiam alii. Augustin. *ep. 23. ad Bonifac.*, ubi & illud porro ait, a parentibus expositos nonnunquam a sacris Virginibus collectos, & ad Baptismum oblatos. Quod parvuli a Ministro interrogati Satanæ renunciare, ac profiteri fidem per se ipsi non poterant, sponsores eorum nomine respondebant. Aug. *ibid.*, & *serm. 116. de tempore*. Adultis etiam morbo impeditis sponsores suam accommodare vocem pereleganter dicti *Cyrrillo Alexandr.* in *Joh. c. 11. v. 26.* Jam vero vel pro iis adultis adhiberi sponsores, voluit Ecclesia, qui per se ipsi recte poterant respondere. Auctor *Const. lib. 3. cap. 16.*, Victor Uticensis *de persecut. Vandal. lib. 3.*, & *Pallad. hist. Lausiac. c. 12.* At respondere tamen in hac specie ipsi debent, uti diserte Augustinus *de Bapt. lib. 4. c. 24.* atque hae erant hoc casu sponso- rum partes, baptizandos edocere, in quem modum esset Baptizatori respondentum, & qualis suscepto baptismate vita instituenda, eosque suscipere de sacro fonte. Concil. Carth. IV. *can. 12.* Quod dixi de instituenda post Baptismum vita, id praecipuum sponso- rum omnium munus est. Concil. Carth. IV. *d. c. 12.*, Augustin. *serm. 116.*, & *163. de tempore*, & Concil. Parisiens. VI. *lib. 1. c. 19.* Baptizandos, maxime infantes a suis parentibus oblatos, docui ex Augustino. Nunc id facere parentibus interdictum. Interdictio haec saeculo IX. prior non est; nullus enim extat super hae re Canon antiquior *can. 55.* Moguntini Concilii *an. 813.* in haec verba, *Nullus proprium filium, vel filiam de fonte Baptismatis suscipiat.* Epistola de hac ipsa re Papae Deus dedit, qui sub initium saeculi VII. Pontificatum gessit, apud Gratianum *caus. 30. q. 1. can. 1.* inter apocryphas est. Forte huic interdictioni causam dedit Spiritualis Cognatio, de qua *tit. 8.* Haec tenus de ritibus, qui Baptismum praecedebant, aut comitabantur. Ritus, qui proxime consequencebantur Baptismum, erant hi. Baptizato Sacerdos osculum dabat: quem ritum Aegyptiacae Ecclesiae proprium fuisse, hoc argumento contendunt nonnulli, quod ejus nonnisi apud Cyprianum *ep. 59. al. 64.* mentio habeatur *serm. 50. de util. legend. Scriptur.* Dabat quoque degustandum ad infantiae significationem lac, & mel benedictum. Hieronym. *adv. Lucifer. l. 4.*, Concil. Carth. III. *can. 24.* apud Labbeum *tom. 2. Concil. p. 1068.* Idem Hieronymus in *Isa. 55.* vinum, & lac in quibusdam Occidentalibus Ecclesiis tributum narrat. Jam prope exciderat verticalis unctio, quae osculum exiepiebat. Baptizatus in vertice a Presbytero, qui alius a Ministro Baptismi erat, chrismate ungebatur: non enim unus baptizandis, ungendisque omnibus par esse poterat. Alcuin. *cap. 19.* in Gallia ungenti copia Diaconis etiam facta in Concilio Vascensi *can. 3.*, & Arausicano I. *can. 2.*; at in Toletano I. *can. 20.*, & passim negata. De hac unctione Auctor librorum *de Sacram.*, quem esse Ambrosium ajo, *lib. 3. cap. 1.*, & Fortunat. *lib. 5. carm. 4.* A Sylvestro primum institutam, opinio est Amalarii *lib. 1. de Eccl. off. cap. 27.*, Rabani, Ruperti, aliorumque: unde quibus Patrum Sylvestro antiquiorum locis de unctione baptizatorum agitur, iis de Sacramento Confirmationis agi, pro certo habendum. Unctio baptizatorum capiti mysticum velamen, & corona impone-

batur. Raban. *de infl. Cler. lib. 1. cap. 29.*, Chrysof. *Hom. ad baptizandos*. Porro baptizati albas vestes induebant. Lactant. *Carin. de resurrect. Dom.*, Pallad. *in vit. Chrysof. cap. 9.* Traditas eas vestes cum solenni verborum formula, habes ex Sacramentario Gregorii M. *de Bapt. infent.* gestatas autem per dies octo, tum vero in vestiario Ecclesiae depositas, docet Augustinus *Hom. 86. de divers.*, si is sit eius Homiliae auctor. Demum baptizatis vestes candida indutis cereas faces datae. Ambros. *de lapsu virg. cap. 5.*, & Nazianz. *Orat. 40. de Bapt.*

Quae in adultis, eadem prope omnia in infantibus Catechumenatu excepto servavit Ecclesia ad hunc diem: quaeque adulti ipsi per se, infantes praestant per Paternos. Id moneo, infantibus in ipso Baptismo nomen imponi, quod Catechumeni non uno ubique tempore (nam varia fuit Ecclesiarum disciplina, uti ex Siricii *ep. ad Himer. cap. 2.*, Cyrilli Hierosolym. *Præfatione ad Catech.*, Augustini *serm. 213. cap. 7.*, & vulgato *Ordine Rom.*) sed semper ante Baptismum dabant. Novum nomen adsumebant Ethnici: Christianorum liberi ante Baptismum plerumque nullum habebant, ac si quod haberent, ut plurimum mutabant. Socrat. *lib. 7. cap. 21.*, Gregor. Turonens. *lib. 8. Hist. Frano. cap. 22.*, Baronius *ad an. 259. n. 11.* Nomen saepe a Patribus, saepissime a parentibus inditum: ac fere semper, quod aliquis SS. Martyrum gessisset. Euseb. *lib. 7. Hist. cap. 25.*, Nicephor. *lib. 6. cap. 23.*

T I T U L U S III.

De Confirmatione.

Confirmatio, quae & *Chrisma*, hoc est, *Unctio*, & *manuum Impositio*, & *Signaculum Domini* etiam appellatur, est Sacramentum, quo homini baptizato robur additur. Hujus Sacramenti materiam Sirmondus, Sambovius, alique nonnulli esse ajunt manuum impositionem, cujus tantum sit mentio *Act. cap. 8 v. 17.*, cuiusque tantum saepe Patres meminere. Plerique D. Thomam sequuti materiam renotam statuunt oleum olivarum, & balsamum, de quo utroque Eugenius IV. in *Decret.*: proximam solam frontis unctionem, de qua passim Patres. At vero Theologorum non pauci utrumque ritum, puta, impositionem, & unctionem frontis materiam esse Confirmationis contendunt: quam sententiam collatis Latinorum, & Graecorum Patrum testimoniis late adstruit Jueninus *Diff. 3. q. 2. c. 3.* Quae de materia, eadem de forma disputatio est. Qui primam de materia Confirmationis opinionem tuerentur, formam esse arbitrantur Orationem, qua Episcopus neophyto manus imponens invocat Spiritum Sanctum: qui secundam, verba haec, *Signo te signo Crucis, & confirmo te Chrismate salutis in nomine Patris, & Filii, & Spiritus Sancti*: qui tertiam, abeunt in diversa; sunt enim, qui Orationem illam aequae, ac descripta verba formam esse opinantur: sunt, qui in sola Oratione, quae manuum impositionem comitatur, positam sentiunt formam Sacramenti. Haec ad examen revocare, Theologorum est. Nonnulla, quae ad Historiam pertinent, mei muneris esse duco. unctionem vel ab ipsis Apostolis adhibitam, contra Sirmondum contendit Libri, cujus titulus *Orthodoxus*, Auctor, qui sub nomine Petri Aurelli latet. Verum eam esse Apostolorum aetate recentiorem, docent Alius in *sent. lib. 4. dist. 7. §. 7.*, & Pearson. *lect. in Act. 5. n. 6.*, alii-

que. Certe prima ejus mentio apud Origenem in *Levit. Hom. 9.*, ac Tertullianum de *Bapt. cap. 7.* Unctio, cujus meminit Origene antiquior Theophilus Antiochenus ad *Autolyum lib. 1.*, videtur *μυσταγωγικός* accipienda. Porro Apostolos balsamo usos ad confirmandos fideles, memoriae produm non est. Eos liquorem illum non adhibuisse, paupertas eorum haud obscurum argumento esse potest. Per quinque priora saecula non fuisse balsamum cum oleo commixtum, Graecorum, & Latinorum Patrum per id tempus silentio probatur. Fabiani Papae, qui III. saec. floruit, *Epistolam 2. ad Episcopos Orientales*, qua de balsamo habetur mentio, inter apocryphas habet. Sacerdotem Idolorum, qui sub Juliano Apostata, nempe saec. IV. balsamum memorat apud Gregorium Turonensem de *gloria Martyr. cap. 41.*, Gregorius pro consuetudine aevi sui loquentem facit: quem loquendi modum boni Latinitatis Auctores non ignorarunt. Sane circa saec. VI. balsami usus primum videtur in Ecclesiam Latinam inductus; unde sub exitum ejus saeculi de balsamo loquuntur Gregorius Turonensis, & Gregorius M. in *Sacramentum* Latinam Graeca Ecclesia imitata est. Apud Latinos inde usque ab antiquissimis temporibus sola frons ungitur: apud Graecos aures etiam, nares, & pedes, quorum meminit Cyrillus *Catech. 3.*, ac porro oculi, & pedes, uti est in Rituali edito per Jacobum Goar. p. 355. Hoc Latini convenit cum Graecis, quod hi aeque atque illi signo Crucis adhibito inungant. Benedicti chrisma vetus utriusque Ecclesiae disciplina est, de qua S. Basil. de *Sp. S. c. 27.*, Cyril. Hierosolym. *Catech. 3.*, & Gregor. M. in *Sacram.* Ejus disciplinae nullum in sacris Literis vestigium extare, sed per manus traditam, inquit Basilius: quumque ejus origo ignoretur, ab Apostolicis temporibus repetenda est ex regula Augustini *ep. ad Januar.* Quod *can. 20.* Concilii Toletani I. scriptum est, Episcopo licere *omni tempore* Chrisma conferre, satis probat, hodiernam de Chrismate in Coena Domini conficiendo disciplinam saeculo V. recentiorē esse: quumque ea in *Sacramentario D. Gregorii* memoretur, verosimile est, circa saeculum VII. primum institutam. Ex laudato hoc D. Gregorii testimonio, & Canone Toletano novum suppetit argumentum, quo pateat, secundam Fabiani P. Epistolam, qua conficere Chrisma quotannis in Coena Domini jubentur Episcopi, post saeculum VII. confictam. Denique Latinorum Chrisma ex oleo tantum, & balsamo constat. Graeci triginta quinque alias aromatum species addunt: quod ex eorum Euchologiis liquet. Quantum ad formam, Latini primum circa saeculum VIII., quo saeculo antiquus Ordo Romanus fortasse scriptus est, videntur usurpasse verba illa indicativa *Signo te, Confirma te*; sed non ubique ante saec. XII.: quod ex Amalario, Alcuino, & Pontificalibus manifestum est. De Forma Graecorum non idem omnibus. V. Arcudum, Goarium, Sambovium, Natalem Alexandrum, Jueninum *q. 3. cap. 2.* Confirmationis ordinarius minister est Episcopus. Non utar in hanc sententiam Eusebii P. epistola apud Gratianum *dist. 5. de Consecr. can. 4.*; namque ea certe *non* olet. Luculentissima prostant rei, quae agitur, testimonia Innocentii I. ad *Decent. cap. 3.*, Gregorii M. *lib. 3. ep. 9. ad Januar.*, & Concilii Tridentini *sess. 7. de Confirm. can. 3.* Quae Haeretici obiectant, egregie praeter ceteros expendit, ac rejicit Juenin. *diff. 3. de Confirm. q. 5. art. 2.* Presbyter etiam quandoque in Occidente extra ordinem confirmavit, & confirmat adhuc extra ordinem in Oriente. Nullibi apud Latinos Presbyteri ante Gregorium M. confirmaverant: primum in Sardinia ex indulgentia Gregorii extra ordinem confirmantur. S. Gregor.

lib. 3. ep. 26. Sed ante saeculum IX. ubique apud Latinos confirmare desierunt; namque eo saeculo sub Nicolao I. Latinis vitio datum a Graecis, quod confirmare per eos Presbyteris non liceret: quod haud negarunt Latini. Florentinus *lib. 3. Hist. Rhem. cap. 7.*, Ratramnus *lib. 4. contra opposita Graecor. c. 7.* Num ab eo saec. ad hunc diem Presbyteri unquam cum Romani Pontificis venia confirmarint, omnino non liquet. Presbyteris apud Graecos aetate Chrysostomi non dum factam confirmandi copiam, ipse Chrysostomus non obscure tradit *Hom. 18. in act.*: verum eos ante Photianum senisima, quod incidit in saeculum VIII., jam coepisse confirmare, encyclica Photii ad Patriarchas Orientis Epistola supponit. Num Orientales Presbyteri confirmarint, confirmentque per abusum, nec ne, quaeritur. Si quis velit rem hanc recte nosse adeat Lucae Holstenii *Dissertationem de Ministro Confirmationis apud Graecos*, & Juenini *Diff. 3. de confirm. art. 2. §. 3.* Nec confirmasse olim, neque nunc confirmare per abusum, duo maxime monstrant. Unum est, quod in calce Florentini Concilii scriptum est, inter multas quaestiones ab Eugenio IV. propositas Graecis hanc fuisse, *quare Pontifices non inungerent sacro Chrismate, sed Sacerdotes, quum hoc Pontificibus sit datum*: hanc autem, ut & alia Mytylinensem Episcopum Canonice, legitimeque dissoluisse: quo verbo Graecorum consuetudinem haud fuisse ab Eugenio improbatam, patet. Alterum est, a veri specie longissime abesse, si Orientalium consuetudo Romanae Ecclesiae non probaretur, passuram hanc, tot gentes mori non confirmatas. Obicem unum, qui in Libris Decretalium occurrit, amovebo, Innocentius III. in *cap. 4. de consuet.* Presbyteros, qui apud Constantinopolim per abusum confirmabant, confirmare in posterum vetat. At vero loquitur Innocentius de Parochis Latinis, qui eo tempore Constantinopoli erant. In literis ad Lucium, quem sibi Vicarium constituerat in ea urbe, ita legitur in tertia Collectione apud A. August., *Mandamus, quatenus omnibus Latinis Presbyteris apud Constantinopolim constitutis districte prohibeas &c.*; sed *pro Latinis* Raymundus omisit. V. de hac re Lup. *diff. de VIII. Syn. gen. cap. 5.*

Baptizati tantum homines confirmantur; qui enim fieri potest, ut adoleseat, qui nondum est natus? Presbyterum quendam nomine Scotum, qui non baptizatis recte posse manus imponi docebat, Zacharias P. suis ad S. Bonifacium literis damnavit. Ubi Eliberitani Concilii vis stetit, iis, qui post Baptismum flagitiosam vitam vixere, ac tandem in vitae angustiis positi Confirmationem petebant, denegatum hoc Sacramentum, ex *can. 39.* ejusdem Concilii colligit Alaspinaeus, quem Iueninus sequitur *9.6. cap. 2.* Olim in utraque Ecclesia jejunos jejunis dedisse Confirmationem, id probat, quod habent Euchologia Graecorum, & Sacramentarium D. Gregorii, confirmatis Eucharistiam continuo datam. Eandem fuisse saeculi XI. ac XII. disciplinam, testes sunt Gratianus in *Decreto can. 6. de consecr. diff. 5.*, & Petrus Lombardus *tit. de Confirmat.* Sed jam aetate D. Thomae coeperat oblaquere, uti Thomas ipse testatur *3. p. 9. 72. art. 12. ad 2.* Eam restituere conati sunt posteriorum temporum Canones, ejusque admonendos fideles, inquit Concilii Tridentini Catechismus.

Diu Baptismum proxime exceptit Confirmatio. Tertullianus *de Bapt. cap. 7.*, Synodus Laodicaena *can. 43.* Igitur idem fuit olim utriusque Sacramenti conferendi tempus, ac locus idem. Hunc morem Graeci adhuc servant. Jac. Goar. *not. ad Rituale p. 367.* Ab eo recesserunt Latini; sed quo primum tempore, obscurum est. Quum coepit rarefcere Baptismus adulterum, vide-

videntur coeepisse Confirmatio a Baptismo seungi, ac praestare visum est, baptizatos confirmari, quum quod agerent, intelligere per aetatem licebat, quum infantes, atque omnino expertes rationis.

Ritus, qui Confirmationem praecedunt, hi sunt. Confirmandi offeruntur a Patrino, quorum in *Sacramentario* Gregorii M., & antiquo *Ordine Romano* habetur mentio. Proprios Confirmationis Patrinos adhibuit Ecclesia, quum Confirmatio dari seorsim a Baptismo coepta est. Hinc factum, ut apud antiquiores Patres soli occurrant Patrini baptizandorum. Sed fere eadem de utroque Patrinorum genere ciuta sunt. Confirmandi frontis sordes eluere debent, decidentisque in frontem capillos tondere. Synodus Aqueensis *an.* 1335. Si quis turpe, aut ridiculum, nec dignum Christiano homine nomen gerat, aliud in Confirmationis Sacramento nomen eum adsumere, alicubi mos fuit. S. Carolus in Concil. Mediolanensi V. Ritus, qui Confirmationem sequuntur, hi sunt. Episcopus confirmato alapam impingit. Ejus alapae nulla apud eos mentio, qui saeculo IX. ac X. de Ecclesiasticis Officiis scripsere. Fortasse primus Durantus Minnatenis Episcopus eam memoravit. Ejus mysteria aperit S. Carolus in suis *Instruct. de Sacram. Confirm.* p. 4. *Act. Eccl. Mediolanens.* Episcopus confirmato pacem imperatur, uti est in Ordine Romano, & Catechismo Concilii Tridentini. Olim pro Christianis reverentia confirmatorum frontes circumligabatur *bandellis*, hoc est, victis lineis, quas usque ad saecul. XII. per dies septem nunquam deponebant. Ordo Roman., & Hugo a S. Victore *lib. 2. de Sacram. p. 7. cap. 7.* Deinde in nonnullis Ecclesiis obtrinit, ut per triduum peregerentur. Synodus Senonensis *an.* 1514. Tandem in pueritiae Ecclesiis victarum usus omnino sublatus est, & satis visum, frontes bombyce diligenter abstergeri.

TITULUS IV.

De Eucharistia.

Quod Graecis *Eucharistia*, Latinis est *gratiarum actio*: factumque nomen ex eo, quod ab Evangelistis memoriae proditum est, Christum, quum hoc Sacramentum instituit, Deo gratias egisse. *Communio* nomine, quo appellari passim solet, duo significantur, fidelium communio cum Christo, & vinculum caritatis, quo fideles de communi cibo participant. arctissime continentur inter se. Est signum sensibile Corporis, & Sanguinis Christi sub speciebus panis, & vini. Materia est panis triticeus, & vinum de vite. Eugen. in *Decret.* Latini azymo pane, Graeci utuntur fermentato. Latinae Ecclesiae consuetudinem sequuntur Maronitae, atque Armenii. Sed quo proprie tempore de ceterorum Orientalium more desciverint, definire omnino non potest. Bona *rer. liturg. cap. 23.* Num Latini azymo semper usi sint, quaeritur. Nichetus Archiepiscopus Nicomediae *Dial. 3. Spicilegii tom. 13. p. 133.* tradidit, Melchiadem, ac Siricum Pontifices fermentum instituisse apud Latinos. Halensis, D. Thomae, Scoti, aliorumque nonnullorum Scholasticorum opinio est, Graecos pariter, ac Latinos azymo usos usque ad haeresim Ebionitarum, quae *an. Chr. 74.* erupit: ubi vero Ebionitae antiqua legalia simul cum Evangelio servanda esse contententes adhibere azymum coeperunt, Latinos & Graecos, ne imitari haereticos viderentur, fermentum in-

sti.

stituisse: tandem ea haeresi extincta Latinos ad azymam rediisse: Graecos in fermenti usu persistisse. Sirmondus *Disquis. de Azymo* docet, fermenti usum a Christo ad saec. IX. in Latina Ecclesia stetit: tum eo tempore, quod medium inter Phokianum Schisma, & Michaellem Cerularium. decurrit, puta inter *an.* circiter 886., & *an.* 1053. usum azymi in Latinam Ecclesiam investum. Late contra Sirmondum disputant Lupus *tom. 4. Schol. dissert. de actis Leonis IX. cap. 7.*, & Mabillonius *prefat. ad sec. III. Benedicti. & dissert. de Azymo, & Fermentato*, atque ab ipsis Ecclesiae primordiis Latinos azymo pane celebrasse mysteria opinantur. Postremo acerrimi iudicii vir Cardinalis Bona *loc. cit.* multis contendit, Latinos per novem, aut octo saltem Ecclesiae saecula nullum posuisse discrimen inter azymum, & fermentatum, atque alicubi azymum, alicubi fermentatum etiam adhibuisse. Res haec transigi paucis non potest: dicam tamen de ea pro instituto meo nonnulla. Quod de Melchiade, ac Siricio inquit primae opinionis Auctor, est id quidem in *Pontificali Damasi* de iis Pontificibus traditum; at sublestem esse ejus libri fidem, Critici sat norunt. Quod occasione haereseis Ebionitarum factum affirmant secundae opinionis Auctores, id eorum, qui per X. priora saecula scripserunt, silentio refutatur. Sirmondo graviter obstat Rabanus Maurus qui *an.* 856. obiit *lib. 1. de instit. Cleric. cap. 21.*, *Panem infermentatum sanctificare oportet*: itemque Leo IX., qui sub initium saec. XI. Pontificatum gerebat, *ep. 1.* adversa Cerularium, & Leonem Acridae Antistitem. *Ecce jam post mille ac ferme viginti a morte Salvatoris nostri annos incipit per vos doceri Romana Ecclesia, qualiter memoria ejusdem sit recolenda.* Novitatis accusabant Graeci schismatici Latinam Ecclesiam, quod Dominicae passionis memoriam azymis recoleret. Contra Leo IX. vetustissimum esse scribit usum azymorum. Labi quidem poterat Leo in re, quae facti erat; at quis verosimile credat, eum sic turpiter lapsus, ut esse antiquissimum jactaret, quod tempore inter Photium, & Cerularium interjecto primum instituit Ecclesia Latina? Scriptorem Rabano Mauro antiquiorem laudo neminem, quod nemo sit, qui recte in eam rem laudari queat, uti a Cardinali Bona demonstratum est. Sarius est igitur cum Cardinali Bona sentire. Et sane primis Ecclesiae saeculis fideles sibi a persecutoribus metuentes in cryptas, & privata domos saepe ex improvviso conveniebant sacra mysteria celebraturi: verosimile est autem, consecratum plerumque per id tempus fermentatum panem, cujus semper copia erat, quum contra azymus praesto esse ut plurimum non posset. Porro Tertullianus *lib. 2. ad uxorem. cap. 5.*, & Ambrosius *lib. 4. de Sacram. cap. 4.* Eucharisticum panem non alium fuisse ajunt, quam panem in communi hominum consuetudine positum, qualis certe fermentatus fuit. Multo luculentius idem probatur testimonio Innocentii I. *ep. ad Decent. cap. 5.*, ubi Eucharisticum panem *fermentum* appellat: quem Innocentii locum praeclare in suam sententiam expendit Bona *d. c. §. 16.* Ad haec quoniam per octo saltem priora Ecclesiae saecula omnes prope Latini Patres sic de Eucharistico pane loquuntur, ut ne verbo quidem fuisse eum aut azymum, aut fermentatum indigent, id argumento est plane maximo, nullam iis saeculis factam in Ecclesiis Occidentalibus de azymo, ac fermentato legem, & alias azymo, alias fermentato usas pro diversa temporum ratione. Haec de Latinis. At vero Graecos semper fermentato usos, vero proximum videtur. V. Juenin *art. 4. §. 4.* Quoniam autem azymus panis, & fermentatus re ipsa non differunt, & azymum, & fermentatum rectissime consecrari, non ambigitur: idque diserte Florentina Synodus definivit. Est id ex eo genere rerum, quod libe-

nos habet observationes, uti aiebat Augustinus ep. 118. ad Januar., unicuique tamen est propria Ecclesiae suae consuetudo servanda: quod in laudata Synodo Florentina expressum est. At vero an. Chr. 1507. Michael Cerularius Constantinopolitanus Patriarcha duabus Epistolis, altera ad Johannem Traneitem in Apulia Episcopum, altera ad Petrum Patriarcham Antiochenum data, & peccare Latinos, quod azymum consecrarent, & Latinorum consecrationem non valere, multis argumentis adstruere conatus est. Sed infans, atque impio homini magnis animis resistere Leo IX. perleganti Epistola, & Cardinalis Humbertus Silvae candidae Episcopus praefato Dialogo, eius exemplar ad calcem Tomi 11 Annalium Baronius detulit. Panem prioribus timidolosis Ecclesiae temporibus, cuiuscunque molis, & figurae esset, consecrari, factumque in partes tribui inter fideles consequuisse, res ipsa docet: tum pace Ecclesiae data in modum coronae compagum, Epiphanius in *Ancorato* n. 57., Caelestinus Nazianzeni frater *Dial.* 3. de *Fid. Cath. interrog.* 106. Gregorius M. lib. 4. *Dialog.* cap. 45., & antiquorum picturae, quae extant in praeiis Codicibus MSS. ac veterum Ecclesiarum parietibus, ostendunt. Hinc Severo Alexandrino in *Ordine Missae* hostia circulus appellatur. Hostias primum cruce, ac nomine Iesu Christum aliis characteribus signatas, belle tradit Bona d. c. 6. 13. & 10. De forma panis apud Graecos vide Allatum lib. 3. de *consens. Oriental.* & Occidental. *Ecc.* cap. 15. num. 18. Vino aliquantulum aquae admiscetur: quae vetus est utriusque Ecclesiae disciplina, cujus originem ab ipso Christo Petrus repetiere. Tridentin. *sess.* 12. cap. 7. Dixi, *aliquantulum*; namque Ecclesiasticum praeceptum est, ut multo plus vini, quam aquae calicis infunderetur, cap. 13. de *celebr. Miss.* Eugen. 18. in *Decret.* cujus praecepti rationes multae sunt; praecipua vero haec, quam adserunt Patrum nonnulli, aqua fidelem populum, vino Christum ipsum referri: decere autem, multo acrius Christum referri, quam populum. Formam, qua consecratur panis, verba haec esse, *Hoc est corpus meum*: formam, qua consecratur Calix, esse haec, *Hic est Calix Sanguinis mei novi, & aeterni Testamenti, mysterium Fidei, qui pro vobis, & pro multis effundetur in remissionem peccatorum* quibus istdem verbis Christus Eucharistiam in ultima coena consecravit, Patrum & Conciliorum testimoniis docemur, quae congescit Iuvenius q. 3. de *Euch.* Num in forma, qua consecratur Calix, priora tantum verba, *Hic est Calix Sanguinis mei*, an ea etiam, quae sequuntur, ad vim Sacramenti pertineant, vetus quaestio est, quae Scholasticos exercet, quos adi.

Venio ad Ministerium. Eucharistiae ratio duplex, aut enim tanquam Sacramentum, aut tanquam Sacrificium spectatur. Et Sacramentum esse, & Sacrificium, certa fide apud Catholicos constat. Sacrificii Minister Eucharistiam conficit, seu consecrat: Eucharistiae, uti est Sacramentum, Minister etiam est, qui eam dispensat. Eucharistiam conficiunt Sacerdotes, inhi. Trident. *sess.* 22. can. 2. Num plures simul conficere Eucharistiam possint, a veteribus Scholasticis disputatum, eosque antiquitatis ignorantia transverfos egit. Id olim in Latina Ecclesia factum: fieri id adhuc in Graeca, exploratissimum est: eumque ritum sedulo enarrat Morin. de *SS. ordin.* p. 3. exerc. b. c. 1. Desisse eum morem apud Latinos, suspicatur Bona *ver. liturg.* lib. 1. c. 15. maxime ex eo, quod constitutum, lateque fuis Ordinibus Mendicantium, ac mirae auctis Missarum oneribus, Sacerdotes singulos singulis diebus privatim celebrare opus fuit. Sed veteris tamen consuetudinis vestigia in Presbyteriorum, atque Episcoporum Ordinationibus superiunt apud nos. Eucharistiam dispensant jure ordinario soli Episcopi, & Sacerdotes. Spectat huc verbum illud

illud Pauli 1. ad Corinth. 4, *Sic nos (Episcopos, & Sacerdotes) existimet homo ut ministros Christi, & dispensatores mysteriorum Dei*, hoc est, Sacramentorum, ac praesertim Eucharistiae, quas inter mysteria praecipuum est. Quod vero solos Episcopos, & Parochos jure Ordinario Sacramentorum administratores esse, Tridentina Synodus inquit *sess. 24. cap. 13. de Ref.*, consecrante est, non omnibus Presbyteris, sed iis tantum, qui *proprie* dicuntur, dispensandae Eucharistiae ordinarium jus esse. Hinc Religiosos, qui sine speciali Parochorum venia Clericis, aut laicis Sacramentum Eucharistiae ministrare praesumerint, ipso jure excommunicatos, nec nisi a Summo Pontifice absolvendos pronunciat *Clementina 2. de privileg.* Sed postquam in Ecclesiis Religiosorum, aliisque Sacellis publice celebrari Missae coeperunt, inductum est, ut vel sine speciali Parochorum venia Religiosi, & Presbyteri omnes darent Communionem, quae quodammodo Sacrificii pars est: sique ad solam Paschalem Communionem, & Viaticum jus Parochorum redactum est. Extra ordinem Diaconi in utraque Ecclesia dispensatores Eucharistiae fuerunt: & in Latina quidem si necessitas urgeret, atque abesset Presbyter, aut juberet, uti Auctor *Const. lib. 8. cap. 28.*, & Concil. Carth. IV. *can. 38*; in Graeca autem praesente etiam Presbytero, & specialiter non jubente; id enim eis licebat ex generali mandato: quod passim colligunt ex *can. 18. Nicaeni I.* Inter Corpus, & Sanguinem Christi ab antiquis Canonibus distingui, advertit Juvenius *9. 5. cap. 2. art. 12. tum D. Thomae testimonium laudans ex 3. p. 9. 82. art. 3. monet, saec. XIII. apud Occidentales invaluisse, ut, quam de solo ageretur Corpore, necessitatis, & absentiae, aut jussus Presbyteri ratio haberetur. At obsistere videtur Juvenio *can. 38. Concilii Carthaginensis IV. Ut Diaconus praesente presbytero Eucharistiam Corporis Christi populo, si necessitas cogat, jussus erogat*: itemque *can. 15. Arelatenfis II. Diaconus Corpus Christi praesente Presbytero tradere non praesumat*. Certe Sanguinis Christi dispensatio magis proprie ad Diaconos spectabat; unde Cyprianus *lib. de lapsis, Ubi vero, ait, solemnius adimpletis Calicem Diaconus offerre praesentibus corpis*. Laudati Canonibus abrogati non sunt. Olim Minores quoque Clerici, & vero etiam laici, si quando Presbyteri, ac Diaconi copia non esset, & aut persequutio deserviret, aut summa alia urgeret causa, Eucharistiam dedere, quod ex Martyrologiis Bedae, Adonis, Usuardi, ubi de S. Tharsitio Acolycho agitur, & Eusebio *lib. 6. hist. c. 44.*, compertum est. Quin prioribus timidolosis Ecclesiae temporibus mos fuit, ut laici consecratum panem in suas ipsi domos deferrent, eoque singulis diebus clam sumto se se instruerent contra Tyrannos: cujus moris testem do Tertullianum *lib. 2. ad uxorem, cap. 5.**

Nunc de iis, qui suscipere Eucharistiam possunt. *Parvulos usu rationis carentes nulla obligari necessitate ad Sacramentalem Eucharistiae communionem*, Tridentina Synodus docet *sess. 21. cap. 4.*; haud tamen esse damnamam antiquitatem (quod heterodoxorum nonnulli faciebant) *si eum morem in quibusdam locis aliquando servavit; ut enim (addit) sanctissimi illi Patres facti probabilem causam pro illius temporis ratione habuerunt: ita certe eos nulla salutis necessitate fecisse, sine controversia credendum est*. Et Latinos quidem ad XI. ulque saeculum infantibus baptizatis, confirmatisque Eucharistiam dedisse, habes apud Cyprianum *lib. de lapsis, Augustinum ep. 23. ad Bonifac.*, & *lib. 1. de peccator. merit. cap. 20.*, & *serm. 3. de verbis Apost.*, Innocentium P. ad PP. *Cont. Milev. ep. 93. inter Epistolas Augu-*

fini (a), Gregorium M. in *Sacramen. tit. de Sabbat. sanct.*, antiquum Ordinem Romanum, Auctorem lib. de *Officiis* Carolo M. aequalem, quem dicit Alcuinum, cap. de *Sabbat. sanct.*, Ugonem a S. Victore qui obitisse perhibetur circa an. 1046. lib. 1. de *Sacram. cap. 20.*, & Radulphum Ardentem saeculi XI. scriptorem *serm. in die Paschae de Eucharistiae necessitate*. Sed delinere jam coepisse aevo suo veterem morem, Hugo tradit. Idem ab antiquissimis temporibus obtinuisse, & nunc quoque obtinere apud Graecos, Auctor Const. lib. 8. c. 12. & 13., Auctor lib. de *Ecl. Hierarch. c. 5. §. 11.* & omnia eorum Eucharistia commonstrant. Adi Arcudium lib. 3. de *Sacram. Euch. cap. 11.* Nec solum infantes mox quum fuerant baptizati, sed & omnes innocentes pueri quum in Oriente, & maxime Constantinopoli, tum in Occidente, & maxime in Gallia Eucharistiae participes facti, si quando militae superessent particulae Corporis Christi. Gregor. Turon. lib. 1. de *plura Martyr. cap. 10.*, Evagr. lib. 4. *Hist. Ecl. cap. 35.* Nicephor. Callista lib. 17. cap. 25., & Concil. Matisconense II. can. 6. Id primum Patres Concilii Turonensis III. cap. 19. ne indifcrete fieret, venire: deinde Odo Parisiensis Episcopus, qui floruit saec. XII., vetuit omnino in Statutis Synodalibus cap. 39. Communium praeceptorum Amentibus, quaecumque sunt pietatis, conferenda, Araulicani Patres ajunt can. 18. Idem quoque habes in Concilio Carthagin. IV. can. 76. Si igitur salva Sacramenti reverentia dari Eucharistia poterat, amentibus vita periclitantibus non denegabatur. At jamdiu ita fere consuetudo, ut quos ratio prorsus destituit, iis Eucharistia non detur. Reis capite damnatis denegatam per quatuor priora Ecclesiae saecula Eucharistiam, probari hoc argumento potest, quod per idem tempus graviorum quorundam scelerum rei ne ipsa quidem Sacramentali absolutione donarentur, si eam in extremis angustiis positi reposcerent: quia de re inferius. Ab antiqua severitate discesserant Itali, ac Germani: at Hispani tamen, & Galli reis ultimo supplicio damnatis negant adhuc Communionem: quia de re Iuvenius q. 6. cap. 4. Olim quum in Orientali, tum in Occidentali Ecclesia Eucharistiam Energumenis negatam, id argumento est, quod non in utraque Ecclesia Sacrificio interesse prohiberentur. V. can. *Apostolicam 78.*, cap. 7. lib. 8. Const., Chrysost. Hom. 3. de *incomprehensibili natura Dei*, Auctorem lib. de *Ecl. Hierarch. cap. 3.*, & Concilium Eliberit. can. 28., & 29. Ea tantum species excipiebatur, si vita periclitarentur. Conc. Elib. can. 37. At saec. V. coepit alicubi in Occidente Energumenis Eucharistia dari, etiam si nullum esset vitae periculum, dum tamen de purgatione sua curarent, & se traderent sollicitudini Clericorum, de qua dictum lib. 1., monitisque obtemperarent, quae verba sunt Concilii Araulicani I. can. 14. Eandem disciplinam Orientales etiam nonnulli servarunt; sed erat tamen ea in Oriente praeter Canones, uti intelligere est ex Casliano collat. 7. cap. 29., & 30. Tandem aevo D. Thomae Energumeni eodem cum amentibus jure censiti sunt in Occidente: sicque ad Communionem admissi, si quando rationis compotes herent. Constat id ex D. Thoma 3. p. 9. 80. art. 9. Mortui

(a) Augustini, & Innocentii P. loca, quibus id non obscure videtur tradi, Eucharistiam vel ipsis infantibus necessariam esse ad salutem, Theologorum Catholicorum exercent ingenia, quod descriptae Tridentinorum Patrum potentiae aduersentur. Sed dissentientes in speciem Ecclesiae Patres perbelli componit doctissimus Cardinalis Bona ver. liturg. lib. 2. cap. 19., quem per summam invidiam rident Binghamus Orig. lib. 15. cap. 4. §. 7.

cui suscipere Eucharistiam non possunt, qui enim fieri potest, ut accipiat, et comedat secundum Christi verbum, qui mortuus est? Aliquando in Ecclesiis nonnullas Africanas, Gallicas, & Graecas pia simplicitas morem innoxitandae mortuis Eucharistiae, quumprimis poenitentibus, qui non sumta ea decesserant: quod ita illi reconciliari Ecclesiae viderentur. Verum id fieri vetitum *can. 6. Concilii Carth. III., can. 12. Antiochodensis, & can. 83. Trullani*. Alius porro usus apud Graecos, ac Latinos olim invaluit, nempe conspeliendae cum mortuis Eucharistiae: quod a D. Basilio, ac D. Benedicto re ipsa probatum, narrant *vitae Basilii* Scriptor, quem faciunt Amphilochium, & Gregor. M. *lib. 2. Dial. 24. Idem est apud Amalarium de Div. Off. lib. 4. cap. 42. In vita etiam S. Othmari lib. 2. c. 3. apud Suriarum die 16. Novembr. multas panis rotulas, quae vulgo oblatæ dicuntur, cum corpore S. Othmari reconditas, scriptam est. Denique hoc idem suo tempore passim factum, testatur Balsamon in d. can. 83. Trullani. Amphilochii, Gregorii, atque Amalarii auctoritas, & hoc plus diutius, ac late patens ejus rei usus facit, ne assentiar iis, qui id praeter Canones, ac per superstitionem factum contendunt. Potuit id in eum finem induci, ut ita supersticioso gentium ritui, quae defunctorum ori obolum Charanti pendendum imponebant, cassus ritus opponeretur. Sed id Ecclesia praecipuum habuit, ut Eucharistia pectori defunctorum impolita consuleretur quieti cadaverum, quae, quod extra Ecclesiam cenderentur, non raro ab immundis spiritibus vexabantur: quae conjectura est Balsamonis, quam mire confirmat Gregorius M. *loc. cit.*, ubi Monachi cujusdam corpus pectori impolita Eucharistia recondi jussisse D. Benedictum inquit, quod illud terra desolatum bis projecisset. Sed cadaveribus sepeliri intra Ecclesiam coeptis, desuevit tandem is ritus.*

Reliqua ad Eucharistiam spectantia, uti Sacramentum, atque uti Sacrificium est, persequamur. Multa Eucharistiae, uti Sacramentum est, nomina dedi initio hujus tituli: nunc ajo, multa etiam ejus pro ratione Sacrificii nomina esse; nam *Collecta*, *Dominicum*, *Agenda*, *Communio*, *Oblatio*, & *Missa* a Latinis: a Graecis autem *Liturgia*, *Mytagogia*, *Synaxis*, *Telete*, *Anaphora*, *Prophora*, & *Oeconomia* nuncupatur. *Collectae* nomen late sumtum quemlibet solennem fidelium conventum designat apud Hieronymum. in *Epitaph. Paulae*: passim apud Ecclesiasticos Scriptores Sacrificium est, quod maxime Sacrificii causa in unum colligantur fideles. *Dominicum* Latinis est & domus Domini, ubi Sacrificium celebratur, & Sacrificium ipsum, quod inter Divina, quae in Ecclesia peraguntur, Officia, id maximum & praecipuum est ex ipsis Domini institutione. *Agenda* semini, gen., ac sing. num., uti rectissime Bona *rer. liturg. lib. 1. cap. 3.*, ab *agendo*: eaque vox est ab Ecclesiasticis auctoribus proculsa imitatione profanorum, quibus *facere* interdum est *sacrificare*. *Communio* nomine plerumque Sacramentum Eucharistiae, quandoque etiam ipsum Sacrificium significatur, quo fideles Corporis, ac Sanguinis Christi particeps fiunt. Damascen. *lib. 4. de Fid. orthod. cap. 14. Oblatio* ab *offerendo*, quod saepe in libris Patrum perinde est ac *sacrificare*, quod est hostiam offerre. Usitatissimum est nomen *Missa*, quod non Hebraicum, aut Graecum, aliisve idiomatis, sed omnino Latinum esse, multis docet Bonæ *cap. 1. a mittendo*; sed num a mittendis, seu transmittendis per Sacerdotem populi precibus, atque oblationibus ad Deum, an a mittendo, seu dimittendo populo ea formula, quam Diaconus recitabat, *Ite, missa est*, non liquet. Posterior explicatio vero propior est. Pri-

mun Catechumeni, tum fidelis populus universus solenni formula dimittebatur: unde apud Ecclesiasticos *Missa Catechumenorum*, & *Missa Fidelium*. *Liturgia* latine redditur publicum ministerium: *Myſtagogia* alicuius actio. Quod patebat fidelibus, paganos, Catechumenos, ac Poenitentes habebat: Synaxis proprie est fidelium cum Deo conjunctio, & communio: *Telete* initiatio, consecratio, perfectio: *Anaphora* elevatio, seu sursum elatio, & Helychio interprete supplicatio: *Proſphora* oblatio: *Oeconomia* autem provida rei administratio: quae quum in omnibus Dei operibus, tum maxime in mysterio Incarnationis, & institutione Eucharistiae elucet: quae causa est, cur Patres de utroque hoc Divino opere differentes eam vocem per sepe usurpent. Sunt alia Latinorum, Graecorumque vocabula, quibus Sacrificium hoc significatur. Ea congerunt, atque enarrant Vicecomes, Durandus, Raynaudus, aliique. Id Sacramento, & Sacrificio commune est, ut non communicent nisi omnino jejuni. Nullum quidem ex hac re Divinum praeceptum: quin Christum Apostolis suis jam coenatis Eucharistiam administrasse, scriptum est apud Evangelistas; at quum ita ferat vetus universae Ecclesiae consuetudo, cuius initium ignoratur, ab Apostolico praecepto repetenda est ex propria Augustini regula in *ep. 118. ad Januar.*: quinque Paulus 1. *ad Cor. 11. v. 34.* de ijs agens, qui Eucharistiam cum profanis cibis miscebant, dixerit, *Cetera, quum venero, disponam*, hinc conficit *loc. cit.* Augustinus, primum Apostolos de hoc jejuniu legem jussisse. Neque contrarium Christi factum Apostolos quidquam commovit; namque is triginta annos natus baptizatus est; nemo autem licere sibi dicit, Baptismum ad id tempus differre. Multa Christus fecit, ut postulare temporum, & locorum rationes videbantur, quorum ut aequius melius constituendorum potestatem Apostolis concessit: quod argumentum persequuntur Cyprianus *ep. 63.*, & Augustinus *ibid.* Quod de antiquis Eremitis D. Bernardus memoriae prodidit *de Passione Domini cap. 42.*, eos quandoque prae fransos Missarum solennia celebrasse; id piae eorum simplicitati tribuendum: quodque Concilium Carth. III. *can. 29.* ait, licere feria 5. in Coena Domini Sacramenta altaris a non jejunis celebrari; id fortasse ob aliquas in iis locis occasiones Ecclesiae utiles relaxato jure communi a Patribus Carthaginensibus cautum, uti loquuntur Patres Concilii VI. in Trullo *can. 20.*, ut proinde trahi in exemplum non possit. Et in Alexandrinis quidem, Africanis, aliisque Ecclesiis more receptum, ut feria 5. post epulum celebraretur, narrant Augustinus *ep. 118. ad Januar.*, & Sozomenus *lib. 7. c. 19.* Sed in casu infirmitatis, aut alterius necessitatis a jure vel Ecclesia concessa, vel admisso, uti Constantiense Concilium loquitur *sess. 13.*, jejunium remittitur. Haec late proposita vide in Missali Romano, & in libris Theologorum. Hoc Sacramentum, & Sacrificium distant, quod qui Eucharistiam conficiunt, eam illi sub duplici specie panis & vini sumunt: alii sub sola specie panis. At ab Ecclesiae primordiis ad saeculum XII. fideles etiam laicos in publicis conventibus sub utraque specie communicasse, probant Paulus Apostolus 1. *ad Cor. 11.*, Iustinus Martyr. *Apolog. 2.*, Cyprianus *lib. de laps.*, Cyrillus *Catech. 5.*, Chrysostomus *Hom. 83. in Matth.*, & *serm. 1. de jejunio*, Leo 1. *serm. 4. in Quadrag.*, Gelasius 1. apud Gratian. *can. 12. de consecr. dist. 2.*, Ordo Romanus *tit. qualiter celebr. sit Officium Missae*, & D. Thomas 3. *p. 9. 86. art. 12.*, ex quo loco, habes vel post saec. XII. non ubique in Occidente veterem morem desuisse: in Oriente tamen stat adhuc. Id autem Ecclesia ratum semper habuit, nullum extare praeceptum Divinum, quo laici

laici, & Clerici non sacrificantes utramque speciem sumere compellantur. Id ut probent Jueninus, alique multi, hoc maxime utuntur argumento, infantibus recens baptizatis diu Latinos Eucharistiam sub sola sanguinis specie administrasse, & administrare adhuc Graecos. At vero quod de Latinis ajunt, id perpetuum non fuit; Cyprianus enim *de lapsis* p. 90. edit. *Amslod.* non obscure supponit, datum infantibus cibum, & poculum Domini; ut Ordo tamen Romanus solum meminit *Corpus Christi*; ac praeterea Jobius Monachus saeculi VI. scriptor *de Verbi incarnatione lib. 3. cap. 18.* solum *Christi sanguinem pretiosum*: unde facile est intelligere, aliquando vinum solum, aliquando panem solum, aliquando etiam utrumque infantibus oblatum: quod nullum fuisse de utraque specie Divinum praeceptum evincit. Porro panis particulas, quae supererant, inter innocentes pueros divisas, ex Gregorio Turonensi, Evagrio, & Nicephoro exploratum est. Ad haec infirmi sub sola panis specie ut plurimum communicabant, uti Serapionem, & S. Ambrosium jam agentes animam communicasse, tradunt Dionysius Alexandrin. *ep. ad Fab. Antiochen.* apud Euseb. *lib. 6. c. 44.*, & Paulinus in *vita Ambrosii*. Et sane servari Eucharistiam ad infirmorum communionem, vetus est Ecclesiae disciplina; at de pane tantum servando Canones loquuntur, nam facile corrumpitur vinum: quod ex modis servandae pro communione infirmorum Eucharistiae luculenter apparet; aut enim capsula inclusa servabatur in Secretario, Altarive sive Principali, sive Speciali, de quo Durandus *Rational. lib. 1. cap. 2.*, aut vasculo sive in turris, sive in columbae speciem elaborato pone majus altare ad summam Basilicae parietem suspensio non supposita ara. Gregor. Turonens. *lib. 1. Miraculor. c. 86.*, Synodus Constantinop. sub Menna *an. 536. act. 5. V. Mabillon. Comm. ad Ordin. Rom. p. 139.* Calicis, quum de hac re agitur, nusquam mentio in Ecclesiasticis monumentis. Quod si vero statim post Missam deferri ad infirmos viaticum (a) deberet, quod interdum contingebat, tum eos sub utraque specie communicasse, non ambigitur. S. Exuperium Tolosanum Episcopum *Corpus Domini in canistro vineo, sanguinem in vitro* ad infirmos deferre solitum, Hieronymus scribit *ad Rusticum*: & MS. Codex S. Remigii apud Menardum *not. ad Sacrament. S. Gregor. p. 380.* ubi de commuione infirmorum agit, utramque formulam habet, & eam, qua Corpus, & eam, qua Sanguinis administratur. Denique veteres Christianos solas panis particulas intra domesticos parietes adservasse, quo extra tempus sacrificii, quod offerri per persecutores raro licebat, quotidie possent communicare, quum ex eo patet, quod Patres solius Corporis Christi meminere, & nominatim Tertullianus *lib. 2. ad uxor.*, tum ex eo, quod vinum facile corrumpebatur.

In

(a) Viaticum apud antiquos Scriptores Ecclesiasticos erat quicquid sive poenitentes, sive catechumenos ex hac mortali vita ad immortalem discedentes munire posset: unde eo nomine non Eucharistia solum, sed & Baptismus, Confirmatio, Absolutio, & extrema Unctio comprehendebantur, uti rectissime Albaspinaeus *lib. 1. Obs. cap. 1.* Huc pertinet Nicaenus Canon 13., Si quis egreditur e corpore, ultimo, & maxime necessario viatico minime privetur: quo loco ultimum, & maxime necessarium viaticum poenitentis reconciliatio, seu absolutio est, non Eucharistia; namque hanc morituris dari sine examine Episcopi non debere, subdit Canon: quum contra absente letiam Episcopo, si necessitas urgeret, moriturum reconciliari per Presbyterum jus esset. Conc. Carth. III. can. 32. Nunc ejus vocabuli notio angustior est.

In ipsis etiam publicis conventibus diu fideles in Occidente sub sola panis specie communicasse die Parasceves, Ordo Romanus tradit.

In initio fideles suae quemque domi quotidie communicasse, jam dixi. Saltem frequentissime id testis eos, ostendit illud Lucae act. 2. de primis Christianis, *Erant perseverantes in communione, fractionibus panis*, &c., quod de Eucharistica Communionem Patres interpretantur. Omnes, qui sacris Mysteriis intererant, communicare oportebat. Justin. *Apol. 2.*, Auctor *Const. lib. 8. c. 20.*, Auctor *lib. de Eccl. Hierarch. cap. 3.* Quin sua etiam aetate quotidianae communionis usum Romae obtinuisse, testis est Hieronymus *ep. 8. ad Pammach.*, quod se nec reprehendere addit, nec probare. Augustinus autem varium de ea re in Africa jus fuisse, docet *ep. 52. ult. edit.*: unde habes, in nonnullis saltem Occidentalibus Ecclesiis quotidianam Communionem ad saec. V. fuisse. Tum deservescere fidelium caritate imposita est eis per Canones necessitas communicandi certis solennioribus diebus. Synodus Agathensis saeculo VI. habita, *Saeculares*, inquit *can. 13.*, *qui in Natali Domini, Pascha, & Pentecoste non communicaverint, Catholicis non tradantur, nec inter Catholicos habeantur*. Eodem spectat illud Synodi Turonensis III. saeculo IX. habitae *can. 50.*, *Si non frequentius, vel ter laici homines communicent*. Falso Gratianus Canonem Agathensem Concilio Eliberitano, ac Turonensem Fabiano Papae assignit *de consecr. dist. 2. can. 19.*, &c. 21.; nam multo post Eliberitani Concilii, ac Fabiani tempora disciplina in Canonibus comprehensa in Ecclesiam inlata est. Sed moribus Christianorum in pejus ruentibus, Concilium Lateranense in *cap. 12. de poenit. & remiss.* cavio ad hunc modum, *Omnis utriusque sexus fidelis, postquam ad annis confessionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi poenitentiam propriis viribus studeat implere, suscipiens reverenter ad minus in Pascha Eucharistica Sacramentum: nisi forte de proprii Sacerdotis consilio ob aliquam rationabilem causam ad tempus ab hujusmodi perceptione duxerit abstinendum: aliquando & vivens ab ingressu Ecclesiae arceatur, & moriens Christiana careat sepultura*. Confirmavit hanc disciplinam Synodus Tridentina *sess. 13. can. 9. de Eucharist.* Quod autem Canon ait *ad minus in Pascha*, id de hebdomada Sancta, & Octava Paschatis accipi ex Concilii sententia debere pronuntiavit Eugenius IV. in *Bulla, Fide digna 20. in Bull. Rom.*

Communicabant primum Episcopi, tum Presbyteri, post hos Diaconi, & ceteri inferiores Clerici, ac Monachi: ex feminis autem Diaconissae, Virgines, Viduae: dein pueri, ac demum reliquus populus, & viri primum; deinde mulieres. Auctor *Const. lib. 8. c. 13.* Eodem ordine Calix dabatur; sed Presbyteri tamen ipsi eum sumebant per se, Diaconi a Presbyteris, a Diaconis alii: quod Ordo Romanus, & Euchologia Graecorum commonstrant. Porro licet olim Communicantes nullo discrimine ad sacram mensam accessissent, uti ex Epistolis Dionysii Alexandrini Valefius addituit in Euseb. *lib. 7. c. 9.*; tamen processu temporis coeperunt locis distingui inter se. Hesperianorum Ecclesiarum disciplinam dat *can. 17. Concil. Tolet. IV, Saeculos, & Levita ante altare communicent, in Choro Clerus, extra Chorum populus*: quod vetus jus fuit, cujus testes Bracarenfis Concilii Patres *can. 31.* Eandem in Africa disciplinam obtinuisse, auctor est Augustinus *serm. 392. novae edit.*, qui idem solis Neophytis ad altare aditum patuisse, scribit *serm. 224.* Neque alio jure usam Mediolanensem Ecclesiam, probatur facto D. Ambrosii, de quo mox. Denique Graecos eandem disciplinam arripuisse,

se, docent Laodicaenus *can. 19.*, & Trullanus 69., quo *can. id* etiam comprehensum est, ex *antiquissima* traditione datum intra Chorum Imperatori locum. At D. Ambrosius tamen Theodosium de more Graecanico locum sibi intra Sanctuarium tribuentem Sanctuario prohibuit.

Communicanturi lotis manibus & facie accedebant. Chrysof. *Hom. 52. in Matth.*, & *Hom. 315. in ep. ad Ephes.* Non flexis genibus, uti nunc, sed stantes communicabant prono tamen capite, ac demissis oculis. Hanc fuisse, & vero etiam esse Graecorum disciplinam, ex Cyrillo *Catech. 6.*, Chrysof. *orat. in encoenia*, & Ritualibus constat. Idem de antiquis Latinis non auct affirmare Card. Bona *rer. liturg. lib. 2. cap. 17. §. 8.*: id tantum monet, etiam hodie in Missa solenni Romani Pontificis Diaconum stantem communicare, omnino ex veteri ritu. Multis hoc argumentum persequuntur Valesius ad Euseb. *lib. 7. cap. 9.*, & Joh. Thersius in Gallica *Dissert. de Altaribus*. Eucharistiam manu in navis formam composita excipiebant. Cyprianus *lib. de laps.*, Basilii *ep. ad Caesariam Patriciam*, Chrysof. *Hom. 21. ad Pop. Antioch.*, August. *lib. 2. contra literas Petilian.*, Theodoret. *lib. 5. Hist. cap. 17.* Initio nullum fuit super hac re discrimen inter viros & mulieres. Primum exeunte saeculo VI. vetitum, ne mulieres nuda manu Eucharistiam exciperent, uti ex *can. 36. Concilii Antisiodorensis* in Gallia *an. 590.* (a). Sunt qui novam hanc disciplinam jam aevo Augustini fuisse, tradunt ex Augustini *serm. 252. de temp.* Veram hunc Sermone Augustino abjudicant Critici. V. N. Alexandr. *in saec. V. de Pseudepigraphis S. Aug. Operibus tom. X. §. 9.* Graecos multo diutius veterem consuetudinem retinuisse, docet Trullanus *Canon 101.* Porro vetus mos Eucharistiae manu excipiendae non uno tempore desit ubique: & valde probatur mihi conjectura Cardinalis Bonae *rer. liturg. lib. 2. c. 17. §. 7.* tunc primum coepisse in Occidente ore accipi Corpus Christi, quum primum tenuissima coepit esse panis forma, puta saeculo XII., aut XIII., quod esset jure metuendum, & ne facile de manu in terram delaberetur. Quod facit ad Sanguinem Christi, cum aut calamo fugebant, aut de ipso Calice ori admoto ebibebant: tum inductum est, ut Corpus Sanguine intinctum porrigeretur. Tertium hunc sumendi Sanguinis modum rejecit Concilium Bracarense III. *can. 1.*: admisit autem Turonense apud Burchardum *lib. 5. cap. 9.*: & saeculo XII. passim adhibitum, & a doctissimis, ac pientissimis quibusque viris argumento ducto ex effusionis periculo probatum, liquet ex Ernulfo Rossensi Episcopo *ep. ad Zambertum tom. 2. Spicileg.*, Ivone de Div. Off., aliisque. V. Martene de *antiq. Eccl. rit. lib. 1. cap. 4. art. 10. §. 13.*

Jam vero ab ipsis Ecclesiae primordiis Eucharistia cum certa ac solenni verborum formula populo tradita est, uti nunc traditur. Auctor *Const. lib. 8. c. 13.*

(a) Huc referunt Baronius, Binius, Bona, alique satis multi alterum ejusdem Concilii Canonem, puta, 42. in haec verba, Unaquaeque mulier, quando communicat, dominicale suum habeat. Quod si non habuerit, usque in alium diem Dominicum non communicet: ubi Dominicale interpretatur linteum mundum, quo subjecto mulieres Eucharistiam accipiebant. Verum Balusii in Gratian. *can. 19. caus. 23. q. 3.* ex Concilio Matifconensi probat, Antisiodorensibus Patribus Dominicale fuisse velum, quo mulieres ad Eucharistiam accedentes capita obnubere jubebantur: quae Balusii opinio hoc potest adstrui argumento, quod verisimile non sit, Patres Antisiodorenses de eadem re duobus diffitis locis egisse, nempe *can. 36.*, & *can. 42.*

8. c. 13., Ambros. *de Sacram. lib. 4. c. 5.* Ante tempora Gregorii M. formula erat, *Corpus Christi, Sanguis Christi*, uti ex Auctore Const., & Ambrosio: aetate Gregorii haec, *Corpus Domini nostri Jesu Christi conferve animam tuam*, auctore Joh. Diacono in *vit. Greg. lib. 2.*; denique aetate Alcuini aliquanto auctor facta in hunc modum, *Corpus Domini nostri Jesu Christi custodiat te in vitam aeternam*: cujus rei Alcuinus ipse testis est. Sed non fuit omnino eadem ubique. Recitata a ministro formula accipiens respondens, *Amen*, Cornelius p. apud Euseb. *lib. 6. c. 43.*, Auctor *Const. loc. cit.*, Ambros. *ibid.*, Augustin. *contr. Faust. lib. 12. c. 10.*, & Leo M. *serm. 6. de jejunio septimi mensis*. Sed jamdum apud nos obtinet, ut fideles Eucharistiam taciti sumant.

Eucharistiae usus olim multiplex. I. Longum iter ingressi eam secum deferrebant. S. Ambros. *Oras. in funere Satyri fratris*, S. Gregor. *lib. 5. D. al. c. 36.*, Joh. Diaconus in *vit. Gregor. lib. 1. c. 33.* Nunc apud Latinos solos Romanus Pontifex veterem morem retinet, apud Graecos etiam Monachi, Arcudio teste *lib. 3. de Sacram. c. 59.* II. Eam cum mortuis contemplesbant: quem ritum a superstitionis nota jam superius vindicavi. III. Interdum in solenni Ecclesiarum dedicatione partes tres ex Dominico Corpore excitae includebantur Altari: quod ab Urbano II. factum in Basilicae Majoris Monasterii dedicatione, scribit anonymus Auctor libelli *de gestis Abbatum Majoris Monasterii*. IV. Piam quandam teminam ad depellendum morbum Eucharistiam adhibuisse, narrat Augustinus *Operis imperfecti contra Julian. lib. 5. c. 162.* V. Pyrrho. Monothelitae damnationi Theodororum Papam, & damnationi Photii Pseudo-Patriarchae Episcopos Catholicos calamo in sanguine Christi intincto subscripsisse, tradunt Annales Graecorum apud Baron. *an. 648.*, & Nicetas in *vit. S. Ignatii Constantinopolitani*.

Reliquum est, ut de ritibus Liturgicis delibemus nonnulla. Certus ille lectio, precum, ac ceremoniarum ordo, qui servari in Sacrificio solet, Liturgia appellatur. Liturgiae, quae Apostolis Petrus, Jacobus, Mattheus, & Marco attribuantur, Apostolorum non sunt, uti egregie praeter ceteros N. Alexander demonstrat in *saec. 1. art. 3.*: idemque de Liturgia S. Clementi adscripta Cardinalis Bessarionis in *lib. Sacram. Euchar.* judicium est. Varias sunt pro varia temporum, & locorum ratione Liturgiae: & in Oriente quidem celeberrimae fuere Liturgiae S. Jacobi, S. Basilii, ac S. Joh. Chrysostomi: in Occidente Romana, Ambrosiana, Gallicana, Hispanica. 1. Apostolos recitata Oratione Dominica, & formula Consecrationis rem Divinam fecisse, tradunt Gregorius M. *lib. 7. ep. 64.*, Honorius Augustinodunensis in *Gemma animae cap. 86.*, & Walfridus Strabo *de reb. Ecclesiast. cap. 22.* Contra Apostolos longo verborum ambitu Missam decantasse, inquit Proculus Constantinopolitanus *de traditione Divinae Liturgiae*: eosque praeter, atque hymnos adhibuisse, scribit Chrysostomus *Hom. 27. in 1. ad Cor.* Fortasse Apostoli, si quis gravis metus, aut si qua alia iusta urgeret causa, verborum compendio studebant, alias rem ducebant in longum: quae conjectura est Cardinalis Bonae *rer. liturg. lib. 1. c. 5.* Porro Apostolos, eorumque suc-

(a) Hanc dicunt Mozarabicam; occupata enim ab Arabibus Hispania, Christiani, quod essent cum Arabibus permixti, Mixtarabes, & corrupta voce Mozarabes dicti.

cessores usque ad tempora Hadriani Imperatoris Hebraica lingua usos: tum ab Hadriano Ecclesiam coepisse Graecam usurpare, Johannes Echius inquit de *Sacris. Missae lib. 2. cap. 2.* Verum opinio haec nullo antiquitatis monumento iuvatur: quia principio non unum ubique, sed commune cuiusque loci idioma in sacra Liturgia usurpatum, intelligere est ex eo, quod de S. Antonio Abbate memoriae prodidit vitae ejus scriptor Athanasius, eum, quum literas non didicisset, nec nisi vulgarem, puta, Aegyptiacam linguam, novisset, audito Evangelio novum vitae genus instituisse: cui historiae, nisi decantatum Aegyptiaco idiomate Evangelium supponatur, constare fides non potest. Simile exemplum extat apud Allatium *ep. ad Nauaenum*: Sed longe lateque diffusa, & recte constituta Religione, Linguarum Hebraicae, Graecae, ac Latinae usum in sacris retinuit Ecclesia, licet eae populos laterent: cujus rei causa duplex: una, ut major eis accederet veneratio: altera, ne ex frequenti vulgarium linguarum immutatione, cujus necessarium consecrationem esse deberet frequens sacrorum verborum translatio in novam linguam, aliquod sententiis ipsis periculum immineret. Quandoque gentibus ad Christi fidem recens converlis sacra Liturgia vernaculo sermone concepta permixta est, uti Sclavis saeculo IX. permissam a Johanne VIII., docet ejusdem Johannis *Epistola 249. ad Sphenopulerum Moraviae Comitem*. In Occidente linguae Latinae usus temper flevit. Sed aliquando in Romani, Arelateni, & Neapolitana Ecclesia nonnullas Liturgiae partes certis anni diebus Graece peractas, tradunt Anastasius in *Vita Benedicti III.*, Amalarius *lib. 2. de off. cap. 1.*, Cyprianus Episcopus Tolonenis in *vita S. Caesarii lib. 1. cap. 11.*, & Ughellus *Italiae sacrae tom. 6. p. 3.* Olim non omni diem Divinam fieri potuisse, veterum formidolosorum Ecclesiae temporum ratio sat idoneo argumento est. Solius Dominici diei meminit Paulus *1. ad Cor. 16.*, itemque Justinus Martyr *Apolog. 2.* Sed ternos in singulas hebdomadas dies, puta, Dominicam, & quartam, sextamque Feriam, in eam rem ab Apostolis praestitutes, auctor est Epiphanius in *Exposit. Fid. Cath.* Praeter eos dies Sabbato etiam celebrata mysteria, scribit S. Basilus *ep. 289. ad Caesarem Patriciam*; quae communis fuit omnium prope fidelium consuetudo, Alexandrinis, ac Romanis exceptis, qui vetustam quandam traditionem sequuti celebrare Sabbato detrectasse dicuntur Socrati *lib. 5. Hist. cap. 22.* Verum haud multo post Romana quoque Ecclesia aliarum morem recepit. S. Hieronymus *ep. 28.* Porro Augustinus *ep. 54. ad Januar.* novae edit. inquit, *alibi nullum diem praetermissum, quo non offerretur* (quod de Ecclesiis Africanis, Hispanis, & Constantinopolitana testantur idem Augustinus *serm. 58. de Oratione Dominica ad Competentes* novae edit., & *ep. 98.*, Hieronymus *ep. 28.*, & Chrysostomus *Hom. 3. in ep. ad Ephes.*) *alibi Sabbato tantum, & Dominico, alibi tantum Dominico.* Haec de Iohanni Missa, quam dicunt majorem. Ceterum privatas missas quotidie celebrari licuisse, & ut quotidie celebrarent, monitos Presbyteros, patet ex Concilio Ticinensi *an. 566. cap. 2.*, & ex Riculfo Sveshionensi Episcopo *cap. 3.* Excipiebantur apud Latinos feria IV., & Sabbatum majoris hebdomadae, & in Ecclesia Mediolanensi omnes feriae VI. Quadragesimae: apud Graecos autem Quadragesimales dies praeter Sabbata, Dominicas, & Festum Annunciationis. Quin uno die pluries pro Sacerdotis arbitrio celebratum, habes apud Regimonem *lib. 1. de Eccl. discipl. c. 33.*, & Valtridum *de reb. Eccl. cap. 21.* Sed huic arbitrio positus usque ad tertiam vicem modus in Concilio Salegustadiensi *an. 1022. cap. 5.* Quod de pluribus Missis uno die a Pres-

Tom. V.

L

byre.

bytero uno celebratis dixi, id non de privatis tantum, sed & de solennibus dictum puta, & has quidem certis solennioribus diebus, nempe in Natali Domini, Kalendis Januarii, in Coena Domini, in Paschate, in Rogationibus, in Jejunii post Pentecosten, in festo Apostolorum Petri, & Pauli, S. Benedicti, S. Joh. Baptistae, S. Martini, S. Laurentii, aliorumque nonnullorum: quae luculentissimis testimoniis confirmat Martene *lib. 1. cap. 3. art. 3. n. 5. & seqq.* Primum saec. XIII. plures ab uno celebrari missas interdixitum est, nisi in paucis quibusdam speciebus, quas percenset Martene n. 18.: ac tandem solus dies Nativitatis Domini exceptus est. Id non omitam, Missas plures non in eodem, sed in diversis Altaribus ab uno Presbytero die uno celebratas. Gregorius Turonensis *de gloria Conf. cap. 50.*, & *lib. 5. Hist. cap. 49.*, Concil. Antissiodorense *can. 10.* Quod ad tempus faciendae rei Divinae, haud ambigendum, primis Ecclesiae saeculis noctu, & vero etiam post coenam sacra mysteria a fidelibus perfecta, quum ut Christum imitarentur, qui post legalem coenam primum obtulit sacrificium, tum ut conventus suos persecutoribus celarent: hinc Christiani genibus dicti apud Minutium Felicem *natio latebrosa, & lucifuga*: atque hinc nocturnae convocationes, & coetus antelucani apud Tertullianum *lib. 2. ad uxorem cap. 4.*, *Apolog. cap. 2.*, & *de coron. milit. cap. 3.* Ut primum fuit Ecclesiae pax data, sacris operari per diem coeperunt, licet alicubi vel post id tempus antiqua steterit consuetudo, quod Johannes Phurnas testatur *ep. de ritibus immutatis apud Allatium lib. 3. de consensu Ecclesiae Occident. & Oriental. cap. 13.* Jam statim diurnarum Missarum horae erant tertia, sexta, & nona. Amalarius *lib. 3. cap. 42.* Diversas earum rationes enarrat laudatus Martene *art. 4. n. 3.*, & *seqq.*: qui n. 10. id addit, fuisse ea maxime publicearum, solenniumque Missarum legitima tempora; nam privatas omni hora celebrari jus erat, modo per eas populus a publicis non advocaretur. Denique Sacrificium quolibet loco persecutionum temporibus oblatum, sive is esset privata domus, sive coemeterium, sive carcer, constat ex *Act. Apost. cap. 20.*, ex *Const. Apostolic. lib. 6. cap. 30.*, ex Cypriano *ep. 5.*, & Philostorgio *lib. 2. Hist. cap. 13.* Tandem redita Christianis per bonos Imperatores pax publica Tempia in eum finem extructa sunt, de quibus inferius. Nunc, quoniam sollemnis, & privatae Missae habita est mentio, instituti mei ratio postulat, ut quae sit eorum vocabulorum potestas, exponam. Missa sollemnis, quae & Conventualis, & Capitularis, & Major dici etiam assolet, ea est, quae cum cantu, ac solennibus caeremoniis adstante Clero, & reliquo fidei populo celebratur. Haec eadem est, quam Valfri- dus Strabo *legitimam*, Amalarius *generalem* appellat, quod eam maxime Ecclesiasticae leges comprobent, eique universus coetus intersit. Huic eidem publicae nomen non a loco; namque initio in cryptis, aliisque secretioribus locis peragebatur, sed a populi conventu; eique opponebatur Missa *privata* Monachorum propria, ad quam fidelibus non patebat aditus. Quod Monachi vitam vivere ab omni strepitu alienissimam debeant, publice fieri apud eos rem Divinam, Canones vetuere. S. Gregor. *lib. 1. ep. 46.*, Synodus Lateranensis sub Calixto II. *cap. 17.* Innocentius III. *lib. 2. Regest. 14. ep. 18.* Peragebant quidem Monachi solennes Missas cum cantu ac solennibus caeremoniis, adstantibusque ministris; ac earum tamen causa in Oratoria, seu Cappellis Monachorum fidelem populum convenire, non licebat. Sed jam aliquot ab hinc saeculis publicas Missas agere Monachis indultum. Aliud Missae *privata* genus saec. IX. invaluit, quam & *solitariam* dixere. Ea est, quam celebrat sacerdos solus

ne-

nemine ministrante, ac praesente. Id Missae genus Monachi primum instituerunt, tum saeculares etiam Presbyteri arripuerunt, sed Ecclesiastica Jurisprudentia invita. V. Concil. Mogunt. an. 813. can. 43., Parisiense VI. lib. 1. cap. 48., Nannetense apud Ivonem p. 3. c. 7., & can. 61. de consecr. dist. 1., qui tamen male Soteri, male quoque adscribitur Anacleto, & certe saeculo IX. antiquior non est. Interdicti potissima laudatur haec, quod in solitariis Missis absurdum sit Sacerdotem dicere, *Dominus vobiscum, Sursum Corda, Gratias agamus, Oremus*. Res liturgicas multo uberius enarrant Cardinalis Bona, Jos. Binghamus, Edmundus Martens, quos adi.

T I T U L U S V.

De Poenitentia.

Sacramentum hoc, quod & Sacramentum reconciliationis, & Sacramentum absolutionis, & confessionis Sacramentum, & quandoque sine alio addito manuum impositio, ut in can. 76. Carth. IV., quandoque, ne cum aliis Sacramentis confunderetur, manuum impositio reconciliatoria, ut in can. 3. Arauscani 1.; & communicatio, sive communio, & pax, frequentius autem Poenitentia Latinis: Graecis vero *Μετάνοια*, & *Ἐξομολογῆσις* appellatur; hoc, inquam, Sacramentum definiri a Theologis solet Sacramentum, quo lapsis post Baptismum contritis, confessis, ac satisfacere proponentibus absolutio a peccatis impenditur.

Hujus Sacramenti quasi materia sunt actus poenitentis Contritio, Confessio, Satisfactio. Eugenius IV. in Decreto, & Concilium Trident. sess. 14. cap. 3. Contritio est animi dolor, ac detestatio de peccato commissio cum proposito non peccandi de cetero. Trident. cap. 4. Haec duplex, altera caritate perfecta, quae cum Sacramenti voto conjuncta hominem Deo reconciliat, priusquam Sacramentum actu suscipiatur: altera imperfecta, quae Attritio dicitur, quoniam vel ex turpitudinis peccati consideratione, vel ex gehennae metu communiter concipitur, quae si voluntatem peccandi excludat cum spe veniae, peccatorem ad Dei gratiam in Sacramento Poenitentiae impetrandam disponit. Trident. d. c. 4. Sacramentalis Confessio jure Divino ad salutem necessaria est, eaque omnia & singula peccata mortalia, quorum memoria cum debita & diligenti praemeditatione habeatur, etiam occulta, & circumstantiae, quae peccati speciem mutant, apud solius Sacerdotis aures *secrete* deponuntur ex institutione, & mandato Christi. Trident. can. 6., & 7. Confessionis publice editae multa extant in antiquis monumentis exempla. Eam ab humilitate poenitentis, & aliorum exemplo laudat Tridentinum sess. 14. cap. 3.; at nulla tamen Ecclesiastica lege Confessionis publice edendae necessitas imposita est. S. Leo ep. 136. novae edit. Poenitentes olim sedentes peccata confiteri solitos, ex Ordine Romano, Alcuino, aliisque Ritualibus libris manifestissimum fit: quam consuetudinem servant adhuc Graeci, Alistio teste de consens. Eccl. Occid., & Orient. lib. 3. cap. 9. n. 6. Apud Latinos Monachorum quorundam genua flectere mos fuit, qui mos sub initium saeculi XIII. ad saeculares etiam traductus. Satisfactio est poena, quam poenitens subit pro arbitrio Sacerdotis, cui ejus imponendae jus est. Trident. can. 9. Haec passim Poenitentia appellatur, estque aut privata, aut publica: privata, quam peccator clam peragit, qualis poenitentia frequentissima est hoc tempore: publica, quam agit palam, & ut loqui vulgo amant, in fac

cie Ecclesiae. De utraque dicam pro eo, quem mihi modum praescripti: fatisque habeo in hac re digitum intendere ad fontes, maxime ad Morini libros de *administr. Poenit.* Peccata sunt aut levia, seu venialia, quae peccata infirmitatis, aut imperitiae Augustino dicuntur *Quaest. lib. 83. quaest. 26.*, aut gravia, seu lethalia, quae peccata malitiae appellat Augustinus *ibid.*, & saepe Patres uno verbo *crimina*, seu *scelera*. Leviae peccata publicis poenitentis expiari neque opus est, neque unquam fuit opus. Nusquam apud Patres publicae poenitentiae mentio est, quin gravium peccatorum mentio sit. Porro leviae peccata *oratione quotidiana*, & *privata compunctione* curari, Patrum sententia est. Augustin. *lib. de Symbolo ad Catechum.* sub finem, S. Caesarius Episcopus Arelat. *Hom. 1. in Quatages.* Jam gravia peccata aut publica sunt, aut occulta. Publicis publica poenitentia debetur, ut ita scandalum occurratur: quae perpetua fuit Ecclesiae doctrina ab Apostolo tradita *1. ad Timoth. 5.*, & a Tridentinis Patribus confirmata *sess. 24. c. 8. de ref.*: quin olim Episcopos per censuras, & subinde per *implorationem*, ut ajunt, *saecularis brachii* poenitentiae publicae necessitatem publicis peccatoribus fecisse, Morinus demonstrat *lib. 7. cap. 4.*, & 5. Occulta etiam crimina publicis poenitentis castigata, apertissimis Patrum testimoniis demonstrat Morinus *lib. 5. cap. 9.*, & 11. Intercedebant tamen inter publicum peccatorum, & publicam occultorum criminum poenitentiam discrimina nonnulla. Primum enim haec clam a Presbytero, qui clam susceperat confessionem: illa publice a solo Episcopo imponebatur. Deinde publicorum criminum rei ad agendam poenitentiam recte per censuras adigebantur: reis occultorum, si agere poenitentiam detractarent, sola reconciliatio clam denegabatur; publice vero denegari Sacramenta non poterant. Postremo qui publicorum criminum poenas dederunt, & publice ante absidem reconciliabantur, & a solo Episcopo, ac tum demum a Presbytero, quum aut necessitas urgebat, aut jubebat Episcopus: qui vero occultorum, & clanculum; & a Presbytero, qui poenitentiam imposuerat, inscio etiam Episcopo. V. *can. 32. Concilii Carth. III.* apud Gratian. *can. 14. caus. 26. q. 6.*, & *can. 15. q. 7.*, & Morinum. *cit. loc.* Nihil autem erat a publica occultorum criminum poenitentia sigillo confessionis metuumdum; erat enim felicioribus illis Ecclesiae temporibus ingens numerus eorum, qui sceleris pari publicis poenitentis se se ultro subiciebant. Quod si tamen forte vereri confessarius poterat, ne publicis poenitentis peccatum proderetur, eas cum privatis jure suo commutabat. S. Basil. *c. 34.*, Aug. *serm. 16. de verb. Domini c. 5. V. Morin. lib. 5. cap. 8.* Antiquissimam occultorum publice criminum castigandorum disciplinam Graeci usque ad Nestarium, Latini ad saec. VII., & alicubi vel ad initium saeculi VIII. servarunt: atque hinc origo regulae in jure Canonico novo protritae, de *peccatis publicis publice*, de *occultis occulte poenitendum*, *cap. 1. de poenit. & remis.* Morin. *lib. 7. cap. 1.* Nova haec disciplina quod publicum erat, occultum fecit: ceterum poenalia opera per Canones Poenitenciales praescripta omnino retinuit. Morin. *cap. 21. 22. 23.* Argumenta, quibus Jacobus quidam Parvus publicam occultorum peccatorum poenitentiam nullo fuisse canone decretam probare conatus est, scite rejecit N. Alexander in *saec. III. diff. 6. q. 2. art. 1. propos. 2.* Jam vero non omnia peccata mortalia publicae poenitentiae subiciebantur, uti visum nonnullis maxime ob loca quaedam D. Augustini ex *lib. de Symb. ad Catechum. c. 7. & 8.*, & ex *lib. 50. Homiliarum Hom. 27. & 50.*; sed graviora tantum crimina, quae leges Prin-

cupum capitali poena vindicabant, puta idololatria, homicidium, moechia, sacrilegium, furtum violentum, violatio sepulcrorum, aliave nonnulla his affinia: quod quum multis Patrum testimoniis, tum maxime apertissimo Gregorii Nysseni testimonio ex *ep. Canonica ad Letoium* perbelle docet N. Alex. *q. 1. art. 1. prop. unic.*, ubi Augustini loca in speciem contraria subtiliter, & copiose expendit. Nullum inter laicos, & Clericos discrimen constituit; at sunt tamen super publica poenitentia Clerici a laicis sedulo discernendi. Tribus prioribus Ecclesiae saeculis non laicis solum, sed etiam Clericis, siue hi minores essent, siue majores, publicam poenitentiam fuisse impositam, habes ex *can. inter Apostolicos 30.*, & *can. 20. Synodi Eliberitanae*. His Canonibus Episcopi simoniaci, & generaliter Clerici usurarii *deponi*, seu *degradari*, & *segregari*, seu *abstineri* jubentur; id autem in Canonibus perpetuum est, ut *segregari*, vel *abstineri* de Clericis dictum & *deponi*, & *publicae poenitentiae subijci* significet: tum demum vero posteriore sensu accipitur, si alterutrum cum depositione, vel degradatione conjungitur, uti fit in *d. can. 30. & 20.*

Jam quae fuerunt olim legitima spatia, quaeve exterior Poenitentiae forma? Ab Ecclesiae primordiis ad tempora Montani, & vero etiam Tertulliani nullum fuisse certum peragenda poenitentiae tempus, id argumento est, quod verisimile non sit, ejus nec Tertullian. *lib. de Poenit.*, & *lib. de Pudic.*, quo utroque Opere de Poenitentia egit, neque alium Tertulliano antiquiorem meminisse. Idem jus fuisse a Montano ad Novatianum (quem male Graeci cum Novato confundunt) eorum, qui per id tempus scripserunt, & maxime Cypriani silentium probat. Quin ex eorum temporum monumentis id liquet, rem hanc totam in arbitrio Episcopi positam, sed diuturniores tamen poenas a Montano ad Novatianum, quam antea, datas: quae omnia nuper abunde tradidit Juenin. *de Poenit. q. 6. cap. 4. art. 1. §. 1.*, & 2. Primum post schisma Novatianum, quod in saeculum III. incidit, certum agenda poenitentiae spatium per Canones praescriptum, quae de variis Poenitentium Stationibus orto jam schismate Novatiano sunt constituta, laeculenter evincunt. Ecclesia ut occurreret Novatianis, qui in ea haeresi erant, non esse in Ecclesia potestatem dimittendi peccata post Baptismum admissa, operae pretium duxit de modo atque ordine peragenda poenitentiae certis legibus cavere: atque hinc Poenitentium Stationes, siue gradus quatuor, *Fletus*, *Auditio*, *Substratio*, *Consistentia*: quos gradus memorant, expuntnque Gregorius Thaumaturgus in *ep. canonica can. 11.*, modo is canon Gregorii sit, & Basilii *ep. ad Amphiloeh. c. 22. 58. 57. 53. 59. 64. 66. 75. 77. 80. 81. 83.* Primo gradu erant *Fientes*, nempe qui pro foribus Ecclesiae stantes & suam confitebantur iniquitatem, & fideles, qui Ecclesiam ingrediebantur, flentes, & saepe etiam ad pedes provoluti rogabant, ut sibi a Deo, atque Episcopo poenitentiae locum exorarent. Gregor. *d. c. 11.*, & Basilii *c. 56.*, Ambros. *ad Virgin. laps. cap. 8.* Hinc vides, eum gradum non proprie Poenitentium fuisse, sed veluti praecambulum quoddam ad Poenitentiae gradus. Secundo gradu erant *Audientes*, hoc est, quibus in Ecclesia, ac proprie in Nartheco Scripturis, ac sermonibus audiendis dabatur locus, unde, antequam orationi initium fieret, ejiciebantur. Gregor. *ibid.*, Basil. *c. 75.* In hunc gradum admitti & beneficium, & opprobrium erat: & beneficium quidem, quod ita digni poenitentia haberentur, unde manibus, & cilicio eorum capiti impositis a Sacerdote recipiebantur: opprobrium vero, quod cum Catechumenis remitterentur ad Fidei rudimenta, quae

quod graviter peccassent, vix didicisse videbantur. Tertio gradu erant *Substrati*, seu *Genusfcentes*, seu, uti Gregorius loquitur, *Subiecti*. His non solum audire cum *Audientibus* licebat, verum etiam post exeludos Templo Audientes intra Ecclesiae ambitum usque ad ambonem manere: perque id tempus subiciebantur manibus, atque orationibus Episcoporum. Morin. *lib. 6. c. 8. & 9.* Quarto demum gradu erant *Consistentes*, ex eo dicti, quod eis liceat, Catechumenis, ceterisque poenitentibus ejectionis, cum fidelibus in Ecclesia consistere, & orare. Thaumaturg. *can. 17.* Hi precum quidem, quae fidelium dicebantur, participes erant, non Corporis, & Sanguinis Christi: quo factum, ut quarta haec Poenitentium statio quandoque *Segregatio*, *Separatio*, & *Excommunicatio* appellaretur. Verum id te monitum velim, si quem Canones ob leve peccatum *segregari*, *separari*, aut *excommunicari* jubent, eos Canones de hoc genere poenae intelligendos, puta de levissima excommunicatione, qua Eucharistiae tactum participatio interdicebatur: qualis Poenitentium quarti gradus poena fuit. Laicum, inquam; Clerici enim segregati in Canonibus suspensio est, quae grave crimen supponit. Certa fuere Stationum spatia in singula crimina per Canones constituta; sed ea tamen erant pro gravitate delicti aut breviora, aut longiora. Basilii *can. 22. 56. 57. 58. & 75.*, Concilium Ancyranum *can. 4. & 16.*, & Nicaenum *can. 17.* Quod vero aequum esset pro vario Poenitentium studio statuta tempora contrahi, aut produci, fuit id datum arbitrio Episcoporum, quod tantum quandoque erat, ut jure possent Poenitentes de Auditione ad Consistentiam transferre Substratione omissa. Synodus Ancyrana *can. 5.*, & Nicaena *can. 12.* Plerumque tempus Substrationis longius erat, quod haec statio ad eluendas animorum sordes proprie fuisset instituta: & interdum anno decimoquinto finiebatur. Concilium Ancyranum *can. 16.* Per id tempus, quo Poenitentia agebatur, multae erant edendae dolentis animi significationes, multis etiam, quae jure aliis licebant, Poenitentibus erat abstinendum. Et vero quum primum poenitentiae causa ad Episcopum accedebant, mutare vestes, & saccum induere, & cinere spargi, & hoc plus, si mares essent, caput radere, si feminae, crines alibi tondere, alibi confusos spargere jubebantur. Tertullian. *de Poenit. cap. 9.*, Synodus Agath. *can. 15.*, Euseb. *lib. 5. c. 28.*, Ambros. *ad Virgin. laps. c. 8.*, Hieronym. *ep. 30.*, & Concil. Toletan. III. *can. 12.* Porro velari mulieres *velamine poenitentiae*, uti Optatus inquit *lib. 2.*, mos fuit. Tolet. III. *d. c. 12.* Ad haec Poenitentes crebris jejuniis macerare corpus debebant, elemosynas dare pauperibus, iis etiam diebus, quibus ceteros fideles orare stantes (a) in Ecclesia jus erat, flexis genibus orare, & quod maxime in Africanis Ecclesiis solenne erat, mortuos efferre & sepelire. Cyprian. *de laps.*, Concil. Carth. IV. *cap. 81. & 82.* Denique Poenitentes & balneis, & conviviis,

& nu-

(a) Diebus Dominicis, & quinquaginta inter Pascha, & Pentecosten diebus, qui dies remissionis dicuntur in *can. 8. Concilii Carth. IV.*; quod iis temporibus Dominicae resurrectionis memoria recoleretur, fideles in Ecclesia stantes orare jubebantur. Tertullian. *de Coron. milit. c. 3.*, Clemens Alexandr. *Stromat. 7.*, Petrus Alexandrin. *can. 15.*, Concil. Nicaenum *can. 20.* Eam disciplinam ab Apostolicis temporibus repetit S. Basilii de *Sp. S. c. 27.* Huc refer solennem illam Diaconorum formulam Chrysostomo persaepe memoratam, Erecti stemus honeste. Stabat vetus disciplina aevo Caroli M., *can. 37. Concilii Turonensis III.* Quousque persisterit, vix est, ut definiti queat.

& nuptiis, & vel ipso matrimonii usu prohibebantur: quo factum, ut conjugi poenitentia imponi altero invito non posset. Pacian *Paraenef. ad Poenitent.*, Sozomen. *lib. 7. c. 16.*, Concil. Arelat. II. *can. 21.*, & 22., Ambrosi. *de Poenit. lib. 2. c. 10.* Solennes istos Poenitentiae ritus usque ad initium saeculi XII Latina Ecclesia retinuit: tum desuescere paulatim coeperunt: ejusque desuetudinis causa potissimum triplex, puta, poenitentiae Canonicae commutatio cum laborioso aliquo opere, quod in bonum Ecclesiae resunderet: unde sub id tempus peccatores saepe iusti poenitentiae loco arma capere contra haereticos, aut infideles a poenitentiae commutatio cum pecuniae erogatione in instaurandam, extruendamve Ecclesiam, & verotiam in reficiendos pontes, viaeque muniendas: & communis prope Theologorum saeculi XIII. sententia, poenitentias in foro conscientiae arbitrari Sacerdotum esse decernendas; quae tria fulissime enarrat Morinus *lib. 10. cap. 16.*, & 25. Licet autem ita exterior Poenentialium Canonum severitas defecerit, & jam inde ab aliquot saeculis pro Confessarii tanquam boni viri arbitrio poenitentiae imponantur, haud est tamen alius nostrum hoc tempore Ecclesiae finis ab eo, quo ea olim spectavit, uti colligere est ex Concilio Trident. *sess. 14. cap. 8.*: atque ut eum finem Confessarii consequantur, eos bene nosse Poenitentiales Canones oportere, quum multis in locis, tum maxime in Praefatione ad Canones Poenitentiales tradit S. Carolus Borromeus, quem consulat Confessarii. Sed ne hinc conficiamus quo tempore solennes Poenitentiae ritus obsolevere, ipsam quoque Poenitentiam publicam obsolevisse. Stetit ea pro peccatis publicis, *cap. 1. de poenit. & remis.*, & *cap. 8. Synodi Tridentinae sess. 24.*, quodque ea naturali & Divinae iustitiae omnino consentanea sit, remitti nullo modo potest, nisi quia iusta ex causa, quam probare Episcopus debet, expedire aliquando videatur publicam cum privata commutari: quod Tridentina Synodus addit *d. cap. 8. omnino ex sententia veteris Ecclesiae. V. S. Basilium can. 34.*, & Augustini *serm. 16. de Verb. Domini c. 8.*

Forma hujus Sacramenti sunt verba illa absolutionis, quae Sacerdos profert non nudum praestans ministerium pronuncianti remissa esse peccata, sed actum judiciale exercens, *Ego te absolvo &c.*, quibus de Ecclesiae more preces quaedam laudabiliter adjunguntur, ad ipsius tamen formae essentiam nequaquam spectant. Trident. *cap. 3.*, & 6. Graeci deprecativam formulam adhibere, adhibentque etiam adhuc: quod egregie praeter ceteros persequitur Morinus *lib. 8. cap. 12.*: neque est, cur de ejus formulae vi ambigat quilibet. Latini *indicativa*, ut ajunt, formula utuntur, nempe ea, quam Tridentina Synodus tradit *d. cap. 3.* Olini vero non ubique in Occidente indicativae formulae usus obtinuit: quod & Augustini testimonio *serm. 23. lib. 50. Homil. cap. 7.*, & veterum Sacramentarium, Pontificalium, ac Ritualium silentio probatur. Porro quae olim apud Latinos valebat deprecativa absolutionis formula, nunc non valet, jamque inde usque a temporibus D. Thomae, cujus testimonium extat *Opus. 22. cap. 2.*, non valere doctrinis quibusque Theologorum visa est. Nempe integrum semper Ecclesiae fuit certas apponere conditiones, quibus non servatis vis Sacramenti haud constaret: qua de re multi Theologi. Esse in Ecclesia peccatorum omnium dimittendorum potestatem, ex verbo Christi *Joh. 20. v. 23.* contra Moncanistas, & Novatianos definitum est. Et vero eam potestatem nullo peccatorum discrimine exercuisse initio Ecclesiam, factis probant Paulus Apostolus *2. ad Cor.*, & Joh. Evangelista apud Euseb. *lib. 3. Hist. c. 17.*

Hic

Hic homicidae, incestuosus ille pacem dedit. Id praeclare confirmat Auctor *Const. Apostolic.*, qui vulgo Clemens dicitur, *cap. 23.* his verbis, *Nullum majus peccatum, quam idolorum cultus; est enim impietas in Deum; tamen per veram poenitentiam remissum est.* Quoniam vero Christus Ecclesiae suae dimittendorum aequae ac retinendorum peccatorum jus fecit *Joh. 20. v. 23.*, alicubi non defectu potestatis, seu *desperatione indulgentiae*, uti Augustinus in simili specie agebat *ep. 50.*, sed severitate disciplinae aliquanto post medium saeculum II. fuisse inductum, opinio est Albaspinaei, Sirmondi, aliorumque nonnullorum, ut hominibus atrociorum quorundam criminum reis venia vel in exitu vitae denegaretur. Ita Romae, in Hispania, atque Africa de idololatriis, homicidiis, & moechis jus fuisse, docent Tertullianus *lib. de Pudic. cap. 5. & 9.*, Eliberit. Synodus *can. 1., & 8.*, ac Cyprian. *ep. 51. ad Antonian.* Primus Zephrinus solos moechos, non idololatrias, aut homicidas, ad communionem admisit, uti est apud Tertullianum. Sed Zephrini decretum aliquot Africanæ Ecclesiae non receperant, Cypriano teste: Eliberitana autem Synodus stricte accepit, nempe de iis tantum, qui semel fuerant moechati: quod ex ejus *can. 3.* exploratissimum est. Quia Illiberitani Patres & lenonibus, & puerorum stupratoribus, & incestuosis *nec in fine dandam esse communionem* voluere, ut *can. 12., 17., 66., 71., & 75.* Scio nonnullos *communione* in Eliberitanis Canonibus interpretari *Eucharistiam* eo maxime argumento ductos, quod ii de *absolutione* accepti impendio acerbiores essent. At certe *communio* Illiberitanis Patribus *absolutio Sacramentalis* est, uti Albaspinaeo, Sirmondo, & rerum Ecclesiasticarum peritissimis quibuscque visum. Argumenta, quae in hanc sententiam propo-
nunt, videsis apud eos. Id ego nunc unum ajo, si de Sacramentali *absolutione* Eliberitani Canones accipiantur, perbelle eis convenire cum Tertulliano, & Cypriano, qui de Sacramentali *absolutione* disertissime loquuntur: at nihil sit, cur Eliberitanae Synodi severitatem quisquam miretur. Contra alii, quorum numero est Natalis Alexander in *saec. III. diff. 7. art. unic. propos. 2.*, nusquam Ecclesiae Patres eo severitatis devenisse contendunt, ut quorundam criminum reis vel *in fine* denegassent pacem: Tertullianum ajunt *lib. de Pudicitia*, quem scripsit jam Montanista, falsam Ecclesiae Romanae sententiam affinxisse: *Communione* vero in Canonibus Eliberitanis *Eucharistiam* esse, non *absolutionem*: postremo quod Cyprianus de negata moechis *absolutione* scribit, id quibusdam Africanis Episcopis placuisse, non Africanæ Ecclesiae universae, aut Carthaginienfi. Ego, quod ultimo loco inquit, libens admitto; sed eos Episcopos nullo exemplo in eam sententiam ivisse, quis credat? Fortasse argumento ab Hispaniensis, & maxime Romanae Ecclesiae disciplina ducto opinionem illi suam adstruebant: quumque eos Episcopos a *Coepiscoporum suorum Collegio non recessisse*, nec *Catholicae Ecclesiae unitatem rupisse*, Cyprianus affirmet, ideo eorum sententiam offendiculo aliis non fuisse arbitror, quia varia tunc erat ea super re Ecclesiae disciplina. De Eliberitanorum Canonum sensu dictum satis. Tertullianum autem licet Montanistam rem, quae omnino facti erat, & omnibus eo tempore exploratissima, multo aliter ac se ea habebat, literis consignasse, ut Ecclesiae invidiam crearet, facile adduci non possum ut credam. Et vero quis eum impudentissimum jure dicat, quem etiam quum ad Montanum defecerat, hominem ingenio haud malo fuisse constare? Quis eum falsi reum peragat, quem nemo aequalis, aut suppar eo nomine falsi inculpavit? Porro denegabatur venia eis, qui in quolibet mortali peccato con-
senue-

seuerant, nec nisi in summis vitae angustiis poenitentiam petebant: cuius
 seueritatis haec redditur ratio a Cypriano in *cit. ep. ad Antonian.*, quod
 illos communionem rogare non delicti poenitentia, sed mortis urgentis as-
 monitio compelleret: haecque ea disciplina usque ad tempora Conc. Arelat.
 I., quod *an. 314.* est habitum, ut ex eius *can. 23.* Solos lapsos Cyprianus
 excepit *ep. 13.*, qui libellos a Martyribus impetrassent. Tanta fuit vis
 Libellorum, quibus Martyres pro lapsis apud Episcopos intercedebant,
 ut aliquid eorum gratia de seueritate Canonum remitteretur: saepe tamen
 Episcopi verbo, scriptove Martyres admonebant, ne in dandis libellis se
 plus nimio faciles praestarent. V. Natalis Alexandri *Diff. 3. in saec. III.*
 Eodem prorsus iure cum peccatoribus in exitu vitae communionem roganti-
 bus facinorosos capite damnatos olim censitos, contendunt nonnulli, & quam
 primis Martene *lib. 1. c. 6. art. 2. n. 6.* Denique peccatis, quae jam semel
 publica expiauerat poenitentia, si rursus admitterentur, denegatam olim ve-
 niam, intelligere est ex Clemente Alexandrino 2. *Strom. 13.*, Tertulliano *lib. de*
Poenitentia, Ambrosio *lib. 2. de Poenit. cap. 10.*, & Augustino *ep. 153. no-*
uae edit. ad Macedonian. Verum id fortasse non ubique placuisse, videtur
 probare, quod de Chrysostomo Socrates habet *lib. 6. cap. 21.*, Quam a Sy-
 nodo Episcoporum semel dumtaxat iis, qui post Baptismum peccassent, con-
 cessa fuisset poenitentia, ipse pronunciare non dubitavit, Licet nullus egeris
 poenitentiam, accede. Qualecunque esse debeat de Chrysostomo, aut Socrate
 iudicium, certe lautilime in Ecclesia patuit disciplina, quam superius pro-
 posui. Anne igitur adeo severe actum cum iis, qui in eadem scelera la-
 bebantur, ut eis ne privata quidem poenitentia, privataque absolutione con-
 suleretur? Ita visum Petavio in *Epiphan. haer. 59.*, Alaspinaeo 2. *obj. 6.*,
 & Morino *lib. 5. c. 29.*, quum quia conceptissima sunt in eam sententiam
 Patrum testimonia, maxime Ambrosii, & Augustini; tum quoniam alioqui
 multo humanius cum iis egisset Ecclesia, qui eadem crimina repeterant:
 quod cuius debet perabsurdum videri. Sed aequius alii sic Patrum loca in-
 terpretati sunt, ut privatam poenitentiam, absolutionemque non excluderent;
 sed poenitentiam tamen acerbissimam, ac diuturnissimam, quae acerbitate,
 ac diuturnitate sua publicam exaequaret, & vero etiam vinceret: absolutio-
 nem autem, quae nonnisi in ipso vitae exitu indulgeretur, ista Himerio Tar-
 raconensi a Siricio Papa rescriptum *ep. 1. c. 5.* idemque disertissime cautum
 est in Concilio Herdensi *c. 5.* Sed tandem de veteri seueritate descevit Ec-
 clesia. Moechos ad communionem admissos a Zephirino, jam dixi. Tem-
 pore Cypriani idololatri etiam, qui sani egerant poenitentiam, Carthagi-
 nensis Synodus pacem dedit, uti ex *Epistola Synodali ad Cornel. P.* quam
 Africanorum Patrum sententiam Cornelius Concilio Romae habito confir-
 mavit: ex eoque tempore in Ecclesia uniuersa omnibus vel atrocissimis cri-
 minibus post actam poenitentiam venia data est. Haec de Occidentalibus;
 Orientales enim moechis, homicidis, aut idololatriis aliquando pacem dene-
 gasse, nullo potest idoneo testimonio probari. Porro aetate Innocentii I.,
 qui Pontificatum suscepit *an. 401.*, jam obtinebat, ut omnibus vel in exitu
 vitae poenitentibus cum Poenitentia extrema Communio tribueretur, ut mise-
 rante Salvatore nostro a perpetuo exitio vindicaretur, ut ipse inquit *ep. 3.*
ad Exuper. cap. 2. quo loco Communione esse absolutionem a peccatis,
 novissima Innocentii verba luculenter ostendunt. Eadem per id tempus reo-
 rum capite damnatorum ratio erat. Denique jamdiu desit vetus disciplina
 absolutionis in tempus mortis conferendae, sed idonea tamen suppere ar-
 gumenta debent, peccatorem facti sui poenitere.

dem coepta Poenitentiae distinctione inter privatam, publicam, & solennem a Theologis Scholasticis in jus Ecclesiasticum inventa saeculo XIII., quae conjectura est Morini *lib. 5. cap. 25.*, Presbyteris sine speciali Episcoporum mandato publicae etiam poenitentiae pro peccatis publicis imponendae potestas data est, sola Episcopis reservata solenni Poenitentia, quam ex Pontificali, & Ordine Romano magna ex parte descriptam sub nomine Synodi Agathensis proponit Gratianus *can. 64. dist. 50.* Suppetit hinc ratio, cur Poenitentiales Canones octavo saeculo antiquiores, quibus locis de Poenitentiae ministeriis agunt, multo frequentius Episcopos laudent, quam Presbyteros; posteriores autem eo saeculo rarius Episcopos. Verum initio ii soli Presbyteri Poenitentiam administrabant, quos ad curam animarum veluti subsidarios adsumebant Episcopi, quosque proprios Presbyteros, & Sacerdotes, ac verbo uno Parochos appellamus: quin diu nemini licuit alium a proprio Sacerdote sine hujus venia sibi Confessarium eligere, nisi id ei jure singulari permitteretur. Gregor. IX. in *cap. ult. de poenit.*, & *remis.* Deinde institutis Fratribus Mendicantibus, Summi Pontifices liberam eis excipiendam Confessionum potestatem jure privilegii dederunt: quam eandem potestatem Episcopi ad Presbyteros etiam specialem animarum curam non habentes produxere. Sed duo hic moneo. Alterum est, jure Ecclesiastico, quod Concilium Lateranense IV. sub Innocentio III. sanxit in *cap. omnis utriusque sexus cod. tit.*, teneri fideles semel in anno proprio tantum Sacerdoti, puta, Parocho, sua confiteri peccata, nec posse alienum Presbyterum aliter quam cum venia Parochi *solvere, vel ligare*: quod jns Parochorum Pontifices, qui laudatum privilegium Fratribus Mendicantibus indulgere, disertissime saluum voluerunt. V. Bullam Martini IV. *Ad uberes* super eo privilegio editam *an. 1261.*, & Sixti IV. *Extravagantem Vices de tregua, & pace in comm.* Vnde etiam, quae in *d. can. Lateranensis Concilii* edisserit Juvenius *q. 5. de Confessione cap. 4. art. 3. §. 2.* Alterum est, Parochos quidem jure ordinario, hoc est, jure Beneficii sui Parochianorum suorum excipere Confessiones, alios autem Presbyteros sive saeculares, sive Regulares id nullo modo posse, nisi ab Episcopis per examen, si illis videbitur necessarium, aut alias idonei judicentur, & approbationem obtineant, privilegii & consuetudine quacunque, etiam immemorabili, non obstantibus: quae verba sunt Concilii Tridentini *sess. 25. cap. 25. de Ref.*: in quae commentarium bene longum Juvenius scripsit *q. 7. de Absolut. cap. 3. art. 3.* Haec de Ministro Poenitentiae pro instituto meo dixisse sit satis. De Diacono, & laico quolibet quaecumque video, num aliquando exaudire poterint Confessiones. Tu sic habes. Jus ligandi, & solvendi solis Sacerdotibus a Christo datum *Matth. 16. 19. Trident. sess. 14. cap. 6.* Cypriani locus ex *ep. 13. ad Presbyteros, & Diaconos Ecclesiae Carthagin.*, ubi lapsis in vitae periculo versantibus, si Episcopus, & Presbyter absint, apud Diaconum *exomologesim facere delicti sui* permittit, accipiendus est non de absolutione Sacramentali, quae reinterimine absolvit, quaeque tota est ordinis, sed de ceremoniali absolutione, quae poenitentem absolvit legibus poenitentiae publicae, quae quam tota sit jurisdictionis, recte poterat Diacono demandari: quae de re multis contra Morinum N. Alexander in *sac. III. diss. 4.* Quod vero Odonis de Soliaco Parisiensis Episcopi Decreto comprehensum est in *Statutis Synodalibus Statut. 56.*, licere Diacono in *arctissima necessitate Confessiones audire*, ad eundem prope modum intelligi debet. Nempe eo Decreto concessum Diacono audita peccatorum confessione, quae non ad Sacramentalem absolutionem

Abolutionem primis Ecclesiae sacculis satisfactio praebat. Id & ea, quae de gradibus Poenitentium sunt dicta, haud obscure demonstrant, nam fideles jam Deo per Abolutionem reconciliatos diu ne consistere quidem cum fidelibus in Ecclesia potuisse, longe abest a specie veri: & permulta Patrum loca diserte tradunt. V. S. Cyprian. *ep. 10.*, 52., & 59., S. Pacian. *ep. 1. ad Sympronian.*, S. Ambros. *lib. 2. de Poenit. cap. 9.*, Innocent. I. *ep. 1. ad Decentium*, S. Leon. *ep. 91. ad Theodor. Forosulens. Episc.*, & Concil. Toler. III. c. 11. Interdum ante emensa Poenitentiae spatia indulgebatur Abolutio, si qua gravis urgeret causa, puta, si quos lapsos Martyrum libelli commendarent, si quam lapsi publice ederent Christo pii, & obsequentis animi significationem, eoque nomine aliquid paterentur, si aut mortis, aut magnum aliquid animae periculum immineret, si quis Poenitentium esset ad Martyrium comparandus: denique si quid inde mali ab Ecclesia amoveri, vel si quid boni redundare in eam posse viderent Patres: quae species praesentant apud S. Cyprian. *de Laps.*, & *ep. 20.*, 52., & 54., Innocent. I. *d. ep. ad Decent.*, & S. Leon. *d. ep. 91.* Quin diu obtinuisse, ut quae peccata publica elui poenitentia opus non erat, statim post confessionem dimitterentur, Morinus offendit *lib. 9. c. 14.* Hinc intellige, merito damnatas ab Alexandro VIII. n. 16., & 18. Propositiones hasce rigidiorum quorundam Theologorum, quibus praevixit Petrus Oxoniensis Theologiae in Salmaticensi Academia Professor an. 1479., ordinem praemittendi satisfactionem abolutioni lege Christi institutum: modernum autem usum, qui abolutionem antevertit, ab Ecclesia haberi pro abusu. Et quidem praeceptum istud Christi nullam exiat: fuitque res haec tota iudicio Ecclesiae permissa. Quem vero illi modernum usum appellant, certe antiquitatis sanctitatem habet; namque in Oriente jam inde a Nectario, qui in saeculum IV. incidit: in Occidente serius quidem, sed non multo post IV. saeculum criminis abolutione donari statim post Confessionem est coeptum. Morin. *lib. 6. c. 24.*, & *f. q.*

Minister hujus Sacramenti est Episcopus, aut Presbyter. Trident. *sess. 14. cap. 6.* Olim reconcilianorum poenitentium, maxime publicorum, ius penes Episcopos fuit, neque id praeter necessitatem (a) Presbyteris fuit, nisi bona cum venia Episcoporum. S. Cyprian. *ep. 11.*, Concil. Carth. II. *can. 3.* apud Gratian. *can. 1. caus. 26. q. 6.*, & Carth. III. *can. 32.* apud Gratian. *can. 14. cas. c. & q.* Eos solos, qui publicam egerant occultorum criminum poenitentiam, insciis quoque Episcopis reconciliabant Presbyteri: tum publica occultorum criminum poenitentia prorsus sublata, ac recipientem

(a) *At ne necessitatis quidem casum excipere videtur Canon. 4. Concilii Carth. II. apud Gratian. can. 5. caus. 26. q. 6. his verbis*, Si quisquam in periculo fuerit constitutus, & se reconciliari Divinis Altaribus petierit: si Episcopus absens fuerit, debet utique Presbyter consulere Episcopum, & sic periclitantem ejus praecepto reconciliare. Gratianum locus hic non mediocriter commover; sed is tamen ignoratione antiquitatis Concilii mentem non adsequitur. Tot Divinis Altaribus argumento est, accipi Canonem debere non de simplici, & necessaria reconciliatione, qua poenitens cum Deo in gratiam redit, sed de reconciliatione perfectissima, quae poenitentem Eucharistiae etiam participem facit. Ad hunc modum reconciliari a Presbytero poenitentem inconsulto Episcopo, etiamsi mors instaret, seve a antiquae Ecclesiae disciplina non pariebatur: quod ab Alapinaco animadversum est in *can. 3. Concilii Carth. II. ead. caus. & q.*

dem coepta Poenitentiae distinctione inter privatam, publicam, & solennem a Theologis Scholasticis in jure Ecclesiastico inventa saeculo XIII., quae conjectura est Morini *lib. 5. cap. 25.* Presbyteris sine speciali Episcoporum mandato publicae etiam poenitentiae pro peccatis publicis imponendae potestas data est, sola Episcopis reservata solenni Poenitentia, quam ex Pontificali, & Ordine Romano magna ex parte descriptam sub nomine Synodi Agathensis proponit Gratianus *can. 64. dist. 50.* Supplet hinc ratio, cur Poenitentiales Canones octavo saeculo antiquiores, quibus locis de Poenitentiae ministris agunt, multo frequentius Episcopos laudent, quam Presbyteros; posteriores autem eo saeculo rarius Episcopos. Verum initio ii soli Presbyteri Poenitentiam administrabant, quos ad curam animarum veluti subsidiarios adsumebant Episcopi, quosque proprios Presbyteros, & Sacerdotes, ac verbo uno Parochos appellamus: quin diu nemini licuit alium proprio Sacerdote sine hujus venia sibi Confessarium eligere, nisi id ei jure singulari permitteretur. Gregor. IX. in *cap. ult. de poenit.*, & *remis.* Deinde institutus Fratribus Mendicantibus, Summi Pontifices liberam eis excipiendarum Confessionum potestatem jure privilegii dederunt: quam eandem potestatem Episcopi ad Presbyteros etiam specialem animarum curam non habentes produdere. Sed duo hic moneo. Alterum est, jure Ecclesiastico, quod Concilium Lateranense IV. sub Innocentio III. sanxit in *cap. omnis utriusque sexus eod. tit.*, teneri fideles semel in anno proprio tantum Sacerdoti, puta, Parocho, sua confiteri peccata, nec posse alienum Presbyterum aliter quam cum venia Parochi solvere, vel ligare: quod jns Parochorum Pontifices, qui laudatum privilegium Fratribus Mendicantibus indulgere, discretissime salvum voluerunt. V. Bullam Martini IV. *Ad uberes* super eo privilegio editam *an. 1281.*, & Sixti IV. *Extravagantem Vices de tregua, & pace in conum.* Vide etiam, quae in *d. can. Lateranensis Concilii* edisserit Jueninus *q. 5. de Confessione cap. 4. art. 3. §. 2.* Alterum est, Parochos quidem jure ordinario, hoc est, jure Beneficii sui Parochianorum suorum excipere Confessiones, alios autem Presbyteros sive saeculares, sive Regulares id nullo modo posse, nisi ab Episcopis per examen, si illis videbitur necessarium, aut alias idonei judicentur, & approbationem obtineant, privilegiis & consuetudine quacunque, etiam immemorabili, non obstantibus: quae verba sunt Concilii Tridentini *sess. 25. cap. 25. de Ref.* in quae commentarium bene longum Jueninus scripsit *q. 7. de Absolut. cap. 3. art. 3.* Haec de Ministro Poenitentiae pro instituto meo dixisse sit satis. De Diacono, & laico quolibet quaecumque video, num aliquando exaudire potuerint Confessiones. Tu sic habes. Jus ligandi, & solvendi solis Sacerdotibus a Christo daum *Matth. 16. 19.* Trident. *sess. 14. cap. 6.* Cypriani locus ex *ep. 13. ad Presbyteros*, & *Diaconos Ecclesiae Carthagini.*, ubi lapsis in vitae periculo versantibus, si Episcopus, & Presbyter absint, apud Diaconum exomologesim facere delicti sui permittit, accipiendus est non de absolutione sacramentali, quae reus crimine absolvit, quaeque tota est ordinis, sed de ceremoniali absolutione, quae poenitentem absolvit legibus poenitentiae publicae, quae quum tota sit jurisdictionis, recte poterat Diacono demandari: qua de re multis contra Morinum N. Alexander in *face. III. dist. 4.* Quod vero Odonis de Soliaco Parisiensis Episcopi Decreto comprehensum est in *Statutis Synodalicis Statut. 56.*, licere Diacono in arctissima necessitate Confessiones audire, ad eundem prope modum intelligi debet. Nempe eo Decreto concessum Diacono audita peccatorum confessione, quae non ad sacramentalem absolutionem

insuſcipiendam editur, ſed ad verecundiam, & humilitatem, preces fundere ſuper poenitentem, ac Divinam miſericordiam adprecari. In eandem ſententiam interpretare *cap. fures de furt.*, nili mavis pro iis *Presbytero, vel Diacono*, legere *Presbytero, & Deo*, uti eſt in *can. 31. Triburientis Concilii*, unde Caput illud deſumptum eſt. A verecundia etiam, & humilitate poenitentis merito commendatur Auguſtino *ep. ad Fortunatum*, & Auctori libri *de vera, & falſa Poenitentia*, quem perperam recentent inter Opera Auguſtini, peccatorum confeſſio in ſummis anguſtiis apud laicum edita: quo ſpectat illud ejuſdem Auguſtini verbum, *Motus Religioſus*, hoc eſt, poenitentis fides, verecundia, humilitas, unde facile contritio enaſcitur, *importavit ſanctitatem*. Alia permulta, quae tradi ſolent de hoc Sacramento, Theologorum ſunt.

TITULUS VI.

De Extrema Unctione.

Sacramentum hoc, quod *Oleum Sanctum*, & *Chriſmatis Oleum*, & *Oleum infirmorum*, & uno verbo *Oleum*, paſſim vero *Extrema Unctio* appellatur, eſt Sacramentum, quo & gratia conferitur, & delicta, delictorumque reliquiae abſtergentur, & alleviantur infirmi. Trident. *ſeſſ. 14. de Sacram. extrem. unct. can. 2.* Ex verbis Jacobi Apoſtoli *ep. canon. c. 5.*, *Infirmitur quis ex vobis, inducat Presbyteros Eccleſiae, & orent ſuper eum, ungentes eum oleo in nomine Domini*, materiam, formam, ac Miniſtrum huius Sacramenti facile eſt intelligere: iſque ad ea tradenda utitur Synodus Tridentina *d. ſeſſ. cap. 1.* Materia remota eſt *oleum* ex baccis olivarum expreſſum: & *oleum* quidem merum; nulla enim permixtionis mentio in Graecorum Euchologiis, ac Pontificalibus Latinorum. Non obſtat Innocentius P. I. in *ep. ad Decent.*, ubi huius Sacramenti materiam eſſe inquit *oleum Chriſmatis*, qui locus Scholaſticorum nonnullos in eam opinionem adduxit, olim infirmos ſacro Chriſmate, hoc eſt, oleo & baſſamo unctos. Non, inquam, obſtat, quandoque enim apud Eccleſiaſticos ſcriptores *Chriſma* eſt merum *oleum infirmorum*. In hanc ſententiam *Chriſma* in *cap. ſtatutum de cuſt. Euch.* interpretatur Synodus Triſingenſis *an. 1440. can. 18.* Porro *oleum* eſſe debere ab *Episcopo benedictum*, inquit Trident. *loc. cit.*: fuitque haec vetus Latinae Eccleſiae diſciplina, cujus teſtes ſunt Innocentius I. *d. ep.*, & Gregorius M. in *Sacrament.*: neque illo idoneo poteſt argumento probari, eius olei confeſcandus, juſ aliquando Presbyterorum fuiſſe. At vero apud Graecos jamdiu obtinet, ut *oleum infirmorum* a Presbyteris confeſcetur, uti Arcudius tradit *lib. 5. de extrem. unct. c. 2.* quam Orientalis Eccleſiae conſuetudinem Clemens VIII. habuit ratam in ſua *ad Episcopos Latinos Inſtructione*. Praeterea apud Latinos *oleum infirmorum* ſemel in anno Episcopus confeſcat feria V. in Coena Domini, atque inter Parochos diſtribuit: apud Graecos autem licet eadem feria V. Episcopus *oleum* confeſcet, tamen id mox inſumitur ungentis in peccatorum expiationem primum Episcopo, quem Oeconomus ungit, deinde omnibus aliis ad ſacram Sinaxim acceſſuris, quos inungit Episcopus: tum, ſi qui ungenti ſunt, in ſingulas vices a Parocho confeſcatur: quae in Rituali Romano, & Graeco ſcripta ſunt. V. quoque Goar. in *Rituale Graecorum not. 22. p. 436.* Materia proxima eſt ipſa unctio. Quod vero nullam certam corporis partem Jacobus expreſſit, factum hinc, ut aliquando unam, aliquando plures, nec eandem ubique ac ſemper inungi mos fuerit. Olim

una videtur corporis pars inungi consuevisse, puta, pectus. Auctor vitae S. Eugendi, Mabillon. *Præf. ad saec. 1. Benedict. num. 67.* Quoniam autem Eugendus saec. VI. vixit, ac porro in Sacramentario D. Gregorii plurimum partium unctio memoratur, rectissime Joh. Lanouus de *Sacram. Unctionis infirm. cap. 2. obs. 2.* docet, post tempora Gregorii, hoc est, sub exitum saeculi VI. primum obtinuisse, ut plures inungerentur. Harum numero alicubi interdum fuit pars male praeter ceteras affecta, uti ex Codice Tiliiano Menardus in *Sacram. S. Gregor. p. 340.* quo referebant illud S. Jacobi, *Et alleviabit eum Dominus.* Sed ne potius ad corporis, quam ad animae medellam adhiberi Sacramentum videretur, jam prope omnino desit is ritus. Ecce tibi hodiernam Ecclesiae Romanae disciplinam ex Rituali Pauli V, *Quinque corporis partes praecipue ungi debent, quas veluti sensuum instrumenta homini natura tribuit, nempe oculi, aures, nares, os, & manus; pedes etiam & venes ungendi sunt; sed renum unctio in mulieribus honestatis gratia semper omittitur, atque etiam in viris, quando infirmus commode moveri non potest. Sed sive in mulieribus, sive in viris alia corporis pars pro renibus ungi non debet.* Varia etiam fuit super hac re Orientalis Ecclesiae disciplina. Novissimam dabo verbis Arcudii lib. 5. cap. 7., *Graecorum Sacerdotes ungunt aegri frontem, mentum, ambas genas, deinde pectus, tam manus, idque ex utraque parte, postremo pedes.*

Hujus sacramenti forma, quam multis ab hinc saeculis Latina adhibet Ecclesia, sunt verba illa, *Per istam sanctam unctionem, & suam piissimam misericordiam indulgeat tibi Deus quicquid deliquisti per visum, auditum, olfactum, gustum, & auditum &c.* Trident. sess. 14. cap. 1. Saeculo IV. indicativa formula, quam dicunt *Ambrosianam*, Mediolanensis Ecclesia utebatur. Germanos quoque, & Venetos indicativam formulam aliquando adhibuisse, ab Alberto M. in 4. dist. 23. art. 4., & Petro Arcudio lib. 5. cap. 5. memoriae proditum est. Quin interdum formulam partim indicativam, partim deprecativam Latina Ecclesia usurpavit: qualem formulam habes in Sacramentario Gregorii Magni. Quamquam autem Tridentina Synodus formulam proposuerit deprecativam, tamen quia indicativam expresse non rejecit, hinc factum videtur, ut vel post eam Synodum Episcopi nonnulli disciplinam retinuerint indicativam, quam Romani Pontifices taciturnitate sua probarunt. V. Laupojum cit. lib. 4. & Menard. in *Sacram. Gregorii M.* Sed jam fere ubique deprecativa formula obtinet apud Latinos. Graeci etiam adhibent deprecativam, quae licet non iisdem Latinae formulae verbis concepta sit, eodem tamen redit. Arcud. *ibid.*

Hujus sacramenti minister jure Divino est Episcopus, aut Presbyter; ait enim Jacobus, *Inducat Presbyteros*, quo nomine & Episcopos, & Presbyteros venire, docet Innocentius I. ep. ad Decent. c. 8. Quamvis autem valeat hoc Sacramentum a quocunque Presbytero collatum, tamen illud conferre soli tantum Parocho licet, qui ordinarius ejus minister est, aut ei, cui suam Parochiam mandavit jurisdictionem. Et vero in Clement. 1. de privileg. vetatur Presbyter sine venia Parochi Extremam Unctionem administrare, ac si is religiosus sit, excommunicatione punitur. Quod si mors inflet, ac praefatio esse Parochus non possit, licere cuivis Sacerdoti jam jam morituro ungere, S. Carolus tradit in Concilio Mediolanensi V. part. 1. tit. 11. Quod vero Presbyteros plurali numero expresse S. Jacobus, verus est Graecorum consuetudo, plures ad infirmum advocari Sacerdotes: advocantur autem numero septem, ut ex eorum Euchologio, cujus numeri mysteria ad-

petit

Hic homicidae, incestuoso ille pacem dedit. Id praeclare confirmat Auctor *Const. Apostolic.*, qui vulgo Clemens dicitur, *cap. 23.* his verbis, *Nullum majus peccatum, quam idolorum cultus; est enim impietas in Deum; tamen per veram poenitentiam remissum est.* Quoniam vero Christus Ecclesiae suae dimittendorum aequae ac retinendorum peccatorum ius fecit *Joh. 20. v. 23.*, alicubi non defectu potestatis, seu *desperatione indulgentiae*, uti Augustinus in simili specie aiebat *ep. 50.*, sed severitate disciplinae aliquanto post medium saeculum II. fuisse inductum, opinio est Albaspinaci, Sirmondi, aliorumque nonnullorum, ut hominibus atrociorum quorundam criminum reis venia vel in exitu vitae denegaretur. Ita Romae, in Hispania, atque Africa de idololatriis, homicidiis, & moechis jus fuisse, docent Tertullianus *lib. de Pudic. cap. 5. & 9.*, Eliberit. Synodus *can. 1., & 8.*, ac Cyprian. *ep. 51. ad Antonian.* Primus Zephirinus solos moechos, non idololatrias, aut homicidas, ad communionem admittit, uti est apud Tertullianum. Sed Zephirini decretum aliquot Africanæ Ecclesiae non receperunt, Cypriano teste: Eliberitana autem Synodus stricte accepit, nempe de iis tantum, qui semel fuerant moechati: quod ex ejus *can. 3.* exploratissimum est. Quia Il-
 liberitani Patres & lenonibus, & puerorum stupratoribus, & incestuosis *nec in fine dandam esse communionem* voluere, ut *can. 12., 17., 66., 71., & 75.* Scio nonnullos communionem in Eliberitanis Canonibus interpretari *Eucharistiam* eo maxime argumento ductos, quod ii de *absolutione* accepti impendio acerbiores essent. At certe *communio* Illiberitanis Patribus *absolutio Sacramentalis* est, uti Albaspinaco, Sirmondo, & rerum Ecclesiasticarum peritissimis quibusque visum. Argumenta, quae in hanc sententiam propo-
 nunt, vides apud eos. Id ego nunc unum ajo, si de Sacramentali *absolu-
 tione* Eliberitani Canones accipiantur, perbelle eis convenire cum Tertullia-
 no, & Cypriano, qui de Sacramentali *absolutione* disertissime loquuntur: at nihil sit, cur Eliberitanae Synodi severitatem quiquam miretur. Con-
 tra alii, quorum numero est Natalis Alexander in *saec. III. diss. 7. art. unic. propos. 2.*, nusquam Ecclesiae Patres eo severitatis devenisse contem-
 dunt, ut quorundam criminum reis vel *in fine* denegassent pacem: Tertul-
 lianum ajunt *lib. de Pudicitia*, quem scripsit jam Montanista, talem Ec-
 clesiae Romanae sententiam affinxisse: *Communione* vero in Canonibus Eli-
 beritanis *Eucharistiam* esse, non *absolutionem*: postremo quod Cyprianus de
 negata moechis *absolutione* scribit, id quibusdam Africanis Episcopis pla-
 cuisse, non Africanæ Ecclesiae universae, aut Carthaginiensi. Ego, quod
 ultimo loco inquit, libens admitto; sed eos Episcopos nullo exemplo in
 eam sententiam ivisse, quis credat? Fortasse argumento ab Hispaniensis,
 & maxime Romanae Ecclesiae disciplina ducto opinionem illi suam adstrue-
 bant: quumque eos Episcopos a *Coepiscoporum suorum Collegio* non *recessis-
 se*, nec *Catholicae Ecclesiae unitatem rupisse*, Cyprianus affirmet, ideo eo-
 rum sententiam offendiculo aliis non fuisse arbitror, quia varia tunc erat
 ea super re Ecclesiae disciplina. De Eliberitanorum Canonum sensu dictum
 satis. Tertullianum autem licet Montanistam rem, quae omnino facti erat,
 & omnibus eo tempore exploratissima, multo aliter ac se ea habebat, literis
 consignasse, ut Ecclesiae invidiam crearet, facile adduci non possum ut credam.
 Et vero quis eum impudentissimum jure dicat, quem etiam quum ad
 Montanum defecerat, hominem ingenio haud malo fuisse constat? Quis eum
 falsi reum peragat, quem nemo aequalis, aut suppar eo nomine falsi in-
 mulavit? Porro denegabatur venia eis, qui in quolibet mortali peccato con-
 senuer-

seuerant, nec nisi in summis vitae angustiis poenitentiam petebant: cuius seueritatis haec redditur ratio a Cypriano in *cit. ep. ad Antonian.*, quod illos *communione rogare non delicti poenitentia, sed mortis urgentis admonitio compelleret*: stetitque ea disciplina usque ad tempora Conc. Arelat. I., quod *an. 314.* est habitum, ut ex *ejus can. 23.* Solos lapsos Cyprianus excepit *ep. 13.*, qui libellos a Martyribus impetrassent. Tanta fuit vis Libellorum, quibus Martyres pro lapsis apud Episcopos intercedebant, ut aliquid eorum gratia de seueritate Canonum remitteretur: saepe tamen Episcopi verbo, scriptove Martyres admonebant, ne in dandis libellis se plus nimio faciles praestarent. V. Natalis Alexandri *Diff. 3. in saec. III.* Eodem prorsus jure cum peccatoribus in exitu vitae communionem rogantibus facinorosos capite damnatos olim censitos, contendunt nonnulli, & quum primis Martene *lib. 1. c. 6. art. 2. n. 6.* Denique peccatis, quae jam semel publica expiaverat poenitentia, si rursus admitterentur, denegatam olim veniam, intelligere est ex Clemente Alexandrino 2. *Strom. 13.*, Tertulliano *lib. de Poenitentia*, Ambrosio *lib. 2. de Poenit. cap. 10.*, & Augustino *ep. 153. novae edit. ad Macedonian.* Verum id fortasse non ubique placuisse, videtur probare, quod de Chrysostomo Socrates habet *lib. 6. cap. 21.*, Quum a Synodo Episcoporum semel dumtaxat iis, qui post Baptismum peccassent, concessa fuisset poenitentia, ipse pronunciare non dubitavit, Licet millies egeris poenitentiam, accede. Qualecunque esse debeat de Chrysostomo, aut Socrate judicium, certe laudime in Ecclesia patuit disciplina, quam superius proposui. Anne igitur adeo severe actum cum iis, qui in eadem scelera labebantur, ut eis ne privata quidem poenitentia, privataque absolutione confuleretur? Ita visum Petavio in *Epiphan. haer. 59.*, Albaspinæo 2. *obs. 6.*, & Morino *lib. 5. c. 29.*, quum quia conceptissima sunt in eam sententiam Patrum testimonia, maxime Ambrosii, & Augustini; tum quoniam aliqui multo humanius cum iis egisset Ecclesia, qui eadem crimina repeterant: quod cuius debet perabsurdum videri. Sed aequius alii sic Patrum loca interpretati sunt, ut privatam poenitentiam, absolutionemque non excluderent; sed poenitentiam tamen acerbissimam, ac diuturnissimam, quae acerbitate, ac diuturnitate sua publicam exaequaret, & vero etiam vinceret: absolutionem autem, quae non nisi in ipso vitae exitu indulgeretur. Ita Himerio Tarraconensi a Siricio Papa rescriptum *ep. 1. c. 5.* idemque disertissime cautum est in Concilio Herdensi *c. 5.* Sed tandem de veteri seueritate descivit Ecclesia. Moechos ad communionem admissos a Zephirino, jam dixi. Tempore Cypriani idololatri etiam, qui sani egerant poenitentiam, Carthaginiensis Synodus pacem dedit, uti ex *Epistola Synodali ad Cornel. P.* quam Africavorum Patrum sententiam Cornelius Concilio Romae habito confirmavit: ex eoque tempore in Ecclesia universa omnibus vel atrocissimis criminibus post actam poenitentiam venia data est. Haec de Occidentalibus; Orientales enim moechis, homicidis, aut idololatri aliquando pacem denegasse, nullo potest idoneo testimonio probari. Porro aetate Innocentii I., qui Pontificatum suscepit *an. 401.*, jam obtinebat, ut omnibus vel in exitu vitae poenitentibus cum Poenitentia extrema Communio tribueretur, ut miserrante Salvatore nostro a perpetuo exitio vindicaretur, ut ipse inquit *ep. 3. ad Exuper. cap. 2.*: quo loco Communionem esse absolutionem a peccatis, novissima Innocentii verba luculenter ostendunt. Eadem per id tempus reorum capite damnatorum ratio erat. Denique jamdiu desit vetus disciplina absolutionis in tempus mortis conferendae, sed idonea tamen suppere argumenta debent, peccatorem facti sui poenitere.

Tom. V.

M

Abso-

dem accepta Poenitentiae distinctione inter privatam, publicam, & solennem a Theologis Scholasticis in jus Ecclesiasticum inuenta saeculo XIII., quae conjectura est Morini *lib. 5. cap. 25.*, Presbyteris sine speciali Episcoporum mandato publicae etiam poenitentiae pro peccatis publicis imponendae potestas data est, sola Episcopis reservata solenni Poenitentia, quam ex Pontificali, & Ordine Romano magna ex parte descriptam sub nomine Synodi Agathensis proponit Gratianus *can. 64. dist. 50.* Suppetit hinc ratio, cur Poenitentiae Canones octavo saeculo antiquiores, quibus locis de Poenitentiae ministris agunt, multo frequentius Episcopos laudent, quam Presbyteros; posteriores autem eo saeculo rarius Episcopos. Verum initio ii soli Presbyteri Poenitentiam administrabant, quos ad curam animarum veluti subsidiarios adsumebant Episcopi, quosque *proprijs Presbyteros, & Sacerdotes*, ac verbo uno *Parochos* appellamus: quin diu nemini licuit alium a proprio Sacerdote sine hujus venia sibi Consecrarium eligere, nisi id ei jure singulari permitteretur. Gregor. IX. in *cap. ult. de poenit.*, & *remis.* Deinde institutis Fratribus Mendicantibus, Summi Pontifices liberam eis excipiendarum Confessionum potestatem jure privilegii dederunt: quam eandem potestatem Episcopi ad Presbyteros etiam specialem animarum curam non habentes produxere. Sed duo hic moneo. Alterum est, jure Ecclesiastico, quod Concilium Lateranense IV. sub Innocentio III. sanxit in *cap. omnis utriusque sexus eod. tit.*, teneri fideles semel in anno proprium tantum Sacerdoti, puta, Parocho, sua confiteri peccata, nec posse alienum Presbyterum *aliter* quam cum venia Parochi *solvere, vel ligare*: quod jns Parochorum Pontifices, qui laudatum privilegium Fratribus Mendicantibus indulgere, disertissime salvum voluerunt. V. Bullam Martini IV. *Ad uberes* super eo privilegio editam *an. 1261.*, & Sixti IV. *Extravagantem Vices de tregua, & pace in comm.* Vide etiam, quae in *d. can. Lateranensis Concilii* edisserit Juenius *q. 5. de Confessione cap. 4. art. 3. 6. 2.* Alterum est, Parochos quidem jure ordinario, hoc est, jure Beneficii sui Parochianorum suorum excipere Confessiones, alios autem Presbyteros sive saeculares, sive Regulares id nullo modo posse, nisi *ab Episcopis per examen, si illis videbitur necessarium, aut alias idonei judicentur, & approbationem obtineant, privilegijs & consuetudine quacunque, etiam immemorabili, non obstantibus*: quae verba sunt Concilii Tridentini *sess. 25. cap. 25. de Ref.*: in quae commentarium bene longum Juenius scripsit *q. 7. de Absolut. cap. 3. art. 3.* Haec de Ministro Poenitentiae pro instituto meo dixisse sit satis. De Diacono, & laico quolibet quaesitum video, num aliquando exaudire potuerint Confessiones. Tu sic habes. Jns ligandi, & solvendi solis Sacerdotibus a Christo datum *Matth. 16. 19.* Trident. *sess. 14. cap. 6.* Cypriani locus ex *ep. 13. ad Presbyteros, & Diaconos Ecclesiae Carthagini.*, ubi lapsi in vitae periculo veritantes, si Episcopus, & Presbyter absint, *apud Diaconum exomologesim facere delicti sui* permittit, accipiendus est non de absolutione Sacramentali, quae reum crimine absolvit, quaeque tota est ordinis, sed de ceremoniali absolutione, quae poenitentem absolvit legibus poenitentiae publicae, quae quum tota sit jurisdictionis, recte poterat Diacono demandari: qua de re multis contra Morinum N. Alexander in *sac. III. dist. 4.* Quod vero Odonis de Soliaco Parisiensis Episcopi Decreto comprehensum est in *Statutis Synodalibus Statut. 56.*, licere Diacono in *arctissima necessitate Confessiones audire*, ad eundem prope modum intelligi debet. Nempe eo Decreto concessum Diacono audita peccatorum confessione, quae non ad Sacramentalem absolutionem

una videtur corporis pars inungi consuevisse, puta, pectus. Auctor vitae S. Euge[n]di, Mabillon. *Praef. ad saec. 1. Benedic. num. 57.* Quoniam autem Euge[n]dus saec. VI. vixit, ac porro in Sacramentario D. Gregorii plurimum partium unctio memoratur, rectissime Joh. Lanojus de *Sacram. Unctionis infirm. cap. 2. obs. 2.* docet, post tempora Gregorii, hoc est, sub exitum saeculi VI. primum obtinuisse, ut plures inungerentur. Harum numero alicubi interdum fuit pars male praeter ceteras affecta, uti ex Codice Tiliano Menardus in *Sacram. S. Gregor. p. 340.* quo referebant illud S. Jacobi, *Ecce alleviabit eum Dominus.* Sed ne potius ad corporis, quam ad animae medellam adhiberi Sacramentum videretur, jam prope omnino desit is ritus. Ecce tibi hodiernam Ecclesiae Romanae disciplinam ex Rituali Pauli V., *Quinque corporis partes praecipue ungi debent, quas veluti sensuum instrumenta homini natura tribuit, nempe oculi, aures, nares, os, & manus; pedes etiam & venes ungenti sunt; sed renum unctio in mulieribus honestatis gratia semper omittitur, atque etiam in viris, quando infirmus commode moveri non potest. Sed sive in mulieribus, sive in viris alia corporis pars pro renibus ungi non debet.* Varia etiam fuit super hac re Orientalis Ecclesiae disciplina. Novissimam dabo verbis Arcudii *lib. 5. cap. 7., Graecorum Sacerdotes ungunt aegri frontem, mentum, ambas genas, deinde pectus, tam manus, idque ex utraque parte, postremo pedes.*

Hujus sacramenti forma, quam multis ab hinc saeculis Latina adhibet Ecclesia, sunt verba illa, *Per istam sanctam unctionem, & suam piissimam misericordiam indulgeat tibi Deus quidquid deliquisti per visum, auditum, olfactum, gustum, & auditum &c.* Trident. *sess. 14. cap. 1.* Saeculo IV. indicativa formula, quam dicunt *Ambrosianam*, Mediolanensis Ecclesia utebatur. Germanos quoque, & Venetos indicativam formulam aliquando adhibuisse, ab Alberto M. in *4. dist. 23. art. 4., & Petro Arcudio lib. 5. cap. 5.* memoriae proditum est. Quin interdum formulam partim indicativam, partim deprecativam Latina Ecclesia usurpavit: qualem formulam habes in Sacramentario Gregorii Magni. Quamquam autem Tridentina Synodus formulam proposuerit deprecativam, tamen quia indicativam expresse non rejecit, hinc factum videtur, ut vel post eam Synodum Episcopi nonnulli diu formam retinuerint indicativam, quam Romani Pontifices taciturnitate sua probarunt. V. Laupojum *cir. lib. 1., & Menard. in Sacrament. Gregorii M.* Sed jam fere ubique deprecativa formula obtinet apud Latinos. Graeci etiam adhibent deprecativam, quae licet non iisdem Latinae formulae verbis concepta sit, eodem tamen reddit. Arcud. *ibid.*

Hujus sacramenti minister jure Divino est Episcopus, aut Presbyter; ait enim Jacobus, *Inducat Presbyteros*, quo nomine & Episcopos, & Presbyteros venire, docet Innocentius I. *ep. ad Decent. c. 8.* Quamvis autem valeat hoc Sacramentum a quocunque Presbytero collatum, tamen illud conferre soli tantum Parocho licet, qui ordinarius ejus minister est, aut ei, cui suam Parochum mandavit jurisdictionem. Et vero in *Clement. 1. de privileg.* vetatur Presbyter sine venia Parochi Extremam Unctionem administrare, ac si is religiosus sit, excommunicatione punitur. Quod si mors inflet, ac praesto esse Parochus non possit, licere cuivis Sacerdoti jam jam morituro ungere, S. Carolus tradit in Concilio Mediolanensi *V. part. 1. tit. 11.* Quod vero Presbyteros plurali numero expressit S. Jacobus, vetus est Graecorum consuetudo, plures ad infirmum advocari Sacerdotes: advocantur autem numero septem, ut ex eorum Euchologio, cujus numeri mysteria adaperit.

T I T U L U S VII.

De Ordine.

ORdo est Sacramentum, quo spiritualis potestas confertur ad ea, quae vel ad faciendam, vel ad distribuendam Eucharistiam pertinent, obeunda. Ordines sunt numero septem, Ostiarius, Exorcistatus, Lectoratus, Acolytatus, Subdiaconatus, Diaconatus, Sacerdotium: atque horum priores quatuor *minores*, posteriores tres *maiores*. Concil. Trid. *sess. 23. cap. 2. & can. 2.* De eorum institutione *lib. 1.* dictum satis. Illud hic moneo, certi juris esse, Presbyteratum, seu Sacerdotium, & ordinem esse, & Sacramentum: de his vero a Theologis ambigi, num Episcopatus, ac Diaconatus Sacramenta sint a Sacerdotio re ipsa distincta, & num Ostiarius, Exorcistatus, Lectoratus, Acolytatus, & Subdiaconatus sint in re Ordines, an etiam Sacramenta. De his in utramque partem disputare, Theologorum munus est. Tu cum sanioribus ita sentias velim. Episcopatus, ac Diaconatus Sacramenta sunt re ipsa a Sacerdotio distincta: minores autem Ordines, itemque Subdiaconatus Ordines quidem sunt, non Sacramenta. Quod vero omnes, quotquot sunt Ordines, suas singuli habent materias, & formas, id ne te transversum agat, namque illae, nisi de Divina etiam institutione constet, non sunt ad Sacramentum satis.

De Ordinis materia, & forma sic Eugenius IV. in *Decret.*, *Materia est illud, per cujus traditionem confertur Ordo, sicut Presbyteratus traditur per calicis cum vino, & patenae cum pane porrectionem: Diaconatus vero per libri Evangeliorum dationem: Subdiaconatus vero per calicis vacui cum patenae vacuae superposita traditionem: & similiter de aliis per rerum ad ministeria sua pertinentium assignationem* (puta, in Acolytatu conferendo ceropherasti cum cereo, & urceolorum vacuorum, in Lectoratu libri Epistolarum, in exorcistatu libri Exorcismorum, in Ostiariatu clavium, & sonis campanarum) *Forma Sacerdotii talis est, Accipe potestatem offerendi sacrificium in Ecclesia pro vivis & mortuis in nomine Patris, & Filii, & Spiritus S., & sic de aliorum Ordinum formis, prout in Pontificali Romano late continentur.* Locum hic Eugenii amplissimus campus est, in quo late spatiantur Theologi; primum enim Graecorum quum antiqua, tum moderna Eucharologia cujusque Ordinis materiam statuunt solam manuum impositionem, formam vero orationem, quam recitat Episcopus manus imponens, nec tamen de vi Ordinum per Graecos collatorum Latina unquam dubitavit Ecclesia: deinde apud ipsos Latinos non videtur ante saeculum X. traditio instrumentorum induta: quod eorum, qui ante id tempus scripserunt, silentio probat. Meminus in Exorcitationibus suis de SS. Ordinari, & fortasse principio ea instrumenta jam ordinatis tradi coeperunt, ut, quam acceperant potestatem, traditione illa cognoscerent: quam conjecturam confirmant Hugo a S. Victore *lib. 2. de Sacram. Fidei* p. 3. c. 12., & P. Lombardus *l. 4. diff. 24.* Postremo ipsas etiam res, ac verba, quae tanquam materias, & formas Eugenius proponit, acerrimi iudicii Viri haud esse *essentia* contendunt: nec quidquam obturbare Eugenii IV. locum; non enim, ajunt, Eugenius in animum induxerat *essentiales* Ordinum materias, & formas Decreto suo Armenos edocere, quos illae haud latebant, sed solum peculiarem Ecclesiae Romanae ritum. Tu Theologos adi. Interim memoriam recole ejus, quod superius

ita-

tradidi, arbitrium esse Ecclesiae novas Sacramentis adicere conditiones, quas, ut ea valeant, servari opus sit: id quod exemplo Matrimonii exemplissimum sit.

Ordinarius minister hujus Sacramenti est Episcopus, inquit Eugenius *ibid.*: atque hoc potissimum nomine Episcopos Presbyteris potiores faciunt Epiphanius contra Aerium edisserens *haer.* 56., Chrysostomus *Hom.* 11. in *ep.* 1. ad *Timoth.*, & Hieronymus *ep.* 85. ad *Evagrium*. Eugenius ait, *ordinarius*; namque minores ordines jure legitimae praescriptionis extra ordinem conferunt Cardinales in Parochiis, quas Romae subjectas habent, ac jure singulari scripto Abbates, si tamen is, qui ordinandus est, Regularis sit, ac subditus, *can.* 14. Concilii Nicaeni II., & *cap.* 10. Tridentini *sess.* 23. de *Ref.* Porro Subdiaconos quoque ex privilegio ordinant Abbates nonnulli. Demum Diaconos ipsos, & vero etiam Presbyteros recte posse delegante Papa a Presbytero ordinari, & Glossae in *can.* 4. *dist.* 5. de *consecr.*, & Canonistarum, Theologorumque multorum opinio fuit. Eorum testimonio consensit Morinus de *SS. Ordinat.* p. 3. *Exercit.* 4. c. 3. Jam vero unusquisque debet a proprio Episcopo ordinari; si secus fiat, *ordinantem a collatione ordinum per annum, & ordinatum, a susceptorum ordinum executione, quandiu proprio Ordinario videbitur expedire, suspensum* pronunciat Synodus Tridentina *sess.* 23. de *Ref.* *cap.* 8. Ut autem constet, quis sit Episcopus proprius, inter laicum, & Clericum distinguatur, necesse est. Ut laico quidem olim liberum fuit a quocumque Catholico Episcopo ordinem suscipere, inscio etiam, ac vel invito Episcopo originis, eove, a quo fuerat baptizatus. Ita Origenes Alexandriae natus in Palestina primum ordinatus est, nec Demetrius Episcopus Alexandrinus Origeni intensissimus id unquam vitio vertit sive Origeni, sive Episcopo ejus ordinatori. Ita Hieronymus Antiochiae ordinatus est, ubi nec natus fuerat, nec baptizatus. Ita Augustinus a Tagastensi Ecclesia, quam Patriam suam carnalem dicit, *impositum sibi Clericatum* negat *ep.* 223. Ne quis tamen puret, eos dimissiones literas ab Episcopis suis accepisse, id vetat, quod earum nusquam sit mentio. Accedit illud, quod multorum saeculorum Canones, quum de exteris sine Episcoporum suorum venia non ordinandis cavent, de Clericis tantum loquantur. Concilium Carth. III. *can.* 21., Araucanicum I. *can.* 8., Leo M. *ep.* 84., Concilium Aquilgranense *an.* 789. habitum. Postremo disertissime Augustinus tradit *ep.* 235., laudato canone Carthaginensi *de solis Clericis statutum, non etiam de laicis*. Quantum ad Orientalem Ecclesiam, auctor est Balsamon in Responsionibus ad Marcum P. Alexandrinum *Juris orient.* tom. 1. p. 382. & 383., in Synodo Constantinopolitana Michaelis Anibiali Patriarchae primum de non ordinandis alienis laicis actum. Sed hic amovendus est obex. In *can.* 5. Concilii Carthagin. I., qui est apud Gratianum *dist.* 71. *can.* 6. scriptum est, *Privatus* (in Decreto Gratiani est, *Primatus*) Episcopus dixit. Suggero, ut *statutus, non licere laicum usurpare sibi de plebe aliena, ut eum ordinet* (in Decreto est, *obteneat*) *sine conscientia ejus Episcopi, de cujus plebe est. Gratus Episcopus* (Carthaginensis, qui Carthaginensi Concilio praeerat) dixit. Haec observantia pacem custodit; nam & memini, in sanctissimo Concilio Sardicensi (cui is interfuert) statutum, ut nemo alterius plebis hominem usurpet. Carthaginensem Canonem haud diu sterisse, Canone 21. Carth. III., atque Augustini testimonio liquet. Sardicensis Canon me diu, multumque sollicitum habuit. Quam tandem feci conjecturam accipe. De solis Clericis in Sardicensi Concilio cau-

cautum ajo: Gratum autem memoriam defecisse: denique Thomasinum, qui p. 2. lib. 1. cap. 1. & Sardicensis Concilii verba lectorum oculis subiicit, & iis de laico aequae, ac de Clerico agi affirmat, lectoribus illudere voluisse. Ecce tibi ejus Concilii verba ex can. 18. & 19., qui sunt apud Gratianum can. 1. ead. dist. Nulli Episcopo liceat alterius Episcopi civitatis Ecclesiasticum hominem (vel, uti in Concilio latine legi monent Correctores Romani, Ecclesiasticum ministrum) sollicitare, & in sua Dioecesi Clericum ordinare.... & hoc universi constitimus, ut quicumque ex alia Parochia voluerit alienum ministrum sine consensu Episcopi ipsius ordinare, non sit rata ordinatio. Verba Ecclesiasticum hominem, seu ministrum, & alienum ministrum meam mire adstruant opinionem. Quid quod eam Caroli M. Capitularia praeclare confirmant? Capitularis 56. an. 789. verba sunt haec; In Decretis Leonis Papae sancitum est, & in Concilio Sardicensi, ne Episcopus alterius Clericum ad se sollicitet, nec ordinet. Igitur diu in utraque Ecclesia proprius Episcopus is tantum fuit, qui primum aliquem Ordini Ecclesiastico adscripserat. Post annum millesimum videtur ubique coepisse proprius laici Episcopus esse Episcopus originis, aut beneficii: quam novam disciplinam supponit Clemens P. IV., qui an. 1265. Pontifex creatus est, in cap. 1. de temp. ord. in IV.; sed originis tamen significationem mos Curiae coarguistavit, ut sit locus, ubi ordinandus est natus, non item is, ubi pater ejus, licet posteriore etiam sensu Civile jus originem dicat l. 6. §. 1. ad municip. Tum Bonifacius P. VIII., qui an. 1294. inivit Pontificatum, duobus illis tertium addidit titulum, puta, domicilii in cap. 3. eod. in VI. Est & titulus familiaritatis, de quo ad hunc modum Synodus Tridentina sess. 23. de Ref. cap. 9., Episcopus familiarem suum non subditum ordinare non possit, nisi per triennium secum fuerit commoratus, & beneficium quacumque fraude cessante statim re ipsa illi conferat. Nunc intelligis, quod cap. 10. de Ref. sess. 7., & cap. 2. ac 3. sess. 14. Tridentini Concilii sancitum est, ne quis sine dimissionis proprii Episcopi literis ab Episcopo non suo ordinetur: quod idem de alienis Clericis per antiquos Canones cavebatur: Et quamquam Tonsura proprie non sit Ordo, tamen Ordine latius accepto Tonsura etiam huc pertinet, cap. 4. de temp. ord. in VI. Dimissorias, seu Dimissoriales literas antiqui etiam Canones meminere, sed sensu longe alio. Quoniam olim Clerici omnes vi suae ordinationis sic certae Ecclesiae addebantur, ut ei deberent perpetuum inservire, consensu Episcopi erat opus, ut possent in alienae Ecclesiae catalogum referri, nec impune erat alienum Clericum in seipso Episcopo retinere vel promovere d. can. 21. Carthagin. III. Et quoniam nemo esse poterat duplici Ecclesiae addictus, necesse erat Clericum ab Episcopo suo omnino dimitti, &, ut ita dicam, emancipari, sicque omni solum vinculo alteri Ecclesiae addici. Atque huc spectabant veterum literae dimissoriales. Concilium Carth. I. can. 5., & Trullan. can. 17. Duae Dimissoriae litterarum formulae, quarum alteram tanquam a Nicaenis Patribus, alteram tanquam ab Attico Episcopo Constantinopolitano editam in suum Decretum inseruit Gratianus can. 1. & 2. dist. 73., omnino supposititiae sunt. Nostro hoc tempore dimissoriae literae in hunc finem dantur, ut ordinari Clericus possit ab Episcopo non suo; sed is tamen vel post eas literas, ac post susceptos alibi ordines pertinet, ut antea, ad Episcopum suum. Igitur ordinis tantum gratia tunc dimittitur Clericus, cap. 8. de off. Archidiacon., & cap. 3. de temp. ordinat. in VI. Dandarum hujusmodi litterarum jus proprium est Episcopi, cujus est ordina-

Tom. V.

N

re,

ro, d. cap. 8., ac 3. Quum autem ea, quae ordinariae jurisdictionis sunt, vacante sede ad Capitulum transeant, consecranteum est, id etiam jus ad Capitulum transire, d. cap. 3. At jure novissimo Synodi Tridentinae si quis *arctatus fuerit occasione Beneficii Ecclesiastici recepti*, hoc est, si Beneficium obtineat, cujus gratia debeat intra certum tempus ad certum ordinem promoveri, aut si quis *arctatus fuerit occasione Beneficii recipiendi*, hoc est, si nullum quidem Beneficium obtineat, sed a Patrone praesentetur ad Beneficium, quod certum, praesentemque ordinem requirit; his a die, quo coepit sedes vacare, recte Capitulum dimissorias dabit, non aliis: post annum vero etiam aliis, qui titulum habent patrimonii, vel pensionis, si id Ecclesiae necessitas, aut utilitas expossat *sess. 7. de Ref. cap. 10., & sess. 21. cap. 2.*

Mares soli Ordinem valide suscipiunt, non item foeminae, quas turpe esse in Ecclesia loqui, ac docere, inquit Paulus 1. ad Corinth. 14., & 1. ad Timoth. 2. Diaconissarum ordinatio (ordinationis verbum usurpo, namque ordinari Diaconissam Chalcedonensis Conc. Patres ajunt *can. 15.*) licet per manus impositionem expediretur, d. *can. 15.*, tamen mera erat coereemonia, qua vetulae illae pils quibusdam ministeriis destinabantur, uti dictum lib. 1., haud abstinilis benedictioni Abbatissarum, neque, ut Epiphanius loquitur *haer. 79.*, ad Sacerdotii functionem, aut ullam hujusmodi administrationem spectabat. Episcopae, Presbyterae, ac Diaconae, quarum mentio in Concil. Turonensi II. *can. 14.*, & 20., Antiliodorensi *cap. 215.*, & apud S. Gregor. *lib. 7. ind. 2. ep. 7.* sunt Episcoporum, Presbyterorum, ac Diaconorum uxores. In Ecclesia quum Occidentali, tum Orientali Presbyteris, Diaconis, & Subdiaconis interdictum uxores ducere; sed utraque conjugatos, si alii deficerent, ordinavit, hoc tamen discrimine, quod in Occidentali post susceptos ordines sibi ab uxoribus temperabant, easque habebant fororum loco, uti ex *can. 23.* Illiberitani Concilii, & *can. 2. ac 3. Arelat. II.*, quo etiam refer *l. 44. C. Th. de Ep. & Cl.*, quae quum ad Praefectum Praet. Italiae scripta sit, ad Latinam Ecclesiam certe spectat: in Orientali vero uxoribus suis utebantur: in quam sententiam accipienda sunt verba Stephani P. III. in *can. 14. dist. 31.*, *Orientalium Ecclesiarum Sacerdotes, Diaconi, atque Subdiaconi matrimonio copulantur*, hoc est, usu matrimonii antea inito non prohibentur. Facile quidem esset ostendere, Orientalem Ecclesiam initio cum Occidentali consensisse; sed nunc id non ago. Videbis Fr. de Roye *lib. 1. Inst. tit. 23.* Erat certe discrimen illud inter utramque Ecclesiam aevo Stephani III., qui *an. 768.* coepit Romae sedere, & haud paulo ante id tempus invaluerat, ait enim Stephanus, *Aliter se Orientalium TRADITIO habet Ecclesiarum*, Solum Episcopum videntur Graeci excepisse. Uxor ejus (inquit Trullanum Concilium c. 48.) qui ad Episcopalem dignitatem promovetur, communi sui viri consensu prius separata, postquam Episcopum ordinatus est ac consecratus, monasterium ingreditur procul ab Episcopi habitatione extructum, & Episcopi providentia fruatur.

Ordinate esse ad ordines adscendendum, ait Gregorius M. *lib. 7. Reg. ep. 110.*; quo spectat Caput Decretalium de Clerico per saltum promotio. Promoveri per saltum, quae vox apud Ecclesiasticos Scriptores est sane vetus, extatque in Decretis Siricii *cap. 13.*, perinde est atque ab uno ad alterum ordinem adscendere ordine inter utrumque medio omisso. De eo, qui Subdiaconatus ordine postposito negligentia potius quam superbia Diaconatum, Presbyteratumque susceperat, ita rescripsit Romanis (apud Gratianum est, Gri-

Grimaldo) Constantiens. Episcopo Alexander II. can. 1. dist. 52., Mandamus, ut ab officio Sacerdotali eum prohibeas, donec proximo quatuor temporum jejuniis Subdiaconatus ministerium sibi rite imponas, & sic deinceps ad majora officia eum redire concedas. Docemur hoc Alexandri rescripto, posse Episcopum super ea re dispensare, puta, ut ordinatus in suscepto ordine ministraret: quod ita est accipiendum ex definitione Synodi Tridentinae sess. 23. de Ref. cap. 13., si per saltum promotus in ordine suscepto non ministraverit: quod si vero ministraverit, Summi Pontificis dispensandi jus est. Omnis ordo supplendus omnino est, antequam in ordine superiore Clericus ministraret: sicque fert Ecclesiae disciplina, ut id quasi ad vim ipsam superioris ordinis requiratur, etiamsi unus ex minoribus ordinibus omisus sit. Verum est haec non adeo vetus Ecclesiae disciplina: jamque a Morino perspicue demonstratum est de SS. Ordinatio. p. 3. Exer. 11. cap. 2., per multae Ecclesiae saecula nihil fuisse opus minores ordines praemittere, omisosque supplere. Est quidem scriptum apud Gratianum can. 1. dist. 77. sub nomine Caeli Papae, Mandamus, ut si quis Episcopus esse meretur, sit primum Ostiarius, deinde Lector, postea Exorcista &c.; verum prodit ea Epistola ex officina Isidori Mercatoris.

Tria nunc restant pertractanda, Titulus, Tempus, & Locus ordinationis. Neminem absolute ordinari, Chalcedonense Concilium jussit can. 6. apud Grat. can. 1. dist. 70., ubi absolute ordinare est aliquem ordinare sine titulo, ut loquitur Urbanus II. can. 2. ead. dist. Hoc idem Synodus Ancyrana can. 18., Neocaesariensis can. 13., & omnium aetatum Canones sanxerunt. Ecclesiae ab Ecclesiasticis Scriptoribus dictae Tituli a titulis Martyrum, quibus dicabantur; unde aliquem ordinari ad titulum perinde erat acque ordinari cum designatione certae Ecclesiae, cui is addiceretur, ac perpetuum inserviret, ita ut si ea relicta ad alium se locum transferret, deponeretur. Conc. Arelat. can. 1., & can. 21.. Ordinatorum tituli populo manifestabantur per Archidiaconum Episcopi nomine ea formula, quam ex Ordine Romano descriptam Romani Correctores dedere d. can. 1., De titulo S. Stephani eligimus Petrum Lectorem ad eundem titulum. At enim Paulinus ep. 6. ad Sever. de se haec habet, Ea conditione in Barcinonensi Ecclesia consecrari a Lampio Barcinonensi adductus sum, ut ipsi Ecclesiae non alligarer: idemque de Hieronymo perhibetur. Sunt haec quidem praeter regulas facta; sed exceptionis rationem in eo positam Thomasinus tradit p. 2. lib. 1. cap. 2. n. 6. 7. & 8., quod si per vim fuerint ordinati. Sane Paulinus ep. ad Alip. Per vim, inquit, instatae subito plebis sacrus sum: quod & de Hieronymo, & de aliis bene multis testatur historia: licere autem videbatur contra vim contestari, ne qua servitus ingereretur invitis. Haec, quae Thomasinus habet, ut satis excusent ordinatos, certe vero Ordinatores vix est ut excusent. Vide quid mihi de hac re venerit in mentem. Adhiberi eam vim consuevisse piensissimis, sapientissimisque viris, unde plurimum sibi sperabat Ecclesia, antiquitatis memoria docemur. Forte igitur ordinatorum virtus ac sapientia id ab Episcopis impetravit, ut ne illi apud Ordinatores perpetuo residere, certisque servire Ecclesiis tenerentur: nec sibi religioni ducabant Episcopi aliquid remittere de severitate disciplinae, ut eos haberent Clericos, qui egregia pietate ac sapientia sua Ecclesiae inservirent universae. Ita quod summo jure aliquid videbatur habere ex iniquo, publica utilitate rependebatur. Titulus ergo Ecclesiae erat: neque alius praeter Ecclesiam usque ad saeculum XII. ordinationis titulus fuit: quod post

Thomassinum Jueninus demonstrat *diff. 8. de Ord. q. 7. c. 3.* Ab Ecclesiae titulo prope aberat titulus Monasterii, ejus quoque mentio extat in *d. can. 6. Chalced. Concilii*; quum enim antiquitus Monachi essent omnino laici, uti multis *lib. 1.*, aut eorum unus, aut alius saecularis ordinabatur ad titulum Monasterii, ut sacra faceret in eo, administraretque Sacramenta. Nilus Eremita *Narratione 4.*, Pallad. in *Lausiacis cap. 7.* Porro eodem redibant Ecclesiae titulus, ac titulus Beneficii, nam qui certae addicebatur Ecclesiae, ei alimenta praestabantur de ejus Ecclesiae redditibus: quae praestations initio Beneficia fuere: qua de re inferius. Patrimonii titulus certe saeculo XI. recentior est, ac fortasse etiam XII. At vero in iis Chalcedonenis Concilii verbis, quae sunt apud Gratianum in *d. can. 1. dist. 70.*, *Neminem absolute ordinari &c. nisi in Ecclesia civitatis, sive possessionis &c.*, Glossa, & plerique omnes Canonistae Ecclesiae, & patrimonii titulum deprehendunt; *possessio* enim patrimonium est. Sed errori causam dedit Graecae linguae ignorantio; Chalcedonenses enim Patres habent, *ἡ ἐκκλησία καὶ τὸ κτήριον*, quae sic latine reddenda sunt, in Ecclesia urbis, vel pagi. Si igitur *res possessionis* expungas, legalque *pagi*, jam patrimonii titulus abest ab eo Canone. Primum titulo patrimonii occasionem videtur dedisse Alexandri P. III. in Concil. Lateranensi III., quod *an. 1179.* habitum est, *cap. 4. de Praeben.* in haec verba, *Nisi forte talis, qui ordinatur, extiterit, qui de sua, vel paterna haereditate subsidium vitae possit habere.* Sed Alexandri III. mentem penitius intueamur. Primum is Episcopum sine titulo ordinantem tamdiu necessaria ordinato subministrare poenae nomine jubet, donec ei in aliqua Ecclesia convenientia stipendia militiae Clericalis assignet: tum continuo subdit, *Nisi forte &c.*, quibus verbis non patrimonii titulum instituit Alexander, sed speciem proponit, qua Episcopus ea poena liberatur. Negari tamen haud potest, occasione ejus Canonis titulum patrimonii mox inductum fuisse; nam posteriores Canones titulum patrimonii, vel Beneficii indifferenter tulere, *cap. 23. eod.* Sed indifferentiam istam videtur sustulisse Synodus Tridentina *sess. 21. de Ref. cap. 21.*, ubi *statuit, ne quis Clericus saecularis ad sacros Ordines promoveatur, nisi prius legitime constet, eum Beneficium Ecclesiasticum, quod sibi ad victum honeste sufficiat, pacifice possidere...* Patrimonium vero vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate vel communitate Ecclesiarum suarum: quibus ex verbis liquido apparet, recte pronunciatum a S. Congregatione Concilii interprete apud Fagnan. in *d. cap. 4. de Praebend. num. 24.*, ex sententia Synodi Tridentinae Beneficii quidem titulum legitimum, atque ordinarium, titulum vero patrimonii extraordinarium esse, ac veluti *ex dispensatione* admitti. Ne quis tamen putet, patrimonii titulo instituto desuisse Clericos certo titulo vi ordinationis adferibi, facit eadem Tridentina Synodus, quae *sess. 25. cap. 16. de Ref.* sextum Canonem Chalcedonensem confirmat, & erroneos clericos averfatur. Eadem nunc est Ecclesiae mens, quae olim fuit. Id ea semper habuit ratum fixumque, ordinari Clericos, ut Ecclesiae deserviant, eosque, ut primum ordinantur, certis Ecclesiis in reliquum vitae tempus designari. Illud extra omnem dubitationem est positum, inde usque a saeculo XIII., quum patrimonii titulus jam erat inductus, veterem eam loquutionem ordinari ad titulum, quae antea sonabat, ordinari ad certam Ecclesiam, coenisse idem sonare, atque ordinari cum certo proventu ad vitam honeste sustentandam idoneo. Hinc posteriorum temporum Canones, licet de Clericis car-

tae Ecclesiae addicendis non taceant, tamen ubi de ordinationis titulo agunt, in id anxie inquirunt, num Clericus Beneficium Ecclesiasticum, aliave bona habeat, quae sibi ad victum honeste sufficiant, ne cum ordinis dedecore mendicare, aut sordidum aliquem quaestum exercere compellatur. Trident. d. sess. 21. cap. 2. Non est hic praetereundum, a veteribus Canonistis quaesitum, an minores etiam Clerici titulo opus haberent: tandem vero Tridentinos Patres d. sess. 21. c. 2. solis majoribus Clericis tituli necessitatem imposuisse. Minoribus Clericis assignari stipendia iusserunt sess. 23. c. 17. ex aliqua parte reddituum simplicium Beneficiorum, vel fabricae Ecclesiae: quod omnino aliud est a titulo. Est & aliquid addendum de poenis, quas contra ordinationes sine titulo Canones constituere, eas antiqui Canones, qui apud Gratianum prostant dist. 70., vacuas, atque irritas pronunciant: quod ad effectum, seu usum, non ad ipsam vim ordinis referendum est. Suspendebantur igitur sine titulo ordinati, futuri, si ordinis munia exercerent, irregulares. At jure Decretalium remissus actum est, iussu tantum Episcopi alere majores Clericos sine titulo ordinatos cap. 2. 4. & 16. de Praeb., & cap. 36. eol. in VI. Tridentina Synodus innovare se ait antiquorum Canonum poenas: quo verbo eam ad jus Decretalium spectasse, non ad Decretum Gratiani; S. Congregatio ejus Synodi interpretes declaravit apud Fagnanum in cap. 16. de Praebendis num. 63. Et quamquam Sixtus V. in Bulla Sanctum, & salutare Decreti Gratiani poenas recentavit; tamen Sixti Bullam abrogavit posterior Clementis VIII. Bulla, quae incipit Romanum Pontificem. Quod si vero Clericus obtruso per fraudem falso titulo ordinatus est, in hac specie stare adhuc antiquas Decreti poenas, eadem Sacra Congregatio respondit apud Fagnanum. n. 63.

Tempus tria continet, nempe tempus ipsum, quo conferri ordines debent, ordinum interstitia, atque aetatem ordinandorum. S. Leo ep. ad Dioscorum Alexandrin. Episcop. in Decreto Gratiani can. 4. & 5. dist. 76. contra antiquam traditionem esse inquit, Sacerdotalem, quae vox ad Presbyteros, & Episcopos pertinet, vel Leviticam ordinationem passim diebus omnibus celebrari: tum addit, His, qui consecrandi sunt, numquam benedictio, nisi in die Dominicae resurrectionis tribuatur, cui a vespera Sabbati initium constat adscribi. Sunt qui hoc loco loqui Leonem putant de die Paschatis, & Sabbato Sancto. Eos manifesti erroris arguit Paschasius Quenellus in d. ep., quae in Quenelliana editione undecima est. De quolibet Sabbato, ac de quolibet Dominico die illum loqui, duo sunt quae demonstrant. Unum est, Sabbatum Sanctum Leonis aevo diem fuisse solenni Baptismo, Cathedismoque dictum, ut proinde verisimile sit, non potuisse eodem die ordinationes expediri. Alterum est, nec Gelasium, cujus locum mox dabo, neque alium mediae aetatis Scriptorem, quibus locis de temporibus ordinationum edisseruere, Sabbatum Sanctum meminisse. Canonistis Ecclesiasticarum antiquitatum imperitis fraudi fuit illud Leonis, in die Dominicae resurrectionis. Verum quis est hoc tempore, quem fugiat, olim quemlibet diem Dominicum resurrectionis diem appellatum? Successit Gelasii P. Constitutio in ep. 1. ad Episcopos per Lucan. cap. 13. d. dist. can. ult., qua Præbyterum, & Diaconum ordinationes quaternis vicibus in annos singulos fieri cautum est, puta, *junio mensis quarti*, hoc est, Junii (namque olim Christiani etiam a mense Martio annum auspicabantur) *septimi*, hoc est, Septembris, *decimi*, id est, Decembris, & *quadragesimalis initii*, id est, primae hebdomadae Quadragesimae. Atque haec sunt solennia quatuor temporum

porum jejunia, quorum ante Gelasium nusquam mentio: Calixti autem Epistolam apud Gratian. *can. 1. dist. 76.*, qua de iis jejuniis agitur, apocrypham habet. Porro quod Gelasius inquit, ordinationes per ea tempora celebrandas *Sabbati jejuniis circa vespem*, eodem ipso sensu explicandum est, quem expresserat Leo, nempe Dominico die, aut nocte, seu vespere Sabbati, quae ad Dominicam spectat. Sed dein Leonis, ac Gelasii loca Sabbati Sancti inter ordinationum tempora referendi occasionem dederunt. Nullam Leo ac Gelasius mentionem faciunt Subdiaconorum, aliorumque minorum Clericorum; namque horum ordinationes per multa Ecclesiae saecula nulla certa tempora habuere, uti ex Ordine Romano Gratianus tradit *can. 6. dist. 75.* Praecedere jejunium voluit Ecclesia ex Apostolica doctrina, namque Apostolos Paulo, & Barnabae jejunantes & orantes imposuisse manus, sacris literis consignatum, Leo ait *d. can. V. Act. c. 13.* Atque hic monendi sunt Parochi, ut id fidelem populum edoceant, in eum maxime finem quatuor temporum jejunia Ecclesiam instituisse, ut is per ea poenitentiae opera recte possit bonos Ecclesiae ministros a Deo exorare. Variam super iis jejuniis Ecclesiae disciplinam dat Gratianus *dist. 76.*, in quam Romani Correctores multa sapienter adnotarunt. Modernam do ex Placentina Synodo sub Urbano II. habita *ann. 1094.* apud ipsum Gratian. *can. 4., Statutus*, ut jejunia quatuor temporum hoc ordine celebrentur. Primum in initio Quadragesimae; secundum in hebdomada Pentecostes; tertium vero in Septembri: quartum in Decembri more solito fiat. Minorum ordinum aliis diebus Dominicis, festisve uni, aut duobus conferendorum jus est, *cap. 3. de temp. ord.*, non item majorum, nisi ex Pontificia dispensatione, quae si desit, ordinatus usu ordinis suspenditur, quousque ab Episcopo suo restituatur, *cap. pen. eod.* Uni, inquam, aut duobus; hos enim numeros exprimit Alexander III. in *d. c. 3.* Sed locum hunc ita accipiunt Canonistae, licere Episcopis duos, tresve, aut etiam plures ordinare, modo ii generales non celebrent ordinationes.

Porro uniuscujusque ordinis gradum habere, jubet Synodus Sardicensis *can. 10.* non minimi temporis longitudinem, per quod & fides, & morum probitas, & constantia, & moderatio possit cognosci. Spatia haec temporis, quae interjiciunt inter unum atque alterum ordinem debent, interstitia ordinum appellantur: suntque haec non in majoribus solum, sed in minoribus etiam ordinibus servanda. Trident. *sess. 23. cap. 13. 14. & 17.* Jus idem in Ecclesia olim fuisse, probant Siricii, ac Zosimi Epistolae apud Gratian. *dist. 77. can. 2. ac 3.* Extat quidem *can. 1.* Caji P. Epistola in eandem sententiam; sed ea, ut dictum, *redlar* sapit. Hoc tantum nova distat a veteri disciplina, quod, uti jam praemonui, nunc nemo possit ad sacrum ordinem proflire, quin omnes, quotquot sunt, minores ordines susceperit: at vero antiquitus, si quem in uno, pluribus minoribus ordinibus probari non oportere Episcopus arbitrabatur, quod fidem ejus, ac pietatem plerique omnes satis perspectam haberent; eum, eosve ordines omitti impune esset. Morin. *d. p. 3. Exerc. 11. c. 2.* Licet autem recte interdum omitterentur, nunquam tamen recte poterant uni plures nullo inter eos interposito spatio dari: quae de re abunde Thomassinus *p. 1. lib. 2. c. 35.* Minorum ordinum interstitia Episcopi arbitrio permisit Tridentina Synodus; quod tamen arbitrium tam late patere haud debet, ut sine gravi causa omnino nulla interjiciantur. Quantum ad majorum ordinum interstitia, olim Clericus IV. annis (male in *can. 2. dist. 77.* legitur XIV.) in Subdiaconatu, qui tamen olim inter minores ordines

dines erat, annis V. in Diaconatu esse jubebatur, *d. can. 2., & can. 3. eod. dist.* At Tridentini Patres *per annum saltem* in Subdiaconatu, perque idem tempus *ad minus* in Diaconatu versari Clericum voluerunt, *nisi ob Ecclesiae utilitatem, ac necessitatem aliud Episcopo videretur, sess. 23. cap. 13. & 14.* Ordinandum aetas non semper eadem fuit. Olim fuisse productiorem, tum esse contractiorem coepisse, patet ex *dist. 77. & 78. Gratiani, cap. 7. §. 2. de elect., c. 14. eod. in VI., & Clem. 3. de actat. & qualic. ord.* Fulsime hoc argumentum persequitur Thomasin. *d. l. 2. c. 67. & seqq.* Jure Concilii Tridentini Clericus XXII. aetatis anno ordinari Subdiaconus potest, Diaconus XXIII., Presbyter XXV., *sess. 23. c. 12.* Locus ordinationis temporibus persequutionum non Ecclesia solum erat, sed & privata quaelibet domus, ubi non raro clanculum peragebatur. Cyprian. *ep. 45. 52. 69.* Sed post ea tempora solenne esse coepit, ut publice in Ecclesia inter Missarum solennia expediretur: quo factum, ut prius ejici catechumenos oporteret, *can. 5. Laodicensi Concilii.* Haec de majoribus ordinibus cauta sunt. Trident. *sess. 23. cap. 8.* Ceterum minores etiam extra sacrum locum licere conferri, Pontificale Romanum inquit.

T I T U L U S VIII.

De Matrimonio.

Quam Romani Jurisconsulti dedere, eam ipsam Matrimonii definitionem Canones usurpant. Est igitur maris, ac foeminae conjunctio individuum vitae consuetudinem continens, *cap. 11. de praesunt. Addam & illud ex Eugenio IV., quod rationem explicat Sacramenti, & conjunctionem Christi, atque Ecclesiae significans. Est & Contractus, & Sacramentum. Contractus Principum legibus, Sacramentum legibus Ecclesiae regitur. Hinc & Ecclesiae vi divinae suae institutionis, & Principum ex genere, & natura suae potestatis, uti loquitur Sanchez, impediendi, ac dirimendi justas ob causas matrimonii Religionis, Reiq. publicae bono potestas est: quod & D. Thomas lib. 4. contr. Gent. c. 78., & Sanchez de Matrim. lib. 7. disp. 3. n. 2., & integris Opusculis Launojus, ac Gerbesius demonstrarunt. Sed jam inde a saec. XII. Christiani Principes coepere curam abjicere impedimento- rum, quae *dirimentia* nuncupantur. Hac igitur potestate sola nunc utitur Ecclesia. V. Trid. Concil. locum *Sess. 24. c. 12.**

Nuptias consensu fieri, ait Ulpianus in l. 3. de R. J.: idemque repetit Innocentius *cap. 23. de sponsal.* Atque hunc ipsum consensum aut verbis, aut, si quis mutus, surdusve sit, quavis alia voluntatis significatione edita expressum, seu, quod idem est, hunc ipsum civilem contractum Sacramenti Matrimonii materiam esse, receptior opinio fert. De forma, ac Ministro hujus Sacramenti non idem omnibus. Ministrum fecere solum Sacerdotem Theologorum, & Canonistarum doctissimi. Sententiam illi suam adstruunt luculentissimis Patrum omnis aevi testimoniis, quae duo haec habent, & sponsis benedici per Sacerdotes debere, & ea benedictione sanctificantem gratiam produci: quae duo & Sacramenti Ministrum, & verba Sacerdotis esse formam, evincunt: quae confirmare videtur Synodus Tridentina *sess. 24. c. 1.* Sacerdotis autem nomine intellige Parochum, non originis, sed domicilii, aut quemvis alium Sacerdotem, cui a Parocho, aut Episcopo venia administrandi Matrimonii sit data. Trident. *cap. 3.*

Impedimento- rum alia *contrahatur* tantum dicuntur, quod impediant quidem, ne matrimonium contrahatur, sed contractum non dirimant, alia etiam

cautum ajo: Gratum autem memoriam defecisse: denique Thomasinum, qui
p. 2. lib. 1. cap. 1. & Sardicensis Concilii verba lectorum oculis subiicit,
 & iis de laico aequae, ac de Clerico agi affirmat, lectoribus illudere vo-
 luisse. Ecce tibi ejus Concilii verba ex *can. 18. & 19.*, qui sunt apud Gra-
 tianum *can. 1. ead. dist.*, Nulli Episcopo liceat alterius Episcopi civitatis
Ecclesiasticum hominem (vel, uti in Concilio latine legi monent Correcto-
 res Romani, *Ecclesiasticum ministrum*) *solicitare*, & in sua Dioecesi Cleri-
 cum ordinare.... & hoc universi constituimus, ut quicumque ex alia Pa-
 rochia voluerit alienum ministrum sine consensu Episcopi ipsius ordinare, non
 sit rara ordinatio. Verba *Ecclesiasticum hominem*, seu ministrum, & alienum
 ministrum meam mire adstruunt opinionem. Quid quod eam Caroli M. Ca-
 pitularia praeclare confirmant? Capitularis 56. *an. 789.* verba sunt haec,
In Decretis Leonis Papae sancitum est, & in Concilio Sardicensi, ne Epi-
scopus alterius Clericum ad se sollicitet, nec ordinet. Igitur diu in utraque
 Ecclesia proprius Episcopus is tantum fuit, qui primum aliquem Ordini
 Ecclesiastico adscripserat. Post annum millesimum videtur ubique coepisse
 proprius laici Episcopus esse Episcopus originis, aut beneficii: quam novam
 disciplinam supponit Clemens P. IV., qui *an. 1265.* Pontifex creatus est,
 in *cap. 1. de temp. ord. in IV.*; sed originis tamen significationem mos
 Curiae coarguistiavit, ut sit locus, ubi ordinandus est natus, non item is,
 ubi pater ejus, licet posteriore etiam sensu Civile jus originem dicat *l. 6.*
9. 1. ad municip. Tum Bonifacius P. VIII., qui *an. 1294.* iniit Pontifica-
 tum, duobus illis tertium addidit titulum, puta, *domicilii* in *cap. 3. eod. in*
VI. Est & titulus familiaritatis, de quo ad hunc modum Synodus Triden-
 tina *sess. 23. de Ref. cap. 9.*, Episcopus familiarem suum non subditum or-
 dinare non possit, nisi per triennium secum fuerit commoratus, & beneficium
 quacumque fronde cessante statim ea ipsa illi conferat. Nunc intelligis, quod
cap. 10. de Ref. sess. 7., & *cap. 2. ac 3. sess. 14.* Tridentini Concilii san-
 citum est, ne quis sine dimissorii proprii Episcopi literis ab Episcopo non
 suo ordinetur: quod idem de alienis Clericis per antiquos Canones caveba-
 tur: Et quamquam Tonsura proprie non sit Ordo, tamen Ordine latius ac-
 cepto Tonsura etiam huc pertinet, *cap. 4. de temp. ord. in VI. Dimissoriae*,
seu Dimissoriae literas antiqui etiam Canones meminerunt, sed sensu longe
 alio: Quoniam olim Clerici omnes vi suae ordinationis sic certae Ecclesiae
 addicebantur, ut ei deberent perpetuum inservire, consensu Episcopi erat
 opus, ut possent in alienae Ecclesiae catalogum referri, nec impune erat
 alienum Clericum infcio Episcopo retinere vel promovere *d. can. 21. Car-*
thagin. III. Et quoniam nemo esse poterat duplici Ecclesiae addictus, ne-
 cesse erat Clericum ab Episcopo suo omnino dimitti, & ut ita dicam,
 emancipari, sique omni solum vinculo alteri Ecclesiae addici. Atque huc
 spectabant veterum literarum dimissoriales. Concilium Carth. *l. can. 5.*, &
 Trullan. *can. 17.* Duae Dimissoriae litterarum formulae, quarum alteram
 tanquam a Nicaenis Patribus, alteram tanquam ab Attico Episcopo Con-
 stantinopolitano editam in suum Decretum inseruit Gratianus *can. 1. & 2.*
dist. 73., omnino suppositiciae sunt. Nostro hoc tempore dimissoriae litterae
 in hunc finem dantur, ut ordinarum Clericus possit ab Episcopo non suo,
 sed is tamen vel post eas literas, ac post susceptos alibi ordines pertinet,
 ut antea, ad Episcopum suum. Igitur ordinis tantum gratia nunc dimittitur
 Clericus, *cap. 8. de off. Archidiacon.*, & *cap. 3. de temp. ordinat. in VI.*
 Dandarum hujusmodi litterarum jus proprium est Episcopi, cujus est ordina-
 re,

Grimaldo) *Constantiensi Episcopo Alexander II. can. 1. dist. 52., Mandamus, ut ab officio Sacerdotali eum prohibeas, donec proximo quatuor temporum jejunio Subdiaconatus ministerium sibi rite imponas, & sic deinceps ad majora officia eum redire concedas.* Docemur hoc Alexandri rescripto, posse Episcopum super ea re dispensare, puta, ut ordinatus in suscepto ordine ministraret: quod ita est accipiendum ex definitione Synodi Tridentinae *sess. 23. de Ref. cap. 13.,* si per saltum promotus in ordine suscepto non ministraverit: quod si vero ministraverit, Summi Pontificis dispensandi jus est. Omissus ordo supplendus omnino est, antequam in ordine superiore Clericus ministraret: sique tert Ecclesiae disciplina, ut id quasi ad vim ipsam superioris ordinis requiratur, etiamsi unus ex minoribus ordinibus omissus sit. Verum est haec non adeo vetus Ecclesiae disciplina: jamque a Morino perspicue demonstratum est *de SS. Ordin. p. 3. Exer. 11. cap. 2.,* per multae Ecclesiae saecula nihil fuisse opus minoris ordinis praemitteri, omissosque suppleri. Est quidem scriptum apud Gratianum *can. 1. dist. 77. sub nomine Caii Papae, Mandamus, ut si quis Episcopus esse meretur, sit primum Ostiarius, deinde Lector, postea Exorcista &c.;* verum producit ea Epistola ex officina Isidori Mercatoris.

Tria nunc restant pertractanda, Titulus, Tempus, & Locus ordinationis. Neminem absolute ordinari, Chalcedonense Concilium iussit *can. 6. apud Grat. can. 1. dist. 70.,* ubi absolute ordinare est aliquem ordinare sine titulo, uti loquitur Urbanus II. *can. 2. ead. dist.* Hoc idem Synodus Ancyrana *can. 18.,* Neocesariensis *can. 13.,* & omnium aetatum Canones sanxerunt. Ecclesiae ab Ecclesiasticis Scriptoribus dictae Tituli a titulis Martyrum, quibus dicantur; unde aliquem ordinari ad titulum perinde erat atque ordinari cum designatione certae Ecclesiae, cui is addiceretur, ac perpetuum inserviret, ita ut si ea relicta ad alium se locum transferret, deponeretur. Conc. Arelat. *can. 1., & can. 21.* Ordinatorum tituli populo manifestabantur per Archidiaconum Episcopi nomine ea formula, quam ex Ordine Romano descriptam Romani Correctores dedere *d. can. 1., De titulo S. Stephani eligimus Petrum Lectorem ad eundem titulum.* At enim Paulinus *ep. 6. ad Sever.* de se haec habet, *Ea conditione in Barcinonensi Ecclesia consecrari a Lampio Barcinonensi adductus sum, ut ipsi Ecclesiae non alligarer:* idemque de Hieronymo perhibetur. Sunt haec quidem praeter regulas facta; sed exceptionis rationem in eo positam Thomasinus tradit *p. 2. lib. 1. cap. 2. n. 6. 7. & 8.,* quod il per vim fuerint ordinati. Sane Paulinus *ep. ad Alip.,* Per vim, inquit, *instatae subito plebis sacratus sum:* quod & de Hieronymo, & de aliis bene multis testatur historia: licere autem videbatur contra vim contestari, ne qua servitus ingereretur invitis. Haec, quae Thomasinus habet, ut satis excusent ordinatos, certe vero Ordinatos vix est ut excusent. Vide quid mihi de hac re venerit in mentem. Adhiberi eam vim consuevisse piensissimis, sapientissimisque viris, unde plurimum sibi sperabat Ecclesia, antiquitatis memoria docemur. Forte igitur ordinandorum virtus ac sapientia id ab Episcopis impetravit, ut ne illi apud Ordinatos perpetuo residere, certisque servire Ecclesiis tenerentur: nec sibi religioni ducebant Episcopi aliquid remittere de severitate disciplinae, ut eos haberent Clericos, qui egregia pietate ac sapientia sua Ecclesiae inservirent universae. Ita quod summo jure aliquid videbatur habere ex iniquo, publica utilitate rependebatur. Titulus ergo Ecclesiae erat: neque alius praeter Ecclesiam usque ad saeculum XII. ordinationis titulus fuit: quod post

Thomassinum Jueninus demonstrat *diff. 8. de Ord. g. 7. c. 3.* Ab Ecclesiae titulo prope aberat titulus Monasterii, cuius quoque mentio extat in *d. can. 6. Chalced. Concilii*; quum enim antiquitus Monachi essent omnino laici, uti multis *lib. 1.*, aut eorum unus, aut alius saecularis ordinabatur ad titulum Monasterii, ut sacra faceret in eo, administraretque Sacramenta. Nilus Eremita *Narratione 4.*, Pallad. in *Lausiacis cap. 7.* Porro eodem redibant Ecclesiae titulus, ac titulus saecularis ordinabatur Ecclesiae, ei alimenta praestabantur de ejus Ecclesiae redditibus: quae praestationes initio Beneficia fuere: quae de re inferius. Patrimonii titulus certe saeculo XI. recentior est, ac fortasse etiam XII. At vero in iis Chalcedonensis Concilii verbis, quae sunt apud Gratianum in *d. can. 1. dist. 70.*, *Neminem absolute ordinari &c. nisi in Ecclesia civitatis, sive possessionis &c.*, Glossa, & plerique omnes Canonistae Ecclesiae, & patrimonii titulum deprehendunt: *possessio* enim patrimonium est. Sed errori causam dedit Graecae linguae ignorantio; Chalcedonenses enim Patres habent, *ἡ ἐκκλησία τοῦ πόλεως, ἢ χωρὸς*, quae sic latine reddenda sunt, in Ecclesia urbis, vel pagi. Si igitur *res possessionis* expungas, legalque *pagi*, jam patrimonii titulus abest ab eo Canone. Primum titulo patrimonii occasionem videtur dedisse Alexander P. III. in Concil. Lateranensi III., quod *an. 1179.* habitum est, *cap. 4. de Praeben.* in haec verba, *Nisi forte talis, qui ordinatur, extiterit, qui de sua, vel paterna haereditate subsidium vitae possit habere.* Sed Alexandri III. mentem penitus intueamur. Primum is Episcopum sine titulo ordinantem tamdiu necessaria ordinato subministrare poenae nomine jubet, donec ei in aliqua Ecclesia convenientia stipendia militiae Clericalis assignet: tum continuo subdit, *Nisi forte &c.*, quibus verbis non patrimonii titulum instituit Alexander, sed speciem proponit, quae Episcopus ea poena liberatur. Negari tamen haud potest, occasione ejus Canonis titulum patrimonii mox inductum fuisse; nam posteriores Canones titulum patrimonii, vel Beneficii indifferenter tulere, *cap. 23. eod.* Sed indifferentiam istam videtur sustulisse Synodus Tridentina *sess. 21. de Ref. cap. 21.*, ubi *statuit, ne quis Clericus saecularis ad sacros Ordines promoveatur, nisi prius legitime constet, eum Beneficium Ecclesiasticum, quod sibi ad victum honeste sufficiat, pacifice possidere...* Patrimonium vero vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate vel communitate Ecclesiarum suarum: quibus ex verbis liquido apparet, recte pronunciatum a S. Congregatione Concilii interprete apud Fagnan. in *d. cap. 4. de Praebend. num. 24.*, ex sententia Synodi Tridentinae Beneficii quidem titulum legitimum, atque ordinarium, titulum vero patrimonii extraordinarium esse, ac veluti *ex dispensationis* admitti. Ne quis tamen putet, patrimonii titulo instituto desuisse Clericos certo titulo vi ordinationis adferri, facit eadem Tridentina Synodus, quae *sess. 25. cap. 16. de Ref.* sextum Canonem Chalcedonensem confirmat, & erroneos clericos averfatur. Eadem nunc est Ecclesiae mens, quae olim fuit. Id ea semper habuit ratum fixumque, ordinari Clericos, ut Ecclesiae deserviant, eosque, ut primum ordinantur, certis Ecclesiis in reliquum vitae tempus designari. Illud extra omnem dubitationem est positum, inde usque a saeculo XIII., quum patrimonii titulus jam erat inductus, veterem eam loquutionem ordinari ad titulum, quae antea sonabat, ordinari ad certam Ecclesiam, coenisse idem sonare, atque ordinari cum certo proventu ad vitam honeste sustentandam idoneo. Hinc posteriorum temporum Canones, licet de Clericis cer-

tae Ecclesiae addicendis non taceant, tamen ubi de ordinationis titulo agunt, in id anxie inquirunt, num Clericus Beneficium Ecclesiasticum, aliave bona habeat, quae sibi ad victum honeste sufficiant, ne cum ordinis dedecore mendicare, aut sordidum aliquem quaestum exercere compellatur. Trident. d. sess. 21. cap. 2. Non est hic praetereundum, a veteribus Canonistis quaestum, an minores etiam Clerici titulo opus haberent: tandem vero Tridentinos Patres d. sess. 21. c. 2. solis majoribus Clericis tituli necessitatem imposuisse. Minoribus Clericis assignari stipendia iusserunt sess. 23. c. 17. ex aliqua parte reddituum simplicium Beneficiorum, vel fabricae Ecclesiae: quod omnino aliud est a titulo. Est & aliquid addendum de poenis, quas contra ordinationes sine titulo Canones constituere. Eas antiqui Canones, qui apud Gratianum prostant dist. 70., vacuas, atque irritas pronunciant: quod ad effectum, seu usum, non ad ipsam vim ordinis referendum est. Suspendebantur igitur sine titulo ordinati, futuri, si ordinis munia exercerent, irregulares. At jure Decretalium remissus actum est, iussique tantum Episcopi alere majores Clericos sine titulo ordinatos cap. 2. 4. & 16. de Praeb., & cap. 36. eod. in VI. Tridentina Synodus innovare se ait antiquorum Canonum poenas: quo verbo eam ad jus Decretalium spectasse, non ad Decretum Gratiani, S. Congregatio ejus Synodi interpretes declaravit apud Fagnanum in cap. 16. de Praebendis num. 63. Et quamquam Sixtus V. in Bulla Sanctum, & salutare Decreti Gratiani poenas recentavit; tamen Sixti Bullam abrogavit posterior Clementis VIII. Bulla, quae incipit Romanum Pontificem. Quod si vero Clericus obruto per fraudem falso titulo ordinatus est, in hac specie stare adhuc antiquas Decreti poenas, eadem Sacra Congregatio respondit apud Fagnanum. n. 63.

Tempus tria continet, nempe tempus ipsum, quo conferri ordines debent, ordinum interstitia, atque aetatem ordinandorum. S. Leo ep. ad Dioscorum Alexandrin. Episcop. in Decreto Gratiani can. 4. & 5. dist. 76. contra antiquam traditionem esse inquit, Sacerdotalem, quae vox ad Presbyteros, & Episcopos pertinet, vel Leviticam ordinationem passim diebus omnibus celebrari: tum addit, His, qui consecrandi sunt, numquam beneficiū, nisi in die Dominicae resurrectionis tribuatur, cui a vespere Sabbati initium constat adscribi. Sunt qui hoc loco loqui Leonem putant de die Paschatis, & Sabbato Sancto. Eos manifesti erroris arguit Paschasius Quenellus in d. ep., quae in Quenelliana editione undecima est. De quolibet Sabbato, ac de quolibet Dominico die illum loqui, duo sunt quae demonstrant. Unum est, Sabbatum Sanctum Leonis aeo diem fuisse solenni Baptismo, Cathéchismoque dictum, ut proinde verisimile sit, non potuisse eodem die ordinationes expediri. Alterum est, nec Gelasium, cujus locum mox dabo, neque alium mediae aetatis Scriptorem, quibus locis de temporibus ordinationum edisseruere, Sabbatum Sanctum meminisse. Canonistis Ecclesiasticarum antiquitatum imperitis fraudi fuit illud Leonis, in die Dominicae resurrectionis. Verum quis est hoc tempore, quem fugiat, olim quemlibet diem Dominicum resurrectionis diem appellatum? Successit Gelasio P. Constitutio in ep. 1. ad Episcopos per Lucan. cap. 13. d. dist. can. ult., qua Præbiterorum, & Diaconorum ordinationes quaternis vicibus in annos singulos fieri tantum est, puta, *junio mensis quarti*, hoc est, Junii (namque olim Christiani etiam a mense Martio annum auspicabantur), *septimi*, hoc est, Septembris, *decimi*, id est, Decembris, & *quadagesimalis initii*, id est, primae hebdomadae Quadragesimae. Atque haec sunt solennia quatuor tem-

porum

porum jejunia, quorum ante Gelasium nusquam mentio: Calixti autem Epistolam apud Gratian. *can. 1. dist. 76.*, qua de iis jejuniis agitur, apocrypham habet. Porro quod Gelasius inquit, ordinationes per ea tempora celebrandas *Sabbati jejuniis circa vesperam*, eodem ipso sensu explicandum est, quem expresserat Leo, nempe Dominico die, aut nocte, seu vespere Sabbati, quae ad Dominicam spectat. Sed dein Leonis, ac Gelasii loca Sabbati Sancti inter ordinationum tempora referendi occasionem dederunt. Nullam Leo ac Gelasius mentionem faciunt Subdiaconorum, aliorumque minorum Clericorum; namque horum ordinationes per multa Ecclesiae saecula nulla certa tempora habuere, uti ex Ordine Romano Gratianus tradit *can. 6. dist. 75.* Praecedere jejunium voluit Ecclesia ex Apostolica doctrina, namque Apostolos Paulo, & Barnabae jejunantes & orantes imposuisse manus, sacris literis consignatum, Leo ait *d. can. V. Act. c. 13.* Atque hic monendi sunt Parochi, ut id fidelem populum edocuant, in eum maxime finem quatuor temporum jejunia Ecclesiam instituisse, ut is per ea poenitentiae opera recte possit bonos Ecclesiae ministros a Deo exorare. Variam super iis jejuniis Ecclesiae disciplinam dat Gratianus *dist. 76.*, in quam Romani Correctores multa sapienter adnotarunt. Modernam de ex Placentina Synodo sub Urbano II. habita *ann. 1094.* apud ipsum Gratian. *can. 4., Statutus*, ut jejunia quatuor temporum hoc ordine celebrentur. Primum in initio Quadragesimae; secundum in hebdomada Pentecostes; tertium vero in Septembri; quartum in Decembri more solito fiat. Minorum ordinum aliis diebus Dominicis, festisve uni, aut duobus conferendorum jus est, *cap. 3. de temp. ord.*, non item majorum, nisi ex Pontificia dispensatione, quae si desit, ordinatus usu ordinis suspenditur, quousque ab Episcopo suo restituatur, *cap. pen. eod. Uni*, inquam, aut duobus; hos enim numeros exprimit Alexander III. in *d. c. 3.* Sed locum hunc ita accipiunt Canonistae, licere Episcopis duos, tresve, aut etiam plures ordinare, modo ii generales non celebrent ordinationes.

Porro uniuscujusque ordinis gradum habere, jubet Synodus Sardicensis *can. 10.* non minimi temporis longitudinem, per quod & fides, & morum probitas, & constantia, & moderatio possit cognosci. Spatia haec temporis, quae interjiciunt inter unum atque alterum ordinem debent, *interstitia ordinum* appellantur: suntque haec non in majoribus solum, sed in minoribus etiam ordinibus servanda. Trident. *sess. 23. cap. 13. 14. & 17.* Jus idem in Ecclesia olim fuisse, probant Siricii, ac Zosimi Epistolae apud Gratian. *dist. 77. can. 2.* ac 3. Extat quidem *can. 1.* Caji P. Epistola in eandem sententiam; sed ea, ut dictum, *reducat* sapit. Hoc tantum nova distat a veteri disciplina, quod, uti jam praemonui, nunc nemo possit ad sacrum ordinem profluere, quin omnes, quotquot sunt, minores ordines susceperit: at vero antiquitus, si quem in uno, pluribusve minoribus ordinibus probari non oportere Episcopus arbitrabatur, quod fidem ejus, ac pietatem plerique omnes satis perspectam haberent; eum, eosve ordines omitti impune esset. Morin. *d. p. 3. Exerc. 11. c. 2.* Licet autem recte interdum omitterentur, nunquam tamen recte poterant uni plures nullo inter eos interposito spatio dari: qua de re abunde Thomassinus *p. 1. lib. 2. c. 35.* Minorum ordinum interstitia Episcopi arbitrio permisit Tridentina Synodus; quod tamen arbitrium tam late patere haud debet, ut sine gravi causa omnino nulla interjiciantur. Quantum ad majorum ordinum interstitia, olim Clericus IV. annis (male in *can. 2. dist. 77.* legitur XIV.) in Subdiaconatu, qui tamen olim inter minores ordines

dines erat, annis V. in Diaconatu esse jubebatur, *d. can. 2.*, & *can. 3. eod. dist.* At Tridentini Patres per annum saltem in Subdiaconatu, perque idem tempus ad minus in Diaconatu versari Clericum voluerunt, nisi ob Ecclesiae utilitatem, ac necessitatem aliud Episcopo videretur, *sess. 23. cap. 13. & 14.* Ordinandum aetas non semper eadem fuit. Olim fuisse productiorem, tum esse contractiorem coepisse, patet ex *dist. 77. & 78. Gratiani, cap. 7. §. 2. de elect.*, c. 14. *eod. in VI.*, & *Clem. 3. de aetat. & qualis. ord.* Futilissime hoc argumentum persequitur Thomasin. *d. l. 2. c. 67. & seqq.* Jure Concilii Tridentini Clericus XXII. aetatis anno ordinari Subdiaconus potest, Diaconus XXIII., Presbyter XXV., *sess. 23. c. 12.* Locus ordinationis temporibus persequutionum non Ecclesia solum erat, sed & privata quaelibet domus, ubi non raro clanculum peragebatur. Cyprian. *ep. 45. 52. 69.* Sed post ea tempora soleant esse coepit, ut publice in Ecclesia inter Missarum solennia expediretur: quo factum, ut prius ejici catechumenos oporteret, *can. 5. Laodicensi Concilii.* Haec de majoribus ordinibus cauta sunt. Trident. *sess. 23. cap. 8.* Ceterum minores etiam extra sacrum locum licere conferri, Pontificale Romanum inquit.

T I T U L U S VIII.

De Matrimonio.

Quam Romani Jurisconsulti dedere, eam ipsam Matrimonii definitionem Canones usurpant. Est igitur maris, ac foeminae conjunctio individuum vitae consuetudinem continens, *cap. 11. de praesumpt. Addam & illud ex Eugenio IV.*, quod rationem explicat Sacramenti, & conjunctionem Christi, atque Ecclesiae significans. Est & Contractus, & Sacramentum. Contractus Principum legibus, Sacramentum legibus Ecclesiae regitur. Hinc & Ecclesiae vi divinae suae institutionis, & Principum ex genere, & natura suae potestatis, uti loquitur Sanchez, impediendi, ac dirimendi justas ob causas matrimonii Religionis, Reiq. publicae bono potestas est: quod & D. Thomas *lib. 4. contr. Gent. c. 78.*, & Sanchez de *Matrim. lib. 7. disp. 3. n. 2.*, & integris Opusculis Launojus, ac Gerbesius demonstrarunt. Sed jam inde a saec. XII. Christiani Principes coepere curam abjicere impedimentorum, quae dirimentia nuncupantur. Hac igitur potestate sola nunc utitur Ecclesia. V. Trid. Concil. locum *Sess. 24. c. 12.*

Nuptias consensu fieri, ait Ulpianus in *l. 3. de R. J.*: idemque repetit Innocentius *cap. 23. de sponsal.* Atque hunc ipsum consensum aut verbis, aut, si quis mutus, furdusve sit, quavis alia voluntatis significatione edita expressum, seu, quod idem est, hunc ipsum civilem contractum Sacramenti Matrimonii materiam esse, receptor opinio fert. De forma, ac Ministro hujus Sacramenti non idem omnibus. Ministrum fecere solum Sacerdotem Theologorum, & Canonistarum doctissimi. Sententiam illi suam adstruunt luculentissimis Patrum omnis aevi testimoniis, quae duo haec habent, & sponsi benedici per Sacerdotes debere, & ea benedictione sanctificantem gratiam produci: quae duo & Sacramenti Ministrum, & verba Sacerdotis esse formam, evincunt: quae confirmare videtur Synodus Tridentina *sess. 24. c. 1.* Sacerdotis autem nomine intellige Parochum, non originis, sed domicilii, aut quemvis alium Sacerdotem, cui a Parocho, aut Episcopo venia administrandi Matrimonii sit data. Trident. *cap. 3.*

Impedimentorum alia impedientia tantum dicuntur, quod impediant quidem, ne matrimonium contrahatur, sed contractum non dirimant, alia etiam

etiam *dirimentia*, quod & contrahendo obstant, & dirimant contractum. Inter impedientia fuit aliquando *Catechismus*, hoc est, spiritualis cognatio inter patrum *catechismi*, & eam, quae offertur baptizanda, c. 5. de *cogn. spir.* & c. 2. eod. in *VI*. Duplex eo tempore patrinus ad Baptismum adhibebatur unus, qui dicebatur *catechismi*, quod is catechumenum suscipere erudiendum, offerretque baptizandum: alter, qui Baptismo aderat, baptizatumque de fonte emergentem suscipiebat. Quo primum tempore huic disciplinae initium sit factum, non liquet. Certe ejus in antiquis Canonibus vestigium nullum. Hygini P. de ea testimonium, quod extat *can. 100. de consecr. dist. 4.* ex apocryphis veterum Pontificum Epistolis descripsit Gratianus. Impedimentum hoc sustulisse videntur Tridentini Patres *sess. 24. de Ref. cap. 2.*, ubi de spirituali cognatione agentes, hanc speciem omittunt, neque ullam praeter expressas impedimento dein futuram, diserte ajunt. Hoc tempore impedimenta impedientia quatuor sunt. Primum est *Ecclesia vetitum*, hoc est, legitimum judicis Ecclesiastici interdictum de nuptiis non contrahendis *tit. Decretal. de matrim. contracto contr. interdict. Eccl.* Secundum est *tempus feriatum*, quod *tempus clausum* nuncupatur. Id erat olim publicae poenitentiae tempus, ut dictum, ac tempus Quadragesimae. Synodus Laodicea apud Gratian. *can. 8. caus. 33. q. 4.*, & Nicolaus P. *can. 11. ead. caus. & q.* Erant olim & alia, uti ex Concilio Ilerdensi (a) *can. 10. ead. caus. & q.* quo spectat etiam *cap. 4. de fer.*, ac Salgunstaadensi *cap. 3.* Sed deservescens, Christianorum caritas fecit, ut tempus illud Synodus Tridentina contraxerit *sess. 24. de Ref. cap. 10.* Novissimo igitur jure ab adventu Domini usque in diem Epiphaniae, & a feria IV. cinerum usque in octavam Paschiae inclusive procurrit. Tertium sunt *sponsalia*, utajunt, de futuro cum alio contracta. Sane sponso fidem praestare & lex de pactis servandis, quae naturalae vox est, & Gregorius IX. jubet in *cap. 31. de sponsal. Dixi, de futuro*, quae enim de praesenti dicuntur, ea ipsum matrimonium sunt, & novum matrimonium non impediunt solum, sed etiam dirimunt, *d. cap. 31.* Utrumque sponsaliorum genus habes apud eundem Gregorium. *Sponsalia de praesenti* vident Hotomanus *disp. de sponsalib. cap. 7.*, & A. Matthaeus *manud. ad jus Canonic. lib. 2. tit. 6.* Verum, uti jam rectissime monuerat Pannormitanus in *d. cap. 31.*, matrimonium, quod ratum dicunt, *sponsalia de praesenti* appellari mos est non conjugalis vinculi ratione, namque est id jam colligatum, sed ratione ipsius executionis, quae corporum conjunctio est. Loquutionem hanc in vulgus probari, & saepe vulgares loquendi modos ipsis Romanis Jurisconsultis probatos notius est, quam ut id demonstrari exemplis sit opus. Quid quod ipsi veteres Romani sponsalia de praesenti, qualia exhibent Canones, haud videntur ignorasse? Tradit id perbelle Huber *obs. jur. lib. 2. c. 8.*, quem vide. Nunc de Sponsalibus, & Proclamationibus nonnulla. *Sponsalia* sunt futurarum nuptiarum promissa alteri facta, *cap. 32. de sponsal.* Quod veteribus moris fuisse, scribit Ulpianus *l. 2. de spons.*, stipulari, & spondere sibi uxores futuras, id Christianis etiam semper moris fuit, nec licere non praenatis sponsalibus matrimonio jungi, ait Synodus Forojulienensis c. 8., quum quia periculi plena res est se se perpetuo vinculo temere implicare, tum quia comparare se sponsi debent ad gratiam Sa-

(a) Ilerdense Concilium an. 524. habitum Canones edidit sexdecim de Ecclesiastica disciplina, eorumque nullus id habet, quod ex eo Concilio tradit in suo Decreto Gratianus.

Sacramenti. Ea mutuo consensu perficiuntur, *cap. 14. de desp. imp.*; quoniam autem ea sunt Sacramenti Matrimonii praeambulum quoddam, publice apud Parochum celebrari, passim jubent Rituales libri. Impuberes, si non fiat septennio minores, recte sponsalia contrahunt, *l. 14. de sponsal., cap. 4., cap. 13. de desp. imp., cap. un. eod. in VI.*, & recte etiam parentes impuberum, puberumve filiorum nomine futuras nuptias paciscuntur, pactoque parentum tenentur filii, si expressus horum, tacitusve consensus sponsalibus aut contrahendis, aut jam contractis accedat, *d. cap. un. §. ult. eod.* Sponsalia dissolvunt mutui sponсорum consensus, *cap. 2. de sponsal.*, longior alterutrius absentia, *cap. 5.*, ingressus in Religionem, *cap. 16.*, in quod interpretem adhibe Cujacium, subsequens alterutrius cum alio, aliave fornicatio in ejus gratiam, qui innocens est, *cap. 25. de jurejur.*, itemque insignis, & constans alterutrius deformitas, quae supervenit, *d. cap. 25.*, aliaeque nonnullae iustae causae. Sponsalia subsequuntur *Proclamationes*, seu *Banna*, quae vox Gallorum propria publica edicta significat, uti Cujacius in *c. 27. eod.*, & Du Cange in *Glossario*. Parochos utriusque contrahentis proprios tribus continuis diebus festis in Ecclesia inter Missarum solennia, quo tempore frequens est populi conventus, denunciare jubet Synodus Tridentina *sess. 24. de ref. c. 1.*, inter quos matrimonium sit contrahendum. Proclamationes has eo fine ab Ecclesia institutas, Concilium Lateranense tradit in *cap. 3. de clandest. despons.*, ut ita, si quod lateat legitimum matrimonii impedimentum, possit Ecclesiae patere. Proclamationum originem faciunt antiquissima nonnulli, quos sequitur Jueninus *diff. 10. de Matrim. q. 5. c. 2.* ob locum Tertulliani *lib. 2. ad uxor. sub finem*, ubi inquit, *Matrimonium*, puta, futurum, *Angeli*, hoc est, Episcopi, qui *Angeli* dicuntur in Apocalypsi, *renuntiant*, subaudi, populo. At vero apud Tertullianum *et Angeli* proprie accipiendum esse, & id probat, vix esse, ut ea vox alio sensu in Ecclesiasticis monumentis occurrat; & contextus ipse orationis ostendit; ait enim, matrimonium, quod Ecclesia conciliat, & confirmat oblatio, *ab Angelis* renunciari, atque a *Patre*, puta, caelesti ratum haberi. Proclamationum antiquitas satis meo quidem iudicio adstruitur hoc argumento, verisimile non esse, veteres Episcopos, qui ut sibi de eorum qui eligebantur, fide ac moribus constaret, populi testimonium publice rogabant, futurum matrimonium populo non denunciasset, quum alia facilior haud suppeteret ratio, qua de legitimo impedimento eis liqueret. Jacobi Cujacii opinio est, futuri matrimonii denunciandi morem ex Gallicana Ecclesia originem duxisse. Movere Cujacium Innocentii III. verba ad Belfacensem Episcopum, quae extant integra in IV. Decretalium Collectione, sed non integra descripsit Raymondus in *d. cap. 27.*, *Bannis, ut tuis verbis utamur*, in *Ecclesiis secundum consuetudinem Ecclesiae Gallicanae editis*. Verum verba haec id probant, antiquissimum proclamationum usum perpetuo stetisse in Ecclesia Gallicana, in plerisque aliis desisse: tum eum exemplo Gallicanae Ecclesiae ad alias rediisse. Huc refero Concilii Lateranensis III. decretum sub eodem Innocentio III. in *d. cap. 3. de clandest. despons.*, quo *specialis quorundam locorum* (fortassis Ecclesiae Gallicanae) *consuetudo futuri matrimonii denunciandi ad alia generaliter producit*. Lateranensis Canon in multis Hispaniae Ecclesiis abiit in desuetudinem: quod habet Dominici Soti liber *de Sacramentis*; sed antiquam disciplinam in Hispaniis restituit Synodus Tridentina.

Impedimenta dirimentia sunt numero quatuordecim. Primum est error, qui

Tom. V.

O

dici-

dicatur *personae*, puta, quum is, cum quo contrahitur, omnino alius est ab eo, qui creditur, *tot. q. 1. caus. 29.*: idque naturali rationi consentaneum est. Error, qui dicitur *fortuna*, itemque error, qui dicitur *qualitatis*, quum circa ea versentur, quae ad substantiam contractus non pertineant, Matrimonio nihil obstant, nisi error qualitatis in personam redundet, qua de re D. Thomas in *4. sent. dist. 39. q. 1. art. 2. ad 5.* Secundum est *Conditio*, puta servilis. Leges quidem nullas servorum nuptias agnovere, uti fuse in *Commentariis meis in Libros Civiliu Institutionum*. Ecclesiae Leges imitata servorum quasi conjugia praeter voluntatem dominorum inita fornicationum loco habuit. Fuit haec certa Ecclesiae sententia saltem usque ad IX. saeculum, uti ex Concilio Cabilonensi II., quod *an. 513.* habitum est, apud Gratianum *can. 8. caus. 29. q. 2.* At saeculo XII. jam de ea re dubitarunt Petrus Lombardus *lib. 4. sent. dist. 36.*, & Liborardus Archiepiscopus Salisburgensis. Sed eo ipso saeculo XII. contraria primum invaluit disciplina; namque Adrianus P. ab eodem Salisburgensi Archiepiscopo consultus matrimonia servorum invitis etiam dominis contracta valere referpsit *cap. 1. de conjug. serv.* Quod si vero in conditione erraretur, puta, si contrahatur cum servo, qui liber putatur, licet error non redundet in personam, nulla matrimonii vis est, *cap. ult. eod.*: quod vetus jus esse probat Justiniani *Nov. 22. cap. 10.* Tertium est *votum* castitatis, quod *soleenne* appellatur, nempe, quod in Religione per Apostolicam Sedem approbata est emissum, quodque sacro ordini inest, uti Bonifacius VIII. definiivit in *cap. unic. de voto in VI.* Per quinque priora saecula haud fuisse nulla saltem ubique eam ob causam matrimonia, intelligi potest ex Innocentio I. *ep. 2. ad Victricium Rothomagensem cap. 12.*, Leone M. *ep. 82. apud Gratianum can. 1. caus. 20. q. 3.*, & Augustino *de bono viduitat. cap. 10.*, cujus verba descripsit Gratianus *can. 41. caus. 27. q. 1.*, sententiam vero per compendium dedit *can. 2. dist. 27.* In Hybernia aliud jus fuit ex *can. 17. Concilii Hybern. I.* At saeculo VI. jam dirimebatur eo voto matrimonium. Gregor. M. *lib. 6. ep. 9. ad Vitalian. Episcopum Sipontinum.* Idem habent posteriorum temporum Canones. Hic te id monitum volo, duo haec voti epitheta *simplex*, & *soleenne* in antiquis Canonibus nusquam extare, eaque haud multo antiquiora esse Gratiano, cujus tamen aevo receptissima erant. To *simplex* voto additum in Poenitentiali Theodori Cantuariensis apud Gratianum *can. 3. dist. 27.*, ipsius Gratiani addamentum esse, jam Romani Correctores adnotarunt. Quartum tertio affine est *Ordo*. Per XI. Ecclesiae saecula; & fortasse usque ad *an. 1123.* nullus Canon Episcoporum, Presbyterorum, Diaconorum, ac Subdiaconorum matrimonia irrita pronuntiavit. Id primum videtur pronuntiavisse Canon 21. Lateranensis I., quod *an. 1125.* est habitum: idque *an. 1143.* Remense Concilium confirmavit *can. 7.*, & *an. 1176.* Lateranense III., tandemque Tridentinum *sess. 24. can. 9.* Quod vero Lateranensis I., ac Remensis Concilii Patres idem antea per Canones cautum ajunt, id de jure moribus recepto explicandum est; nam scriptum de ea re non extat: jamque eorum, qui Ecclesiastica prope mille annorum monumenta perlustrarunt, judicium id est, eam consuetudinem saeculo X. inductam. Quintum est *Cognatio*, de cujus lineis, & gradibus ex jure Civili a nobis actum *lib. 1. Civil. Instit.* Qua regula in linea recta cognationis gradus supputant Leges, ea ipsa regula Canones supputant. At vero in linea transversa alia juris Civiliis, alia est regula Canonici juris. Jure Civili in linea transversa sive aequali, sive inaequali tot sunt gradus, quot per-

sonae

sonae demto stipite: jure Canonico, si aequalis sit linea, collaterales eo gradu distant inter se., quo a stipite communi: si inaequalis, eo gradu., quo remotior a stipite. Fuls de hac re Gratianus ad calcem *q. 5. caus. 35.* De hoc legum, & Canonum discrimine videlis Alexandri II. epistolam in Decreto Gratiani *can. 2. caus. 35. q. 5.*, & Contium *ad tit. de grad. in fin.* Van Espen *p. 2. tit. 15. c. 5. n. 9. ac 10.* & Cujacii conjecturam probat, olim Ecclesiam regulas juris Civilis omnino sequeutam, & testimonio motus Alexandri II., qui a nonnullis suo aevo quacitum de ea re scribit *d. ep.*, discrimen illud saeculo XI. satis quidem notum fuisse, sed non omnino certum, nec receptum ubique arbitratur. Ego conjecturam Cujacii haud longe a veri specie abesse ajo; discrimen tamen illud multo ante saeculum XI. & exploratissimum fuisse, & receptissimum contendo. Primum enim eos, qui unam eandemque esse juris utriusque regulam aiebant, Alexander legum & Canonum imperitos appellat, ac facere inquit *contra sacros Canones, & Ecclesiasticum morem*, eorumque errorem novum esse, & *inaudicium*. Deinde Zacharias P., cujus Pontificatus incidit in annum 741., duos germanos fratres *primum efficere gradum*, inquit *can. 4. caus. 35. q. 5.*, quae computatio est juris Canonici propria. Quin Cujacius in *tit. de consangu. & affia.* hoc idem a Gregorio P. jam ante Zachariae tempora cautum ait ob *can. 20. caus. 35. q. 2. ac 3.*, & *can. 3. q. 5.* Sed de auctore Canonis 20. est cur ambigit Critici, neque is illud habet, quod ex eo Cujacius docet: Canon autem 3. Zachariae est, non Gregorii: quod Romani Correctores recte monent. Id ex *d. c. 4.* haud obscure intelliges, Zachariam de ea re sic loqui, ut eam non a se primum ad eum modum definitam ostendat. In recta cognationis linea in infinitum: in collaterali inter fratres, ac sorores naturalis pudor consistere nuptias non patitur: qua de re *lib. 1. Inst. Civ. tit. 10.* Quantum ad alias cognatorum nuptias, diu Ecclesia Imperatorum leges sequuta est; easque sequebatur aevo Augustini, uti Augustinus ipse testatur de *Civ. Dei lib. 15. rap. 16.*, qui maxime locus argumento est, Fabiani, ac Julii Epistolas, quae apud Gratianum sunt *caus. 35. q. 2.*, omnino supposititias esse. Sed & eadem supposititiae Epistolae argumento esse debent, aetate Pseudo-Isidori, qui eas confinxit, impedimentum cognationis ad septimum lineae transversae gradum jam fuisse productum: quin ex Gregorii P. responsione ad sextam Augustini Anglorum Apostoli interrogationem in *d. can. 20. caus. 35. q. 2. & 3.*, in quem v. Correctores Romanos, & ex *rp. 32. lib. 12.*, modo & haec Epistola, & responsio illa Gregorii fiat, luculentissime apparet, sub exitum saeculi VI. coepisse impedimentum illud ultra leges extendi ad septimum gradum: quae disciplina usque ad saeculum XIII. stetit. Tandem illud Innocentius III. ad quartum gradum *inclusive* contraxit *cap. 8. de consanguin.*: quo jure nunc utimur. Atque haec de cognatione naturali, quam Canones *consanguinitatem*, ac *propinquitatem* dixerunt. Est & *legalis*, & *spiritualis* cognatio. Legalem parit adoptio: deque ea Gratianus in *can. 6. caus. 34. q. 3.*, & Raymundus in *cap. un. de cogn. leg.* Ea tota est juris civilis, quod Canones describere V. dicta in *cit. tit. 10.* Ad exemplum legitimae spiritualis cognatio instituta est, namque spiritualis filius adoptivi loco est habitus *l. 26. C. de nupt.*, & *can. 1. caus. 30. q. 3.* Contrahitur autem spiritualis cognatio Baptismo, & Confirmatione. Solius Baptismi meminere Justinianus *d. l. 26.*, Synodus VI. in Trullo *can. 35.*, & Nicolaus I. *d. can. 1.*: sed & Confirmatione cognationem hanc contrahi, supponit Concilium Compendiense *an. 757.*, non *Vermeriense*, seu apud *Vermerias*, uti habet Gratianus *can. 2. caus. 30. q. 1.*, & dilerte tradit

neſtas impedimento ſit nuptiis. Diſcrimen alterum inter Canonicum, & Civile juſ videtur intercedere; namque in Romanis legibus vocabulo honeſtatis id videtur intelligi, quod non oportet, etiamſi liceat, uti uſurpem Tullii verba pro Balb.; in Canonibus vero quod fieri non licet, quodque, ſi fiat, infecti loco eſt. Diſcrimen hoc noviffime propoſuit Clariffimus Mazochius laudato loco. Sane Triboniano ſententiam aſſinxit Theophilus, quem & J. Gothofredus in l. 107. de R. J., & interpretes multi Inſt. ſequuti ſunt, cuique a Cl. Mazochio ſubſcriptum. Ego, ſi quid eſt in me iudicii, ſic ſentio, nihil fuiſſe per Canones Romano juri derogatum in hac parte. Ulpian. d. l. 12. §. 1. & 2., *Inter me*, inquit, *& ſponſam patris mei nuptiae contrahi non poſſunt, quamquam noverca mea non proprie dicatur. Sed & per contrarium ſponſa mea patri meo nubere non poterit; quamvis nurus non proprie dicatur.* Paulus quoque l. 14 §. 4. eod., *Ejus*, inquit, *matrem, quam ſponſam habui, non poſſe me uxorem ducere, Auguſtus interpretatus eſt.* In duobus hiſce Pandectarum locis impedimenti honeſtatis extare veſtigia, jam vides; ſed honeſtatem, ad quam ea referuntur, neceſſariam honeſtatem eſſe, ac talem omnino, qualem Canones expreſſerunt, contendo. Ut ita ſentiam, faciunt eae formulae, *Nuptiae contrahi non poſſunt: Sponſa mea patri meo nubere non poterit: Non poſſe me uxorem ducere*: quae formulae neceſſitatem imponunt, & certe talem, ut ſecus facere nullo modo liceat, factumque infectum habeatur. Hanc, ubi de nuptiis agitur, frequentem eſſe earum formularum ſignificationem, ex tit. ff. de rit. nupt., ac rit. Inſt. de nupt. luculentiffime patet (a). Conſiſtam in d. l. 14., quam de non neceſſaria honeſtate Cl. Mazochius interpretatur. Congerit Paulus §. 4. ejus l. exempla nonnulla nuptiarum, quae fieri non poſſunt, factaeque non conſiſtunt. Eorum exemplorum numero ſunt nuptiae cum matre ejus, quam ſponſam habui: ut proinde omnium una eademque eſſe ratio debeat. Porro Paulus ptimum ait, *Nunc videamus &c. ut ſciamus, quae non liceat ducere*: tum ſubiicit exempla nuptiarum, quae contrahi non poſſunt; ut hinc intelligas non poſſe idem omnino eſſe, ac non licere. Jam vero quod non licere dicitur apud Juriconſultos ejus, ſi fiat, nullus ut plurimum effectus eſt. Quid quod prior Alexii Comneni Novella haecenus dicta praeclare confirmat? In ea de impedimento honeſtatis ex veteri lege ſic agitur, ut quod honeſtum, id ſit etiam neceſſarium. Ibi ſcriptum eſt, *veterem legem non ſinere*: & mox de eadem lege ſcriptum eſt, eam *prohibitarum perſonarum catalogum feciſſe*. Addam argumentum meo quidem iudicio maximum. Honeſtatem jam uſque ab antiquis Eccleſiae temporibus neceſſitatem fuiſſe, Cl. Mazochius inquit. Id mihi argumentum eſt, eandem fuiſſe Romano jure vim honeſtatis; exploratum eſt enim, antiquam Eccleſiam in iis nuptiarum impedimentis, quae communia habuit cum jure Civili, leges Principum plerumque ſequutam: quod & Cujacius docuit, & ego hoc ipſo titulo admonui: ut ſtatuſi recte videatur poſſe, ſi dubium ſit Civile juſ, optimam ejus interpretem antiquam Eccleſiam eſſe. Et ita quidem Eccleſia in ſpecie, de qua quaeritur, juſ Romanum interpretata eſt. Argumentum, quo

(a) *Interdum in jure, ſed perquam raro non poſſe nubere eſt non honeſte, aut non impune nubere, licet nuptiae conſiſtant. Haec eſt ejus formulae vis in l. 11. §. 1. & 2. de hiſ, qui not. inf.*

quo id probaturus sum, eidem Cl. Mazochio profiteor me debere. Producit is in *Addendis* Synodicam Johannis Xiphilini Patriarchae Constantinopolitani Constitutionem in haec verba, *Quum jus Civile* (in d. l. 12. §. 1. & in d. §. 9. *Inst.* uti rectissime Mazochius) *patris, atque filii sponsam filio vel patri OMNINO conjungi VETET* &c. Quid sit autem omnino vetare, tute intellige. Quantum ad consanguinitatis lineas & gradus, jure Canonico novo, quod ex Ilidoriana Collectione enatum est in Occidente, juri Romano derogari videtur coepisse. Et sane quod impedimentum juri Justiniano intra certas parentum liberorumque personas subsistebat, id ad consanguineos ex latere jure Canonico novo productum est, & ad gradum usque septimum exemplo impedimenti affinitatis. Ad novum istud Canonicum jus spectat Julii Papae Decretum in d. can. 15., quod plane apocryphum est, qualia etiam esse alia, quae a Gratiano in eam rem proponuntur, jam monuit Van Espen p. 2. tit. 13. cap. 6. n. 26. Theophilo, ac diligentissimo Mazochio fraudi fuit Tribonianus locus d. §. 9., quem nemo ad hunc diem prodignitate enarravit. Quae sunt huc usque ex Romano jure dissertata, videri satis cuique possunt, ut Triboniani seu incuriam seu incitiam accuset. At nihil est, cur Triboniano irascamur. Num is hortanti similis subet? Id primum mihi venit in mentem, namque in libris juris *suadet aequitas, & aequitas exigit* unum idemque sunt, & in l. 8. C. de liberal. caus. *hortabitur* sonat idem quod *compellet*, uti bene legunt Graeci. Sed magis est, ut *rectius* non *evangelicus* positum dicamus, illudque interpretemur *recte* quod non est in jure novum. Ulpianus l. 11. §. 6. de *instit. act.*, *Quum magis hic custodis sit loco, quam institutoris*; & Pomponius l. 10. pr. de aur. arg. leg., *Id videtur legasse, quod magis illius, quam communis usus causa paratum esset*: quae huc redeunt, *Custos est, non institutor*; Illius, non communis usus. Sexcenta alia Pandectarum loca tacitis praetereo. Ejusdem locutionis exempla apud eundem Tribonianum occurrunt §. 5. de cap. min., *Quibus dignitas magis quam status permutatur, capite non minuuntur*, hoc est, *dignitas, non status*; & §. 1. quib. mod. re contrah. obl., *Is, qui solvendi animo dat, magis distrahere voluit negotium, quam contrahere*, hoc est, *distrahere, non contrahere*: quo etiam pertinet §. 6. de oblig. quae quasi ex contr. Fortasse magis appositum est exemplum ex l. 66. §. 7. soluto matr., & ex l. 82. de solut., ubi melius aequius est bonum aequum. Jam si *rectius* exponas *recte*, Tribonianum eo loco necessitatem imposuisse dicas, necesse est; namque Imp. Marcus, & Commodus in l. 14. de off. Praefid. Scapulam Tertyllum *recte facturum* rescribere, quod officio ejus omnino continebatur. Similia juris loca laudat Brissionius de V. S. Nisi Triboniani in eis in hanc sententiam accipiat, vix est, ut convenire ei possit cum Ulpiano, qui eandem speciem pertractans ait, *Nuptiae contrahi non possunt: Sponsa nubere non poterit*. Re igitur consentiunt Leges, & Canonis: verbo solo differunt inter se, nusquam enim in jure Civili, quantum memini, *honestatis* vox extat, ubi de hoc agitur impedimento. Nec quidquam oburbant Modestini verba in d. l. 42., quae nullum legitimum matrimonii impedimentum, sed solam exprimunt non necessariam honestatem; in iis enim de non honesto agitur, quod tamen licet: idque genus honestatis Canones pariter ac Leges agnoscunt. Ecce, nuptiae jure Civili intra annum luctus valent quidem, sed honestae non sunt, l. 1. & 2. C. de secund. nupr.: quo exemplo recte mihi videor aperuisse sententiam Modestini. Simile est exemplum concubinatus, quod adfert Raevardus in d. l. 197. Concubinatum jure Roma-

Romano licitum, sat norunt omnes: id si quis satis compertum non haber, adeat Cujac. in *l. 4. de concub. ex lib. 21. Resp. Pauli*. Ei, quae in concubinato est, ab invito patrono licet discedere, & alteri se dare in concubinatum, *l. 1. de concub.*; id tamen honestum non est, unde libertam id facientem Marcellus scribit *l. 41. de rit. nupt.*, *matrisfamilias honestatem non habere*. Proprie ad exemplum hoc concubinatus spectasse Tribonianum ajo, quum Modestini fragmentum Pandectis inseruit; namque illa Marcelli verba de liberta, quae se in concubinatum tradidit alterius quam patroni, *Matrisfamilias honesta: em non habuisse dico: in quae desinit l. 41.*; illa, inquam, verba proxime excipit locus Modestini, *In conjunctionibus &c.*, quae verba initium faciunt *l. 42.* Hinc vix est, ut doctissimo Mazochio assentias post *eo conjunctionibus addenti connubialibus*. De quibuslibet licitis conjunctionibus loquitur Jurisconsultus, non de solis nuptiis. Venio ad jus Canonicum, quo valent nuptiae filiorumfam. injussu parentum initae, sed non sunt tamen honestae. Synodus Trident. de *Ref. sess. 24. c. 1. pr.* Primum Canones, ubi de nuptiis cavent, *honestatis*, quae necessitas est, videntur meminisse. Sed & ipsi Romani Jurisconsulti aliud tractantes vocem illam eadem notione interdum usurparunt. *Convenire honestati heredis*, Paulus scribit *lib. 3. sent. tit. 5. §. 2.*, mortem testatoris inultam non praetermittere. Jam quod *honestati conveniens* Paulo dicitur, id in *l. 1. C. de his, quib. ut indign.* Severo & Antonino dicitur *debitum officium pietatis*, cui contrarium est crimen inultae mortis *l. 6. C. eod.* Publicae honestatis impedimentum intra quartum gradum coerceri videtur coepisse, postquam Concilium Lateran. III. conjuguitatem, & adfinitatem quarto gradu conclusit. Tandem Synodus Trident. *sess. 24. c. 3.* impedimentum honestatis ex sponalibus quoque nomine nullis omnino sustulit, ex validis vero consistere iussit intra primum gradum. Quod autem loquatur ea Synodus de Sponalibus, quae proprie dicuntur de futuro, uti a Pio V. declaratum est *an. 1568.* in Bulla, quae incipit *Ad Romanum*; conspectaneum est, impedimentum, quod oritur ex matrimonio rato, adhuc esse intra fines a Lateranensi Concilio praescriptos. Octavum est Crimen, quod duplex est, Adulterium, & Homicidium. Adulteram nubere adultero non potuisse jure Romano, liquet ex *l. 11. §. 11.*, & *l. 40. ad L. Jul. de adul.*, & *Nov. 134. c. 12.* Secundum Civile jus, quod certe sequebatur Ecclesia, scriptum est ab Augustino *lib. 1. de nupt. c. 10.*, *Marito mortuo, cum quo verum connubium fuit, fieri verum connubium non potest, cum quo prius adulterium fuit.* Male apud Gratianum *can. 2. caus. 31. q. 1.* omissa negatione legitur, *fieri potest*: uti a Romanis Correctoribus adnotatum. Idem Triburiensis Concilii Patres tradidere *an. 895. can. 51.* apud eundem Gratianum *ibid. can. 3.*, quem perperam Gratianus adscribit Concilio quodam Althaeum habito praesente Conrado Rege, quod nusquam extat. Solo adulterio matrimonium dirimi, diu docuit Ecclesia ex sententia Romanae legis. At postquam Gratianus veteres Canones his conditionibus coarctavit, si adulter nihil in mortem viri machinatus fuerit, vel si vivente viro fidem adulterae non dedit, se sumturum eam sibi in conjugem, si viro ejus superviveret, quae ejus verba sunt post *can. 3. ead. caus. & 9.*; secundum eum jus Canonicum Decretalium cavit *cap. 6. & pen. de eo, quidur. in matrim. quam polluit per adul.* Haud videri quidem Alexandrum III. in *cap. 1. eod.* Gratiani conditiones tanquam necessarias admisisse, ostendit verbum illud, quo utitur, & illam *MAXIME*, sed eas ut necessarias admisit Innocentius III. in *d. cap. 6.* Homicidio quoque dirimitur matrimonium, si

ni precaturi, aut sacris operaturi convenient, *Ecclesia* vocaretur: quo sensa Synagogis Judaicis, ac Templis Ethnicorum opponebatur. Eundem locum Ecclesiastici Scriptores dixerunt *Oratorium*, quod primum publicae Ecclesiae, tum privati sacelli nomen fuit, uti ex Euseb. lib. 10. c. 3., & Justin. Nov. 58.: *Dominicum*, hoc est, Domum Dei; unde *Dominicum aureum* Antiochiae coeptum a Constantino, deinde a Constantio absolutum apud Hieronym. in *Chronica: Basilicam*, hoc est, Regias aedes ad causas audiendas, aliumve publicum usum positas: cujus nominis origo inde repeti videtur posse, quod post Constantinum M. multae Basilicae Christianis fuere ad Ecclesiasticos conventus datae: *Titulum*, quam vocem exemplo Fisci arripuisse Christianos, Baronii conjectura est ad an. 112. n. 5., quemadmodum enim Fiscus imposito titulo, hoc est, velis quibusdam Imperatoris imagine aut nomine inscriptis rem sibi addicebat, ita Christiani Crucis imagine, aut Christi nomine Ecclesiae inscripto locum Divino cultui dictum significabant: *Templum*: qua voce post saeculum III. usi sunt primum Christiani, antea abstinerunt, quod ea propria esset paganorum; unde illud Aureliani Imp. apud Vopiscum, *Perinde quasi in Christianorum Ecclesia, non in Templo Deorum traclaretis*. Hinc illud in Origenis, Minucii Felicis, Arnobii, ac Lactantii libris haud rarum, *Christianos Tempa non habere*. Denique si quam Ecclesiam super alicujus Martyris sepulcrum extruebant, si quam aedificabant in memoriam alicujus Apostoli, aut Prophetae, eam *Martyrium*, *Apostoleum*, vel *Propheteum* Christiani dixerunt. Quod ab antiquis Patribus scriptum dixi, *Christianos Tempa non habere*, id moderniores quosdam criticos in eam opinionem adduxit, Templorum usum saeculo III. recentiore apud Christianos fuisse. At ab ipsis Ecclesiae primordiis Templorum originem arcessit Medus, peculiari *Dist.*; cujus veluti compendium quoddam habes apud Binghamum, qui & sua quaedam in eandem sententiam addit argumenta *Origin. Eccl. lib. 8. c. 1. §. 13. & seqq.* Selectiora sunt numero quatuor. Primum est. In iis Pauli verbis *ep. 1. ad Corinth. c. 2.*, *Num domos non habetis in quibus colendum, & bibendum, aut Ecclesiam Dei contemnitis? & Ecclesiam* interpretantur locum ipsum, quo Christiani conveniebant, Chrysostomus, Sedulius, Oecumenius, ac Theophilactus in Paulum. Secundum est. Therapeutas inde usque a temporibus Marci loca quaedam ad Divinum cultum secreta habuisse, scriptum est apud Euseb. lib. 2. cap. 17. Tertium est. S. Ignatius *ad Philadelphian. n. 4.*, *Unum, inquit, altare, sicut unus Episcopus*, ubi altaris mentio certum ad res sacras locum supponit. Quartum est. Alexander Severus, *quum Christiani quendam locum, qui publicus fuerat, occupassent, contra popinarii dicerent, sibi eum deberi, rescripsit* apud Lampridium c. 44, *melius esse, ut quomodocumque illic Deus colatur, quam popinarii dedatur*. Quod vero Origenes, alique aiebant, Christianos Tempa non habuisse, id ita accipiendum multis docet Medus, talia eos non habuisse Tempa, qualia gentes habuere. Antiquissima templa subrustica erant & rara, quassia fidelium paupertas, ac paucitas, temporumque formidolosorum ratio patiebatur. Tum aucta fidelibus, atque oblationibus Ecclesia, ac decrecente Christiani nominis invidia ornari coeperunt, ac frequentari. His duplex accessit causa, Christianorum Imperatorum, & quumprimis Constantini munificentia, qua summo vere Regio multa extructa sunt, & Edicta de paganorum Templis in Ecclesias convertendis, quae prostant sub *tir. Cod. Th. de Paganis*. Vetus Ecclesiae forma, & situs non semper idem. Ecclesiam voluit oblongam, navis similem Auctor *Const. Apost. lib. 2. c. 57.* Contra Constantinus, Ecclesiam super Christi sepulcrum in monte Golgotha rotundam, Antiochiae octo laterum aequalium, Constantinopoli ad formam Crucis posuif-

batur, id intra Ecclesiam erat, eoque a Diaconis, quaecumque erant ad sacram Liturgiam opus, de Diaconico magno adferebantur, ut ad manum essent: de quo Auctor *Chronici Alex.* p. 390. edit. *Par.*: *Pastophorion*, de cuius vocis significatione non idem omnibus: ut autem ejus multiplex, acceptio sit, certe tamen ea habitaculum Praepositi Templi significatio, ex Hieronymo tradit Schelstrat. *Concil. Antioch.* p. 186.: *Bibliothecae* denum, & *Schola* Ecclesiarum, de quibus Binghamus §. 12.

Aedificari Ecclesia sine conscientia Episcopi non potest. Concil. Chalced. *can. 4.*; Justinian. *Nov. 57.* Consecrandae Ecclesiae mos sane verus. Praetereo nonnullas antiquorum Pontificum Epistolas de ea re apud Gratian. *dist. 1. de consecr.*, namque omnino supposititiae sunt. Eusebium *lib. 10. hist. c. 3.*, & Athanas. *Apolog. 2. ad Constantium* laudasse sat est. Sermones in eam rem habere Episcopi consuevere, quales in *Sermonibus* Augustini non pauci sunt. Vicinis etiam Episcopos evocari, mos fuit. Aug. *ep. 269. ad Nobilium*. Quin ejus rei occasione arrepta Synodi quondam habitae: exemplique loco esse potest Antiochena Synodus *an. 341.* Consecrandae Ecclesiae jus proprium Episcopi: quumque sit ordinis, non jurisdictionis, delegari a Dioecelano Episcopo non potest, nisi Episcopo: quo referri potest *cap. 9. de consecr. Eccl.* Sed in sua tantum Dioeceli consecrare Ecclesiam licet Episcopo, non in aliena, nisi bona cum venia Dioecelani. Concil. Arausicanum *can. 10.*, & Aurelian. *III. can. 15.* Quod si vero Cathedralis Ecclesia vacaret, unum ex vicinis Episcopis consecratum acciri consuevisse, patet ex Sardonio Apollinari *lib. 4. ep. 15.*, in quem locum videndus Savaro. Vetus expediendae consecrationis ritus non idem ubique: quod vel ex una S. Ambrosii Epistola 54. manifestissimum est: recentiorum in Pontificali Romano habes. V. Bona *rer. lit. lib. 1. c. 19* Id hoc loco vos ego monitos volo, male passim pro eodem haberi Ecclesiam consecrare, ac dedicare, quum tamen alterum ab altero non parum distet. Consecrare certis ritibus, conceptisque formulis: dedicare primo rei usu continetur, ut proinde idem omnino sit, atque *ἐκκαθίστα*, quod aetate Augustini dictum *enaceniare*. Discrimen hoc debemus summo Philologo Alexio Maurochio de *Camp. Amphith. cap. 3. diatr. de Dedicat.*, & *Ep. de dedic. sub ascia cap. 1.* Repeti Ecclesiae consecrationem non posse, exemplo Baptismi, qui est veluti quaedam Templi spiritalis consecratio, docet Gratianus *dist. 1. de consecr. can. 20.*, quem is perperam tribuit Concilio Nicaeno. Id ut certum supponit Innocentius III. in *cap. 6. de consecr. Eccl.* Si pollui, seu violari Ecclesiam contingat, in ea, antequam reconcilletur, Divina peragi officia, & quumprimis Missarum solennia celebrari, nefas, *cap. ult. eod. tit.*, *cap. 11. de privileg.*, & *cap. 18. de sent. excom. in VI.* Violatur Ecclesia humano sanguine per injuriam effuso, & nece hominis etiam citra sanguinis effusionem, *cap. 4. & ult. de consecr. Eccl.*, & *cap. un. eod. tit. in VI.* Duas alias causas, quibus polluitur Ecclesia, dant *cap. 7.*, & *10. eod. tit.*, in quas v. Gonzalez. Utia consecrandae, ita reconciliandae Ecclesiae jus est ordinis Episcopalis, unde: mandari Presbytero non potest, *d. cap. 9. Reconciliari* Ecclesiam aqua cum vino, & cinere mixta per Episcopum benedicta, prostritum est. Id ad exemplum ac terrorem festi, quo peccatores inanimatum Templum purificari videntes delicti horrore concutiantur, in Coloniensi Synodo *an. 1536.* scriptum: est p. 9. c. 17.

Opportunum est nunc aliquid de jure patronatus delibare. Quorundam opinio est, tribus potissimum modis jus patronatus acquiri, Ecclesiae *fundatione, constructione, donatione*. Dicunt *Fundatorem*, qui fundum, seu arcem

dat: *Constructorem* autem eum, cujus aere Ecclesia erigitur: denique *Dotantem*, qui certam dat pecuniae summam, quae *ad luminaria, ad custodiam, ad stipendia custodum, & ad Ecclesiae cultum* sit satis, *can. 7. de consecr. dist. 1.* De Fundatoribus loquuntur *can. 26. caus. 16. q. 7. & cap. 15. & 15. de jure patron. : de Constructoribus d. can. 26., & can. 31., & can. 31. ead. caus. & q., & d. cap. 25. : de Dotantibus d. can. 31. & d. can. 9. At vero Van Espen p. 2. tit. 25. c. 3. n. 5. & seqq. nonnullos sequutus contendit, non sola fundi datione, aut constructione jus patronatus adquiri, fundatoremque eum proprie dici, qui & fundum, & dotem pro aedificanda, tuendaque Ecclesia dedit, quum quia Canones *fundationis* nomine *constructionem, & dotationem* intelligunt: quod abunde demonstratum est a Francisco Roye *Prolegom. ad tit. de jure patron. c. 13. : tum quoniam aedificare Ecclesiam Canones non sinunt, qui prius non constituerit dotem, d. can. 26. caus. 16. q. 7., & d. can. 9. dist. 1.* Quid sit sentiendum in hac re, colligi facile videtur posse ex Concilio Trident. *sess. 14. cap. 12., ubi, Nemo . . . nisi Ecclesiam . . . de novo fundaverit, & construxerit, seu jam erectam, quas tamen sine sufficienti dote fuerit, de suis propriis & patrimonialibus bonis competenter dotaverit, jus Patronatus impetrare aut obtinere possit, aut debeat.* Hinc habes, sola fundi datione, aut constructione sola jus Patronatus non adquiri; ait enim Concilium, *fundaverit, & construxerit.* Potes etiam hinc species duas distinguere, alteram, quum Ecclesia non dum est erecta, alteram, quum erecta jam est: quae duplex species haud obscure est expressa in iis Concilii verbis *DE NOVO . . . seu JAM ERECTAM.* Si quis novam extruere Ecclesiam velit, is tum demum patronus erit; quum & *fundaverit*, hoc est, aream dederit, & *construxerit*, hoc est, suo summu curaverit aedificandam, et, quod secundum Canones subaudiendum necessario est, congruam dederit dotem. Quod si jam extructa Ecclesia sit, hujus tamen dos aut omnino aut ex parte perierit, qui eam pro dignitate dotaverit, is, etiamsi nec fundaverit, neque extruxerit, nihilominus erit patronus. Sed si alius jam sit Ecclesiae patronus, hunc interpellari, est opus. Eorum autem Canonum, quos laudant prioris sententiae auctores, nullus est, qui aut solam areae dationem, aut solam constructionem, solumve dotis constitutionem satis esse perspicue tradat: quin omnes vocabulo *fundationis*, aut *constructionis* & dationem soli & aedificationem comprehendunt, & porro dotis constitutionem ex regula Ecclesiastici juris supponunt. In solo *can. 31.* per disjunctionem scriptum est, *qui construxit, vel dotavit Ecclesiam*; sed quid vetat, quominus verba haec eo discrimine intelligantur, quod superius propositum est? De jure patronatus praescriptione, aut privilegio summi Pontificis adquisito v. Van Espen d. c. 3. n. 16. usque ad finem. Multo sunt, quae debentur patrono. Debetur ei *honor processionis, cap. 21. de jure patron.,* qui honor in eo est positus, ut ei ad Ecclesiam advenienti Clerus certo ordine procedens occurrat, qui tamen honor non nisi Regibus, aliisque Principibus habetur: utque ei in publica processione locus honoratior detur: de qua in Pontificali Romano *tit. de consecr. Eccl.* Quod vero in *d. cap. 25.* additur, *sicut in sacris est Canonibus institutum*, id passim referunt ad *can. 26. & 27. caus. 16. q. 7.,* quos sub nomine Gelasii Papae proponit Gratianus. Dicitur ibi, nihil fundatori Ecclesiae deberi, *nisi altarium processionis.* Sed quid istud sit, non liquet. Adeundi Florens, Cironius, Hallerius, Gonzalez, Roye, alique. Id ego satis comperum habeo; nihil si Canonibus fundatori proprium attribui; namque de eo aditu haec habentur *can. 26., qui omni Christiano debetur, & can. 27. haec, qui Christianus omni-**

mnibus in commune debetur. Quae vero comminiscitur Glossa in eos Canones, ea certe risum movent. Porro si patronus ad inopiam vergat, ab Ecclesia illi modeste (al. moderate) succurritur, sicut in Sacris est Canonibus institutum, inquit cap. 23. de jur. patron., ejus novissima verba spectant ad can. 38. Concilii Toletani IV. apud Gratian. can. 30. caus. 16. q. 7. Sed praecipuum Patronis jus est praesentatio, cap. 1. de Praeb. in VI. Olim honorifica tantum jura debebantur Patrono, jus autem praesentandi a jure patronatus erat omnino sejunctum, quod patet ex Innocentii III. rescripto lib. 3. Regest. ep. 192, ubi praesentationem nomine collationis designari, docet Bosquetus. Sed obtinuit tandem, ut jus praesentandi proprium esset Patronorum. Jam praesentare est certum hominem offerre Episcopo, qui eum in vacante Beneficio instituat, si idoneus est: qua de re interpretes Decretal. in tit. de jure patron., & Van Espen cap. 5.

TITULUS ULTIMUS.

De Bonis Ecclesiasticis.

Latissime patet hoc Caput; sed mihi tamen satis erit, rerum, quae eo comprehenduntur, origines indiguisse. Res Ecclesiasticae primum donatione, tum successione sive testamentaria sive legitima quae sitae sunt. Confluxisse olim fideles dividendorum praediorum pretium Ecclesiae offerre, in Actis Apost. c. 4. v. 34. memoriae proditum est. Ipsi etiam Imperatores Christiani usque ad Julianum certam pecuniae quantitatem pendi Ecclesiis de publico aerario jussere, uti idem Euseb. c. 6., & Sozom. lib. 5. hist. c. 5.: quam liberalitatem restituit Marcellianus l. 12. C. de SS. Eccl.: saepe etiam paganorum Tempia, redditusque Templorum Ecclesiae adjudicarunt, l. 20. Cod. Th. de pagan. Spectant hunc Primitiae, ac Decimae. Primitiarum mentio est in can. Apost. 4., & lib. 8. Const. c. 40.: Decimarum apud Hieronymum in Malach. c. 3., Chrysost. hom. 3. in ep. ad Ephes. Primitiae sunt primi rerum fructus: appellatione Decimae venit decima omnium fructuum, ac proventuum pars. Quis sit Primitiarum modus, quibusve ex rebus praestentur, non potest una definitione comprehendi, proindeque propria cujusque loci consuetudo spectanda est, uti bene Hostiensis in cap. 1. de decim. Decima etiam, licet ubique Decima dicatur, tamen alibi minor, alibi major pars est: quodque est super ea usu receptum, id jus esse debet. Primitias ac Decimas praecepto Divino Hebraeos solvisse, multis scripturae locis scriptum est. Eodem Divino praecepto Christianos teneri, opinio est nonnullorum, quibus subscribit Binghamus lib. 5. c. 5. §. 1. maxime ob loca Origenis hom. 11. in Num. 18., Hieronymi in Malach. 3., & Augustini in Psalm. 146. Sed iis tamen locis consilium continetur, non praeceptum: quin Hieronymus praecepti nomine consilium intelligit; ait enim de Christianis, Quibus praeceptum est non solum Decimas dare, & Primitias, sed & vendere quae habent, & dare pauperibus. Hoc novissimum praecepto includit Hieronymus, sed hoc certe consilium est. Atque id maxime causae est, cur Augustini Sermonem de reddendis Decimis Critici ad apocrypha ablegent, quod eo id exprimat, Decimas ab Ecclesia ex debito requiri: quum contra ex Augustini Sermone 3. in Psalm. 103. n. 9., & enarratione Psalm. 146. n. 16. & 17. haud obscure liqueat, ejus aetate Decimas Clericis non dum datas. Confirmat haec Irenaeus lib. 4. c. 32., ubi Christum suis discipulis dedisse consilium scribit, ut Primitias offerrent. Denique Chrysostomus laudato loco refert,

ra-

rarum suo aevo, ac mirum fuisse Decimas dari. Primum igitur Ecclesiastica Constituitur Primitiarum, Decimarumque imposuit necessitatem: & fortasse ex crebris Patrum exhortationibus consuetudo enata, ex consuetudine Canon. Circa saeculum VI. Hispalensis quaedam Synodus apud Ivonem Carnot. p. 3. *Decret. cap. 174.* Primitias: sub finem saeculi V. Caesarius Arelatensis, quem Sermonis Augustino perperam adscripti faciunt auctorem, & saeculo VI. Synodus Matifconensis II. *can. 5.* Decimas imperarunt. Quod vero naturali pariter ac Divino jure alimenta debentur iis, qui Altari ministrant, Decimas generali alimentorum sensu acceptas non ab hominibus, sed ab ipso Domino institutas recte dici ajo, uti est in *cap. 14. de decim.* Adi Gonzalez in *cap. 32. §. 1. eod.* De Jure Parochorum ad Decimas extat peculiaris Tractatus Bernardi Van Espen. Maxima igitur Ecclesiasticorum reddituum pars posita erat in populi donationibus, quae, quod Deo fierent, Oblationes dicebantur. Oblationum autem duplex genus, alterum earum, quae Sacrificium, alterum earum, quae Ministrorum Ecclesiae sustentationem, ipsiusque Ecclesiae cultum spectabant. Ad posterius hoc genus ea referantur, quae recensui: quod ad prius illud, scitote, jam inde ab Apostolicis temporibus inductum, ut populus panem, & vinum offerret ad Altare. Hujus consuetudinis testes laudo Justinum Martyrem *apol. 2.*, Tertullianum *apol. 2. 39.*, & Cyprianum *de oper. & elemos.* Nemo cogebatur offerre, uti diserte Tertullianus: turpe tamen erat, eam non offerre, qui posset, uti colligere est Cypriano, & luculentius ex Auctore *serm. 215. de temp.*, sive is Augustinus sit, sive alius. Eo pane, ac vino corpus, & sanguis Christi conficiebatur, quod ex laudato Cypriani loco patet, & maxime ex Joh. Diacono in *vita Gregorii M. lib. 2. c. 41.*: si quid vero supererat (supererat autem saepissime) id in alendos pauperes, & quum primis eos, qui Christi nomen confessi vinculis detinebantur, ab Episcopo erogatum, scribunt Justinus, ac Tertullianus. Offerebantur ad Altare panis, & vinum, *can. Apost. 3.*, & *can. 24. Carthag. III.*, oleum etiam ad luminaria, & incensum, *can. Apost. 4.*, & solennissimo die in infantum mysterio, hoc est, sabbato magno, quod tollennis Baptismi solenne tempus erat, *mel, & lac*, quibus recens baptizatos vesci solitos, alibi dictum. Saeculo X. coepisse nonnullos pro pane ac vino denarios offerre, ac tandem saeculo XIII. oblatos passim denarios, unde hodierni Missarum honorarii origo, demonstrat Lupus in *can. 13. Concilii Rom. V.* Solos communicantes obtulisse, quos laudavi Patres, & Patres II. liberitani docent *can. 28.* Hinc peccatorum oblationes rejiciebantur, uti Auctor *Const. lib. 3. c. 8.*, & *lib. 4. c. 6.* Chrysost. *hom. 86. al. 87. in Matth.*, Concil. Carth. IV. *can. 93.*: item Ennergumenorum, & Poenitentium, *can. 29. Concil. III. lib. 1. c. 12.* Arelat II. Denique offerentium nomina publice recitari ex Diptychis (a) consuevisse, habes ex *d. can. 29.*, & Innocentii I. *ep. ad Decent. c. 2.* Multa de hac re Albaspinacus *lib. 1. obs. c. 17.* Utraque etiam successione acquiri bona Ecclesiae coeperunt. Constantinus I. *C. eod.* unicuique bonorum, quod optasset, testamento Ecclesiae relinquere per-

(a) Diptycha Ecclesiastica erant sacrae tabulae, uti ea appellat Auctor Librorum de Eccl. Hier. lib. 3., ex quibus quorundam quum viventium, tum defunctorum nomina inter sacra mysteria Diaconus de pulpito recitabat. Multiplex fuit eorum usus, de quo Cabassutius in *Notis. sac. II. diss. 15.*, & Binghamus *Orig. lib. 8. c. 5. §. 4.*, *lib. 15. c. 3. §. 16.*, *lib. 16. c. 3. §. 12.*, & *lib. 19. c. 2. §. II.*

mist: quodque morientes multo liberaliores sunt, vere a Sozomeno dictum
lib. 7. c. 37., Ecclesiam bona sua prope omnia ei Constitutioni debere, quam
 a successoribus confirmatam, quidquid alii sentiant, post J. Gothofr. probat
 Binghamus *cap. 4. §. 6.* Idem Constantinus, uti in ejus Vita Eusebius scribit
lib. 2. c. 36., Martyrum, & Confessorum nullo cognato superflite deceden-
 tium hereditates: ac Theodosius Junior, & Valentianus III. l. 20. C. de
Epif. intestatorum Clericorum hereditates, quae nulli deferebantur cognato,
 Ecclesiis detulere jure quodam legitimae successionis. Olim Ecclesiastici pro-
 ventus arbitrio Episcoporum inter Clericos tribuebantur, *can. Apost. 39.*,
& can. 41. Primum Episcopi quotidianas sportulas, hoc est, certam panis,
 vini, carnis, ac reliqui alimenti quantitatem inter Clericos partiebantur:
 ac porro eis majores quasdam portiones mensruas dabant: de quo utroque
 partitionis genere Cyprianus *ep. 28. al. 34. ad Cler.*, & abunde Lupus in
can. 10. Concilii Tholosani Victoris II. Hinc Clericos *mensurna divisione*
 poenae nomine abstineri, mos fuit: sed & Ecclesia, & maxime pauperes
 veniebant in partem, uti Episcopus arbitrabatur: unde Ecclesiae bona *pa-*
trimonium pauperum dicta: qua de re Van Espen *de inst. & off. Canon. p. 2.*
cap. 5. §. 5. Volventibus annis deficiente sive Episcoporum sive Oeconomorum in
 distribuendis Ecclesiarum redditibus fide, Clericisque de ea re conquerentibus,
 dispesci in certas partes coeperunt. Passim quatuor eorum partes factae sunt,
 quarum prima Episcopo, secunda Clero, tertia pauperibus, quarta cessic fa-
 bricae: datulque singulis Oeconomus ab universo Clero eligendus, qui ad-
 ministrationis suae redderet rationes. De hujus partitionis auctore non con-
 stat. Eam Concilio Toletano I. videtur tribuisse Gratianus *can. 31. caus.*
12. q. 1., sed, ut alia desint argumenta, quibus is Canon ad suppositicia
 rejiciatur, certe hoc uno rejicitur satis, quod Hispanica Ecclesia tres redi-
 tum semper fecerit partes, non quatuor, ut aliae: quod ex Synodo Eme-
 ritensi *can. 16.*, aliisque tradit ibidem Lupus. Ejus meminit S. Simplicius
 P. apud Gratian. *can. 12. caus. 38. q. 2.*: ejusque auctorem sua aetate antia-
 quiores esse S. Gelasius inquit *ep. 9. ad Brutiorum*, Lucaniae, ac Siciliae
 Episcopos; sed quis is fuerit, omnino tacer. Simplicius *an. 468.*, Gelasius
an. 492. Pontificatum iniere. Tum invaluit, ut Clericis, qui egregiam Eccle-
 siae praestabant operam, Episcopi praedia ipsa darent ad tempus utenda:
 quod incunte saeculo VI. fieri jam coeptum, probat Symmachi P. Epistolar
can. 61. caus. 19. q. 1., in quam v. Baron. ad *an. 502.* Demum non uno
 tempore, aut generali aliquo, certoque Canone, sed citius alibi, alibi se-
 rius usu ipso inductum est, ut dividerentur fundi inter Clericos, qui de iis
 ipsi sibi fructus perciperent ad vitam: qualia Ecclesiastica Beneficia nunc
 sunt: quae vox ex intima latinitate defluxit; nam quod Barbari *Feudum*,
 id Latini est *Beneficium*, uti multis Hothomani *comm. de verb. feud.* Quod
 autem uti militibus bene merentibus initio data sunt feuda, sic praedia Ec-
 clesiae bene merentibus Clericis tanquam Christo militantibus dari coepe-
 runt, hinc factum Beneficiorum nomen. Recte igitur Beneficium definiunt
 Canonistae perpetuum jus percipiendorum fructuum de bonis Ecclesiasticis
 officii causa ab Ecclesia constitutum. Momentosa sunt verba illa officii *causa*,
 nam *Beneficium* datur propter officium, *cap. ult. de rescript. in VT.* Jam si
 qua proventuum pars, quae Beneficiatio superlit, ad levandam alicujus Clerici
 inopiam seponatur, ea Ecclesiastica Pensio dicitur: cujus, si ea, uti debet, jure
 eleemosynae censeatur, antiquissima origo est: extantque ejus exempla in Chal-
 cedon. Concilio *act. 10. 12.*, & 14. De Pensionibus late, & scite Van Espen p. 2.
tit. 28.

In-

INSTITUTIONUM

CANONICARUM

LIBER III.

TITULUS I.

De Ecclesiastica Jurisdictione.

¶ P

Otestatem in Christianos a Christo Ecclesiae datam, verba haec Christi non obscure commonstrant *Luc. 10. v. 16.*, *Qui vos audit, me audit: qui vos spernit, me spernit*: Latinis autem, uti & Hebraeis, & Graecis, quod *Audire*, idem est etiam *Obedire*. Porro ei parendum, cui iubendi jus est. Jam vero Ecclesiae potestas duplex, altera, quae in interiori, altera, quae in exteriori foro exercetur. Utraque a Christo est. Priorem expressit Christus his verbis *Joh. 20. v. 23.*, *Quorum veniseritis peccata, remittuntur eis, & quorum retinueritis, retenta sunt*: posteriorem his *Matth. 18. v. 15.*, *Si peccaverit in te frater tuus, vade, & corripe eum inter te, & ipsum solum: si autem te non audierit, adhibe tecum adhuc unum, vel duos testes: si non audierit eos, dic Ecclesiae*, hoc est, Conciliis, aut Episcopis, accepta eo loco Ecclesia ex sententia Judaeorum, quales erant Apostoli, quos Christus compellat: Judaei autem Ecclesiam dixere aut conventum in Synagoga habitum, aut Principes Synagogae. *Si Ecclesiam non audierit, sit tibi sicut ethnicus, & publicanus*, quos Judaei Synagoga excludebant. Amen dico vobis: quaecumque alligaveritis super terram, erunt ligata & in Caelo, & quaecumque solveritis super terram, erunt soluta & in Caelo.

Sacerdotii autem, atque Imperii certi sunt fines. *Regnum suum non esse de hoc mundo*, inquit Christus *Joh. 18. v. 36.*, hoc est, temporale Regnum non esse, uti ex Patrum sententia eum locum exponit Augustinus Culmet: proindeque cuidam judicium, seu potius arbitrium ejus expoicenti super familia eriscunda, respondit *Luc. 12. v. 14.*, *Quis me constituit judicem, aut divisorem super vos?* quo verbo nihil sibi esse cum temporalibus ostendit. Calmet in eum locum. Porro Paulus Apostolus *ad Rom. 13.* diserte ait, *omnem animam*, hoc est, laicos aequae atque Clericos, uti Paulum interpretantur Aug. ep. 197., Bernard. ep. 42., Chrylost., Theophylact., Oecumen. in d. c. 13., *Potestatibus sublimioribus subditam esse*, hoc est, Potesta i civili, cui tantum conveniunt gladius, ac tributum, quorum Apostolus mox meminit. S. Basil. in *Monast. Instit. c. 27.* (a) Igitur spiritualia Sacerdotum, temporalia sunt Principum. Olius Cordubensis Episcop. apud S. Athanas. ep. ad solit. vit. agen., Nicolaus I. ep. ad Michael. in can. quum ad rerum dist. 96., Symmachus Apolog. adv. Anastas. Imp., Synellus ep. 57., Nazian. ep. 227. ad Nector., Gelasius P. ep. ad Anastas. Imp. in can. duo sunt dist. 96., Gregorius II. ep. ad Leon. Maur. ante VII. Synodi acta. Et certe animo zelo tribuendum, quod Bonifacius VIII. Philippo Pulcro iratus scripto expressit, in temporalibus etiam sibi Reges subesse: & rectissime id Clemens V. emendavit, *Extracrag. com. cap. 2. de Privileg.*

At

(a) Fuisse hoc argumentum persequor lib. 1. juris. Ncap.

At vero Apostoli temporalia quoque tribuerunt sibi, non jure suo, hoc est, non jure, quod vi institutionis sibi tanquam Episcopis competeret, sed studio caritatis ac Religionis, tanquam bene morati, & Christiani viri. Et sane Christiana morum Philosophia in caritate posita est: caritas ne levem quidem patitur animorum dissensionem: nec sine animorum dissensione lites exercentur. Hinc Patrum sententia, Christianum caritate perfectum non decere sibi abiata reposcere. Conceptissimus est in hanc rem Pauli locus 1. ad Corinth. 6. v. 7., *Omnino delictum (a) est in vobis, quod judicia habetis inter vos. Quare non magis injuriam accipitis? Quare non magis fraudem patimini?* itemque Pauli locus 2. ad Timoth. 2. v. 24., *Servum Dei non oportet litigare.* Paulo praeivit Christus ipse *Matth. 5. v. 38., Non resistere malo.... & ei, qui vult tecum judicio contendere, & tunicam tuam tollere, dimitte ei & pallium:* & *Luc. 6. v. 30., Qui aufert, quae tua sunt, ne repetas.* Doctrina haec tam alte insidebat animis veterum Christianorum, quorum tanta caritas fuit, quantam omnes norunt, ut plerique litibus abstinere: iussi vero, sed ii tamen minus perfecti *Ecclesiastico* judicio, non forensi, ut loquitur *Aug. lib. 2. ad Bonif. c. 1.,* repaterent sua: quod delictum quidem fuisse, inquit *Aug. lib. 50. Hom. ult.,* puta, leve peccatum, quod vulgo dicimus *imperfektionem*, sed ferendum tamen ex sententia Apostoli agentis 1. ad Corinth. 6. v. 1., *Audet aliquis vestrum habens negotium adversus alterum judicari apud iniquos, & non apud Sanctos?* quo loco iniqui sunt ethnici, quos *ep. ad Galat. 2. v. 15. peccatores* appellat: Sancti sunt fideles, & maxime Episcopi, & Clerici; non enim Apostolus nominatim Episcopis, & Clericis id onus imposuit, ut ad componendas lites adhiberentur: nec laicos sapientia & sanctitate morum praeclaros rejecit: quin diserte subdit *v. 4., Contemtibiles, qui sunt in Ecclesia, illos constituite ad judicandum*, quali dicat, despectissimos fidelium optimis ethnicorum praeponendos esse: & mox *v. 5., Ad verecundiam vestram dico. Sic non est inter vos sapiens quisquam, qui possit judicare inter fratrem suum?* Quod vero laici vulgo judicium Episcoporum, & Clericorum sanctius habeant, quam laicorum; hinc factum, ut Christiani olim suas lites deferrent ad Episcopos tanquam ab arbitris componendas; atque Episcopis religio esset id oneris detrectare. Ceterum Sylvanum pientissimum Troadis Episcopum, quum suos Clericos, quos dirimendis controversiis dare judices solebat, aliquod inde sibi captare lucrum animadvertisset, laicos aequitatis studiosos dedisse cognitores, apud Socratem scriptum est *lib. 7. c. 37.* Haec fecere, ut & antiquam Episcopos in civilibus causis adeundi consuetudinem confirmarint, & Episcoporum auctoritatem multis pro sua pietate accessionibus adauxerint Principes Christiani, Constantinus M., cujus Constitutionem Eusebii, ac Sozomeni testimoniis falsi nota vindicat contra Jac. Gothofredum, Carolum Loyseum, & Fevretium *Alteferra de jurisd. Eccl. lib. 1. c. 7.;* Arcadius, Honorius, ac Theodosius *l. 7., & 8., C. de Ep. aud.,* alique; modo ex consensu Episcopus adiretur. Haec eadem fecere, ut vel post exclusos Cùria gentiles vetus diu steterit disciplina, & forte usque ad exitum saec. XII: quod fusc enarrat *Thomasinus de Benef. p. 2. lib. 3. c. 101., & seqq.* Et vero per id tempus, quo judicia apud ethnicos agitabantur, ea quoque ratio & quidem summa Christianum hominem abstinere litibus jubebat, quod ejus

Tom. IV.

Q

no-

(a) Species nonnullas, quibus judicio contendere delictum non est, recensent *Estius, & Calmet* in hunc locum.

nomen vilesceret apud profanos, & Christianorum dissidiis Religio ipsa fieri apud gentes despectior videretur: quo pertinet *ad iniquos* in textu Pauli: quod momentosum verbum est. At non hoc uno peccabant Corinthii, quod agerent apud *iniquos*. Eo etiam peccabant, quod litigarent (a), ferendi tamen, si negotia sua arbitrio committerent Episcoporum, qui arbitrium accipientes id spectabant unum, ut ne sanctissima lex caritatis laederetur. Sane, quod experimento compertum est, qui sunt iudicio victi, ut ut recte iudicatum intelligant, eos vel mediocriter commoveri; Episcopi studio pacis aequitatem sequebantur, tanquam pacis interpretes inter amicos, non jus scriptum (b), tanquam iudices inter litigatores, & temperamento aliquo dissidentes in concordiam adducebant, uti de Gregorio Thaumaturgo Nyssenus in *eius Vita*, ac de se ipse testatur Ambrosius *ep. 24.* studebantque temporis compendio, ut animorum motus quam citissime resideret, Auctor *Const. Apost. lib. 2. c. 45.* atque ut omnino resideret, saepe iurejurando super altare, vel reliquias Martyrum lites finitas, Gregor. Turon. *lib. 5. c. 32. V. Cironium 2. Obs. 4.* Quod si arbitrium haud feliciter cessurum prospicerent, iudicium ne reciperent, monebat Ambrosius de *Off. lib. 2. c. 24.* *constantiae* tamen esse aiebat *adesse aequitati*.

Postquam vero Clerici imperio Magistratus in pecuniariis causis exempti sunt, qua de re latissime *lib. 1. tit. de Clericis*; contra eos apud Episcopum necessario agendum est: earumque causarum iudex proprie Episcopus, non *arbitr*: atque hinc iudicia Episcoporum *Civilia*, de quibus agere institutio *hoc lib. 3.* de *Criminalibus* acturus *lib. 4.*

Porro & si olim, quum Episcopi non inter Clericos solum, sed & inter laicos arbitria suscipiebant, exercendorum iudiciorum ratio expeditissima esset: nec forte minus expedita, quum rite instituto iudicio adversus Clericos civili foro exemptos agebatur; unde Justinianus *Nov. 83.* conveniri Clericos apud Episcopos iussit, ne eos longae fori secularis ambages a sacris advocarent; tamen procedente tempore coepit obturbari, ac postremo forenses tricae in Ecclesiastica Tribunalia irreperunt: quam ego causam statuo, cur tandem desierint Episcoporum arbitria in causis laicorum. Id vero Clericis tribuendum, qui quod post occupatam a barbaris Italiam Romanis legibus viverent, ac fere soli Latine scirent, in Ecclesiasticum forum intulerunt fori Romani formulas, quas laici iudices, ut plurimum milites, ignorabant: quumque coepissent Clerici laicis adsidere, mox eo ventum est, ut vel ipsa secularis fori ratio implicior per eos facta sit: quod non uno hujus libri loco exemplis patebit.

TITULUS II.

De Iudice, Actore, & Reo.

TRes sunt, qui in iudiciis maxime spectantur, Iudex, Actor, Reus; quid enim aliud Iudicium, nisi disceptatio, quae sit ex parte actoris, & rei apud Iudicem liti finiendae gratia? Iudicem definitio Virum bonum ad

(a) Si tam severe cum laicis, quanto severius cum Clericis actum? V. Thomassin. p. 2. de Benef. lib. 3. c. 102.

(b) Ubi obscurum jus erat, consultos ab Episcopis honestos, legumque peritos laicos, liquet ex Aug. de Divers. serm. 49.

ad lites dirimendas publice constitutum. Saepe in libris juris civilis *iudex vir bonus* dicitur l. 137. §. 1. de V. O. Romanorum discrimen inter *Judicem*, & *Magistratum*, quae duae voces passim separantur in Pandectis, hic nihil moror: *Judicem*que generaliter esse ajo, qui de re aliqua cognoscit, & *judicat*, sive suo jure, sive ejus auctoritate, cujus *jurisdictio* est; maxime quum temporibus Justiniani, & jam inde usque a Diocletiano, & Maximiano dandorum *judicum* more sublato Magistratus ipsi *judicarent*, l. 2. C. de *pedan. judic.*, quo spectat titulus Codicis de *jurisdictione omnium judicum*: qui de *jurisdictione* inscribitur in Pandectis. Duaren. in tit. ff. de *jurisd.* c. 2. Distinguunt Canones inter *Ordinarium* *Judicem*, & *Delegatum*: prostatque de utroque *judicum* genere duplex titulus in Decretalibus. *Ordinariorum* *judicum* extat quoque mentio in Legibus, sed sensu longe alio. V. Cujac. in l. 2. de *judic.* Extat & mentio *Delegatorum* in l. 5. 11., & 14. C. de *judic.* eo sensu, quo *dati judices* dicuntur. Brisson. de V. S. v. *Delegari*. Sed & *Ordinarium* Latinis dictum in eam ipsam sententiam, in quam Canones *Ordinarium* *judicem* appellant; nam Latine *Ordinariis* Consulibus *Suffecti*, & *Ordinariis* servis opponuntur *Vicarii*, Suet. in Galba c. 6., & in Domit. c. 2. Ulp. l. 18. de *pecul.*, uti in Canonibus *Ordinariis* *judicibus* *Delegati*: & quemadmodum *suffecti*, & *vicarii* servi *ordinariorum* Consulum, & servorum vices explebant, ita *delegati* vice funguntur *judicum* *ordinariorum*. Utriusque generis *judicum* definitiones contice ex Juliani verbis l. 5. de *jurisd.*, *More majorum ita comparatum est, ut is jurisdictionem mandare possit, qui eam suo jure, non alieno beneficio habet*. Quam quis suo jure habet, eam Canonistae *ordinarium* *jurisdictionem* dicunt: tu non inelegerant *propriam* quoque dices: *quam habet beneficio alieno*, dicunt *delegatam*: tu & *alienam*, & *mandatam* recte etiam dices. Igitur *Ordinarius* *iudex* est, qui *jurisdictionem* *habet suo jure*, hoc est, ex officio, seu ex lege, quae officium expliat, cap. 1. de off. Vic. in 6. *Delegatus* est, qui *jurisdictionem* *habet beneficio alieno*, hoc est, ab alio *mandatam*, seu *translatam*, l. 1. §. 1. de off. ejus, cui *mand. est jurisd.* Sed ne putes, quod satis multi, *judicem datum*, eumque, cui *mandata est jurisdictio*, nihil differre. Hi longe diversi sunt inter se. Primum is, cui *mandata est jurisdictio*, *mandare jurisdictionem* non potest, l. 5. ff. eod. tit., & d. l. 5. de *jurisd.*, *judicem dare potest*, l. 12. §. 1. de *judic.*, quem *dare iudex* *datus* *vetatur*, l. 5. C. eod. Deinde is, quum recte det *judicem*, certe *jurisdictionem* *habet*, l. 3. de *jurisd.*, quumque *habeat jurisdictionem*, & *imperium* *habet eum jurisdictione* *cohaerens*, proinde suam ipse *sententiam* *exequitur*: at *datus iudex notione* *habet*, quam vulgo *nudam* dicunt, hoc est, *simplicem cognitionem*, seu *adientiam*, l. 5. de *re judic.*, ejusque *sententiam* *exequitur*, qui eum *dedit* l. 15. eod. Postremo quum is, cui *mandata est jurisdictio*, vice *mandantis* *fungatur*, l. 16. de *jurisd.*, ab eo non *provocatur* is, qui *mandavit*, sed qui *provocaretur* ab eo, qui *mandavit jurisdictionem*: contra a *judice dato* *appellatur*, qui *dedit iudicem*, l. 1. quis a quo *appell.* Duaren. in eund. tit. c. 3. Num vero *delegatus iudex* apud Canonistas is sit, cui *mandata jurisdictio* est, an *iudex* *datus*, quaesitum video. Utrumque *judicum* genus *Delegati* nomine *Leges* designant. l. 1. de *damni infect.*, l. 5. 11. & 14. C. de *judic.*: at vero Canones *Delegatum* *proprie* dicunt, cui *mandata est jurisdictio*, namque *exequi eum* *posse sententiam*, tradunt. Gonzalez, & alii, qui in id laudant cap. 7., 26., & 29. de off. & pot. deleg., parum meo *judicio* vident in hac re; namque iis locis de eo agitur, qui a Summo Pontifice *delegatus* est:

constat autem, vel datum iudicem, si a Principe sit datus, jurisdictionem habere, unde & iudicem dat, l. 12. C. de iudic., & l. unic. C. qui pro sua iurisd., ac proinde exequi iudicatum l. 15. de re iudic. Mihi laudare sat est cap. 9. eod. tit., ubi Alexander III. Brixienſi Episcopo reſcribit in hac verba, *Ex quo iudex delegatus per ſe, aut per alium ſententiam executioni mandavit, vel praecepit mandari, ejus auctoritas & jurisdictio ceſſat*: quae quum generaliter de delegato iudice ſcripta ſint, non mihi videtur bona ſi- de agere vetus ejus capituli Gloſſator, qui textum accipit de eo, quem Pa- pa delegavit.

Agere poſſunt omnes, qui non prohibentur. Jure civili minor *curatore conſentiente intendere litem debet* l. 2. C. qui legit. perſ. ſtand. in judic.: jure Canonico pabes in *beneficialibus*, & aliis cauſis ſpiritualibus, nec non & *dependentibus ab eiſdem* etiam ſine curatoris conſentia poteſt, cap. 3. de judic. in 6. Jure civili filiusfamilias ſuo nomine agere ſine patris voluntate regulariter non poteſt, l. 8. C. de bon. quae lib.: jure Canonico poteſt in iis cauſis, d. cap. 3.

Reus in competenti foro conveniendus. Forum, ſeu *Forus*, uti Iſidorus loquitur cap. 10. de V. S. non jure a Polleto repreſentus *Hiſt. Fori Rom. lib. 1. c. 1.*; nam virile ejus nominis genus Lucilii, Salluſtii, & Victorini Afri testimoniis adſtruit Cujacius in tit. *Decret. de for. compet.*; Forum, inquam, & negotiationis, & exercendarum litium locus fuit. Egregie prae- ter ceteros de hac re Polletus lib. 1. c. 1., & 2. Competens forum eſt fo- rum iudicis rei proprii, quem & *competentem* paſſim dicunt, & recte etiam dixeris *congruum*, uti e contrario non competens iudex *incongruus* appella- tur, l. 1. C. de iurisd. omn. judic. Facit huc vulgata juris utriuſque regula, *Actor rei forum ſequitur*, l. 3. C. ubi in rem actio, l. 2. C. de iurisd., cap. 5. & cap. 8. de for. comp.; quod enim reus in iudicium venit invitus, unde olim in jus per vim raptus, cogi niſi a iudice ſuo non poteſt, l. 3. C. de judic. Locum habet ea regula inter Clericum, & laicum, ſi temporales cauſae agantur, in quibus fori ſecularis gratia Clericis facta eſt; ſpirituales enim ſive cum Clerico, ſive cum laico agantur, jure Divino ſemper apud Eccle- ſiaſticos iudices diſceptandae, uti principio dictum. Niſi igitur ſpiritualis ſit cauſa, Clericus adverſus laicum apud laicos: laicus adverſus Clericum apud Eccleſiaſticos iudices agit. Juſtiniani Conſtitutione in l. 51. de Ep. & Cler. poterat Clericus in conſcribendo *inſtrumento* pactici non uſurum ſe fori prae- ſcriptione ob regulam juris antiqui, omnes licentiam habere his, quae pro ſe *indulta ſunt, renunciare*; unde & mulier Vellejana, l. ult. §. pen. ff. & l. 21. C. ad Vellej., & Princeps, qui ſolutus eſt legibus, l. 31. de leg., l. 23. de leg. 3., ſuo interdum privilegio renunciat, l. 4. C. de legib., l. 4. C. ad l. Falc., §. ult. Inſt. quib. mod. teſt.: at Innocentii III. reſcripto in cap. 12. de for. compet., quod contra Cujacium tueretur Cironius Parat. de pact., & Gonzalez in d. cap., & contra Fevretium Alteſſerra de iurisd. lib. 3. c. 4., ne juratus quidem poteſt. Ita ſapientiffimus Pontifex dignitati ordinis con- ſuluit. Quod ſi quis poſt citationem in Clerum adſcitus eſt, is uti praeſcrip- tione fori non poteſt. Si quis, poſtea quam in jus vocatus eſt, miles, vel alterius fori eſſe coeperit; in ea cauſa jus revocandi forum non habebit, quaſi praevenit, verba ſunt Ulp. l. 7. de judic.: atque hoc generaliter & in o- mnibus hujusmodi caſibus obſervandum eſſe, idem Ulp. traſit l. 19. de ju- risd. Hujusmodi caſus habet in l. 17. §. 5. de excuſ. rur., l. 5. §. 7. de jure immun., & l. 21. C. ad l. Corn. de falſ., quibus non obſtat l. 4. §. 5. de

de re milit., quam acute Cujacius expendit in *cap. 19. de for. comp.* Ne quis vero speciem excipiat Clericatus post susceptam a Judice laico causae cognitionem obvenientis, facit Pauli textus in hanc ipsam speciem conceptus, quem Pandectis inseruit Tribonianus l. 32 §. 4. *de recept. qui arbitr.* Haud alia est Canonum sententia. Juris Civilis designationem in d. l. 7. *de judic.* iisdem Ulpiani verbis expressit Gregorius IX. in *cit. cap. 19. de for. comp.*: nec speciem Clericatus postea obvenientis ullus Canon excipit; quinimo Innocentius P. Curiales fieri Clericos vetuit; nam saepe a Curia repetebantur, *can. 2., & 3. Dist. 51.*: quod vel ipsi Justiniano, apud quem gratiosissimi fuere Clerici, aequum visum est, l. 53. *de Ep., & Cl. V.* Johannem Dartis in d. *Dist. 51.* Clericus etiam, qui apud laicum judicem agit adversus laicum, reconveniri apud eundem judicem potest. Apposite Justinianus l. 14. C. *de sent. & interloq.*, *Liceat judici vel contra actorem ferre sententiam, & aliquid eum daturum, vel facturum pronunciare, nulla ei opponenda exceptione, quod non competens iudex agentis esse cognoscatur; cujus enim in agendo observat arbitrium, eum habere & contra se judicem in eodem negotio non designatur*: quumque contrarium jure Canonico cautum non sit, nihil causae est, cur non idem Canonibus placere putes arg. *cap. 1. de nov. op. nunc.* Jam vero nonnulli sunt, qui eam juris Civilis regulam discrete per Canones confirmatam arbitrantur, quod ipsissima Justiniani verba in d. l. 14. descripta sint in *can. 1. c. 3. g. 8.* sub nomine Zephirini Papae. Sed nae isti errant. Zephirinus Justiniano antiquior fuit, & absunt ea verba ab Epistola Zephirini, & veteribus Codicibus Graecis. Forte huc referri non absurde potest *cap. ult. de mutuis petit.*, quod integrum extat apud Gonzalez. Ait ibi Caelestinus III., *Nec civilis jurisperitus ab hac sententia discedat; quia praeter Authenticum, quod incipit, Et consequenter, in quo id de facienda reconventione expresse habetur &c.* in Auth. autem *sub cit. tit. Cod.* scriptum est, *Et consequenter ego ab aliquo conventus, si vicissim ipsum pulsare velim, statim quidem non licet, nisi apud eundem judicem.*

Sed non est satis, Clericum in quolibet foro Ecclesiastico conveniri. Forum esse Ecclesiasticum, & porro proprium debet. Jam quatuor potissimum sunt, quae proprium faciunt forum, *Delictum, Contractus, Domicilium, Res sita, cap. ult. de for. comp.*: quod argumentum abunde pertractant interpretes juris civilis. Ego hic summa ejus capita attingam. Sicubi Clericus deliquit, ibi iudicio in personam convenitur, l. 3. *de off. Praef., & cap. 1. de rapt.*, quum quia ubi delictum admissum est, facilior est copia probationum, & majus expensarum compendium: tum quo iam aequum est, reum exemplo poenae prodesse, ubi obfuit exemplo delicti, l. 28 §. 15. *de poen., S. Cyprianus ep. 55., cap. 2. de calumn.* Sicubi Clericus contraxit, ibi in eum in personam actio instituitur, l. 19 §. 1. *de judic. cap. 1. §. 3. de for. comp. in 6.* Si formula contractus locum non expressit, quo solvenda pecunia est, convenitur reus, ubi vere contractus est initus: si expressit, *contractum non utique eo loco intelligitur, quo negotium gestum sit, sed in quo solvenda est pecunia, l. 3. de bon. auct. jud. possid.* Eadem habent, l. 20. ff. *de jud., & l. 21. de obl. & act.* Quod si is, qui certo loco solvere promissit, ad locum non accedat, quod vel data opera facit, vel quia alibi necessario distinguitur, composita est in eam rem utilis actio de eo, quod certo loco, l. 1. *de eo, quod cert. loc.*, qua actione actor, cui aliquid certo loco promissum est, nec tamen datum, alio etiam loco experitur toto *tit. ff. de eo quod cert. loc.*, modo idoneus, & legitimus locus sit, nempe is, quo non adjecto alio loco conveniri

reus

reus debaisset, qualis est locus contractus, itemque locus domicilii, quidquid obloquantur nonnulli. In hanc sententiam scripta est *l. 19. ult. de judic.*: atque in hanc eandem sententiam actionem de eo, quod certo loco jus Canonicum recepit, *cap. 17. de for. compet.* Sicubi domicilium reus habet, ibi cum eo agitur actione in personam, *l. 2. c. de jurisd.*, & *de cap. ult.* Domicilium vulgo duplex faciunt, alterum *originis*, alterum *habitationis*. Domicilium, quod dicunt *originis*, ubi de competenti foro agitur, ignorant Canones, *cap. ult. de for. comp.*, & *cap. ult. de Paroch.*: ignorare etiam leges videntur, *l. 199. de V. S.* Domicilium, quod dicunt *habitationis*, certe forum proprium facit, *d. c. ult. de for. comp.* Verum sola habitatio non est satis: permanendi quoque animus probandus est: quod genus probationum suppeditant multa Jurisconsultorum loca sub *tit. ff. ad municip.* Denique ubi res, propter quam contenditur, constituta est, ibi, *In rem actio adversus possidentem movetur*, *l. 3. C. ubi in rem actio*, *cap. 3. de for. comp.* Num vero necessarium omnino sit, actione in rem cum reo agi in loco, ubi sita res est, an liberum petitori sit adversarium convenire in foro domicilii, vetus disputatio est. Hoc posterius videtur fori usus receperisse: prius illud juri magis consentaneum esse, & *d. l. 3.*, & *cit. cap. 3.* non obscure probatur, *V. Quaren. ad tit. de judic. c. de for. comp.*, *Hotom. 3. obs. 3.*, *Donel. 17. comm. 17.*, & *Vin. 1. select. 18.* Mihi digitum intendisse ad fontes, fat est.

TITULUS III.

De Procuratoribus.

PROCURATOR, quem *alieni juris vicarium* eleganter Cicero appellat *pro Caecin. cap. 42.*, Ulpiano definitur, *qui aliena negotia mandatu domini administrat*, *l. 1. de procurat.* In libris juris negotium est quum res, quae extra iudicium explicatur, tum etiam lis, suntque exempla apud Briffon. *de V. S.*: proinde & Procuratorem, qui *ad negotia*, & eum, qui *ad lites* dari dicitur, Ulpiani definitio comprehendit. Hoc titulo de posteriore Procuratorum genere tractatio instituitur; plerumque enim qui iudicium vel intendit, vel suscipit, quod aut non vult, aut non potest, vicaria alterius opera utitur. *V. Comm. meum in tit. de iis, per quos ag. poss. lib. 4. Inst.* Quibus in causis, & qui facere, sive Procuratores non possint, petendum est ex jure Civili, cujus proprium hoc Caput. Quae potissima sunt in hoc tractatu, paucis dabo. In pecuniariis controversiis, si hae sint de privato cuiusque commodo, vel damno, inferri actio, & sustineri per procuratorem potest, *l. 42. ff.*, & *l. 26. C. h. t.*, ubi quod additur, *nisi forte quosdam, justiores nonnunquam ob causas vehementiores, maximi (a) iudicis vocabit auctoritas*, accipendum est hoc sensu, posse interdum cogi litigatores ipsos, si qua gravior causa urgeat, sese iudicibus praesentes sistere, ac per se respondere. Est

(a) Maximos iudices, quorum & in *d. l. 27.*, & in *l. ult. C. ubi caus. stat. est mentio*, bene interpretatur Gutherius *de Off. Dom. Aug. lib. 1. c. 44.* Spectabiles, aut Illustres, de quibus Panciroli in *Notis*, puta, Proconsules in Provinciis, Romae Praefectum Urbi, Consules, Praetores. Ordinarii quidem iudices sic formula juris Civilis adligabantur, ut nihil praeter illam eorum daretur arbitrio: Maximi vero iudices multa poterant supra formulam, si qua illis iuxta, & gravis causa videretur, *l. 1. §. ult. ex quib. caus. major.*, & *d. l. 27.*

Est id positum in arbitrio iudicis: advocabit autem litigatores iudex, si quid lucis in re obscura ex eorum voce, ac vultu accessurum praenoscit, l. 10. §. pen. de quaest.: quo videtur spectasse Gregorius IX., quum iuramentum, quod dicunt perhorrescentiae, ab ipso litigatore praestari iussit cap. 11. §. 1. de rescript. in 6. Fortasse eo etiam spectant *can. 9. caus. 1. q. 7., cap. 4., cap. 26. de sent. excom., & cap. 47 §. 1. de test.* In criminalibus causis frustra pro actore procurator intervenit, multoque magis pro reo, l. pen. §. ult. de publ. iudic., l. 1. an per alium caus. appell., excepta specie l. ult. C. de injur. Idem Canonico jure cautum, *can. 2. q. 3. caus. 5.* Sed res est non sine aliquo discrimine transigenda. V. Duaren. ad h. t. cap. 6., & Vinnium lib. 3. Partit. c. 21. Procuratores dare possunt, qui non prohibentur. Eorum, qui prohibentur, multiplex genus. Quidam natura prohibentur, quod quum consentire nequeant, mandare non possint, quales sunt infans, furiosus, mentecaptus, l. 5. de reg. jur.: quidam lege, sive quod domini non sint, sive quod liberam rerum suarum non habeant administrationem, quales sunt servus, l. 33. h. t., filiusfamilias, excepta specie l. 8. h. t., & l. 22. §. 6. solut. matrim., tutor, & curator ante contestatam litem, l. 11. C. h. t.; nam lite contestata litis domini effecti sunt, l. 22. C. eod.: & pupillus, ac minor non auctore tutore, & curatore non consentiente, d. l. 11. Surdus & mutus procuratorem dare non prohibentur ad eum modum, qui procedere potest, l. 43. h. t., puta, hic scripto, is voce. Procurator facere procuratorem non potest, nisi aut contestata jam lite, l. 8. §. 3. ff. mandat. l. 8., & C. h. t., & cap. 1 §. 1. de procurat. in 6., aut ex ipsius domini auctoritate, aut nisi in rem suam sit datus, d. cap. 1. Dari etiam procuratores possunt, qui non prohibentur: prohibentur autem natura furiosus, mentecaptus, infans, quia in his animus deest, l. 2 §. 1. h. t.; lege servus, l. 33. h. t.: miles, l. 8. §. 2. h. t., praeter species in d. §. 2. expressas: femina, l. 18., & 21. C. h. t., exceptis quibusdam casibus, l. 41. ff., & l. 4. C. h. t. &c.: potentior, l. 1., C. ne liceat potent.: redemptor alienae litis, l. 15. C. h. t.: Monachus, nisi qua agatur Monasterii utilitas, idque Monasterii Praefectus probet, *can. 35. caus. 16. q. 1.*: Clericus apud iudices seculares: quae vetus est Ecclesiae disciplina per Justinianum confirmata Nov. 123. c. 6.: excommunicatus, cap. 7. de probat., cap. 1. de except. in 6.; is enim extra convictum & consuetudinem hominum versari jubetur: tantumque est excommunicati hominis odium, ut nec per se possit, nec per alium agere; conventus autem per alium debeat in iudicio respondere, cap. 7. de iudic., quum regulariter per procuratorem respondeat, qui ita mavult, l. 26. C. h. t.: infamis, *can. 1. & 2. caus. 3. q. 7.* quum tamen jure Civili Justiniani infamia, nisi manifesta sit, procuratori non obstat, §. ult. Inst. de except. Sed jam fori Civilis usus jus Canonicum recipit. Gail. 1. obs. 43. n. 7., & 3., Gudelin. 4. de jur. novis. c. 4.

XXV. annis minorem dari procuratorem ad lites, Bonifacii VIII. Constitutio vetat in cap. 5. §. ult. h. t. in 6. Contra XXV. annis minorem, modo sit major XVII., lites procurare leges non vetant; nam domino minori XX. annis servum manumittere, ut sit procurator, L. Aelia Sentia licet, l. 13. de man. vind., & §. 5. Inst. quib. ex caus. man.: quod de procuratore ad lites dato intelligendum est; nam negotiorum causa servum manumitti, nihil est opus, l. 7. §. 1. de instit. att., & l. 3. §. ult. de min.

Jure Civili mandato, quod solo consensu constat, tit. 23. Instit. lib. 3., constituitur procurator: jure Canonico ad eum constituendum scripto est opus, cap. 1. h. t.: jamque id in civilem forum ex jure Canonico tractum est.

est. Duaren. *ad tit. de Procurat. c. 7.* Quid praestare procurator debeat, vel in ipsis Institutionum Civilium Libris expressum est: neque a Legibus Canones abluunt.

TITULUS IV.

De pactis, & transactionibus.

Quod molesta est litium persecutio, & incertus exitus, interdum fit, ut satius ducant actor, & reus pactu aliquo, vel transactione lites praecidere. Igitur non de pactis in universum hic Titulus agit, sed de eo pactorum genere, quibus a lite receditur, quaeque *liberatoria pacta* dictitant vulgo. Pactorum id generis, ac Transactionum finis unus, atque idem. Quae ad Pactorum, Transactionumque vim ac potestatem explicandam pertinent, ea maximam partem ex jure Civili sunt. Dicam de iis pro instituto meo nonnulla.

Pacti liberatorii exempla haec sunt. Ulpian. *l. 7. §. 14. de pact.*, *Si paciscar, ne operis novi nunciationem exequar... si ex re familiari operis novi nunciatio sit facta, liceat pacisci.* Paulus in *l. 27. §. 5. eod.*, *Si quum mihi deberes, pepigero, ne a te viginti petam, in decem prodesse tibi pacti conventi, vel doli exceptionem, placet.* Aliud exemplum est in *l. 7. §. 15. eod. Ex d. l. 27.* habes, liberatorium pactum prodesse ad exceptionem, quae vel pacti conventi exceptio, vel exceptio doli dicitur, nam dolo agit, qui agit contra fidem pacti. *Doli exceptionem subsidium esse pacti exceptionis*, inquit Ulp. *l. 10. §. 2. de pact.*, quod quid sit, idem Ulp. exponit *l. 7. §. 18. eod.*

Pacto proxima, imo pacti species quaedam est Transactio, quae & *pacti* nomine nonnunquam venit, *l. 28. §. 2. ff.*, & *l. 1. C. de pact.*, *l. 4. de jur. fig.*; ubi vero opponuntur, hoc distare passim docent, quod pactum gratuitum sit; unde *donationis causa fieri* dicitur in *l. 1. de transact.*; transactio autem semper aliquo dato, vel retento, seu promisso fiat, *l. 33. C. de transact.*: quod adeo verum putant, ut hanc statuant interpretationis regulam, si quando in Libris juris pactum re data, aut retenta, aut promissa fieri dicitur, ut in *d. l. 28. ff.*, & *l. 1. C. de pact.*, & *d. l. 4. de jur. fig.*, temper pactum accipi pro transactione. Sed falsi sunt. Transactio quidem nunquam gratuito, *d. 35.*: at contra pactum gratuito fit, *d. l. 1.*, & *cum pretio*, *l. 6. §. 3. de his, qui not. inf.*, ubi certa res pretio accepto remittitur. Lex 1., quae aliis fraudi fuit, non de omni pacto, sed de gratuito tantum scripta est. Non igitur interponendum, ut vulgo, *qui paciscitur, donationis causa rem certam &c.*, sed, ut Graeci, *qui paciscitur donationis causa, rem certam &c.*; quemadmodum in *d. l. 28. §. 2.* scriptum est, *si donandi causa pactus sit.* Jam transactio est incertae litis conventa decisio: quod discrimen vere positum est inter pactum, & transactionem. Qui transigit, quasi de re dubia, & lite incerta, neque finita transigit: qui vero paciscitur donationis causa, rem certam & indubitata liberalitate remittit, Ulpianus *d. l. 1. de transact.* Quandoque super metu futurae litis transigitur, *l. 2. C. eod.* Transigi de re spirituali, aut quasi, cujusmodi est Ecclesiasticum Beneficium, non potest; nam non gratuitae de ea re pactiones turpes sunt, & sapere simoniam videntur, *cap. 4.*, & *5. de pact.*, & *cap. 4. de transact.*, demta specie *cap. 7. de transact.*, quae ad titulum pertinet *de Simonia*; at de temporalibus Ecclesiae bonis transigi bene potest, si ea servantur omnia, quae titulo *de reb. Eccl.*

alie-

alienandis lib. 2. traduntur, transigere enim alienare est : Transactionis, quod lites finiat, quas & non moveri, & motas facile expediri Civilis, & maxime Christianae Reip. interest, uti *cit. 1. hujus libri traditum est*; transactionis, inquam, multus in jure favor, & uberrimi fructus. Ei mutuae transigentium renunciationis vis inest, quo fit, ut eorum jura tollantur omnia, *cap. 1. h. 2.*, ac si bona fide, & non ex falsis instrumentis inita sit, *l. pen. C. de transact.*, rescindi non debeat, etiamsi nova se se offerant instrumenta: quod licet primo obtutu habere aliquid ex iniquo videatur, tamen utilitate publica contra singulos rependitur, ut Taciti verba usurpem *14. Annal. 44.* Ita Diocletianus & Maximianus rescriptere in *l. 19. C.*, & Gregorius M. in *cap. 1. eod. tit.* Non obstat *l. 3. §. 1. ff. eod.*, quae interpretum ingenia misere torlit; namque, uti acute, ac vere Giphanius in *d. l. 19.*, non de rescindenda transactione ea lex agit, sed de re una ad rem omnino aliam non producenda; quod perlegenti textum liquido patebit. Diocletiani & Maximiani rescriptum multis vindicavi contra Cl. Virum Lud. Muratorium in meis *Observat.* in ejus Librum Italice scriptum de *Vitiis Jurisprudenciae*. Transactio jure Civili & nudo tantum pacto, & subiecta pacto convento *Aquiliana stipulatione* fieri potest, *l. 2., & 15. ff., & l. 23. C. de transact.* Si pacto fiat, exceptione submovetur actio, *l. 28. C. eod. tit.*: si Aquiliana stipulatione subiecta, tollitur actio ipso jure, *l. 3., & 4. C. eod.* Verum Canones nimiam istam, & miseram juris Romani diligentiam insuper habent, & quamvis Aquiliana stipulatio interposita non sit, obligationes quoquo modo contractas transactione omnino perimere jubent, *d. cap. 1. de transact.*, in quod v. Gonzalez n. 15.

T I T U L U S V.

De Arbitris,

Non solum pacto, & transactione, sed & Arbitris electis finire lis potest. Arbitr in libris juris Civilis saepe est judex a Praetore datus, *l. 19. ff., & l. 3. C. comm. div., §. 1. Inst. de act.*; is tamen a judice separatur *l. 7. ad L. Jul. repet., l. 15. de re judic.* Qui strictis judiciis, *Judex*: qui bonae fidei, aut arbitrariis dabatur, *Arbitr* proprie dictus. Cic. *Orat. pro Rosc.* & Senec. *lib. 3. de benef. cap. 7.* Arbitr est hoc loco privatus judex a partibus ad cognoscendam, judicandamque causam *ex recepto*, hoc est, *ex compromisso sumtus*, *l. 81. ff., & l. 12. C. de judic.* Arbitri notio de re est, non jurisdictionis; quod ex dictis *cit. 2.* exploratissimum fit: nec proprie judex est, quod privatorum consensus judicem non facit, *l. 3. C. de jurisd.*, sed *judicis partes suscipit*, *l. 13. §. 2. de recept., qui arbit.* Compromissi nomen ex eo factum, quod litigatores sub certa poena se arbitri sententiae staturos, mutuo promittant, hoc est, id acturos, quantum in eis est, ut arbitri sententiae pareatur, *l. 11. §. 2., l. 23. §. 2. & passim de recept. qui arbit., cap. 4., & 10. de arbit.* Id autem promittunt vel mutua stipulatione, vel nudo pacto, *d. l. 11. §. 2. & 3.* Olim etiam jurisjurandi religione se obstringebant: tum id vetuit Justinianus *Nov. 82. c. 11. §. 1. Auth. decernit C. de recept. arbitr.* At juramentum illud jure Canonum valet, & porro omitti etiam poenae pactio potest, *cap. 2., & 9. eod. tit.*, uti & jure civili poterat, *l. 27. §. 7. de recept. Poena compromisso adjecta placuisse Ulp. inquit l. 2. eod. tit., ex compromisso exceptionem rei judicatae*

non nasci, sed poenae petitionem; namque arbitrium vim rei judicatae non habet: quod si quis non adjecta poena simpliciter sententiae stari, promiserit, incerti actionem nasci d. l. 27. §. 7. Ex Justiniani Constitutione in l. 5. C. eod., si non adjecta poena pactum est, arbitri sententiae stari, & partes aut sententiam subscripserint, aut decem dierum silentio confirmaverint, & pacti exceptio reo, & in factum actio actori datur. Jure etiam Canonico si adjecta est poena compromissio, ad poenam agitur, d. cap. 9.; si minus, & exceptio, & actio datur, etiam si nudo pacto sit compromissum; receptior enim sententia est, jure Canonico ex nudis quoque pactis nasci actionem, V. Vin. de Pactis c. 7.

Multiplex Arbitrorum genus plerique omnes interpretes faciunt. Alios arbitros juris esse, alios voluntarios arbitros ajunt. Hi sunt, qui consensu partium eliguntur, uti est in vet. Glossar.; unde capi, sumi, atque eligi dicuntur, Plaut. in Mercat. act. 4. sc. 3. l. 44., & 50. de recept. Illi sunt, quos Magistratus constituit, aut partes adhibere necessitate juris adstringuntur. Arbitrorum juris exempla sunt, in l. ult. C. de judic. ibi, Compelli arbitrum, vel arbitros eligere, & apud eos litigare: in cap. 39. de off. deleg., Suspicionis causa contra judicem assignata, non ipse, qui forsan provocatus obisset, sed arbitri potius, coram quibus probatio est facienda, & ad quos omnia, quae ad hunc articulum faciunt, pertinere noscuntur, possunt ad hoc terminum assignare: itemque in cap. 14. de rescript., cap. 4. de for. comp., cap. 41. §. 1., cap. 61. de appellat., & cap. 11. de off. deleg. in 6. Magnum inter arbitros juris, & voluntarios discrimen intercedit. Ab arbitris juris recte provocatur, d. l. ult. C. ibi, Nisi fuerit provocatum, & d. cap. 11. in 6. ibi, Ab arbitris, qui secundum formam juris... eliguntur, ad Sedem Apostolicam appellandum. Ab arbitris voluntariis non appellatur, l. 27. §. 2., & l. 32. §. 14. de recept. qui arbitri, can. 33. caus. 2. q. 6., cap. 10. de Constit. Non obstat l. 9. qui satisd. cog., Arbitro ad fidejussores probandos constituto... perinde ab eo, atque a judicibus appellare licet: neque obstat l. 23. de appell., Ex consensu litigantium circa compromissum a Praefide Provinciae judice dato, victus potest provocare: ac demum non obstat can. 34. caus. 2. q. 6., Sane ex consensu partium si judices electi fuerint, etiam a pauciori numero, quam constitutum est, liceat provocare; nam l. 9. de arbitro constituto loquitur, puta, per Magistratum: qualis arbitri juris est: l. 23. de judice, h. e. arbitro a Praefide dato citra, sic enim legendum, uti vulgata habet, non circa compromissum, ut male Florentinus Liber. Canon autem 34., qui ex Concilio Carthag. III. desumptus est, addita negatione legendus ita, non liceat; uti in ipso Carthag. Concilio impresso, & MS. cum multis exemplaribus collato legitur, & in Codice Africano can. 122., & apud Ivonem in Decreto. V. Correctores Romanos in eum can., Ant. Aug. lib. 2. de emend. Gratian. c. 3., & Van Espen Comm. in Gratian. Quae in eundem can. habet Cironius 2. obs. 2., bene refellit Gonzalez in cap. 2. h. e. Quamquam autem ab arbitri summi sententia, seu laudo (a) provocari jus non patitur, quod

(a) Arbitri sententiam vulgo laudum dicunt. Laudare sequiore Latinitatis aetate judicare erat. Obertus de Orto lib. 2. de Feudis cap. 20., Laudatum, inquit, saepe scio, hoc est, judicatum. V. Motom. de verb. Feud. Putare Jurisconsultos, scribit Turneb. 14. Advers. 12., nullum esse verbum Latinum, quo sententia arbitri vocetur: itaque eos verbum eudisse laudum, sane quidem

quod inaequale sit, me iniquum dicere, quem ipse mihi iudicem delegi; ac mihi debeam imputare, qui compromisi, l. 27. §. 2. de recept.; tamen jure Civili si dictam ab inimico arbitro sententiam manifeste apparuerit, doli mali exceptio in poenae petitione obstat, l. 32. §. 14. eod.; & generaliter si iniquam sententiam arbitri dixerit, ulu forti receptum est, ut reductio detur ad arbitrium boni viri, de qua satis multa in *Comment. meis de jure Civili Neapolitano lib. 4.* Porro alios proprie arbitros, alios dicunt arbitratores; hos praeter solennem judiciorum ordinem lites, ut bonum aequum, componere; illos servato judiciorum ordine tanquam iudices judicare arbitrantur. Contra Corasius 4. *Miscell.* 18., Bachovius ad tit. ff. de recept., Vinnius 1. *select.* 16., & Gonzalez in cap. 1. h. r. n. 14. unum esse arbitrorum genus contendunt, ad quos spectat tit. ff., & C., itemque titulus Decretalium: quosque illi dicunt arbitratores, ad lites exemplo judicum dirimendas nusquam adhibitos, sed ad extrajudiciales tantum actus, ut in l. 76. & segg. ff. pro foc., l. 25. ff. locat., l. ult. C. de contrah. emt., l. 1. §. 1. de leg. 2., l. 6. de cont. & dem. Meum de hac re iudicium habes in *Comm. meis de jure Civ. Neap. lib. 4.* De quibusdam causis arbitri notio non est, quales sunt criminales, si criminaliter agantur, l. 32. §. 6. de recept., l. 7. C. de Episc. Aud., cap. 9. de in integr. rest., & cap. 16. de jurejur.: liberales, d. l. 32. §. 7., & cap. 9.; matrimoniales, cit. cap. 9.; causae etiam restitutionis in integrum, d. cap. 9., & generaliter quae majores iudices habere debent, d. l. 32. §. 7., & d. cap. 9. De iis, qui compromittere possunt, vel non, hanc passim statuunt regulam, eos non posse, quibus non est jus alienandi; quam regulam exemplis confirmat Gonzalez in cap. 5. tit. Exemplum unum hic dabo ex d. cap. 5. Si qui per summum Pontificem Ordinarii jurisdictione exempti sunt, si super exemptione inutiliter compromittunt; namque ut libere possint jus ipsi suum remittere, certe vero jus, quod sibi in eos summus Pontifex reservavit, intervertere non possunt. Arbitri esse vetantur servi, l. 7. de recept., pupilli, furiosi, aut surdi, aut muti, l. 9. §. 1. mulieres, l. ult. C. eod., in quam v. Cujac. 13. obs. 23., & Wilsenbach. in cit. tit. C., nisi lege, aut moribus ordinariam habeant jurisdictionem: quae exceptio est ex jure Canonico in cap. 4. de arbit., cujus historiam dat Manricque tom. 3. *Annal. Cisteriens.* an. 1204. cap. 5.; iudices in ea re, de qua iudices sunt, d. l. 9. §. 2., Can. 2. sub finem c. 3. g. cap. 7., qui canon ex Digestis descriptus est: sed contra ab Innoc. III. rescriptum in cap. 5., & 7. h. tit., multorum opinio est: mea est haec, eum, qui jurisdictionem habet, & Canonico, & Civili jure suscipere arbitrium posse, d. c. 5., & 7., & l. 3. §. ult., & l. 4. h. tit., quibus Pandectarum locis quum dicatur, Magistratus superiores cogi suscipere arbitrium non posse; pater, eos, si velint, non prohiberi: ac datum iudicem super causis, cui datus est iudex, recipere arbitrium non posse, ne ita a praescripta sibi formula recedere videatur. De dato iudice agitur in d. l. 9., & can. 2.; idque apertissimis argumentis adstruit Duaren. in tit. ff. de recept. Hoc unum habe. Ait

R 2

l. 9.

illaudatum: cum Festo auctore arbitri sententiam Latine arbitrium posse dici arbitratur. Rectissime Turnebus; sed is tamen de more grammaticorum Jurisconsultis insensibilis saltem politioribus parcere debuisset. Arbitris sententia in libris juris arbitrium dicitur. Caput l. 9. qui satisd., Si in alterutram, inquit, partem iniquum arbitrium videatur, ubi vel ipse Accursius arbitrium arbitri sententiam interpretatur.

T I T U L U S VI.

De in Jus vocando.

SI neque pacto, aut transactione, neque arbitrio finita lis est, iudicio contendendum. Iudicii proprie summi, quo ea tantum comprehenduntur, quae Romae olim expediebantur apud iudicem datum; partes omnino tres, litis Contestatio, causae Cognitio, Sententia. Iudicii minus proprie & latius accepti, quo ea continentur omnia, quae & in iure, & in iudicio peragebantur; partes numero quinque, Vocatio in jus, litis contestatio, cognitio causae, sententia, & sententiae Exequutio. Iudicii nomen expendi in *Comm. in pr. tit. de att. Inst. lib. 4.*

In jus vocare est iuris experiundi causa vocare, l. 1. de in jus voc. Experiari Latini est periculum facere: quumque is, qui apud iudicem agit, suae actionis periculum faciat, scilicet Jurisconsulti experiari, & agere in eandem sententiam dixerunt. Donat. in *Terent. Adelph. act. 3. sc. 2.* Apud veteres Jurisconsultos in jus vocare, & citare plane diversa. Reus ab actore privata auctoritate, & vero etiam privata vi vocabatur in jus, puta ad eum, qui praeerat iurisdictioni: qua de re latissime *Commentarius meus in pr. tit. & §. 12. de att. Inst. lib. 4.* Contra & reus, & actor, & patroni, & testes praecepto iudicis in iudicium citabantur ac proprie per Praeconem, interdum etiam edicto. Briffon. de *V. S.*, & A. Matth. *disp. 7. de Judic.* usque ad *thes. 43.* Sublato autem veteri in jus vocationis ritu, itemque discrimine inter iudicem, eumque, qui praeest iurisdictioni, ipsa in jus vocatio coepit citatio appellari. Hoc sensu citationem a iudice emanare, inquit Clemens V. *Clement. 2. ut lit. pend.*

Igitur iure Civili novo, quod Trajano recentius ostendi in *d. §. 12.*, ius iudicis vocatur reus per apparitorem seu litis exequutorem. Forma in jus vocationis est haec. Actor in iudicio postulationem deponit, uti loquitur *Honorius l. 3. C. de praescript. 30. an.*; ac *Justin. l. ult. eod.*, hoc est, libellum, quo continetur actio, deponit apud acta, *Nov. 53. c. 3.*: tum Iudex vocari reum scripto decernit: postremo exequutor litis libellum reo offert, *d. Nov. 53.*, & *Auth. offeratur C. de lit. contest.*: atque hoc est iure novo actionem edere; namque oblatus reo libellus speciem futurae litis demonstrat: quod de actione edita dicitur in *l. 16. C. de edend.* Varia libellorum genera enarrat Briffon. de *V. S.* In pecuniariis causis, de quibus hic, libellus conventionis adhibetur, §. 24. *Inst. de att.* Canonico etiam iure actionem scripto instituit, atque edi necesse est, *cap. 1. de libel. obl. Antiquitus Ecclesiastica iudicia sine scripto exercebantur, Nov. Just. 83., can. 45. caus. 11. g. 1. (a)* Nudo verbo intendebatur actio, nudoque verbo appellabatur. De S. Cyrillo Hierosolymitano Episcopo, qui a Seleuciensi Concilio depositus libello provocavit, ita *Socrates lib. 2. c. 32. Solus & primus contra Canonis Ecclesiastici consuetudinem id fecit Cyrillus libellis appellatoriis usus, proinde ac in publico iudicio.* Hinc *Alteira de jurisd. lib. 7. cap. 1.* inquit, *Marcello Pontifici aliud agenti excidisse illud can. 1. 17. dist. 7. Nam si seculares in*

(a) Nam idem de pecuniariis; ac de criminalibus Clericorum causis
ita fuerit, expendam lib. 4.

Si delegatus sit iudex, certum literis citatoris exprimi locum omnino necesse est: quod si vero ordinarius iudex sit, nihil est opus; hic enim suum certo loco tribunal habet, ille non habet. Referri huc potest illud Ulp. l. 59. de iudic., Si locus in iubendo iudicare non est comprehensus, videtur eo loco iudicare iussisse, quo solet iudicari sine incommodo litigantium; atque ordinarius quidem solet certo loco iudicare, non delegatus. Ex novissimis Ulpiani verbis hoc etiam infer, locum esse eum debere, ut nihil sibi inde metuant litigatores: & exertissime scribit Clemens V. in Clement. 2. de sent. & re iudic., contra naturam esse reum ad locum non tutum cogi venire. Sive autem locus ipse iudicii tutus non sit, sive alius, per quem necessario transitus faciendus est reo, idem juris est, cap. 4. ut lit. non contest., in quod v. Gonzalez. Est id hoc discrimine accipiendum, ut si notorium sit, locum reo tutum non esse, citatio ipso jure sit nulla, d. Clement. 2.: si notorium non sit, valeat citatio, incumbat autem reo onus probandi, eum sibi tutum non esse, cap. 7. §. 3. de sent. excom. in 6. At enim ubi tutus non est iudicii locus, respondere per procuratorem reus potest. Video; sed hoc ipso excusatur reus, quod liberum ei non est respondere per se. Dies quoque certus esse debet, atque hunc arbitratu boni viri praestituet iudex spectatis locorum, temporum, ac personarum adjunctis; nonne enim iniquum est ad id tempus reum evocare, intra quod is sui praesentiam facere aut nullo modo potest, aut saltem minus commode potest? Is dies feriatus ne sit. Feriati, seu feriatici dies, uti eos vocat Ulp. l. 2. de feriis, sunt quibus lite vacant aures, uti Ovidii verbo utar 1. Fast. 73. Feriariae aliae sunt Religionis gratia, aliae ad humanum usum institutae. Hae sunt festae messis, aut vindemiarum, de quibus in l. 1., & 3. ff., ac l. 2., & 7. C. cod.; illae sunt dies devotionum, ut loquitur l. ult. C. Th. de navicul., seu festi dies, quibus communes dies opponit l. 2. C. de stat. & imag. De utroque feriarum genere est cap. ult. de fer. Jure Civili judiciales actus feriatis diebus inutiliter expediuntur, l. 2. in fine C. cod., nisi litigatores sponte sua veniant ad iudicem, l. 1. §. 1. cit. tit. Sunt qui contra cautum jure Canonico putant. Moventur cap. 6. de dol. & cont., Ipsi mandavimus, ut usque ad Dominicam . . . transactum per se, vel per procuratorem . . . ad praesentiam nostram accederet: itemque cap. 15. de accus., Episcopum ad festum Dominicae peremptorie nos meminimus citavisse. Respondent nonnulli, usque ad, & ad idem saepe esse, quod infra, ut in cap. 1. de in integr. rest., & cap. 9. de fil. instr. Sed his obstat et transactum in d. c. 6. Ajo igitur, utroque cap. reum iussu Summi Pontificis citatum: multa autem Rom. Episcopus praecipua habet, quae aliis Episcopis denegantur. Ceterum in cap. ult. de fer. disertissime Gregorius IX. debere inquit judiciale strepitum diebus conquiescere feriatis. Jam ante Greg. IX. iudicia feriatis diebus agitare vetuerant Canones. Ex Concilio apud Compendium, Galliae Urbem, verba haec traducta sunt in cap. 1. cod., In eis (de Dominicis diebus agitur) mercatum nunime fiat, neque placitum, hoc est iudicium: quo sensu occurrit saepe ea vox in Legibus Wisigoth. Aleman. Ripuar., & in Capitularibus Caroli M.: unde placitare, idest, iudicio contendere. V. Lindeborg. in Glossar. v. placitum, & Voss. lib. 4. de vitis ferm. c. 16. Eadem habes in Concil. Hispal. 1. c. 2., Tribur. c. 35., Aquisgran. 2. c. 170. Quod autem addit Greg. IX. d. cap. ult., judiciales actus feriatis diebus expeditos omnino irritos esse, id nullo ante id tempus Canone comprehensum videtur: & cer-

litigatoris contumacis iudicium detrectantis. Contumax a tūmendo potius, quam a contemnendo dictus, & si posteriore originem praefere iurifico consulti videantur; superbus est: & apposite ad hanc rem Auctor ad *Hierenn. lib. 1.* scribit, in superiores aliquem dici contumacem: in inferiores vel pares fastidiosum; unde Stoici Magistratum, & Regum contemtores proprie dicti contumaces, Senec. *ep. 72.* Contumax definitur Hermogeniano *l. 53. §. 1. de re jud. qui tribus Edictis propositis, vel uno pro tribus, quod vulgo peremptorium appellatur, literis evocatus praesentiam sui facere continuit.* Hoc idem Paulus tradit *5. Sent. 5. §. 7.* Tu sic habe. Jure Romano citatio est aut simplex, aut peremptoria. Simplex peremptorii comminationem non habet: debetque esse trina, quod legis mantuetudo introduxit, neque ante reum facit contumacem, quam tertio sit facta. Peremptoria comminationem peremptorii habet, ac licet tertio non facta, reum, si sui praesentiam non fecit praestituto die, facit contumacem. Post tres simplices citationes actor peremptorium Edictum impetrat, *l. 70. de judic.* Nonnunquam autem, inquit Ulp. *l. 72. eod.*, hoc Edictum post tria Edicta dari, nonnunquam poit unum, & alterum, nonnunquam statim, quod appellatur *unum pro omnibus*: subditque, hoc aestimare jus dicentem debere, ac pro conditione causae, vel personae, vel temporis ita ordinem Edictorum, vel compendium moderare (a). Jam in peremptorio comminatur is, qui Edictum dedit, etiam absente adversa parte cogniturum se, & pronunciatum, uti Ulp. docet *l. 71. eod.*; quo & illud patet, quod est apud eundem Ulpianum *d. l. 70.*, peremptorium inde nomen summissse, quod perinat disceptationem, hoc est, ultra non patiat adversarium tergiversari. Porro Edicta (b), quibus citatur reus, jure Pandectarum sic dabantur, ut singula darentur per intervallum non minus X. dierum, *l. 69. eod.*; sed jure Novellarum intervallum illud X. dierum ad dies XXX. productum est, *Nov. 112. c. 3.* Quae de tribus Edictis, aut uno pro omnibus dato Civile jus statuit, eadem videtur Innoc. III. constituisse in *cap. 24. de off. jud. deleg.* Sed & ante Innoc. III. Parisiense Concilium tempore Ludovici Romanam Legem (c) de tribus Edictis, aut uno pro tribus omnino probavit apud Gratianum *can. 6. caus. 24. q. 3.* Quantum vero ad XXX. dierum intervalla, haec jure Canonico posita sunt in arbitrio judicantis, *cap. 7. de dol. & cont., & Clem. 1. de judic.* Profecto aequius est, ut diversa locorum ratio postulat, tempus contrahere, aut producere: sicque Civilis etiam fori usu receptum est.

Saepe reus per contumaciam abest, quandoque etiam actor: unde quae pars in libris Decretalium inscribitur, *de dolo, & contumacia*, in antiquis Collectionibus inscribitur, *de dolo, & contumacia alterius partis puniendi*, ubi

Tomo V.

S

ubi

(a) V. Cujac., & Schulting. in Paul. 5. sent. 5. §. 7.

(b) Edicta haec in c. 15 Concilii Africani sub Caesestino Contestationes: apud Anianum in Paul. 5. sent. 5. §. 7., & can. 6. caus. 24. q. 3. Auctoritates vocantur. Sequiore Latinitatis aeo quae Latinis Denunciatio, passim Auctoritas dicebatur. V. Car. du Fresne in Gloss.

(c) Legis verba Concilium describit; verum ea non Legis, sed Aniani verba sunt laudatum Pauli locum interpretantis ex sententia Legis Romanae: quod ejus Canonis Glossator haud vidit.

sed etiam in omnes expensas . . . eum (actorem) condemnare . . . *si autem*, ex gestis apud se habitis, parte actoris minime inventa, possit invenire viam, qua manifestum ei fiat, quid statuendum sit, etiam absente actore, si eum meliorem causam habere perspexerit, pro eo ferre sententiam non moretur, & praesentem reum absenti actori condemnare, expensis tantummodo litis, quas reus legitime se expendisse juraverit, condemnatione excipienda, quia hanc partem actori, & meliorem causam habenti propter solam absentiam contumaciam imponimus, nullo penitus ei regressu ad eandem litem conservando. Sed actor contumax cadat omnino de lite, si reus absolvarur. Quod habet Justinianus de actore per tres vices vocando decem dierum spatium per unumquemque introitum destinato, id jure Canonico secus se habet, *et. cap. 3. de dol.* Num alia, quae habet Justinianus, jure Canonico confirmata sint, video quaeri. Quod ad litis instantiam, sic Tridentini Patres *sess. 24. cap. 20. de reform.*, Causae omnes ad forum Ecclesiasticum quomodolibet pertinentes, etiam si beneficiales sint, in prima instantia coram Ordinariis locorum sumtaxat cognoscantur; atque omnino saltem infra biennium a die motae litis terminentur. Spatium hoc biennii ad judicem refertur, non ad litigatores, quos spectat Constitutio sua Justinianus. Patet id ex eo, quod Tridentini Patres continuo addunt, Alioquin post id spatium liberum sit partibus, vel alteri illarum iudices superiores, alias tamen competentes, adire. Quod si vero litigatorum vitio causa in longum trahatur, ego instantiam triennio finiri a quo secundum Canones, uti triennio secundum Leges finitur; mihi quae ad id probandum illud satis idoneo argumento est, quod nullo juris Canonici loco Civile jus abrogetur. Hoc etiam argumento, quae reliqua sunt in *d. l. 13.*, Canonibus probari contendo. Contra Alteserra de *jurisf. lib. 7. c. 1.* jure Canonico instantiam triennio haud perimuntur. Honorii III. scriptum laudat in *cap. 20. de judic.*, ubi exceptionem instantiae triennio peremptae non obstat scriptum est. Laudat quoque duo Augustini loca ex *lib. 1. contra Donatist. post collat.*, alterum *cap. 72.*, alterum *cap. 23.*, & porro tertium Marcellini Comitis, qui Collationi interfuit, *cap. 53. Collat. 1.*: quibus locis triennii, ut ipse ait, praescriptio, quae in Donatistarum causa opponebatur, magis forensis dicitur, quam Episcopalis. Verum is turpissime labitur. De jurisdictione ad triennium delegata loquitur Honorius, atque, exceptionem exacti triennii non obstat, quod litis contestatio perpetuam fecerat jurisdictionem *cap. de off. & pot. deleg.* Videndus in eum textum Cironius in *V. Compilat.* Augustinum autem, & Marcellinum Justiniano antiquiores ad ejus Constitutionem spectasse, quam ridiculum dictum est! Primus Justinianus triennii ejus auctor fuit: & omnino errat Raeverda *4. Var. 14.*, ubi Sidonii Apollinaris testimonio ex *lib. 8. ep. 6.* docet, vel ante Justinianum jus idem fuisse; namque eo loco legendum est *tricennium*, uti rectissime in editione Sirmondi, non *triennium*, ut vulgo; nec de peremptione instantiae agitur, sed de praescriptione actionis; de qua etiam loqui videtur Augustinus. Si reus per dolum absit, plane interest, num is ante contestatam, an contestata jam lite contumax sit. Si prius, jure Civili potest ei iudex multam dicere, *l. 2. §. 1. si quis in jus voc.*, *l. un. si quis jus dicenti non obtemp.* Num etiam jure Canonico? Dicam *lib. 4. un. si quis jus dicenti non obtemp.* Potest etiam iudex jure Civili reum rapi ad judicium jubere, *l. 8. C. quom.*, & *quand. judex.* Num etiam jure Canonico? Dicam *lib. 4.* Jure Canonico potest rei contumaciam excommunicatione coercere, *cap. 1. 2. 3. & ult. §.*

T I T U L U S VIII.

De Exceptionibus, & Replicationibus.

PRoposita, editaque actione, si velit reus judicio contendere, legitimis exceptionibus utatur, necesse est. Exceptio est actionis exclusio, *l. 2. de except.* Ea est aut *perpetua & peremptoria*, aut *temporalis & dilatoria*, *l. 3. eod.* Haec agenti ad tempus obstat, & causam moratur; illa semper obstat, & omnino perimit causam, §. 8., & 9. *Inst. h. t.* Dilatoriarum exceptionum exempla sunt haec, veluti, si quis pactum conventum opponat, ne pecunia intra certum tempus petatur, *d. §. 9.*, aut si iudicem sibi incongruum, suspectumve dicat. Num jure Civili qui ordinarii iudices vulgo appellantur, recusari tanquam suspecti, ut dati iudices, possint, an potius adijungi eis collegae debeant, satis exploratum non est. Hoc posterius Duarenus visum *ad tit. de judic. cap. 4.*: prius illud visum plerisque, in quibus est Cujac. 9. *Obs.* 23., & in *Nov.* 53. At jure Canonico cuiuscumque generis iudices postulantur suspecti, *cap. 39. de off. deleg.*, *cap. 4. de for. comp.*, & *cap. 6. de appell.* Id etiam Civile jus haud videtur definivisse, num certam, justamque suspicionis causam adferre, ac probare sit opus: hinc affirmant alii cum Cujacio 9. *Obs.* 23., alii negant cum Donello 17. *Com.* 15. Verum jure Canonico certa, & justa suspicionis causa probanda est, *d. cap. 39. de off. deleg.*, *cap. 41.*, & *cap. 61. de appell.*: quod & naturali rationi consentaneum est, & passim in Civili quoque foro probatur. Gail. 1. *Obs.* 33. Denique eo distat super hac re Canonicum jus a Civili, quod hoc jure post oblatum recusationis libellum cogatur, qui suspecti egit, *illico, id est, infra triduum proximum* (quod de re v. Cujac. de *Praescrip. temp. c. 5.*) *sine ulla dilatione arbitrum vel arbitros eligere, & apud eos litigare* super ipsa re, cui recusatus iudex est datus, *l. ult. C. de judic.*: illo cogatur arbitros eligere, apud quos recusationis tantum causa expendatur, *d. cap. 41.*, & *cap. 61.*: quo jure nunc utimur in foro Civili. Perpetuarum exceptionum exempla sunt, veluti, transactionis, jurisjurandi, rei judicatae, quas vulgo *litis finitae* exceptiones dicunt, namque impediunt litis ingressum, *cap. 1. de lit. contest. in 6.*: itemque exceptiones doli mali, metus, aut pacti de pecunia omnino non petenda, *d. §. 8. Inst.*: quas vulgo *simpliciter peremptoriae* dicunt, quod non impediunt litis contestationem, & recte in qualibet iudicii parte opponantur, *d. cap. 1.*

Dilatorias exceptiones *inter exordia litis*, uti Julianus Imp. inquit *l. 12. C. h. t.*, hoc est, ante litis contestationem opponendas esse, utriusque juris regula est, *d. l. 12.*, & *l. 13. C. eod.*, & *cap. 20. de sent. & re judic.* Contra peremptoriae recte opponuntur quandocumque ante rem judicatam, *l. 4.*, & *3. C. eod. tit.*, *l. 2. C. sentent. rescind. non poss.*, & quandoque etiam post rem judicatam in actione iudicati, *l. 11. de SC. Maced.*, *l. 1. §. 18.*, *l. 20. §. ult. de tut. & rat. distr.*, *l. 41. §. ult. de re judic.*, *l. 41. §. 1. de fidejuss.* & *l. 1. C. de jur. & fact. ignor.* V. Cujac. in *cap. 20. de test.* Dilatoriarum autem prima opponi debet praescriptio fori; nam si sciens, iudicem tibi competentem non esse, aliam prius opponas, jam hoc ipso contentis in eum: quo fit, ut ejus in re jurisdictio sit, quae propria ejus non erat, *l. 1.*, & *2. ff. de judic.*, nisi tamen Clericus in laicum contentiat secundum ea, quae *tit. 2. di.*

etia sunt. Fit tamen interdum, ut dilatoriae exceptioni vel post contestatam litem sit locus, puta, si iusta recusandi iudicis causa litem jam contestatam suboritur, quae ante non suberat, *cap. 21. de off. jud. de leg.* Sola potest excommunicationis exceptio in qualibet parte litis opponi etiam si eam reus intra tempus dilatoris exceptionibus opponendis praestitutum sciens omiserit: quod jure singulari sancitum est, ne quisquam in periculum animae suae excommunicatione communicare cogatur, *cap. 12. h. 1.*: id autem de excommunicatione majore accipiendum est, *cap. 1. de except. in 6.* Quoniam vero litigatores exceptione excommunicationis ad defatigandos adversarios abutebantur, sapientissime Innocentius IV. etiam ejus opponendae formam praefixit *d. cap. 1.* in haec verba, *Si quis excommunicationem opponit, speciem illius (hoc est, majorem excommunicationem) & nomen excommunicatoris exprimat, sciturus, eam rem se deferre dedere in publicam rationem, quam infra octo dierum spatium, die, in quo proponitur, minime computato) probare valeas apertissimis documentis. Quod si non probaverit, iudex in causa procedere non emittat: reum in expensis taxatione condemnans. Si vero postmodum instantia durante iudicii, & probationis copis succedente de eadem excommunicatione, vel alia excipiat iterum, & probeatur, actor in sequentibus excludatur. ... proviso, quod ultra duas vices haec non opponatur exceptio; praeterquam si excommunicatione nova emerferit, vel evidens & prompta probatio supervenerit de antiqua. Sed si post rem iudicatam talis exceptio proponatur, executionem impedit. Dixi, intra tempus praestitutum; nam ne dolo rei causa in longum trahatur, ita est Canonico jure cautum in *cap. 4. eod. tit.*, debere a iudice certum dilatoris opponendis diem dari, post quem eas tantum licet opponere, quas nova reo obtulit causa, quasve reus sibi non fuisse cognitias juratus affirmaverit, *d. c. 4.*; atque huc etiam pertinet *cap. 6. qui matrim. accus. pos.* Id de dilatoris exceptionibus Civile jus nusquam expressit, quidquid contra obstantur nonnulli.*

Quo jure reum defendi contra actorem est aequum, eodem jure hunc defendi contra illum, aequum est. Hinc institutae Replicationes, quae sunt exceptiones, seu exclusiones exceptionum, *l. 2. pr.*, & *§. 1. h. 1.*: & quamquam a parte actoris veniant, uti Ulp. loquitur *d. §. 1.*; tamen magis exceptiones sunt, quam actiones, quia excipienti reo opponuntur, qui in exceptione actor est, *l. 1. eod.* De Replicationibus, Duplicationibus, ac Triplicationibus actum *lib. 4. Inst. Civ. tit. 14.* Illud hic moneo, quod Canisius, & satis multi movent, in foro Ecclesiastico Duplicationes, ac Triplicationes istas non obtinere, iudicemque causam concludere. Referunt huc nonnulli *cap. 13. de test.*; sed is tamen alio apertat.

TITULUS IX.

De Mutuis Petitionibus.

Exceptionibus proximae sunt mutuae Petitiones, seu Reconventiones, non quod haec exceptiones sint, quam opinionem nonnullis probatam aperte rejicit *cap. 2. §. 2. de ord. cognit.*; sed quod eis, ut exceptionibus, juvetur reus. Si quid igitur causae sit, cur possit reus cum actore agere, eo nomine actorem reconvenire apud eundem iudicem potest, *tit. Decretal. de mut. petit.* sive actione in personam, sive actione in rem conventus sit reus; non enim admissa est A. Fabri opinio, quam 20. *Conject. 8.* subtiliter quidem more tuo, sed non ex vero tuetur, cum, cum quo actione in rem est actum, reconvenire

nire non posse: & siue eadem, siue alia sit causa, *Nov. 95. cap. 2. §. 1.*, & *cap. 2. pr. & §. 1. de ord. cogn.* quae duo loca A. Fabro contententi 20. *Consect. 5.*, non licere reo actorem ex diversa causa reconvenire, luculentissime obstant. Quae compensationem, eadem aequitas reconventionem suadet: & bene Tertullianus 2. *adv. Marcion. 20.* reconventionem dicit *compensationem*. De reconventione dictum aliquid *etc. 2.*: reliqua nunc accipe. Quam apud ordinarium, tum apud delegatum iudicem reconveniri actor potest, *cap. 3. §. 1. de rescript. in 6.*: apud arbitrum, qui debet fines compromissi servare; non potest, *cap. 6. de arbitr.* Cuius agendi, ei reconvenendi jus est, nam reconvenire est agere; unde inutiliter reconvenit excommunicatus, quod inutiliter agat, *cap. 5. in fine de except.* Actoris & rei reconvenientis par esse conditio debet: atque huc spectat Caelestini III. rescriptum in *cap. 2. h. t.*, si actori ex rescripto Pontificis iudex sit datus, qui remota appellatione cognoscat, (quod quid sit in iure, perbelle Cujac. exponit in *cap. 2. h. t.*) hunc remota etiam appellatione cognoscere de reconventionibus debere. Mutuo agere reus debet statim, uti dicitur in *Aubi. & consequenter C. de sent. & interloq.*, seu in ipso litis exordio, uti est in *Clem. 2. §. 1. de V. S.*, hoc est ante contestatam super actoris petitione litem, nihil obstante *d. cap. 3. §. 1. de rescript. in 6.*, ubi verba eodem durante iudicio, quae videntur obturbare, explicari in hanc sententiam non inconcinne possunt, apud eundem iudicem: quibus verbis nihil de tempore reconventionis definitur. Sunt causae, in quibus reconventioni locus non est, puta criminales, *l. 1.*, & 19. *C. de his, qui accusare, c. 1. 2. c. 3. q. 1.*; namque innocentia, non relatione criminum reus purgatur, *l. 5. de publ. iud.*: depositi, *cap. ult. de pos.*; atque, ut alias omitam, causa super interdicto unde vi. Quod in Legibus interdictum unde vi, in Canonibus dicitur actio spoli, de qua in tit. *Decret. de restit. spoliis*. Si quis agat interdicto unde vi, frustra ab adversario suo reconvenitur, *d. cap. ult.*, nec quidquam habere prius debet iudex, quam ut per vim deiectionem restituat, *l. 1. §. 1. de vi arm., l. ult. §. 2. C. de compens., cap. 1. de rest. spoliis*: adeo inimica est juri privata vis; nisi tamen reus eodem interdicto experiatur, *d. cap. ult.*; quae enim juris ratio actorem, eadem & reum defendit. Jam & Civili, & Canonico jure consulitur deiectioni. Jure Civili is tantum, qui vi deiectionis est de possessione rei soli, interdicto unde vi adversus eum agit, qui aut ipse per se, aut per alium deiecit, *l. 1. pr., & §. 12. de vi, & vi arm.*; atque hoc interdictum Canones probarunt *can. 2. & 3. caus. 2. q. 2., can. 1. caus. 3. q. 1., cap. 15. de rest. spoliis*. Quod si alius ab eo, qui deiecit, rem possidere coeperit, jure Civili deiectionis cum alio, quam cum eo, qui deiecit, interdicto experiari non potest, *l. 7. eod.* At vero Innoc. III. in *cap. 18. de rest. spoliis non obstante*, ut ipse ait, *juris Civilis rigore*, interdictum dedit etiam in eum, ad quem non ignarum vitii res pervenit, *quam spoliatori quasi succedat in vitium*: quod jure Civili de eo vere dicitur, qui alteri in jus universum succedit, *l. pen. C. de edq. poss.*, quam docte expendit Cujac. in *d. c. 18.*; unde recte agitur interdicto cum herede praedonis, *l. 1. §. ult., l. 2. de vi, & vi arm.*; jure autem Canonico vere etiam de emore, donatario, & quovis alio successore singulari. Denique huc pertinet *can. redintegranda 3. caus. 3. q. 1.*, pro cuius Canonis interpretatione multae sunt turbae. Rectissime Cujac. *ibid.* scribit, eum Canonem id velie, quod etiam jure civili locum obtinet, ut etsi interdictum unde vi sit annale, *d. l. 1. de vi*; tamen rerum vi ablatarum perpetua sit persecutio, *l. pen. de interdict.*

TITULUS X.

De Litis Contestatione.

Quid olim Romae fuerit litem contestari, Festus tradit v. *contestari*, locumque Festi multis exornant Cujac. 9. *Obs.* 21. , & Salmat. *Obs.* ad *jus Attic.* p. 818. Veterem contestandi formam vel ante sublata formularum solennia exolevisse, ex *l. un. C. h. t.* Vinnius tradit 1. *select.* 17. Quid sit novo jure contestari litem, in *d. l. un.* expressum est his verbis, *Lis contestata videtur, quum iudex per narrationem negotii causam audire incipit* : audiri autem causa intelligitur narratio ab actore *proposita*, & *contradictione* a reo *obiecta*, *l. 41. §. 1. C. de iuric.* : quo juris loco manifestum fit, contradictione opus esse ad contestandam litem, ut qui de hac re disputant, nae illi ingenio, ac tempore abutantur. Hoc sensu accipiendum illud Gregorii IX. in *cap. un. h. t.*, *Per petitionem in jure propositam, & responsionem sequutam contestatio lis fit*. Quamquam autem jure Civili controversum sit, num ad contestandam litem utriusque partis praesentia, & voce sit opus; tamen vulgo a Canonistis in hanc sententiam itum est, neutrum necesse esse ob textum in *d. cap. un.*, ubi Gregorius ad contestationem litem *petitionem in jure propositam, & responsionem sequutam* generaliter requirit, praeterea nihil. V. Gonzalez in *d. cap. un. n. 8.*

Contestationis praecipui effectus hi sunt. Mandatum jurisdictionem facit perpetuam, *cap. 19. de off. deleg.* iudicis recusandi potestatem adimit, quod accipe secundum ea, quae de suspectis iudicibus praemonui *tit. 8.* : facit, ut lis pendeat: de quo dictum *tit. 3.* : temporales actiones perpetuas reddit, *l. 24. de liberal. caus.* interrumpit praescriptionem, *l. 26. C. de rei vind.*, *l. 3. C. de praescrip. 30. an.*, *can. 9. caus. 16. q. 3.* : exceptiones dilatorias praecedit, *uid. d. tit. 8.* traditum est; atque, ut alios missos faciam, malam fidem inducit, *l. 25. §. 7. de pet. her.*

Reus ultra viginti ab oblato libello dies differre contestationem non debet, *Auth. offeratur C. h. t. V. Gratian. in can. 4. c. 3. q. 3. §. offeratur*. Litis contestationem non desiderant causae spirituales, *Clem. 1. de judic.*, juncta *Clem. 2. de V. S.* causae appellationum ab interloquutionibus, *cap. 69. §. ult. de appellat.* : itemque causae breviores, *V. d. Clem. 2.*

TITULUS XI.

De Juramento Calumniae.

DE hoc juramento multa congesti in Comm. ad §. 1. *de poen. tem. litig.* lib. 4. *Inst.* Jurare actor debet, non calumniandi animo *litem se movisse, sed existimando bonam causam habere*, reus autem, *putantem se bona instantia uti ad relucendum pervenisse*, *l. 2. C. h. t.* (a). Calumnia hoc loco est *fraus, deceptio*, quam Graeci vocant *ἱκανία*; unde ingenii calumnia ludificari dixit Tullius apud Nonium. Lite contestata ad hunc modum juratur, *cap. poen. h. t.* : nec

(a) Hoc potissimum est hujus sacramenti caput. Alterum habes in *Auth. in isto C. h. t.* Est & tertium in *Nov. 124. c. 1. pr.*; sed hoc ad juramentum calumniae non pertinet, consendis Giphanius de *Ord. judic. c. 15. sub initium*.

nee videtur focus cautum jure Civili, d. l. 2. Verum si in primo litis exordio non juratur, at debes, posse postmodum in qualibet parte litis jurari, inquit Bonifacius VIII. in cap. 1. h. t. in 6., quum hujusmodi juramenta praestari ab initio, de substantia ordinis judicii non existat. Nih velic actor jurare, protinus causa cadit: nisi velit reus, confessi, & iudicati loco est: quas poenas proposuit Greg. IX. in cap. ult. h. t. ex d. l. 2. §. 6., & 7., & Nov. 124. In omnibus causis iurandum propter calumniam dari voluit Justin. l. 1. C. eod.: tamen satis multi sunt juris Civilis interpretes, qui criminales causas excipiunt. Quid sit Legibus statutum, nunc non quaero. Certe eas causas non videntur Canones excepiisse, cap. 1. h. t. Quod ad causas spirituales, pugnant Eugenius III. in cap. 2. h. t., & Bonifacius VIII. in d. cap. 1. §. ult. Hic in iis causis de calumnia jurari, ut in aliis, ait: ille negat. Cujacius, alique non pauci de hoc dissidio tollendo non parum laborant; sed id est cum ratione insanire. Antiquum jus a Bonifacio abrogatur: & sane Bonifacius antiqui juris expresse meminit: tum contra statuit ea motus causa, quod frequenter calumniari viderit in ipsis, puta, in spiritualibus causis. De calumnia jurant ipsi litigatores, d. l. 2. C.: tutores, & curatores in causis, quas agunt, Auth. principales §. 5. C. eod. Per procuratorem jure Civili de calumnia non juratur arg. d. l. 2., & l. pen. §. 4. C. de reb. cred.: jure Canonico juratur recte, si id procuratori specialiter mandetur, cap. 3. h. t. in 6.: quod fori Civilis usu receptum est. De Clericis ita Honorius II. (non III., uti perperam Cironius) in cap. 1. h. t., Legibus comperimus esse cautum, ut nullus Clericus jurare praesumat. Ita cautum l. 25. §. 1. C. de Ep. & Cler., qua verus Ecclesiae disciplina per Marcianum confirmatur ibi, Ecclesiasticis regulis, & canone a beatissimis Episcopis antiquitus instituto Clerici jurare prohibentur (a). Ecclesiasticam hanc disciplinam firmant can. 1., & 5. caus. 2. q. 4., & can. pen., & ult. caus. 22. q. 5. Nominatim Honorius laudat Constitutionem Marciani, qui mendose Marcus dicitur in d. cap. 1.: tum describit Constitutionem Henrici II. Imp. (non V., ut male nonnulli) lib. 2. L. g. Long. tit. 47., qua Marciani Constitutio de solis Constantinopolitanae Ecclesiae Clericis scripta ad omnium Ecclesiarum Clericos, & vero etiam Monachos, producta est. At enim in cap. 3., 6., & 7. h. t. Clerici de calumnia jurant. Placet quod Cujacius habet in d. cap. 1., nullum Clericum per se quidquam jurare cogi, vel posse ultro, inconsulto Rom. Pontifice, si sit Episcopus, inconsulto Praelato suo, si sit Clericus, ut dicitur in d. cap. 1.; posse vero per alium, puta Procuratorem, Oeconomum, Syndicum, d. c. 5., 6., & 7. Ita, si licet leges gentium cum Ecclesiastico jure componere, Romae olim, Gellio teste lib. 10. c. 15., edixit Praetor his verbis, Sacerdotem Vestalem, & Flaminem Dialem in omni mea jurisdictione jurare non cogam: quod idem confirmasse Caligulam, auctor est Dio lib. 59. (b); recte tamen per alium jurabant: idque Plebiscito comprobaturum est apud Liv. lib. 31. sub fin. Hoc distant a Clericis laici, quod hi tactis, illi propositis tantum Evangelii jurent, cap. ult. h. t., quod est ex Nov. 123. Tom. V. T. Cle-

(a) Jurasse Clericos, si qua justa urgeret causa, constat ex Sodom. lib. 6. c. 30., & Justiniano Nov. 23. cap. 1., Nov. 127. c. 2. V. Joh. Dantis in Decret. Gratiani caus. 2. q. 4. Dicam nonnulla de hac re lib. 4. tit. de purg. can. & vulg.

(b) Caput hoc in Edictum perpetuum non inseruit Julianus. V. Bertrand. in Juliano.

emio , testamentum , nisi perfecta , non valent , l. 115. de V. O. , l. 9. de contr. emt. Ego vero semiplenas probationes admitto , quae licet solae legitimam judici fidem non faciant , non sunt tamen omnino nihil , ac deferendi iuramenti necessitatem imponunt : quia da re inferius . Moveor l. 31. de iurejur. , Solent saepe iudices in dubiis causis exacto iuramento iudicare . Moveor etiam l. 3. C. de reb. cred. , Inopia probationum per iudicem iuramentum res decidi oportet . Jam re dubiis causis , ac re inopia probationum alio reterri , quam ad semiplenas probationes non possunt : quod latius suo loco . Denique moveor cap. 4. de in integr. rest. ibi , licet non constet ad plenum ; & cap. 6. de frig. & malef. ibi , quamvis semiplene nobis expresseris . Frustra autem exempla cautionis , stipulationis , emtionis , ac testamenti opponuntur ; sunt enim illi adus individui , probatio autem dividua est ; unde eam plus , minusve evidentem saepe dicimus , quandoque etiam luce clariorem , qualem probationem criminales causae requirunt , l. ult. C. de prob.

Probationum species sunt Confessio , Testes , Instrumenta , Iururandum , Praesumptiones . Sic vulgo . At nonnullorum , in quibus est Ant. Matthaeus Manu. ad jus Canon c. lib. 3. tit. 6. , opinio sic fert , Confessionem , Iururandum , Praesumptionem proprie probationes non esse . Ego subtiliora utraque nihil moror . Igitur vulgarem probationem sequutus ajo , Probationum potissimum esse ipsius rei Confessionem ; unde confessum pro iudicato esse , sequi sua sententia quodammodo dammare , eleganter Paulus scribit l. 4. de confessis . In civili iudicio actor positiones adhibet , quibus reus calumniam aofuturam incipit ius juratus respondere compellitur , ita ut si quod actor scripto proponit , verum esse reus affirmet , is sua ipsius confessione dampnetur , si respondere renuat , confessi loco sit , cap. 2. de conf. in 6. Positiones , quas Articulos forensi sermone appellamus , sunt capita quaedam , quibus comprehendit actor facta praecipua , unde ius nascitur . In Positionum originem haud est multo labore inquirendum , quod faciunt nonnulli . Certe eas Civile ius ignoravit , primumque Canones meminere cap. 54. de elect. , & cap. un. de lit. cont. : quodque Clemens V. in clem. saepe de V. S. inquit , eas longo ufu in causis admissas , de iori Ecclesiastici usu intelligendum est .

Quod si reus negat , quod actor ait , hic probare aliis legitimis modis : propositum debet . Plurium testium in idem consentientium fides plurima est in foro iudiciali . Unius testimonium recte quidem facit , ne quid fiat , quod temere fieri sine flagitii periculo non potest , can. 112. dist. 4. de consecr. , cap. 22. de test. ; tamen si de infirmando , quod iam est factum , si de probando agitur , quod negatur , unius , cuiuscumque dignitatis sit , omnino nulla est fides , l. 9. C. de test. , can. 3. caus. 6. q. 2. Hinc in ore duorum , vel trium omne verbum stare , scriptum est Deut. 19. , & Matth. 18 (a) . De numero testium ita generaliter Ulp. l. 12. de test. , Ubi numerus testium non adicitur , etiam duo sufficient ; generaliter etiam Alex. III. in c. 23 eod. (quod est ex eius Epistola ad Angliae Praelatos data , uti bene Gonzalez) in qualibet causa Christiani , & maxime Clerici ad minus duorum vel trium testimonium admitti iubet . At sunt tamen certae quaedam species , quae plures eo numero

T 2

testes

(a) Unius Episcopi testimonium accipere iussi olim iudices constitutione Arca dii , & Honorii de Episcopali iudicio in fine Ccd. Th. Tanta de se sanctissimi Episcopi fidelium animis iniecerant opinionem . V. can. 36. caus. 11. q. 1. , Cujas. in cap. 7. de probat. , & Gonzalez in cap. 10. de test.

testes requirunt, l. 1. §. 2. de test., in quam v. Briffon. 2. *select.* 17., d. cap. 23. in fin. Huc referunt nonnulli *can. 2. caus.* 2. q. 5., ubi ex Concilio Romano sub Sylvestro scriptum est, *Præsul non damnabitur, nisi cum 72. testibus . . . Presbyter Cardinalis nisi cum 44. . . Diaconus Cardinalis Urbis Romæ nisi cum 27. . . Subdiaconus, Acolythus, Exorcista, Lectur., Ostiarius nisi 7.* Verum nunc satis norunt critici Concilium illud ab Ilicero Mercatore confictum. Et vero, ut alia desint argumenta, manifestam suppositionis notam habet is Canon, quo loco Diaconos, & Presbyteros Cardinales meminit Sylvestro longe recentiores: qua de re lib. 1. Sed etsi apocryphus sit is Canon, ambigendum tamen non est, vel a primis Ecclesiæ sæculis testes 72. contra Episcopum productos: quod primum decrevisse Zephirinum, auctor est Luitprandus in ejus vita. In l. 19. *C. Th. quor. appel. non recip.*, ad Chronopium Episcopum damnandum adhibitos 70, hoc est, 72. (nam rotundo numero scripta lex est) tradunt Valentinianus, Valens, & Gratianus (b). Eundem

num.

(b) Eundem testium numerum in Concilio Sinuessano contra Marcellinum Papam, qui idolis ritus adoleverat, fuisse adhibitum, in ejus Concilii Actis proditum est his verbis. Hi omnes electi sunt viri libra occidua, cui testimonium perhibent: ea autem libra 72. testes significari, ex iisdem Actis exploratissimum est. Marcellini lapsus, & Sinuessanae Synodi acta puram putam falsellam esse, jam demonstrarunt Critici, & egregie præter ceteros Papabrochus in *Constat. Chronol. Historic.* Sed in id nunc non inquiri. Libra occidua me sollicitum habet. Consuevisse veteres nominibus ponderum numeros designare, satis probant vocabula librae, & unciarum, quibus solida hereditas, quæ ex duodecim partibus constat, & partes hereditatis explicabantur. Quoniam igitur libra septuagintaduorum solidorum erat ex Constitutione Valentiniani, & Valentis in l. 5. *C. de susceptor.* lib. 10., rectissime eo vocabulo 72. testes exprimuntur. At enim Marcellineus Valentiniano, & Valente antiquior fuit. Ita vero; sed acute, & vere conjecturam facit Baronius, acta Synodi Sinuessanae, qualia nunc extant, recentior in habere auctorem, qui verba nonnulla secundum sui temporis consuetudinem usurpavit, quod a Virgilio, & optimis quibusque scriptoribus factum. Quid vero est, cur eam Libram Anonymus ille occiduam dicat? Est id insolens librae adjunctum. Joh. Dartis in *Decret. Grat. caus.* 2. q. 5. mavult aliquid, hoc est, vera, & expentia, ut eam vocem interpretatur testimonio Istorio Orig. lib. 10; sed obstat Codicum fides. Jac. Cujacius 17. obs. 9., & Baronius ad an. 302. duplicem statuere libram, alteram Orientis, quæ 60. solidis erat ex Constitutione Imp. Constantini in l. 1. *C. Th. de ponderat. Antiochiæ lata*; alteram Occidentis, quæ solidis 72. valebat ex laudata Constitutione Valent. & Valentis lata Romæ. Hanc ab Anonymo dictam occiduam ajunt, h. e. occidentalem, quo sensu occidua domus Statio dicta 1. *Theaid.* Verum, ut bene Cironius 4. obs. 5., ex eo, quod Constantinus suam legem dederit Antiochiæ, Valentinianus autem ac Valens suam Romæ, inferri non debet, hos Occidentem solum, illum solum Orientem spectasse, quasi vero eorum legum auctores non utrumque Imperium tenerent. Possem multas Imperialium Constitutionum subscriptiones huc adferre, quibus nullam esse vim ejus argumenti pateret; sed eas congerere facile cuique est. Vide. num tibi magis probetur conjectura Jac. Gothofredi de mutat. & augm. monetæ, libram occiduam interpretantis inmutatam: in quam sententiam occiduam apud non malos latinitatis Auctores, maxime Postas, interdum accipi, collatis exemplis demonstrat.

numerus praescripsit Leo IV. in *can. 3. caus. 2. q. 5.* Bene potuit, ac potest Ecclesia pro dignitate personae plures, quam duos, tresve testes, requirere. In causa Tholofani Episcopi, quem Simoniae, ac fratricidii delulerunt, centum adhiberi testes, voluit Clemens IV. *ep. 326.* Quemadmodum autem Romanorum Imp. Constitutionibus producendorum testimonium licentia ad sufficientem numerum coarctata est, ut *judices moderentur, & cum solum numerum, quem necessarium esse putaverint, evocari patiantur, ne effrenata potestate ad vexandos homines superflua multitudo testimonium protrahatur, l. 1. §. 2. de test.*; ita Innoc. III. testes supra 40. ex utraque parte produci vetuit *cap. 37. eod.* Testes esse non possunt qui prohibentur, *l. 1 §. 1. ff. de test.*: qui autem prohibeantur, pete ex libris juris Civilis. Id unum moneo ex jure Canonico, laicos in criminali causa testimonium dicere contra Clericos non posse, *cap. 14. de test.*; neque Clericos contra laicos in foro seculari, *can. 9. caus. 11. q. 1.*, qui licet ex supposita Romana Synodo sub Sylvestro descriptus sit, continet tamen sententiam novo juri Canonico conformem; Clericos enim imperio Magistratus exco- munitos interrogare iudicibus secularibus non licet, Testes a iudice advocandi, inter- rogandi, nisi iusta causa venire eos ad iudicem veteret: quo casu mittetur ad eos, qui interroget, *l. 5. de iurejur., cap. 8. de test.* Praesente, aut saltem legitime citato adversario interrogandi sunt, *l. 19. C. de test., & Nov. 90. cap. 9.*, quam laudat, ac sequitur S. Gregorius in *cap. 2. eod.* Longissime a verbis, ac mente Legum, & Canonum aberrat communis Doctorum, maxime veterum, opinio, vocandum adversarium, ut addit, quia testes jurant, non cum a iudice interrogantur. Aburuntur in hanc absurdissimam sententiam Constitutione Zenonis in *l. 14. C. eod. tit.*, ubi scriptum est, *intrare testes judicantis secretum.* Apud Zenonem, ut bene Poller. *lib. 5. c. 12*, *secretum* est quod *l. ult. C. ubi Senat. vel Clariss.*, & *l. 3. C. de offic. div. judic. secretarium* dicitur, puta iudicii locus. Sed communis error in communem fori usum jam abiit. Injura- to testi non creditur, nisi ei iusiurandum adversarius remittat, *l. 9. C. de test., cap. 39., & 51. eod.* Forte haec iusiurandi necessitas in causa fuit, cur *cap. 1. h. t.* ita sit cautum, *Nullus testimonium dicat nisi jejunus*; namque *honestum, & iustum videtur, ut qui in Sanctis audeat jurare, hoc jejunus faciat cum omni honestate & timore Dei*: qui Canon sub nomine Cornelii P. est apud Bur- chard in *Decret. lib. 12. c. 12*, & Binium tom. 1. *Concil.* Verus est Eccle- siae disciplina, ut sacra nonnisi a jejunis tractentur, *can. 6., & 7. de consecr. dist. 5.* Res ipsa monet, ut explicetur hic titulus *Decretalium de testibus cogendis vel non.* Ante Justinianum in criminalibus dumtaxat causis inviti prae- ter certas personas testimonium dicebant, *l. 4. §. 5., & 19. ff. de test., Plin. lib. 3. ep. ad Minurianum*; in civilibus testes voluntarii erant, Quintil. 5. *Instit. Orat. 7.* Primus Justinianus Constitutione sua, cuius is meminit in *l. 16. C. eod.*, quamque ex Basilicis restituit Cuiacius 8. *Obs. 13.*, antiquum jus de cogendis testibus ad pecuniarias etiam causas produxit, *l. 16., & 19. C. eod.* Romana Ecclesia monere testes consuevit, non cogere, *cap. 1., & 3. de test. cog.* Vim facere invito proprium est juris Civilis: quod discrete addit Alex. III. *d. cap. 3 in fine.* Uno casu Ecclesiasticus iudex invito testimonium denuntiat, si is odio, vel timore se subtrahat, *d. cap. 1.,* atque alia deficiat probatio, quod ex *cap. 5., & ult. h. t.* addendum est: & laicum qui- dem dicere testimonium cogit per Ecclesiasticas censuras, puta, excommuni- cationem, *d. c. 1., & cap. 5., 9., & ult. eod.*; Clericum vero per suspen- sionem ab officio, & beneficio, quam, si venire adhuc recuset, sequi excom- municationis, ac depositionis sententia potest, *cap. 2. eod. tit.* Quod si quis se

non dicturum testimonium juratus promiserit, nulla juramenti vis est, *cap. 18. de test.*, & *cap. ult. de test. cog.*

In exercendis litibus eandem vim obtinent *esm* *files instrumentorum*, quam *depositionum testium*, inquit Constantinus l. 15. *Cod. de fid. instrum.* Quamquam autem instrumentorum nomine ea omnia accipienda esse Paulus scribat l. 1. ff. *eod.*, quibus causa instrui potest: & ideo tam testimonia, quam personas instrumentorum loco haberi; tamen in judiciis instrumenta proprie sunt scripturae, quarum genus duplex, alterum earum, quae publicae, alterum earum, quae dicuntur privatae. Publicae sunt publica auctoritate confectae, uti censuales tabulae, l. 10. *de probat.*, l. 3. *C. si cens. vel reliq.*, publicae apochae, l. 6. *C. de suscept.*, l. 2. *C. de jur. emph.*, acta publica civilia, vel criminalia, l. 2. *C. de exend.*, instrumenta per publicos tabelliones conscripta, quae proinde in Novellis non raro appellantur *inopina forensia*, & publica, ut in l. 20. *C. de fid. instr.*, ac demum privatae scripturae publico sigillo munitae, l. 7. *C. de testam.*; & *cap. 2. de fid. instr.* Aliae praeter has privatae sunt. Publicarum in judiciis certa fides, l. 17. *C. eod.*, *cap. 21. de fid. instr.*, privatarum nulla, d. *cap. 2.* Non cogi reum propria edere instrumenta, utriusque juris regula est in l. 10. §. 4. *de quaest.*, l. 2. *C. de test.*, l. 11. *C. de pet. her.*, *can. 3. §. qui intendit*, *caus. 4. q. 3.*, & *cap. 1. de prob.* At in odium foeneratorum, qui ut plurimum contractus usurarius occulte ineunt, & dolose, quod vix convinci possunt de usuraria pravitae, cogi eos posse per Ecclesiasticam censuram ad rationum codices exhibendos, jure singulari cavet Clemens V. *Clam. m. §. 1. de usur.*

In censum Probationum Jusjurandum quoque venit. De jurejurando voluntario, judiciali, ac necessario abunde a nobis actum Comm. in §. 11. *de Act. lib. 4. Instr.* Ad huc locum proprie pertinet jusjurandum, quod iudex litigatoribus desert, quodque vulgo *suppletorium* dicunt, namque eo semiplena probatio suppletur. Qui semiplenam probationem non admittunt, suppletorium istud iuramentum rident. Sed nae ipsi ridendi sunt. In *dubius causis*, ut Cajus loquitur in l. 31. *de jurej.*, vel, ut Diocl., & Max. in l. 3. *C. de reb. cred.*, in probationum inopia iudex delato jurejurando litem finit. Quid vero est *dubia causa*, quid *inopia probationum*, nisi causa, in qua est semiplene probatum? Si dubiam causam, probationumve inopiam interpreteris cum Donello, & Fabro causam, in qua pares ex utraque parte adferunt probationes, quam interpretationem me alias sequutum memini, obstat illud, quod in hac specie par sit causa actoris, & rei: in qua specie tantum abest, ut deferre jusjurandum debeat iudex, ut omnino necesse sit reum absolvi; nam *favorabiliores rei potius, quam actores habentur*, l. 125. *de R. J.*, & in *pari causa possessor potior haberi debet*, l. 128. *eod.* Consonat jus Canonicum in *cap. 3. de prob.*, *cap. 6. de fid. instr.*, & *cap. 65. de V. S. in 6.* Si probationum inopiam in ea causa agnoscas cum Giphanio in d. l. 3. *C. de reb. cred.*, ubi nihil ab actore probatum est, illud omnino obstat, quod Imp. Antoninus rescripsit in l. 4. *C. de edend.*, *actore non probante, eum, qui convenitur, etsi nihil ipse praestet, obtinere.* Restat igitur, ut de semiplena probatione utrumque eum textum accipiamus. Desertur jusjurandum reo, si reus aequae, atque actor semiplene probet, quod in re dubia potior sit causa rei, d. l. 125., & 128.: actori vero, si hic semiplene probet, reus nihil, quod & nulla hujus, & semiplena illius probatio haud obscuro argumento sit, reum esse mendacem, quem proinde facile est perjurum futurum. Deserre autem jusjurandum non libera res est, uti Donello, ac Fabro visum. Rem per iudicem jurejurando decidi oportere, inquit Dioclet. in d. l. 3.: nec quidquam obturbat verbum *solent*, quo Cajus

utitur

utitur in d. l. 31.; nam *solere* quandoque in libris juris verbum est necessitatis, l. 56., & 94. de R. J. Delato juramento iudex secundum eum iudicabit, qui utitur, d. l. 31. Haec de civilibus causis intelligenda. Num in criminalibus suppletorio juramento sit locus, in utramque partem disputatur.

Denique probationis vim obtinent Praesumptiones, l. 16. C. de prob., cap. ult. de praesumas., cap. 7. de laer. in 6. Praesumptiones sunt conjecturae ex aliquo verisimili ad probandum assumtae. Sic eas vulgo distinguunt. Aut hominis sunt, aut legis. Praesumptiones, quae dicuntur *hominis*, nullo certo jure consignatae sunt, sed pro iudicis intelligentia assumuntur spectatis personarum, ac rerum adjunctis: qui olim forensis eloquentiae aberrimus campus erat, uti ex Orationibus Ciceronis compertum sit. Praesumptiones, quae *legis* dicuntur, certa lege consignatae, & extra iudicis arbitrium positaе sunt: atque hae rursus dividuntur passim in Praesumptiones *juris tantum*, & Praesumptiones *juris*, & de *jure*. Prioris generis sunt, quas probat iustitiam verisimiles, non tamquam omnino veras, ut contrarium probari non possit, quales sunt, *videri repetita a substitutis*, quae ab instituto fuerunt relicta, l. 74. de leg. 1.: quod non demonstratur, unde mulier habeat, existimari a viro ad eam pervenisse, l. 51. de don. int. vir.: quod Episcopo legatum est, istanti Ecclesiae, non personae relictum videri, si extraneus legavit; si vero propinquus, intuitu personae, non Ecclesiae, cap. 15. de test. Atque id genus Praesumptionum propriae sunt hae formulae *videri, existimari, intelligi, haberi*. Posterioris generis sunt, quas & jus probat, & adeo veras pronuntiat, ut nullam in contrarium probationem admittat, qualis est haec, si quis cum muliere data de contrahendo matrimonio fide consuevit, matrimonium contractum praesumi, & certe aliam ab eo duci uxorem non posse, cap. 30. de sponsal. In hoc exemplo jus non praesumit tantum, sed & aliquid certo statuit super eo, quod praesumit, nempe id, matrimonium cum alia contrahi haud posse. Praesumptiones *juris tantum* probandi onus transferunt in adversarium, l. 24. de prob., cap. 10. de praesume. Praesumptiones *juris*, & de *jure* probant adeo, ut non sit contra eas probatio admittenda, uti loquitur Greg. IX. in d. cap. 30. de sponsal. V. etiam cap. 4. qui matr. accus.

T I T U L U S XIII.

De Sententia, & Re Judicata.

Post satis instructam a litigatoribus causam, & postquam per eos jam fuit expresse, vel tacite ulteriori disceptationi renunciatum, unde oritur *Conclusio in causa*, quae formula a Decretalibus Pont. in Civile forum defluxit, cap. 5. d. 3. de caus. poss. & propr., & cap. 9. de fid. instr., dicenda a iudice sententia est. Sententiam definitio ex Modestino in l. 1. de re judic. pronuntiationem iudicis, quae vel condemnatione, vel absolutione controversiam finit. Aut interlocutoria est, aut definitiva. Interlocutoria, quam veteres *praedictum* dixerunt, leges *interloquutionem* latine dicunt (nam *interloquutorium* vix latine dici, Vossius docet de vit. ferm. lib. 3. c. 16.) interlocutoria, inquam, est iudicis pronuntiatione tunc quaestione disceptationi principaliter motae incidente, quae primariam causam plerumque non perimit, l. 9. C. de sent., & interloqu. Contra quae pronuntiatione primariam causam perimit, ea definitiva sententia est, quae propria est huius loci. Hanc, si *condemnationem*, vel *absolutionem* non continet, pro *iusta non haberi*, Imp. Alexander rescripsit, l. 3.

l. 3. C. eod. (a). Sedere iudex debet, quum profert sententiam, quo enim magis quiescit corpus, eo mens acrius intendit. *Nimio plus sapio sedens*, aiebat Tranio apud Plautum in *Mossellaria*. Sedere iudicem Leges iubent, *l. 6. §. ult. C. de post.*, in quam perbelle Pollet. *lib. 1. c. 5.*, *Nov. 71. c. 1.*; unde *sessiones* iudicum in *l. 2. §. 1. quis ord. in pos.*: & *sedere* pro *iudicare* apud Tullium. Sed nusquam statuunt, sententiam a non sedente iudice dictum nullius esse momenti: quod jus Canonicum statuit in *cap. 5. h. 1. in 6.* Verum in iudiciis, quae *summaria* dicuntur, sedendi necessitas iudici remissa est, *Clem. 2. de V. S.* in fine. Porro publice sedens, non in secreto loco sententiam dicere iudex debet, *l. 6. C. de sent.*, & *interloqu.*: & Magistratus quidem pro tribunali sedet, unde *tribunali praesse*, ac *pro tribunali cognoscere* passim de Magistratu dicitur in libris juris Civilis *l. 2. §. pen. de iud.*, *l. 2. de re iud.* Cujus iurisdiclio non est, ejus tribunal nullum. *V. Pollet. lib. 1. c. 6.*, & *Briffon. de V. S. v. Tribunl.* Ad stantem iudicem dicere est apud Cic. Tribunal erat locus editus, quo per gradus ascendebatur. *V. Pollet. ibid.* Ei locus planus apud Latinos opponitur. *Senec. lib. 1. de Clem. c. 5.* Hinc de plano *cognoscere*: quam formulam expendi in *pr. tit. de act.* Episcopi olim civiles fidelium causas domi plerumque iudicabant: qua de re *Aug. lib. 6. Conf. c. 3.*: criminales in Conciliis, ut fufe *lib. 4. Tribunali*, uti & aliis bene multis, quae erant publicorum iudiciorum propria, abstinebant. Apposite Eusebius de Paulo Samolatenio *lib. 7. c. 20.*, *Sedem*, & *thronum sublimem sibi paravit*, non ut Christi discipulus, sed ut orbis Princeps, secretum (puta, secretarium) habens, & nomine appellans. Quod ad tempus ferendae sententiae, noctu iudicare, ac de reo poenas sumere inde usque a legibus 12. tab. Romae interdictum. *Gell. lib. 17. c. 2.*, *Senec. de ira lib. 3. c. 18.*, & *19.*, *l. 2. §. 31. de O. J.*, *l. 1. §. 8. quand. appel.*, *Nov. 82.*, *Petr. Fab. 2. Semestr. 9.*, licet contraria exempla non desint. *Suet. in Aug. c. 33.* A jure Civili Canonicum non ablu- dit, *cap. 24. de off. deleg.* De idiomate ita Tryphoninus in *l. 48. de re iudic. Decreta a Praetoribus latine interponi debent*. Contra Arcadius, & Honorius, *l. 12. C. eod. tit.*, *Judices tam latina, quam graeca lingua sententias proferre possunt*. Nullam ego hic antinomiam agnosco. Tryphoninus de Praetore loquitur, qui Romae jus dicit, ubi vernaculus sermo latinus: Imperatores de iudicibus in Provinciis constitutis; scripta est enim *l. 12. ad Proconsulem Asiae*: in Provinciis autem utraque lingua communis quum latina, tum graeca; unde illud rectissime consequitur, quolibet vulgari, atque usitato idiomate proferri sententiam posse. Jam vero sententia sine scripto prolata sic non valet, ut ne nomen quidem sententiae habere mereatur, verba sunt *Imp. Valentianiani*, *Valentis*, & *Gratiani* in *l. 3. C. de sententiis ex periculo (a) recit.*: quae eadem verba usurpavit *S. Gregorius can. 7. caus. 2. q. 1.*, & novissime *Bonifacius VIII. in cap. 5. h. 1. in 6.* Hujus juris ratio videtur haec, quod saepe verba ore pronunciata menti illudant, secus ea, quae literis consignata sunt: pericu- losum

(a) De nota *N. L.* non liquet, quae in iudiciis ampliationis formula erat, *v. Pollet. Hist. for. Rom. lib. 4. c. 15.*, & *Briffon. de Form. p. 489.*

(b) Sententiam ex periculo recitare in *cis. Cod. tit. est tam ex tabella*, seu ex scripto pronunciare. De lectione non liquet. Alii ex breviculo, alii ex periculo, alii ex periculo legunt. *V. Budae. Annot. pr. in Pand., Alciat. 1. Dispunct. 21.*, *Cujac. Par. C. d. 2.*, *Ferland. Adduens. 2. Explic. 13.*, *Perrenon. lib. 2. Animadv. c. 17.*, & *Grot. in Fl. sparf.*

iosum est autem in proferenda sententia iudicem labi, qui eam semel prolatam rescindere, vel corrigere non potest, l. 42. de re judic. , l. 2. C. eod. ; unde Cic. act. 3. in Ver. id Verri vitio dedit, quod sua is decreta subinde mutaret, quod de definitivis sententiis verum est. Interloquutiones mutare integrum iudici esse, non ambigitur, l. 14. de re jud. Quod vero Innoc. III. inquit in cap. 10. h. t. , quum ex depositionibus testium constiterit, sententiam a iudice prolatam; id non latam sine scripto sententiam, sed potius scripturam incendio, aliove casu perisse, supponit: quo spectat cap. ult. de probat. Exceptionem dat Auth. nisi breves C. eod. , Nisi breves sint lites, & maxime viliam personarum, vel causarum (tunc enim sine scriptis cognoscere Praesidem oportet) & nisi Episcopus cognoscat inter suos subditos : quod postremum retulit Gratianus in Decretum luum can. 45. caus. 11. q. 1. : quodque de Episcopo, idem de Capitulo sede vacante statutum est in cap. 43. de testib. Perperam vero Cujacius in d. cap. 43. ideo & Episcopum, & vacante sede Capitulum posse ex non scripto definitivam sententiam ferre scribit, quod sint illustres iudices, quibus ea solennitas remissa est l. 2. C. eod. tit. ; namque ea lege id tantum illustribus iudicibus datur, ut etiam per officium suum, & eos, qui ministerium suum eis accommodant, sententias definitivas recitent ex tabella, quam eas debeant alii suo ipsi ore scriptas ex libello partibus legere (4) : quod generaliter Canonico quoque iure de Episcopo cautum est propter dignitatis praerogativam, ut Bonitagus loquitur in d. cap. 5. in 6. Sed iam passim obtinet, ut iudicum sententiae per alios recitentur. Gudelín. de jur. novis. lib. 4. c. 12. Sententiae vis multiplex. Rem facit notoriam, cap. 10. de cohab. cleric. : inter partes jus facit, l. 25. de stat. hom. , l. 50. §. 1. de leg. 1. inter partes, inquit, non enim aliis nocet, tit. C. quib. res judic. non nocet, & cap. 25. h. t. : & novationem inducit: quod argumentum subtiliter de more suo dissertat Valentia lib. 2. tract. 2. c. 9.

De sententia id addo, interdum fieri, ut interloquutio vim habeat definitivae. In l. 9. C. de sent. & interloq. Diocletianus, & Maximianus scribunt, Nec causam ullam interloquutiones plerumque perimunt. Tò plerumque, quod causa nescio qua intratum a Triboniano Giphanius suspicatur, satis idoneo argumento est, nonnunquam perimi causam interloquutione, puta si iudex peremptoriam exceptionem admittit, l. 37. C. Th. de appel., aut rejicit, Clem. ult. eod., ubi Glossa.

Si intra legitimum tempus provocatum non sit, transit sententia in rem iudicatam, cap. 13. h. t. ; quod perinde est atque auctoritatem rei iudicatae obtinere, cap. 15. eod. ; qui enim poterat provocare, nec provocavit, videtur is in sententiam consentisse. Quoniam vero nec super matrimonio, nec super iis controversiis, in quibus animae periculum versatur, transigi quicumque partium consensu potest; sententiae super iis prolatae etiam post legitimum tempus rerum iudicarum auctoritatem non habent, cap. 7. h. t. Res iudicata dicitur Modestino d. l. 1. h. t., quae suam controversiarum pronuntiatione ju-

Tom.V.

V

dicis

(a) At vero Cassiodorus 5. Var. 3. de Praefecto Praetorio, cujus expressa mentio in d. l. 2., haec habet, Verbo sententiam dicit; ex quo Cassiodori loco interpretantur d. l. 2. Cujacius ibid., & Fornerius in Cassiod. Ego Cassiodori testimonio motus ita fuisse de Praefecto Praetorio Romanis legibus cautum ajo; nunquam tamen faciens Cujacius, & Fornerius, ut id d. l. 2. comprehensum afferre. Qui verba legis perpendet, me haud falsum in hac re dices.

tales in cap. 59. b. t. n. 12. tria tempora distinguit, tempus Anacleti, tempus Innoc. III. & tempus Innoc. IV. Anacletus can. 3. caus. 1. q. 6. Omnia oppressus, inquit, libere Sacerdotum, si voluerit, appellet iudicium. lex verbo libere insert Gonz. olim sive a definitiva, sive ubi interlocutoria nulla expressa causa liberum fuisse appellare, Innoc. III. ab interlocutoriae appellari probabili causis verbo etiam expressa voluit in cap. 61. §. 1. h. t. Tandem Innoc. IV. scripto causam proponi iussit d. cap. 1. Verum Anacleti Epistolam in d. can. 3. vel ex eo suppositiciam esse pater, quod habeat sane multa, quae a disciplina temporum Anacleti prorsus abhorrent. Extrajudicialis est, quae adversus quoscumque extrajudiciales actus interponitur. De hac ita in cap. 6. h. t., Sacri Canones etiam extra iudicium passim appellare permittunt; nec solent huiusmodi dici appellationes, sed provocaciones ad causam. Exempla sunt in cap. 21. de elect., in cap. 1., 19., & 20. eod. tit. in 6., in cap. 8. de appell. in 6., & in cap. 12. de sent. excom. in 6.

Quum ab interlocutoria appellatur, causam scripto exprimendam, dixi ex d. cap. 1.; quo fit, ut ab interlocutoria scripto debeat appellari. V. quoque cap. q. h. t. in 6. Quantum ad definitivam, iure civili interest, nam apud actus, uti dicitur in l. 2. b. t., hoc est, illico, uti dicitur in l. 14. C. eod.; au ex intervallo appelleretur. Si prius, satis erit, si dicatur, appello, d. l. 2., & d. l. 4.; si posterius, libello est opus, l. 1. §. ult. eod., quam de appellatione accipiendam, quae fit ex intervallo, lex 3., quae eum §. continuo sequitur, luculentissime probat. Veterem Ecclesiae disciplinam ex facto S. Cyrilli Hierosolym. Episcopi jam indigitavi tit. 6. Nunc, quod pertinet ad appellationem a definitiva, seorsim a iure Civili ius Canonicum non sentit.

Appellatio intra fatales (a) dies peragenda. Fatales dies inde dicti, quod eorum lapsus fato quodam perimat appellationem, sunt tempora excedendae appellationi praestituta: eaque numero quatuor: primum, intra quod litigator interponere appellationem: secundum, intra quod petere, atque accipere apostolos: tertium, intra quod appellationem introducere: ultimum, intra quod prosecui, ac finire debeat appellationem. Iure Digestorum, & Codicis interponendae appellationis tempus erat altera dies, seu bidentium in propria causa, hoc est, quum quis suo nomine agebat: tertia dies, seu tridentium in aliena, hoc est, quum quis agebat nomine procuratorio, l. 1. §. 5. b. t. & 11., l. 2. ff. quand. appell. l. 6. §. 5. C. h. t.; novo iure Justiniani in qualibet causa est spatium 10. dierum a sententiae registratione numerandum, Nov. 123. c. 3. Justinianaeum ius Innoc. III. confirmavit cap. 15. de sent. & re jud., ac non judiciali solum, sed & in extrajudiciali appellatione servandum sanxit Bonifacius VIII. in cap. 8. de appell. in 6., ubi quum dicit Bonifacius, infra decem dies, postquam seiverit; iam vides, vulgo rectissime dici; appellationis interponendae tempus initio utile, processu continuum esse: quod Civili quoque iure verum est, l. 3. C. quom. & quand. iud. Porro & scisse, & potuisse, est opus, d. l. 1. §. 7. Post appellationem interpositam, inquit Marcan. l. un. de libel.

V. 2

libel.

(a) Fatalium dierum mentio est in l. 32. C. de appell. l. 2., & ult. C. de temp. appell. Eo vocabulo abstinendum inquit Bodinus lib. 3. de Rep. c. 6., quod Graeci eos dies xpias, seu statos appellent, non xuias, seu fatales. Bodino repono, quod Cujacius collatis exemplis tradit 16. Obs. 30., solum Graecorum latina quaecumque esse depravata. Praeterea satis esse Bodino debet, quod Synesius ep. ad Theophil. extremum, ac fatalem vitae diem xpias dicat.

libel. dimiss., litterae dantur sunt ab eo, a quo appellatum est, ad eum, qui de appellatione cogniturus est. Hae litterae vulgo *Apostoli*, hoc est, dimissorii libelli dicuntur, l. 105. de V. S.: dicti autem *dimissorii libelli*, sive *dimissoriae litterae*, ait Modestinus d. l. 106., quod *caussa ad eam, qui appellatus est, dimittatur*. Earum litterarum sensum hunc esse docet d. l. un. §. 1. Marcianus, appellasse, puta, L. Titium a sententia illius, quae inter illos dicta est. Marciani locum in d. l. un. retulit Gratianus in Decretum tuum can. 31. *caus.* 2. q. 6.: tum formulam Apostolorum dedit in haec verba, *Ego ille Sanctae Bononiensis Ecclesiae Episcopus te Presbyterum Rolantum Capellanum S. Apollinae ad Apostolicam Sedem, quam appellasti, ab observatione mei iudicii his apostolis dimittio*. Apostoli olim intra quintum diem, teste Paulo lib. 5. *in tit.* 34., quem locum descripsit Gratian. can. 24. *cod.*: jure novo intra triginta a lata sententia dies petendi sunt, & a iudice, unde appellatur, litigatoribus exhibendi, l. 24. C. de appell., cap. 6. *cod. tit.* in 6. In d. l. 24. scriptum est, *ex die latæ sententiae* (a: quod alii, uti sonant verba intelligunt, alii, quasi scriptum sit, a die scientiae latæ sententiae: quae opinio exemplo ejus, quod de interponenda appellatione dictam est, mini magis probatur, jamque passim fori usu recepta est. V. Wilsenb. in *tit. ff. quand. appell.* Possit iudicem certum tempus in eam rem litigatori dare, constat ex Clem. 2. h. e., quam ita accipiendi, ut possit quidem iudex legitimum tempus contrahere; producere tamen non possit, cap. 5. h. e. Apostoli instantes petendi sunt, d. cap. 6., & uti est in d. Clem. 2. *instantes*, & saepius, ne appellationi renunciare possit videri. Quid de petendis, exhibendisque Apostolis in foro obtineat, vide apud Scacciam de appell. q. 13. Ridolphin. c. 13. n. 132., & alios. Tempus introducendae appellationis, hoc est, tempus, intra quod litigator iudici majori sistere se praesentem debet, atque apostolos offerre, varium est jure Civili pro varia locorum, & iudicum ratione, l. 1., 2., & ult. C. de temp. appell. Varium id ius moribus gentium servari vix potuit. In Canonibus de eo tempore nihil certum. Magis est, ut iudex, a quo provocatur, id statuat arbitrio suo, cap. 5., & 33. h. e., & Clem. 4. *cod.*: quod alicubi municipali jure cautum est. Huber in *tit. ff. quand. appell.* Denique proseguendae, ac finiendae appellationis tempus utroque jure est annus unus, & ex justa causa etiam alter, *Auth. ei, qui, l. ult. §. 4. C. de temp. appellat., d. cap. 5. h. e., & Clem. 3. cod. tit.* Unde id tempus initium capiat, disputant interpretes juris Civis. V. Accurs. in l. ult. v. *inchoatam C. de temp. appell.* At ab interpolita appellatione incipere, Canones jubent, cap. 8. de appell., & Clem. *cod.*: quod Civilis etiam fori usus admisit, Gail. 1. Obs. 141., Scaccia q. 19. a n. 162. Sed jam nimia caussarum frequentia iudices finiendis intra legitima tempora appellationibus impares fit.

Appellare possumus, si nostra interest, l. 4. §. 2., l. 4. ff. de appell., can. 30. *caus.* 2. q. 6., cap. 16. §. 1. de elect.: nec solum nostro, sed & procuratorio nomine appellamus, l. 2. *quand. appell.*: quin licet procuratorio nomine agamus, alium dare possumus ad appellandum procuratorem l. 4. in fin. h. e. Frustra appellant, qui sententiam quoquo modo probant, cap. 2. de off. del.: qui ob veram, non ob fictam contumaciam damnati sunt Clem. un. de dol., & cont.

(a) Verba, ex die latæ sententiae non sunt in l. 32. C. Th. de appell., unde l. 24. descripta est. Fortasse ea addidit Tribonianus, tanquam bonus interpret. Confer 29., C. Th. *cod.*

& cont., ubi Glossa: manifesti criminis rei *cap. 3. §. ult., cap. 13. h. 1.*: qui se non appellaturos jurarunt, *cap. 2. eod.*: & contra quos tres conformes sententiae prolatae sunt, *cap. 65. h. 1.* Regula juris Civilis haec est, nemini licere in una eademque causa tertio provocare. Ante Justinianum semel tantum provocare licebat: post Justinianum etiam bis, *l. un. C. ne liceat in una ead. caus.* Eandem regulam proponit Clemens III. in *cap. 39. h. 1.* Regulae ratio haec est, quod praeludendum sit, malam esse causam ejus, qui tunc tribus conformibus sententiis damnatus.

Appellatio & judicis, a quo provocatur, jurisdictionem suspendit, & causam ad majorem judicem devolvit, *l. 32. §. 4. C. h. 1., cap. 55. eod.* Exceptionem dat Alexander IV. in *cap. 20. de sent. excom. in 6.* Sicut excommunicatio, sic ab officio, vel ab ingressu Ecclesiae laici suspensio, aut ipsius effectus per appellationem sequentem minime suspenduntur. V. quoque *cap. 53. de appell.*

De appellatione gradatim interponenda *lib. 4.* De appellationibus tanquam ab abusu bene multa *lib. 1. Inst. juris Neap.*, quas post hoc opus editum evulgare esse animos. Tu nunc adi Fevret. in Tractatu de Abusu, & contra Fevretium fute disputantem Alferram de Jurisd. *lib. 8. c. 5., & seqq.*

T I T U L U S X V.


De aliis contra sententiam remediis.

Sunt & alia contra sententiam remedia juris. Primum est in integrum restitutio, qua minor, quique minoris jure censetur, & ex justa causa etiam major sive in contractibus, sive in judiciis laesi in integrum recipiunt jus suum, *tit. ff. de in integr. restit., tit. ff. de min., tit. C., & l. 4. quib. ex caus. maj., & l. 24. §. 4. tit. de min.* Est hoc extraordinarium auxilium, quod ei tribui non debet, qui communi auxilio munitus est, *l. 16. de min.*: quo fit, ut si appellatio competit, nullus sit restitutioni locus. Minorum jure utitur Respublica, *d. l. 4. C.* quae ad municipia, producta est, & generaliter ad omnes universitates, quarum numero est Ecclesia, *cap. 1. de in integr. rest.*, quae etiam contra alteram Ecclesiam restituitur, *cap. 2., & 3. eod.*, nihil obturbante, quod vulgo dicitur, qui privilegium habet, adversus eum, cujus par est privilegium, uti privilegio non posse, *l. 12. §. 1. C. qui prior. in pign.*; nam regula haec juris vera est, si utraque Ecclesia de damno vitando agat: ceterum si una de lucro captando, altera agat de vitando damno, tunc contra illam restitui, est aequum, uti in eadem specie minor restituitur contra minorem, *l. 11. §. 6. de min.* Tempus ad in integrum restitutionem novo jure Imperatoris Justiniani est quadriennium continuum, *l. ult. de temp. in integr. rest.*, in quam v. Witenbach. Hoc idem tempus Canones probarunt, *cap. 1. de in integr. in 6., & Clem. 1. eod.* Sed recte potest iudex, si qua ei causa justa videatur, legitimum tempus producere, *d. cap. 1.* Secundum juris remedium est *Revocatio*, seu *Retractio*: tertium est remedium, quod dicunt, *Nullitatis*: de quibus *lib. 4. Inst. Juris Neap.* abunde egi. V. Giphani. de Ordin. judic. tract. 2. c. 12., & 13.

INSTITUT. CANONIC.
TITULUS ULTIMUS.

De Exequutione Rei Judicatae.

REm judicatam exequitur judex, qui sententiam dixit, si is habet jurisdictionem, *l. 15. de re jud.* : qualis est Magistratus, seu judex ordinarius, *d. l. 1.*, & a Principe, vel Summo Pontifice delegatus, *cap. 7.*, & 26. *de off. & pot. deleg.* : quin etiam ab inferiore judice delegatus, uti *tit. 2. probavi.* Datus judex, & arbiter, quod nudam notionem, non jurisdictionem, habeant, suas ipsi sententias exequi non possunt; sed earum exequendarum potestas est penes Magistratus, *d. l. 15.* De actione judicati, ac de judicis officio : quod duplex remedium pro sententiae exequutione jure proditum est, vide dicta *lib. 4. juris Neap.* Quid sit Civili jure cautum de tempore, intra quod suam judex exequi sententiam debeat, tradidi *lib. 4. Infl. Civ. tit. de offic. jud.* : neque alia est mens Canonum, *cap. 26. de off. deleg.*, *cap. 15.*, & 18. *de sentent.*, & *re jud.* Addam nonnulla de hac re *lib. 4.*



INSTITUTIONUM

CANONICARUM

LIBER IV.

TITULUS I.

De Ecclesiastica in Criminalibus causis jurisdictione.



UNC de judiciis, quae maleficiorum puniendorum gratia reperta sunt. Maleficia & Civilis, & Ecclesiastica Potestas punit. De hac ita Christus Joh. 20. v. 23. *Quorum remisistis peccata, remittuntur eis; & quorum retinueritis, retenta sunt; & Matth. 18. v. 15. Si peccaverit in te frater tuus &c., dic Ecclesiae. Si Ecclesiam non audierit, sit tibi sicut ethnicus de illa Paulus ad Rom. 13., cujus verba mox dabo. Non eadem utriusque Potestatis ratio. Civilis forum unum, idque exterius: Ecclesiastica duplex, alterum interius, exterius alterum. Exteriore utriusque foro male facta tantum, nec tamen omnia vindicantur: interiore hujus foro omnia omnium male facta, & vero etiam cogitata: quo reser Innoc. III. locum in cap. 13. de judic., *Intendimus decernere de peccato, cujus ad nos pertinet sine dubitatione censura, quam in quemlibet exercere possumus, & debemus: qui locus Canonistarum misere torset ingenia. V. Sarpium in Apol. p. m. 165., & P. de Marca de Concord. lib. 2. cap. 3. n. 7. Civili Potestati proposita sunt haec, reum poena admonere, ac facere meliorem, alios exemplo detertere, laesi dignitatem tueri, doloremque publica ultione solari: de quo triplici poenarum Civilium sine videsis Gell. 6. Noct. 14., Grot. de J. B. ac P. lib. 2. cap. 20. §. 6., Huber. de jur. Civ. lib. 2. sect. 6. cap. 1., & lib. 3. sect. 2. cap. 5. Ecclesiastica, quam caritas exerceat, eo spectat omnis, ut redeat peccator ad bonam frugem, alique exemplo poenae abstineant a malo.**

Ecclesia usque ad initium saeculi XII. in Christianos sive Clericos sive laicos, ac sive Ecclesiasticorum sive communium criminum reos animadvertit; & si enim semper aliquam adhibuerit exteriorem judicii formam, de qua suo loco; tamen & criminis notio, & poenae criminis expiatrix ad interius forum referebatur, a quo externum per id tempus sejunctum non fuit: quod multa Patrum testimonia probant apud Morin. de Panit. lib. 1. c. 10. Mira fuit per ea tempora Sacerdotii, atque Imperii concordia. Communium criminum reos damnabant Civiles Magistratus; tum damnatos Ecclesia poenitentiae subiciebat: quumque saeculo IX. id jactare caepissent rei, *nihil pertinere ad Episcopum, quae a publico examinata dignoscuntur, & discussa; veterem disciplinam vindicavit Synodus Johannis VIII., puta, Trecentis, seu Trecentis an. 872. in cap. 1. de off. jud. ord. in haec verba; Habeant Episcopi singularum Urbium in suis Diocesisbus liberam potestatem adulterii, & scelera inquirere, ulcisci, & judicare, secundum quod Canones censent, absque impedimento alicujus. To secundum quod Canones, & maxime ejus Canonis occasio facit, ut descripta Synodi verba accipi debeant de*

fo-

foro penitentiali, a quo exterius disjunctum non erat, ut delendus omnino sit Commentarius, quem in illud Caput scripsit Gonzalez, nec sint ferendi, qui eo Canone abusi Civilem imminuunt Potestatem. De hac utriusque fori conjunctione rursus infra. Postquam vero saeculo XII. exterius ab interiore foro distinctum, est, & fori Civili formulae in Ecclesiasticum externum illatae sunt, non omnium criminum in eo foro Episcoporum jurisdictio fuit, sed dumtaxat eorum, quae aut proprie erant Ecclesiastica, aut a viris Ecclesiasticis admissa.

Suo etiam jure cum ipsis gentibus nato temporales poenas de facinorosis hominibus sumit Civilis Potestas, de qua sic Paulus, *Non sine causa gladium portat* (gladius Civilis potestatis inigne, eoque omnia publicae ultionis instrumenta comprehenduntur) *Dei enim minister est, vindex in iram ei, qui malum agit. Ideo necessitates subditi estote non solum propter iram, sed etiam propter conscientiam*. Haec nullo laicorum, & Clericorum discrimine scribit Apostolus: quin paullo superius inquit, *Omnia animae potestatibus subdita sit*: quo verbo laicos, Monachos, ac Sacerdotes contineri, Latinos, & Graecorum Patrum sententia est. V. lib. 1. tit. de Clericis. Describam hoc loco Christianorum Imperatorum Constitutiones. S. Ambrosius ep. 32. de Valentiniano Seniore haec habet, *Sacerdotes de Sacerdotibus voluit judicare*. Valentiniani Rescriptum commendat Ambrosius; pertinere tamen ait ad iudicium Episcoporum causam fidei, vel Ecclesiastici alicujus ordinis, vel morum. Fidei causam, sive Clericus, sive laicus sit, qui deliquit ab Episcopo judicandam, exploratissimj juris est. Ad causam Ecclesiastici ordinis spectant, quae peccata Clericus; tanquam Clericus, hoc est faciens contra Ecclesiasticum officium. Mores sunt hominum, non Clericorum, peccata, quae licet quantum ad Christianam sanctitatem gravia sit: tamen quantum ad Civis societatis bonum levia existimantur: & quamquam in vetus de moribus iudicium, quod fustulit Justinianus l. un. §. 5. C. de rei ux. acti, & leviores, & graviore veniret, Ulp. fragm. tit. 6. §. 12.; diserte tamen separantur crimina, & mores in l. 2. C. Th. de repud., suntque mores levia vitia. Talia in Clericis erant ebrietas, alea, scortatus &c. Imp. Valentiniani Rescriptum, quod laudat Ambrosius, nunc non extat in Codice: sed extat in Codice Teodosiano Valentiniani, & Gratiani Constitutio in eundem sensum, *Qui mos est causarum Civilium, idem in negotiis Ecclesiasticis obtinendus est: ut si qua sunt ex quibusdam affectionibus levibusque delictis ad Religionis observantium pertinentia, locis suis, & a suae Dioceseos Synodis audiantur: exceptis quae actio criminalis ab ordinariis, extra ordinariisque iudicibus, aut illustribus potestatibus audiendo (corrupte legitur, audiantia) constituit, l. 23. de Episc.* Levius delicta ad Religionis observantium pertinentia sunt, quae Ambrosius causam morum appellat: quae actio criminalis ab ordin. &c. audienda constituit, sunt graviore culpa, quibus status Civitatis turbatur. In levibus tantum delictis, quibus Clerici in Christianismo offendunt, ut Ivo loquitur ep. 101., secularis fori gratia eis facta est; praeter haec solae Ecclesiasticae causae, quae Fidem, ac Disciplinam spectant, apud Episcopos discebantur. In hanc sententiam scriptae sunt Constitutiones Theodosii M. in l. 3. Cod. Th. de Episc. judic., Arcadii, & Honorii in l. 1. C. Th. de Relig., ac Valentiniani III. in Nov. 12. ad eadem C. Th. distinctum ab Imperatoribus inter Ecclesiastica, seu propria, & Civilia, seu communia delicta: quam distinctionem a re militari petitam, l. 2. ff. de re milit., confirmavit Justinianus Nov. 83. Et vero Clerici duplicem personam sustinent, alteram Clericorum, alteram Civium, de qua duplici persona lib. 1. cit. tit. Proprium, seu Ecclesiasticum

saeculum delictum est, quod uti Clericus, seu Ecclesiae Minister admittit; commune, quod uti Civis: atque hinc criminis persecutio aut propria, aut communis, uti de delictis militum agebat Menander *d. l. 2.* Mox idem Justinianus *Nov. 123. c. 21.* laicos iudices veruit, ne Clericos communium criminum reos inscio Episcopo damnarent, ac si laico iudici cum Episcopo non conveniret, ad Principem referri iussit: quo sensu scripti sunt Canoncs saeculi VI., Synod. Matisconens. II. *can. 10.*, Parisiens. V. *can. 4.* Sed procedente tempore quum Ecclesiastica, tum communia Clericorum delicta Episcoporum iudicio delata: quod patet ex Capitularibus Regum Francorum *lib. 1. cap. 39.*, & *l. 7. c. 422.* ex Constitutione Friderici I. in *Auth. statum C. de Ep. & Cleric.*, ex Decreto Gratiani *can. 5. caus. 11. q. 1. (a)*, & libro Decretalium *cap. 12. de for. comp.* Sed suas quaeque Christiana Provincia mores, suas quaeque leges habuit, habetque super hac re pro diversa Reip. ratione. V. *Gulielm. Bened. ct. in cap. Raynatus n. 435.*, Sarpium in *Considerat. f. m. 129.*, Van Espen *p. 3. tit. 3. c. 2.* Apud nos Clericorum in criminalibus causis exemptio late patet ex *Gulielmi Const. de personis lib. 1. Const. c. 45.*, de qua *lib. 1. juris Neap.*

Haecenus dicta huc redeunt. Clericorum delicta sive Ecclesiastica, sive communia ad Episcoporum audentiam pertinent, & Ecclesiastica quidem omnia, ex communibus autem ea, quae nominatim non sunt excepta: atque haec *lib. 1. jur. Neap. tit. de Cleric.*, & *lib. 1. Inst. Can. cod. tit. enarrantur.* Laicorum delicta aut Ecclesiastica, aut secularia sunt. Haec secularium iudicum: illa Ecclesiasticorum iudicio subiciuntur, nec, quantum ad Ecclesiastica, alia Clerici, ac laici ratio est, De Criminibus, quae mixta dicunt, *lib. 4. iur. Neap.* actum satis.

T I T U L U S II.

De Delictis Ecclesiasticis, ac primum de Apostasia, Haeresi, et Schismate.

Maximum inter Ecclesiastica crimen est *Apostasia*, quae vox latine red-
ditur *desectio*. Hinc Apostatam dices, qui a Christiana Religione, quam
semel est per baptismum professus, omnino defecit. Apostatarum prioribus
Ecclesiae saeculis alii ad Iudaeos, alii ad Ethnicos transibant. Illorum triplex
gentis erat. Unum erat eorum, qui licet nullum sequerentur praecipuum caput
Judaicae Religionis, non abstinebant tamen ritibus nonnullis Iudaeorum. Spe-
ctat huc *can. 50. Concil. Illiber.*, *Si quis Clericus vel fidelis fuerit, qui cum*
Judaeis cibum juserit, placuit, eum a communione abstinere: cuius Canonis
ratio ex eo petenda est, quod quum Iudaei communes quosdam Christianorum
cibos pro immundis haberent, cum eis cibum sumere perinde esse videretur, ac
judaizare, *Concil. Agath. can. 40.* Huc etiam spectat *can. 29. Laodic.*, *Non*
oportet, Christianos in Sabbato otiosi, sed ipsos eo die operari... quod si in-
venti fuerint judaizantes, sint anathema apud Christum. Denique spectat huc
Chrysostomi *Homilia 1. contra Jud.*, ubi in Christianos invehitur cum Iudaeis
Tom. V. X jeju-

(a) Descripsit Gratianus eo Canone laudatam Theodوسي M. Constitutionem, quo
cautum, nihil Clericis commune cum publicis legibus. Sed is, ut suo tempore
serviret, sciens omisit haec, quantum ad causas tamen Ecclesiasticas attinet,
quas decet Episcopali auctoritate decidi: quae verba sunt in Constitutione Theo-
dosi.

jejunantes: & *Homilia 6. contra Judae.*, ubi eos Christianos acerbè carpit, qui super deplendis per incantationes, & emuleta (a) morbis Judaeis confulescant. Alterum genus erat eorum, qui Judaicam cum Christiana Religione commiscebant, novam quandam Religionem confingentes: quod, a multis haereticis factum, tradit *Aug. de Haer. c. 8., 9., & 10.* Eo nemine insignes sunt Caecilicola, inter Christianos, & Judaeos medi, in quos severe pro Christiana Religione tutela ab Honorio statutum in *C. Th. l. 43., & 44. de haer., & l. 19. de Jud., Caecil. & Samar.* Tertium genus erat eorum, qui Christiana Religione prius ejurata ad Judaicam accedebant: qui proprie *Ap. statae* dicti: qualem fuisse quendam Aquilam primum Christianum & sacrorum librorum interpretem, tum ad Judaeos transiitum, & novae Bibliorum versionis Christianis insensibilis ructorem, narrat Epiphanius *de pond. & mensur. n. 15.* Eorum, qui ad Paganos abibant, quique *lapsi* dicebantur, triplex etiam genus: unum *Thurificatorum*, alterum *Sacrificatorum*, tertium *Libellaticorum*: quae vocabula saepe occurrunt in Opeibus Cypriani, ut in *ep. 15. al. 20. ad Cler. Rom., & ep. 52. al. 55. ad Antonian.* *Thurificati*, dicti, qui tunc adoleverant id illis: *Sacrificati*, qui immundis sacrificiis *era maculaverant*, uti Cyprius loquitur *ep. ad Cler. Rom.: Libellatici*, qui licet nec thure, nec sacrificio Christum abnegassent, tamen propositis libellis se non esse Christianos profitebantur, quales Apostatas meminit Cyprius *de Laps.*, aut qui suo nomine amicos ethnicos, servosve suos Diis gentium supplicatum mittebant, impetrabantque per eos a Magistratu libellum securitatis: de quo hominum genere Clerus Romanus *ep. ad Cypri.* inter Cypranicas 30. al. 31., & Canon. 6. S. Petri Alexandrini apud Bevereg *tom. 2.* Erat & tertium *Libellaticorum* genus, qui Christianam Religionem aperte apud Magistratum professi data pecunia libellum acceperant immunitatis. Hos sceleris puros pronunciat *can. 2.* Petrus Alexandrinus, quod nihil veter Christianum hominem pretio se ab injusta vexatione redimere, uti multis probabo *ut. de Simonia*; at vero sceleris arguit Cyprianus *ep. ad Antonian.*, etiam minus agi cum eis debere, arbitretur. Sed certe interest, num libello sit aliquid contra sanctissimum Christi nomen expressum, nec ne, uti rectissime Cabassutius in *can. 3. Conc. Illiberitani.* De Libellaticis vide Albaspin. *lib. 1. Obj. c. 21.* Num autem ad Judaicam, an ad aliam quamlibet nefandam sectam transitus fiat, nihil interest: quin eo transitu nihil est opus, sufficitque ad Apostasiam Christianam Religionem omnino abieciisse. Et Apostatae quidem sunt, qui postquam Christianae Religioni professi, quam ediderant, abrenunciaverunt, ad Atheos descivere: qualis fuisse perhibetur Lucianus quidam Samolatenus Averno Imperatori coaevus, de quo Spondanus ad *Baron. an. 171. n. 2.* Est & Apostasia Monachorum, de qua v. Trident. *sess. 25. de Regular. c. 19.*

Haeresim Graeci, Latini *sectam* dicunt: eoque Graeco vocabulo in eam sententiam Cicero usus in *praef. Parad.* Verum antiquissima Ecclesiasticorum Scriptum consuetudine ea vox male sonat. Quid sit haeresis, omnino definire difficile est, inquit Aug. *ep. ad Quodvultdeum*: atque *ibid.*, Philastrio, & Epiphano, qui de Haereticis scripserunt, non idem visum in ea quaestione, ubi disceptatur, quid sit haeresis. Et sane experimento comperit est, multos fidelium saepe imperito zelo succendi, & dum quosdam quasi haereticos assequuntur, haereses facere: quod jamdiu fuit S. Gregorio animadvertum *lib. 9. ep.*

(a) Eam artem accepisse se aiebant Judaei ex supposititiis quibusdam libris Salomonis. V. *Joseph. Antiqu. lib. 8. c. 2., & Origen. tract. 35. in Matth.*

59. At vero idem Aug. *pr. lib. utilit. cred. ad Honorat.* haereticum definiunt, qui *falsas, ac novas opiniones* contra ea, quae Divina fide credenda proposuit Ecclesia, sciens *gignit, vel sequitur*. Dixi, *sciens*: quod eo loco supponit Aug., ac diserte tradit apud Gratianum *can. 29. caus. 24. qu. 3. his verbis, Qui sententiam suam quamvis falsam nulla pertinaci aninofitate defendunt... nequaquam sunt inter haereticos deputandi*; namque, ut idem Aug. scribit *lib. de haer. praes.*, non omnis haereticus est. Dubium quoque in fide infidelem esse, scriptum est sub nomine Stephani P. in *cap. 1. de haer.*: quod de eo accipiendum, qui non ignorans, sed sciens dubitat; namque hoc ipso peccat in Fidem, quod in dubitationem revocet, quae esse extra dubitationem polita, sanctissimum Fidei dogma est.

Quod Graecis *Schisma*, Latinis sonat *Scissura*. Schismatici sunt, qui se per inobedientiam separant ab unitate Ecclesiae Catholicae, quae in eo est posita, ut plures Ecclesiae particulares, tanquam plura membra sub uno capite unum corpus constituent. Hinc Schismatici *corpus Christi lacerare* Pelagius dixit *can. 43. caus. 23. q. 5*. Tales Donatistae, talis Photius fuit, tales alii multi, de quibus in Historia Ecclesiastica. Schismatici proprie haeretici non sunt; at nullum schisma, si diu stet, non aliquam sibi confingit haeresein, ut scite Hieronymus *can. 26. caus. 24. q. 3*. Sane Schismatici, ut alia desint, ipsa pertinacia id prositentur, quod Ecclesiae Catholicae doctrina non patitur, extra unitatem Ecclesiae salutem dari, *Extrau. 3. inter Comm. de sent. excom.* Jam multos unitatis, & schismatis gradus nobis exhibent Ecclesiasticae Antiquitates; nam & cum sua quisque Ecclesia, & Ecclesiae ipsae particulares altera cum altera esse conjunctissimae debeat. Sed sic interdum, ut utraque ea conjunctio ex parte, vel omnino solvatur. Ad prius caput sequentes Can. pertinent. Canon inter Apostolicos 7. sic habet, *Cunctos fideles, qui in sanctam Dei Ecclesiam ingrediuntur, & sacras Scripturas audiunt, non autem perseverant in oratione, nec sanctam Communionem percipiunt, velut in Ecclesiam inducentes confusionem, segregari oportet*: quam disciplinam Antiocheni Concilii Patres confirmarunt *can. 2*. In Concilio Illiberitano *can. 21*. ita cautum, *Si quis in civitate positus tres Dominicas Ecclesiam non accesserit* (nulla iusta causa detentus, quod supplendum omnino est ex *can. 50. Concilii Trullani*) *tanto tempore abstineat, ut correptus esse videatur*: vel, uti est in *cic. can. Trull.*, *si sic Clericus, deponatur, si vero laicus, segregetur*. Facit huc *can. 11. Conc. Sardicenis*. In *can. Apostolico 31*. haec leguntur, *Si quis Presbyter, contempto suo Episcopo, seorsum congregationem faciat, & aliud aliare figat, quum nihil ad pietatem, & iustitiam pertinet in Episcopo damnaverit* (a), *deponatur*: deponantur etiam reliqui Clerici, quicumque ei se adiunxerint: laici vero segregentur. Quae hoc *can. damnantur, schismaticorum ortus atque conatus* appellat Cypr. *ep. 55. al. 3. ad Rogatian*. Et quantum inde schismata nascuntur, quod Sacerdoti Dei, h. e. Episcopo, non obtemperatur, nec unus in Ecclesia ad tempus Sacerdos, & ad tempus iudex vice Christi cogitur, ut idem Cypr. inquit *ep. 55. al. 59. ad Cornel.*; schismatici, ut a se notam schismatis

X 2

aver-

(a) Forte Tò quum nihil &c. explicandum est ex Cypr. *ep. 67. al. 69. ubi*, Plebs, inquit, obsequens Praelatis Dominicis, & Deum metuens a peccatore Praeposito (pura, manifestae haereseis, aut idolatriae res) separare se debet, nec se ad sacrilegi Sacerdotis sacrificia miscere; quum ipsa maxime habeat potestatem vel eligendi dignos Sacerdotes, vel indignos recusandi.

avertent, constituere sibi Antiepis copos consueverunt. Verum id semper ratum fixumque habuit Ecclesia, ea re augeri potius schisma, atque obfirmari. V. Cypr. ep. 44., al. 46 ad Maxim., & Nicost. Confessores. Quod ad posterius caput, & si particulares Ecclesiae diversos, & vero etiam contrarios ritus ac caeremonias pro veteri cuiusque loci consuetudine salva pace, atque unitate fervarent, uti videre est apud Irenaeum in *Hist. Euseb. lib. 5. c. 24.*, Hieron. ep. 28., Aug. ep. 86. ad Casulan., & Greg. M. ep. 41. ad Leandr.; tamen ubi aut de communi Fide tuenda agebatur, aut de generalibus Ecclesiae consuetudinibus custodiendis, aut de decretis sive Oecumenicorum, sive Nationalium Conciliorum servandis, aut de iis, quae rite ac recte quaeque egerat pro suo jure Ecclesia, universim probandis; non licebat salva unitate huic, vel illi Ecclesiae seorsum sentire. Refer huc illud Aug. cit. ep., *Quis non Deum offendet, si velit cum scandalo totius, quae ubique dilatata est, Ecclesiae die Dominico jejunare?* Refer etiam illud Concilii Tolet. IV c. 2., *Post rectae Fidei confessionem, quae in sancta Dei Ecclesia praedicatur, placuit, omnes Sacerdotes, qui Catholicas Fidei unitate complectimur, ut nihil ultra diversum, aut dissonum in Ecclesiasticis Sacramentis* (h. e. Liturgia, sive Divini cultus ordine, de quo loquitur) *agamus; ne quaelibet nostra diversitas apud ignotos seu carnales schismatis errorem videatur ostendere, & multis exterius in scandalum varias Ecclesiarum . . . nec diversa sit ultra in nobis Ecclesiastica consuetudo, quia in una Fide continemur, & Regno, nempe Hispaniae, & Galliae Narbonensis.* Porro huc refer, quod fute hoc eodem lib. inferius persequar, olim qui in una Ecclesia fuerat excommunicatus, pro excommunicato in omnibus habitum. Denique refer huc literas Episcoporum *Encyclicas* (a), & *Formatas* (b), quarum commercio totum Christianum orbem in una communio-

(a) *Encyclicae literae erant, quas Episcopus recens ordinatus dare ad alios solebat, quibusque se cum eis in communione esse, significabat. Id adeo solenne erat, ut encyclicas literas non scribere perinde esse, ac recusare communionem videretur. Liberat. in Breviar. c. 17. Encyclicis quoque literis damnatorum ab Episcopis nomina per Ecclesiam evulgata, ut omnes sibi ab iis caverent, infra ostendunt.*

(b) *Formatarum literarum nomen non a forma Episcopalis sigilli factum, uti Fabrioto, & Sirmondo visum, sed a certa verborum forma, quam servabant Episcopi, ne qua fraus irrepere. V. Philip. Prior. Dissert. de Liter. Canon. n. 15. & seqq. Iis literis hominis fides, & mores laudabantur; unde passim Commendatitiae dicebantur. Commendatitiae literae dicitur, inquit Zonaras in can. 13. Apost., quae Clericis dantur, aut laicis excommunicatis, aut ignotis abeuntibus in aliam urbem, & commendantes eos illius civitatis Episcopo, quasi a poenis soluti essent, aut verae fidei sectatores, ut, quid addit Graecus Scholiastes Harmenopoli in Synops. Canon. sect. 3. tit. 1., ab eo in communionem admittantur. Subjiciam hoc loco can. 11. Concilii Chalced., Omnes pauperes, qui auxilio indigent, cum examinatione, & cum epistolis seu literis Pacificis Ecclesiasticis solis viam ingredi stauimus, & non cum Commendatitiis; quoniam literas commendatitias iis solis personis, quae sunt suspectae, praebere oportet. Literas Pacificas a Commendatitiis diserte separat. Canon Pacificae, seu Communicatoriae literae tenuioribus iter impudentibus dabantur, ut & exciperent hospitio, & in Ecclesiasticam communionem reciperentur: Commendatitiae iis tantum, qui in criminis suspicionem venerant. Id vero abs-*

nionis societate concordare, inquit Optatus Milev. lib. 1. Qui a Romana Ecclesia omnium principe discessionem fecere, hos proprie schismaticos: alios quasi schismaticos dixeris.

Ecclesia generaliter Apostatas anathemate percussit, Concil. Illiber. c. 1., & c. 50., & Laodic. c. 29, eosque in iudiciis suis dicere testimonium vetuit, Tolet. IV. c. 63. Eorum, qui deficiebant ad Paganos, multiplex ratio: alii enim metu, aut vi tormentorum victi, alii sponte sua deficiebant. Cum his severius, mitius actum cum illis, Cypr. ep. 52., al. 54. ad Antonian.: Conc. Nicaen. c. 11., & Arelat. II. c. 10. Rursus intererat, num qui erant supplicare Diis coacti, id laeti, an tristes agerent, Conc. Ancyr. c. 4. Denique discrimen erat inter eos, qui discesserant quidem a Fide Christiana, haud tamen coluerant Idola, & eos, qui Apostasiae adjunxerant Idololatriam, Conc. Illib. can. 1., & 46. Illud jam pene exciderat, deteriorem Sacrificatorum, Thurificatorumque, quam Libellaticorum causam fuisse, Cypr. d. ep. ad Antonian. Haec diligenter edidit Morin. de Poenit., & Bingham. Orig. lib. 16. c. 4. §. 5., & cap. 6. §. 4. Haereticos etiam ab Ecclesia anathemate percussos, & Nicaeni Concilii Symbolum, & Gangrenses, & Tridentini Canones, quibus contra aliter sentientes anathema pronuntiatur, satis demonstrant. Alicubi ingredi Ecclesiam prohibiti, Laodic. cap. 6. Verum in Africa, & Hispania, & vero etiam alibi, non minus quam Ethnicis, ac Judaeis, ad sacras lectiones, & conciones admissi, ut verbo Dei. tanquam saluberrima medicina, sanarentur, Concil. Carth. IV. cap. 84., Valent. cap. 1., Chrysost. Hom. 41., & 72. tom. 1.; nisi malis Laodicenum Canonem de haereticis prece tantum, & Communione prohibendis accipere: quod ut probem, nimia ejus Canonis severitas facit. Quo ritu respicientes haeretici ad communionem reciperentur, vide apud Morinum de Poenit., & Bingham. lib. 16. c. 6. §. 16., & 17. Non omitam, quod Illiberitanum Conc. statuit. c. 51. Ex omni haeresi qui ad nos fidelis venerit, minime est ad Clerum promovendus: vel si qui sunt in praeteritum ordinati, sine dubio deponentur. Eandem regulam proponit Innoc. 1. epist. 22. Quandoque tamen ab haeresi venientes in Clero manere pro Christiana caritate iussit Ecclesia, si ita facile eos reditum ad Ecclesiam facturos animad-
verit,

diffimum videri debet. Graeca vox *ἐκκλησία*, quae utitur Canon, malam suspensionem, & honoratiorem famam aequae significat. In deteriore parte a Zonara, Balsamone, Matthaeo Blastare, ac Gentiano Herveto accepta est: in meliorem a Dionysio Exiguo, & Isidoro: quod magis probat, quid enim causae esse dixeris, cur Ecclesia commendatitias literas pacificis suspensis dumtaxat criminum daret? Praeter igitur Dionysii versionem, Commendatitias literas honoratioribus tantummodo personis praestari. Ecclesiae consilium accipe. Quos non constabat recipi in communionem debere, eos recipi nefas erat. Huc igitur aee literae spectabant, ut de hominis extra suam Praesacram epaganis fide, ac moribus liqueret. Can. 7. Carth. I. scriptum est, Clericus, vel laicus non communicet in aliena plebe sine literis Episcopi sui. Consentit Conc. Antioch. can. 7. Nullus externus sine pacificis suscipiatur. Clericorum nomine veniunt ipsi Episcopi, can. 11. Concil. Antioch., can. 23. Carth. Synodus ep. 65. ad Theopitum (male alii, ad Theophilum) de Alexandro Episcopo Basianopolitano, In Ecclesiam, inquit, eum non admisi, neque sacrae mensae participem feci, nam Canonicae literas non attulerat. Praeter Priorum, de Canonicis literis Dissertationem dedit nobis Cabassatus in Notitia.

vertit, Conc. Nicaen. c. 8. Neque omitam, multo leverius contra haeresiarchas, quam contra eorum sectatores ab Ecclesia statutum, Aug. ep. 50. ad Bonif. Cum iis, qui proprie Schismatici appellantur, ut cum haereticis, actum: quasi schismaticis diversae poenae pro vario schismatis gradu infligendae sunt. V. Bingham. lib. 16. c. 1. Jure Canonico novo haereticos, & schismaticos excommunicationis, & depositionis poena manet, cap. 9. de haeret., cap. un. de schism. in 6., & c. 14. in fin. de off. ord. Ita tria haec Ecclesiastica crimina punit Ecclesia. Christiani quoque Principes suas poenas addidere, l. 1., & 7. C. Th. de Judae., l. 2. C. Th. de Apostl., & tot. tit. C. Th. ac just. de haeret. V. Jac. Got. Parat. C. Th. de haeret., ubi eas poenas diligenter collegit. Sed ne putes, Christianos Principes iis Constitutionibus jura Sacerdotum usurpasse. Quin ii sic Deo serviunt, tamquam Principes, ex sententia D. Aug. agentis l. 3. contr. Crescon. c. 51. In hoc Reges, sicut eis Divinus praecipitur, Deo serviunt, in quantum Reges sunt, si in suo Regno bona jubant, mala prohibeant, non solum quae pertinent ad humanam societatem, verum etiam quae ad Divinam Religionem, & vero etiam tuerentur Rempublicam, cujus universa ratio ita est cum Religione conjuncta, ut incolumis esse nisi incolumi Religione non possit: id quod Haeresum, & Schismatum historia luculentissima probat. Apposite inquit S. Leo can. 21. caus. 23. q. 5., res humanas alterius esse non posse, nisi quae ad Divinam Confessionem pertinent & Regia, & Sacerdotalis defendat auctoritas. Hinc etsi de Apostasia, Haeresi, & Schismate, quod haereticum, ut plerumque fit, habeat conjunctam, soli judicent Ecclesiae Patres; nam de iis delictis ex sacris Scripturis, & Ecclesiasticis scriptis judicatur; in eos tamen, quos a Fide aberrare Episcoporum consilio constat, siue laici sint, siue Clerici, recte Principes animadvertunt pro Fidei, ac Rempublicae tutela: ac vel ipsi Ecclesiae Patres id urgere apud Principes non dubitant, ut Haereticos, & Schismaticos metu poenarum ad Catholicam Fidem, & universalis Ecclesiae unitatem revocarent. Mea primitus sententia erat, verba sunt Augustini ep. 93. ad Vincent., neminem ad unitatem Christi esse cogendum verbo esse agendum, disputatione pugnandum, ratione vincendum, ne fidos Catholicos haberemus, quos apertos haereticos noveramus: sed haec mea opinio non contradicentium verbis, sed demonstrantium superabatur exemplis. Huc pertinent Pelagii Papae Epistolae ad Narsetem Patricium, quae prostant apud Gratianum can. 42., 43., 44., 45., caus. 23. q. 5. Narseti, qui plus nimio religiosus aliquid audere contra Episcopos Schismaticos reformidabat, litris suis scrupulum ex animo evellit Pelagius, aitque, mille extare exempla, & Constitutiones, quibus evidenter agnoscitur, ut facientes scissuras in S. Ecclesia non solum exiliis, sed etiam proscriptione rerum debeant coerceri. Et sane multa extant exempla in Historia Ecclesiastica, Constitutiones multae extant in Codice quum Theodosiano, tum Justiniano. Accedit, quod ut plurimum Apostasia, Haeresis, Schisma & vi sua Remp. turbent, & adjuncta sibi habeant multa alia scelera, quorum vindicandorum jus est penes Principes, eorumque Magistratus: qua de re abunde lib. 11. jur. Neap.

T I T U L U S III.

De Simonia.

Simoniae nomen a Simone Mago, qui primus in Lege Evangelica hujus sceleris auctor fuit, *Act. Apost.* 8. Simonia est res spirituales, vel quasi, commercio hominum exentas, venales facere. Tribus modis Simoniam committi, docent Hieronymus in *can. 6. caus. 8. q. 1.*, & Gregorius M. *can. 114. ead. caus. & q.*, manu, obsequio, lingua: Committitur manu, si res sacra ematur pecunia: quo nomine comprehendit *quidquid homines possident in terra*, ait Aug. *can. 6. caus. 1. q. 3.* De hoc Simoniae genere sunt *cap. 11.*, & *20. h. 2.*, & *c. p. 6. de pact.* Committitur obsequio, hoc est, ut ibid. loquitur Gregor., *subjectione*, al. *servitutē indebite impensa*; namque hujusmodi obsequium pretio aestimatur. Clerici quidam aulici Petro Damiano coaevi licet indebitis obsequiis ad Beneficia subreperent, se tamen, quod pecuniam non darent. Simoniacos non esse jactabant. In eos acute Petrus Dam. *ep. ad collat. Episc. Card.*, *Dic mihi, o Clerice, quisquis es, si redempto quolibet aureo vase vel praedio, distractor exigeret, ut retenti apud te vici pretii, hujusmodi sibi sedulitatis impendium exhiberes, nunquid non postmodum constanter assereres, te, quod accepum est, iusto pretio comparasse?* Bene igitur, ac sapienter S. Carolus Borromaeus in Conc. Mediol. II. *const. adversus Simoniacos n. 13.*, monet, obtestaturque Episcopos, ut certam familiaribus mercedem constituent, ne hi Ecclesiastica Beneficia tanquam suae pretium operae sibi proponant. Demum lingua committitur, si quid spiritualis, aut quasi eis detur, *pro quibus majorum quispiam rogaverit*, uti S. Hieronymus inquit *Isai. c. 57.* Quod adeo verum est, ut licet illud dignis viris detur, si gratia potius, vel metu rogantis, quam pro eorum merito deure, simoniace datum intelligatur, S. Thom. 2. 2. *q. 100.* Spirituales aut quasi spirituales res sunt potestates spirituales, puta, potestas imponendi manus, quam emere a Petro Apostolo volebat Simon, Sacramenta, Ecclesiastica Beneficia, Officia, Dignitates, atque alia id genus. Quantum ad Sacramenta, Gelasius P. *ep. 8.*, S. Ambros. in *Luc. l. 4. c. 4.*, Patres Concilii Toletani XI. *can. 8.*, alique passim ex iis Christi verbis, *Quod gratis accepistis, gratis date*, debere ea sine ulla venalitatis suspitione conferri, ac suscipi, jubent. Vetus Hispaniae consuetudo erat, ut qui baptizabantur, nummos in concham conjicerent, Spontanea & gratuita erat ea numerorum conjectio: tamen eam Illiberitani Concilii Patres damnarunt *can. 40.*, *ne Sacerdos, quod gratis accepit, presto distrahere videretur*: quo loco verbum *videri* momentosum est. Non molum, sed mali species Canonis causam dedit: idque diserte expressit in Basileensi Concilio Julianus Cardinalis Caesarinus. Sed non eadem omnium Ecclesiarum disciplina fuit. Eam consuetudinem suo tempore apud Graecos stetit, testatur Gregorius Nazianz. *Orat. 40.*, ubi eam non reprehendit. Id solum inquit, ea pauperes non comprehendit. Idem suo tempore servatum scribit S. Paulinus *ep. 12.* Sed & ipsa Hispania Eliberitanum Canonem non diutervavit; nam Synodus Bracarenfis II. ap. 503 habita *can. 7.* sponte oblata suscipi permittit: quod universim in Ecclesia permixtum non in Baptismo solum, sed & in aliis Sacramentis, uti ex inferius dicendis patebit: quae summa ratio est, cur in *can. 8.* Concil. Tolet. XI. legendum potius sit, *nisi voluntarie oblata,*

lata, quae vetus lectio est, quam, uti malunt alii, etiam voluntaria oblati (a). Pro balsamo etiam, quod ad confirmandos Christianos adhibetur, *tremples à singulis exigi*, alicubi moris fuit, alibi plus, minusve. Sed eum morem Braccarenf. II. damnavit *can. 4.*, Barcinonenf. *can. 2.*, & Innoc. III. ad Cantuar. Archiep. c. 36. Voluntarias oblationes admisit Emeritens. *can. 9* Laudatos Canones de Baptismo, Confirmatione, & Eucharistia, quae tria Sacramenta olim infantibus simul dabantur, accipiendos esse, compertissimum est. De Eucharistia, quae dabatur adultis, haec Trullanus *can. 23.*, *Ut nullus, sive Episcopus, sive Presbyter, sive Diaconus, immaculatam tribuens communionem, ab eo, qui communicat, ejus participationis gratia, obulos, vel quamlibet aliam speciem exigat.* Spontaneas oblationes hoc *can.* non comprehendit, antiquissimus oblationum usus, quae fieri ad Altare dicebantur, plane demonstrat. De his *lib. 2.* Monet hic locus, ut de hodierno Missarum honorario delibem nonnulla. Ex oblationibus, quae ad altare fiebant, ejus origo petenda est. Ecce tibi Honorii Augustodunensis verba in *Gemma animae lib. 1. c. 66.*, *Fertur, quod olim Sacerdotes a singulis domibus, vel familiis farinam accipiebant, quod adhuc Graeci faciunt, & inde Dominicum panem faciebant, quem pro populo offerebant, & consecratum eis distribuunt; nam singuli farinam offerentium Missae interluserunt, & pro his in Canone dicebatur: Et omnium circumstantium, qui tibi offerunt hoc Sacrificium laudis. Postquam autem Ecclesia numero quidem augebatur, sed sanctitate minuebatur propter carnales, statutum est, ut qui possent, singulis Dominicis, vel tertia Dominica, vel summis festivitatis, vel etiam in anno communicarent, & quia populo non communicante non erat necesse tam magnum panem fieri, statutum est, eum in modum denarii formari, ut populus pro oblatione farinae denarios offerret. Ita quum denarius iste locum subierit eorum, quae fideles inde usque ab Apostolicis temporibus offerre ad Altare honeste, ac laudabiliter consueverunt, uti latissime *lib. 2.*; nihil est, cur ei Wiclefistae, Luthemani, & Calvinistae tam acerbe irascantur. V. Lup. *Diff. de Simon. c. 11. s. 4.* In quum vero usum ille denarii expenderebatur, quae continuis sequuntur, Honorii verba commonstrant, *Qui tamen in usum pauperum celerent, vel in aliud, quod ad hoc Sacrificium pertineret.* Verum tunc Presbyteri id animo reputantes, de panis, & vini oblationibus aliquid olim ipsos Sacerdotes delibasse, vindicare sibi denarios caeperunt: non deerant tamen, qui veteris disciplinae castitatem praeferrent: quorum numero fuit S. Petrus Damianus, qui oblatos semel atque iterum sibi Missam celebranti denarios constantissime rejectit: quos tamen socius ejus Frater Paulus clam accepit: quumque hinc ei Godefridi Lotharingiae Ducis Capellani accepti denarii calumniam impigerent, is operosissima Apologia notam dederit. V. *ep. 12. lib. 5.* Eam calumniam arguendo esse, inquit Lupus, oblatae pecuniae admissionem & in Clerico, & in Monacho male tum oluisse. Processu temporis res in deterius data; saec. enim XII. quum increbruisse opinio, posse denarios in proprium Sacrificantis usum converti, non inter Missae solennia, ut olim, sed & ante Missam dari denarios caepit, ut Presbyter sacris operaturus specialem in Sacrificio recoleret memoriam offerentis: atque hoc est hodiernum Missae honorarium, quod si pia oblationis, & eleemosynae loco sit, simoniam, turpemve quaesitum non sapit. Hoc nomine illud*

(a) Apud Graecos obtinuisse, ut initiatores, seu ministros baptismi disiores lauto convivio exciperent, testis est Nazianz. Orat. 40. Nihil simoniaci in ea re deprehendit Nazianz.; sed impendium tamen illud vanitatis accusat.

illud Canones probant. Concil. Eboracenſe an. 1194. can. 3. *Prohibemus*, inquit, ne Sacerdos laico ad poenitentiam venienti obtentu cupiditatis injungat, ne Miſſas faciat celebrari, & ne Sacerdos aliquis pro celebratione Miſſarum previo conſtituto pactum ineat, ſed hoc damtaxat, quod offertur in Miſſa, recipiat. Concilium Trident. in Decret. de Obſerv. in Sacrific. Miſſ. his verbis Episcopos compellat, Cujusvis generis mercedum conditiones, pacta, & quicquid pro Miſſis novis celebrandis datur, nec non importunas atque illiberales elemoſynarum exactiones potius, quam poſtulationes, aliasque hujusmodi, quae a ſimoniace labe, vel certe a turpi quaestu non longe abſunt, omnino prohibeant. Luculentiffima haec Patrum Eccleſiae teſtimonia Caluſtarum quorundam ſeu imperitiam, ſeu avaritiam non devicere; vicere tamen Decretis ſuis optimi Pontifices Clemens VIII., Urbanus VIII., Alexander VII., aliique. Venio ad Poenitentiae Sacramentum, in quod multis modis illabi Simoniam, turpemve quaestum poſſe, Canones docent. Id maxime cavere Sacerdos debet, ne poenitentis injungendis quaerere ſibi lucrum videatur. Synodus Cantuarienſis an. 1191. can. 3. *Prohibemus*, ne Sacerdos laico ad poenitentiam venienti obtentu cupiditatis injungat, ut Miſſas celebrari faciat. Synod. Londonenſis an. 1200. can. 4. *Adſci-mus*, ut Miſſae non injungantur in poenitentiam his, qui non fuerint Sacerdotes. Odo Parisienſis Episcopus Capitular. ad Parochos, Nullas Miſſas, quas injunxerit, celebrat. Haec ad amovendam avaritiae, turpis quaestus ſuſpicionem cauta ſunt. Fere eadem ſtatuit S. Carolus Borromeus *priv. 2. Inſtruct. Confess. cap. 8.* At apertam ſimoniam continent, quae ſequentes Canones damnant. Leo IV. Capitular. ad Parochos, Nullus veſtrum pro infirmis reconciliandis praemium, aut munus exigat. Nullus minus digne poenitentem cujuſcumque rei gratia ad reconciliationem adducat, & ei reconciliationis teſtimonium faciat, vel, quod addit Alex. III. in cap. 14. h. 9., quocumque livore digne poenitentem a reconciliatione removeat, quia Simoniacum eſt utrumque. Haec ut recte intelligantur, id praemoneo, ſolum Episcopum & publicas poenitencias impoſuiſſe, & publicos poenitentes reconciliaſſe: has duplici tantum caſu Presbyteri partes fuiſſe, quum aut juberet Episcopus, aut abeſſet, ac neceſſitas urgeret. Concil. Elth. can. 32. Carth. III. can. 32., Agath. c. 44. Multus eſt in hac re Morin. de Poenit. lib. 9. c. 22. Parochi autem & Parochianis ſuis peractae poenitenciae teſtimonium apud Episcopum dicebant, & eos ad Episcopum reconciliandos adducebant, & eis demum literas dabant teſtes reconciliationis, Lup. cit. Diſſ. c. 8., & Thomasin. ut & nov. Diſc. p. 3 lib. 1. c. 71. n. 4. Jam haec pretio facere, aut non facere, ſimoniacum erat. Alteram in hoc Sacramento ſimoniae occaſionem dedic publicarum Poenitentiarum redemptio, de qua perbelle Morin lib. 10. c. 17. Poenitencias redimere erat jejuniis, peregrinationes, aliasque corporales poenas canonice impoſitas ex parte cum elemoſynis commutare. Hanc pecunias redemptionem in antiquis Petrum Canonibus non reperiri, ſcribit Petrus Damianus lib. 8. ep. 5. Ea vix antiquior ſaeculo IX. Sanctus Cuthbertus Archiepiſcopus Cantuarienſis, qui VIII. ſaeculo vixit, eam in ſua Choveſhovienſi Synodo minus probavit; at probant tamen Iſaacus Lingonenſis Episcopus Capitular. tit. 1. cap. 1., Petrus Damianus *ibid.*, et, quod praecipuum videri debet, Leo P. IV. in Capitular. ad Parochos. Certe pecuniam in alendos pauperes, levandamque Eccleſiarum inopiam erogare, quas ſpecies pertractant Iſaacus, Petrus Damianus, ac Leo, honeſtum ac pium: contra eam in uſum Sacerdotis poenitentiam commutantis, aut in ditandam haud inopem Eccleſiam dare, ſimoniacum, vel turpe eſt. Cedit huc commode Geſaſi P. II. reſcriptum ad Archiepiſcopum

Tom.V.

Y.

Caesaraugustanum, cujus Ecclesiam destruxerant Saraceni, *Qui Ecclesiae, unde reficiatur, & Clericis, unde pascantur, aliquid donant, vel donaverint, secundum laborum suorum, & beneficiorum Ecclesiae impensorum quantitatē, secundum Episcoporum arbitrium, in quorum Parochiis degunt, poenitentiarum suarum remissionem & indulgentiam consequantur.* Baron. ad. an. 1118. n. 18. Transiit facio ad sacras Ordinationes. Vetus ac diu quum in Oriente, tum in Occidente stetit abusus certae pecuniae pro sacris Ordinationibus exigendae: qua de re egregie praeter ceteros Lupus c. 9. ; semper tamen Ecclesia simoniacos habuit, qui pro sacris Ordinationibus pecuniam obtrulerant, acceperuntve; can. 21. al. 28. ex iis, qui Apostolici dicuntur, can. 2. Conc. Chal., can. 5. Nicaeni II., & can. 3. Aurel. II. Quod de ipsis Ordinationibus, idem a Gregorio M. cautum cap. 1. t. h. 1. de Pallii datione, ac de chartis, seu literis ordinationis, quas Ordinatos accipere solitos manu Episcoporum subscriptas cum die, & Consule, quo de temporis praerogativa constaret, est in Concilio Africano cap. 89: Quin eo processit Gregorii Zelus, ut vel ipsum *Pastellum* iussu- rit abesse: *Pastellum* eo tempore dicebatur epulum, quo novus Episcopus, quotquot adjuerant ordinationi, excipiebat. De *Pastello*, seu *Pastillo*, seu *Pasflu*, v. Paschalem P. can. 7., & Innoc. II. can. 15. caus. 1. q. 3. V. quoque Hallier, de Sac. Elect. sect. 7. art. 6., & Voss. de Vit. form. lib. 3. c. 33. Sed inolevit aliquando abusus, ut pro Episcoporum confirmatione certa auricopia Regibus, ac Imperatoribus pensitaretur. Arvernos Clericos cum multis muneribus ad Regem Theodoricum venisse, testis est Gregorius Turonensis de vitiis Patrum cap. 6.: tum B. Gallum eis datum Episcopum, Regioque iusta solenne natalis, seu consecrationis eius epulum publico aere instructum: addiditque Gregorius, *Jam tum germen illud iniquum cooperat pullulare, ut Sacerdotium aut venderetur a Regibus, aut compararetur a Clericis.* Vel ipsum Papam non antea ordinari consuevisse, quam certam Imperatori pecuniam persolveret, habes ex can. 21. dist. 63., eamque vel ipsam S. Gregorium penituisse, testatur Johannes Diaconus in ejus vita lib. 1., & ipsemet Gregor. in Psalm. 3. *Poenit.* Atque hic abusus diu apud Latinos, apud Graecos diutius viguit, apud quos vel ipsi Imperatores Patriarchas eligebant, vel ex tribus electis praeferebant unum, certo honorario seu tributo eo nomine accepto, uti praeter alios refert Canizuz. l. 41. Hist. c. 37.: donec saec. VII. ad Agathonis preces Romana Ecclesia per Constantinum Pogonatum eo onore levata est, reservato tantum Imperatori jure Rom. Pontificem confirmandi, cit. can. 21. Fuerunt hae penitentes sub Gothis Regibus, & Constantinopolitanis post Gothos Imperatoribus in Rom. Ecclesia solennes: alibi variatulae. Num igitur simoniae reos tot Sanctissimos Episcopos dicemus? Dictu netas. Illi iniquo animo eam pecuniam pendebant, injustam, uti dicitur, vexationem redimentes: quod de se ipse Gregorius M. testatur *ibid.* eoque nomine aliquid temporale dare, simoniacum non est. Uta in hanc sententiam hoc argumento a simili ducto, S. Petrus Episcopus Alexandrinus, sapientia aeque ac sanctitate morum clarissimus can. 2. de iis, qui temporibus persecutionum data pecunia libellos immunitatis sibi impetrabant, haec habet, *His, qui pecuniam dederunt, ut ab omni improbitatis molestia omni ex parte remoti essent, crimen intendi non potest:* idque multis rationibus, multisque exemplis confirmat. Quid ergo est, cur non idem jus sit in re nostra? At enim Lucius P. III. ad Archiepiscopum Turonensem, qui a majore Canonicorum parte electus, pecunia molestiam redemerat, quam ei minor numero pars per injuriam inferebat, in haec verba rescripsit cap. 22. h. t. *Multum tibi consulis, si administrationem praedictam celeriter,*

ac sponte dimittis illius verbi Evangelici memor existens, Nihil prodest homini, si universum mundum lucretur, animae vero suae detrimentum patiatur. Sed sane interest, num qui pecuniam dat, perfectum in re jus habeat, an non: & rursus interest, num pecuniam ei det, a quo spirituale jus consequitur, an alii. Si quis perfectum in re jus habeat, atque alii ab eo, unde spirituale jus consequitur, pecuniam det, haec pecuniae datio simoniae vitio caret: si secus, simoniae omnino est. V. Gonzalez in cap. 22. h. t. Quoniam igitur hic latere simonia potest, & periculosum est, nos rei nostrae iudices esse, scite S. Carolus in Concil. Mediol. I. const. cont. simon. nu. 11. nemini licere inquit ad redimendam vexationem pecuniam dare, quidquamve pacisci, aut transigere, nisi Episcopi consensus accesserit. Denique de Matrimonio haec habet Gregorius M. l. 3. ep. 24. De nuptiis Clericorum, nullus, ut nunc fieri dicitur, quidquam praemii accipere praesumat. De solis minorum Clericorum nuptiis loquitur, quod fortasse pro his solis mos erat in Sardinia, ad ejus Metropolitanam data epistola est, praemium exigi. Ceterum generaliter Lateranensis Synodus sub Alexandro III. cavet ad hunc modum, Ne pro nubentibus benedicendis aliquid exigatur, districtius inhibemus, cap. 9. h. t.

Ad Simoniam in Beneficiis committi solitam tradueatur oratio. De simoniacis Ordinationibus, collationibusque Beneficiorum innumeri extant Canoncs. Sed ne quia illud miretur, quod prioribus Ecclesiae saeculis frequentissima fuerit de Simoniacis Ordinationibus Patrum querela: de Simoniacis Beneficiorum collationibus nulla contra posterioribus de his frequens, de illis rara. Id eo factum, quod olim facta ordinatio Clericum Ecclesiae addieceret, eumque participem faceret proventuum Ecclesiasticorum: at vero Beneficiis procedente tempore institutis coeperint Ecclesiastici proventus seungi ab ordinatione, uti pluribus lib. 2. tit. de Beneficiis Ecclesiasticis. Quoniam autem praecipuus Simoniae fons avaritia, hinc principio sacrae Ordinationes, deinde Beneficia venalia facta sunt. Vetus, ac latissime patens consuetudo fuit, ut qui in Clerum adfiscerentur, sua omnia Ecclesiae inferrent, vitamque Ecclesiasticam stipendiis sustinerent, Ejus consuetudinis meminere S. Joh. Chrysostomus lib. 2. de Sacerd. c. 7., & S. Synesius ep. 5. Ita ab Ambrosio factum, scribit in ejus vita Paulinus, & Basil. Epist. 55. Nec deerant, qui partem retinerent apud se, nihil tamen de fructibus Ecclesiae delibantes, quos sibi non imperfectos videri, Ambrosius inquit Offic. lib. 25. c. 30. De utroque Clericorum genere Justinianus Nov. 123. c. 3. Veterum Clericorum is fuit animus, ut nudi, atque expediti Christi milites Dominum suum sequerentur, uti Paulinus ibid. Si vero non gratuitus sit animus, vix est, ut ablit simonia. Ecce tibi Innocentii III. verba in cap. 34. h. t. Si Clericus cum conditione, vel pacto largiatur, aut offerat bona sua, ut illa postmodum pro praebenda retineat, & in Canonicum admittatur, hujusmodi oblatio, vel receptio fieri non poterit sine vitio simoniae: si vero pure, ac sine pacto vel conditione qualibet offerat, rogans humiliter, ut in Canonicum admittatur, & bona sua retinere sibi liceat pro praebenda, & Clerici ejusdem Ecclesiae pure consentiant; hujusmodi receptio fieri poterit absque scrupulo simoniacae pravitate. Subdit Innocentius, ita se respondere, quia ei datum est de manifestis tantummodo judicare: verum si & is, qui obtulit, & ii, qui acceperunt, temporalia cum spiritualibus commutandi animum habuerunt, licet is animus sese nullo externo argumento prodiderit, simoniae reos esse apud Deum.

Pro sepultura quoque nulla cujusquam pretii exactio attensetur, ait Alexander III. in cap. 8. h. t. Olim fideles, vel ipsi Presbyteri, & Episcopi extra Ec-

etiāsi circa temporales tantum res Ecclesiae veniētur : unde Chalcedonenſis Canon 2., & d. 38. h. 2. Paramonarium, aut Vicedominum pecunia conſtitui ſimoniacum aſſerunt.

Sunt autem ſerio diſtinguenda ex conventionē data a ſponte oblatiſ. Sponte oblatum accipere ſimoniacum neque eſt, neque unquam fuit. De Baſiſmo jam dictum. De Chriſmate id tradit Hincmarus Metropolitae Remenſis in *Capitulis ad Aſchidiaſonos* l. 5. c. 5. De Euchariftia, & Poenitentia delibatum aliquid. De ſacris Ordinationibus idem docet Gregorius M. in Synodo Romana, & Paulus in *Rituāli*: de extrema Unctione Odo Pariſienſis Episcopus in ſuo *Capitulari de extrem. Unct.*: de Matrimonio Greg. M. lib. 3. ep. 24. de Eccleſiaſticis ſepulchris Concilium Ravenn. an. 997. cap. 3., & bituricenſe an. 1031. can. 12: de Profeſſione Religioſa Urbanus V. extrav. 1. int. Comm. h. 2.: idemque de aliis ſpiritualibus, vel quaſi ſpiritualibus rebus cautum facile reperias. Quamquam vero ſponte oblata accipere ſimoniacum non fit; tamen omnis avaritiae, turpiſve quaestuſ ſuſpicio, quantum fieri poteſt, amovenda. Vetiſſe S. Carolum Boromaeum ſcribit Gloſſan. in ejus vit. lib. 8. c. 4., ne *Presbyteri quacumque rem pro adminiſtratione Sacramentorum acciperent etiam ſub obtentu eleemoſynae, ut omnem occaſionem, & notam avaritiae adimeret*. E. J. praeſulit Concil. Trid. his verbis: *Quoniam ab Eccleſiaſtico ordine omnis avaritiae ſuſpicio abeſſe debet, nihil pro collatione quorumcumque ordinum, etiam Clericalis Tonſurae, nec pro literis diſſolviſ, aut teſtimonialibus, nec pro ſigillo, nec alia quacumque de cauſa etiam ſponte oblatum, Episcopi, aut eorum miniſtri quovis praetextu accipiant*. Diſtinguendum eſt etiam cum Aug. de Peſtorib. cap. 9. inter ſtipendium, & pretium. Pretium eſt merces, quae res ipſa aeſtimatur: ſtipendium eſt, quod ad alendum operarium datur, ut praestare operas ſuſſiſtat: quae doctrina eſt Gregorii M. d. l. 19. c. 10., ubi de Concionatoribus loquitur: ac referri ad omnes ſacrarum rerum miniſtros debet, quod de Concionatoribus addit Gregorius ibid. *A bonis Praedicatoribus non cauſa victuſ praedicationiſ impenditur, ſed cauſa praedicationiſ accipitur victuſ*. Habes hinc, quid ſciendum de Parochiſ, de Notariis, aliſque, quibus certa ſtipendia dari, ut ſolent, & porro deſerviant Eccleſiae, laudabilis conſuetudo fert. Subjiciam verba Concilii Lateranenſis IV. ſub Innoc. III. in cap. 42. h. 1., *Pias conſuetudines praecipimus obſervari, ſtatuentes, ut libere conſentantur Eccleſiaſtica Sacramenta: ſed per Episcopum loci veritate cognita compeſcantur, qui malicioſe nituntur laudabilem conſuetudinem immutare*.

Primus in ſimoniacoſ poenaliſ Canon eſt Chalcedonenſis 2. In haec verba, *Si quis Episcopus o dinaverit per pecunias Episcopum, aut Chorepiscopum, aut Presbyterum, aut Diaconum, aut aliquem eorum, qui in Clero annuuntur, vel propter pecunias promoverit vel Deſenſorem, vel Paramonarium* (Gratianus can. 8. cauſ. 1. q. 1. legit *Mansionarium*, Paramonarii mentio eſt in l. 42. C. de Ep. & Cler.) *vel omnino aliquem ex canone turpiſ quaestuſ gratia, de proprio gradu in periculum veniat: & qui eſt ordinatus, ex ordinatione vel promotione nihil juvetur; ſed ſit a dignitate vel curatione alienus*. Canonem inter Apoſtolicos 30., qui depoſitioniſ, atque excommunicationiſ poenas ſtatuit in ordinatorem, ordinatumque, Chalcedonenſi Concilio recentiorē eſſe, id argumento eſt, quod eum omnino ignoraviſſe S. Cyrillum Alexandriae Patriarcham, & Iſidorum Peſuſiotam, liquet ex huius ep. 127. lib. 2.: & porro id, quod S. Gregorius acerrimus Canonum contra ſimoniacoſ vindex nultquam Apoſtoliſ illius Canonis meminert. Sed ut ad Chalcedonenſem Canonem revertar, de ordinatore aliter quam de ordinato videtur ſtatuiſſe. De ordinatore ait, *de proprio gradu in periculum veniat*: quo verbo non depoſitio vi ipſa iuriſ inflita,

cta, sed ab homine infligenda continetur: de ordinato aut, *si a dignitate vel curatione alienus*: quo verbo depositio iure ipso infligita significatur. Verum alii Canones, & Novella Justiniani 6. c. 1. nullum videntur inter ordinatorem, ordinatumque discrimen constituisse: atque utrumque ipso iure depositos significare. Ne longum faciam, tatis habeo huc adferre verba Tharasi Patriarchae Constantinop. in Epistola, quae in Synodo Nicaena II. recitata, & probata est, *Omnis Episcopus, vel Presbyter, aut Diaconus convictus, quod pro mun-ribus ordinationem dederit, vel acceperit, a Sacerdotio eadit*. V. Lup. c. ult. Depositio haec perpetua erat, perpetuamque inducebat irregularitatem: quo factum, ut interrogantibus Britonum Episcopis, num simoniace ordinati possent in ordine sacerdotali poenitentiam agere, nulla eos adjuvari posse poenitentia Leo IV. rescripserit *can. 5. caus. 1. q. 7.*: quod rescriptum supponit, simoniace ordinatos ne post actam quidem sceleris sui poenitentiam restitui Sacerdotio posse, quod multis adstruere conatus est Tharasius Patriarcha Constantinop. apud Gratianum *can. 2. caus. 1. q. 7.*, ubi tamen Tharasi verba sine mendo non sunt. Detrudebantur autem in Monasterium *sub perenni poenitentia*, *can. 7. caus. 1. q. 1.* Detrusio in Monasterium vetus simoniacorum poena fuit. Ejus meminit Petrus Damianus in *vita S. Romualdi*, ubi Monasticam professionem *conversacionem sanctam* appellat. De in Monasterium detrusione dicam inferius suo loco. Quamquam vero haec omnia de simoniaci Ordinationibus proprie dicantur, nihil vetat, quin ad simoniacas quoque Beneficiorum collationes referantur, nam, uti jam dictum, olim fere semper de simoniaci Ordinationibus actum est. Hinc Alexander II., qui sub medium saec. XI. sedit, *cit.* Chalcedonenis Synodi Canonem contra simoniacas Beneficiorum provisiones detorsit. Quamquam vero validae, licet illicitae, sint simoniace Ordinationes, quae receptor sententia est contra Morinum; nullas tamen esse & irritas beneficiorum provisiones manifestum sit ex *cit. Extrav. 2. h. 1. in. comm.*, ubi scriptum est, per hujusmodi provisiones nullum jus cuiquam *adquiri*; & ex Martino V. *sess. 43. Concilii Constant.*, ubi eas *ipso iure nullas* declarat. Quod intelligendum, siue realis siue conventionalis fuerit simonia; unde Urbanus II. apud Gratianum *can. 5. caus. 1. q. 3.* irritum pronuntiat quicquid vel *data*, vel *promissa pecunia* adquisitum est; ad siue pecunia ab ipso electo, siue ab ejus amicis, aut parentibus eo etiam ignorante data sit, vel promissa, Urbanus II. *can. 3. caus. 1. q. 5.*, Clemens III. in *cap. 26.*, & Caelestinus III. in *cap. 17. h. 1.* Pergit Canon Chalced., *Si quis autem sequester, & intereffor adeo turpibus, & nefariis lucris apparuerit, hic quoque si sit quidem Clericus, proprio gradu excidat, si sit autem laicus, vel Monachus, anathematizetur*. Perpetuum in jure Ecclesiastico id est, ut quibus ex causis deponuntur Clerici, ex his laici excommunicentur: ut ex laudato *can. id etiam consiclus*, tempore Chalcedonenis Concilii Monachos non dum inter laicos esse desisse. Chalcedonenis Concilii Monachos non dum inter laicos esse desisse. Chalcedonenis Canonem confirmavit Synodus Aurelian. II. *can. 4.*, & Synodus VI. vulga Trullana *can. 22.* Processu temporis Ecclesiae severitas se se remisit: atque in locum depositionis successit suspensio, *cap. 45. h. 1.*, & d. *Extrav. 2. cod. in. comm.*: in cujus novae disciplinae causa subtiliter, & vere Lupus inquit d. 6. 18. Alias Simoniacorum poenas videtis in *Extrav. 1. & 2. cod. sit.*, aliisque novellis Pontificum Constitutionibus.

De Usura.

EX Concilio Agathensi scriptum est in *can. 4. caus. 14. q. 3. Usura est, ubi amplius requiritur, subaudi, ex causa mutui, quam datur. Usuram damnavit Christus Luc. 6. eo verbo, Mutuum date nihil inde sperantes. Quoniam autem Augustinus in *can. 1.*, & Hieronymus in *can. 2. ead. caus. & q.* non in pecunia solum esse usuram docent, sed in quavis alia re, qualis qualis ea sit, haud absurde dices, usuram exemplo simoniae manu, obsequio, & lingua committi, si haec mercedis loco sint. Interdum sub alterius contractus specie mutuum latet. Saepe latet sub specie venditionis: ut ecce si quis, quod credita pecunia vendat, carius vendat, quam res est. Venditorem hoc casu peccatum incurrare, inquit Alexander III. in *cap. 6. h. 2.*: peccatum autem usuram esse, & titulus, cui illud caput subiicitur, & maxime haec ratio demonstrat, quod in proposita specie videtur pretium venditori, qui fidem de eo habuit, numeratum: tum emptori veluti mutuo datum ea lege, ut aliquid ultra sortem solvatur. Quod vero Alexander ait, *ex forma huiusmodi contractum non posse censerī nomine usurarum*, sic interpretantur Canonistae, figura quidem verborum usuram non esse, re ipsa, quae in contractibus attenditur, *l. 1. & tot. tit. C. plus valere quod agitur &c.* omnino esse usuram; forma igitur in eo *cap. verborum* figura est. Exceptionem dat Alexander his verbis, *nisi dubium sit, merces plus, minusve solutionis tempore valitura*: quae verba accipienda sunt non de legitimo, sed de naturali pretio, quod pro variis rerum, temporumque adjunctis varium esse solet. Jam incertum illud futuri pretii est aliquid pretio aestimandum. Recte autem boni interpretes monent, conjungendum cum his Alexandri verbis, quod in simili specie Gregorius IX. habet in *cap. ult. h. 2.*, *si tamen tempore contractus non fuerat venditurus*. Utrumque concurrat necesse est. Latet etiam usura sub specie venditionis in casu, quem habes apud Innoc. III. *cap. 5. de emt. & vend.* Cajus Sejus L. Titio pecuniam sub usuris crediturus, ne palam exercere foenus videretur, ab eo emit, acceperitque domum, certumque olivarum modum certo pretio, sed modico tamen, constituto, & hac lege, ut L. Titio post annos 7., sed intra annos 9. pretium offerenti integrum esset domum, & olivas redimere. Quoniam autem L. Titio non licebat pretium offerre intra annos 7., Cajus Sejus ejus temporis fructus lucrabatur, & nomine quidem usurarum. Proxima est ea species, quum aliquid pignori datur creditori hac lege, ut hic, quousque non reddatur pecunia, fructus percipiat integra sorte: quod pactum *antichreticum* dicunt. Et vero fructus computandi sunt in sortem, *cap. 6. de pign. cap. 1. & b. h. 2.*: quae sententia Civili quoque jure probatur, *l. 1. C. de pign. act.*: ejusque ratio est haec, quod perceptos fructus is tacere jure possit, qui aut dominus est, aut loco domini, *l. 9. C. eod., l. 48. de adq. rer. dom.* Quid de Antichresi caverit Justinianus, habes in Nov. 34., quam Cujacius exponit *Comm. in Nov. 31.* Nec longe hinc abest contractus vulgo *mohatra* dictus, quem uti foeneraticum Alexander VII. damnavit. Qui a mercatore aliquid emit pecunia credita, sed pretio summo: tum continuo eidem illud ipsum vendit pecunia numerata, sed pretio infimo; is certe videtur mutuum accipere, & aliquid eo nomine pendere ultra sortem;*

De-

quae maximas negotiationes exercent, Grotius lib. 3. *Introduct. cap. 11.* Gronov. ad l. 26. §. 1. C. eod. n. 2., Huber. ad tit. de nau. foem. neque hunc gentium morem acculant Canonistae: V. Covarruv. *Variar. Resol. c. 2. n. 5.* Obstat Gregorius IX. in cap. *naviganti ult. h. e.*, ubi, *Naviganti, vel eunti ad mundinas certam mutuans pecuniae quantitatem pro eo, quod suscipit in se periculum, accepturus aliquid ultra sortem, usurarius est censendus.* Vides, de periculo juris agi hoc loco. Quid agitur causae esse dixeris, cur aliquid ultra sortem eo nomine accipere, toenus esse pronunciet Gregorius IX.? Nam addita negatione legendum, *non est censendus?* Sunt qui sic sentiunt hoc argumento, quod posteriore, quae continuo sequitur, ejus Capituli parte aliam speciem Gregorius pertractet, qua usuram contineri negat: is autem ab una specie transeat ad alteram verbo *quoque*: quo verbo eum negare etiam in priore specie liquet, uti certe negat in posteriore. Optima sane ratio, sed quae in latinitate Pontificum tanti non est, ut lectionem omnium Codicum fide tutam immutes. Quae ergo est Gregorii IX. sententia? Quas ei affixerunt alii, eae prostant apud Gonzalez in 4. cap.: hanc ego germanam aso. Usurarius est, qui etiam si periculum juris recipiat in se, tamen eo sine pecuniam dat mutuam, ut aliquid dein habeat ultra sortem, alias non mutaturus. Tñ *accepturus* ex ingenio Latinae linguae sic explicandum, ut finem designet. Solo juris periculo haud remouetur usura: anitro quoque usurarii quaevis puro est opus. Hinc si quis ita statuat apud se, datum se gratuito pecuniam mutuam nullo suscepto periculo, si sic mutuatio videatur: tum vero aliquid stipuletur ultra sortem pro periculo juris, quod ita mutuarius malit, is dici usurarius non potest. Est haec D. Antonini doctrina *part. 2. tit. 10. c. 7. §. 21.* Sunt & alii casus, quibus aliquid sorti accedit sine vitio usurae, puta, si rem mihi debitam redempturus, pignoris causa accipiam ab eo, qui illam detinebat, aut si a focero fundum accipiam eodem titulo pro non numerata dote. Utrique casu fructus non computantur in sortem *c. 1. de foud. cap. 1. (a), 8., & 16. h. e.* Et priore quidem casu aequissimum est, fructus, qui ex re mea percipiuntur, meos esse; posteriore ita placuit, quod frequenter dotis fructus non sufficiant ad onera matrimonii supponenda, uti dicitur in d. c. 16., qui singularis est locus juris. Sane quum ibi dos esse debeat, ubi onera matrimonii sunt, l. 56. §. 1. de iur. dot.; consectaneum est, teneri focerum, qui dotem non numeravit, onera matrimonii ferre: sique fundi fructus cedere in eum usum debere: eosque generum iure suos facere pro eo lucro, quod cessat, damnoque, quod emergit. Postremo quum id, quod supra sortem recipitur, non ex certo pacto, sed ex incerto eventu dependet, nihil est vitii in ea re. Ille quoque, qui dat decem solidos, verba sunt Gregorii IX. in cap. ult. eod., ut alio tempore totidem sibi grani, vini, vel olei mensurae reddantur: quae licet tunc plus valeant, utrum plus vel minus solutionis tempore fuerint valiturae, verisimiliter dubitatur, non debet ex hoc usurarius reputari. Ratione hujus dubii etiam excusatur, qui merces vendit, ut amplius, quam tunc valeant, in certo termino recipiat: si tamen ea tempore contractus non fuerat venditurus.

Veteres Canones Clericum foeneratorem nullo gradus discrimine deponi ju.

Tom. V.

Z

bent;

(a) Quod Alex. III. inquit d. cap. 1., redimi beneficium Ecclesiae de manu laici, id, nisi Ecclesiasticae Historiae lux affuigeret, est sane temericosum. V. Dartis in can. 4. caus. 1. q. 3., & Gonzalez in cap. 43. de elect. sub finem.

bent, Conc. Illib. c. 20., Nicaen. c. 17., qui est apud Gratian. *can. 8. caus. 12. q. 4.*, Arelat. II. *can. 14.*, laicum separari, Illib. d. c. 20. At vero Alexander III. in *cap. 7. h. t.* laicum quidem excommunicari jubet, uti & antiqui Canones cavent, Clericum vero ab officio, beneficioque suspendi. Porro idem Alex. usurarios *Christianam accipere sepulturam* vetuit c. 3. h. t., quique eos Christianae tradiderit sepulturae, *donec ad arbitrium Episcopi satisfacias*, ab officii sui executione manere suspensum voluit. Haec omnia de usurariis manifestis statuta sunt: usurarii nec manifesti exemplo furum, ac raptorum, quibus aequiparantur *can. 10. caus. 14. q. 4.*, sola reddendarum usurarum necessitate obstringuntur ex regula D. Augustini in *cap. 4. de reg. jur. in 6.*, quam regulam ad rem adhibet laudatus Alex. in *cap. 5. h. t.*

Romae de usuris varium jus fuit a Legibus 12. tab. usque ad tempora Justiniani: cujus varii juris historiam habes apud Salsarium, Gronovium, & novissimum Romani juris Interpretem Gerardum Noodium *lib. 2. de foenore*. Id in universum hic moneo, etiam sub Christianis Imperatoribus haud fuisse usuras Civili jure omnino improbatas. At semper Ecclesia praeceptum Christi sequuta foenus damnavit, ac passim novae Christianorum Principum leges, & quum primis Regum Neapolitanorum in foeneratiis contractibus detrahendis ex sententia juris Canonici scriptae sunt; unde usurae inter Ecclesiastica delicta locum damus. Atque haec de praecipuis Delictis Ecclesiasticis dixisse sit satis: de aliis satis multi.

TITULUS V.

De Processu Criminali Ecclesiastico.

Quod primum in criminali judicio spectatur, Accusatio est. Quem accusavit nemo, eum damnari Leges, & Canones verant. Mirabantur nonnulli, quod Macarius quidam graviorum criminum reus non fuisset ab Ecclesia separatus. De hac re ita Optatus Milev. sub finem *lib. 7.*, *Si fuis (reus) accusatore silentio, a nobis non licuit abstinere. Dicite, quis eum accusavit & auditus non est? Dicitis, Macarium confessum esse culpam, & nostram pluisse sententiam. Non possumus facere, quod non fecit Dominus, qui nos eundem voluit esse accusatorem, & judicem. Dicitis, non nos lauisse, quod factum est. Fatemur, nos audisse; sed peccatum erat damnare eum, quem nemo est ausus arguere. Criminosos admonere, eosque, nisi resipiscerent, accusare, necessitatis esse, Patrum sententia fuit ob verbum illud Christi *Matth. 18. v. 15.*, *Si peccaverit into frater tuus, hoc est, si solus noster, uti rectissime Aug. firm. 16. de verb. Dom., vade, & corripe eum inter te, & ipsum solum. Si te non audieris, adhibe tecum adhuc unum, vel duos, ut in ore duorum, vel trium testium stet omne verbum, id est, ut, si accusatio instituenda sit, legitimo plurium testimonio probari crimen, quod intenditur, possit. Si non audieris eos, dic Ecclesiae, hoc est, accusa. Igitur non publica solum, sed etiam occulta crimina ad Ecclesiam deferenda, modo, si occulta sint, peccator ante semel, atque iterum officii sui admoneatur. S. Aug. *Hom. 49. & 50. v. 4.*, & 5. de uxoribus, quae adulteros viros patiebantur, haec habet, *Nolo, talem patientiam habeant Christianae mulieres. Omnino ego moneo, ego praecipio, ego jubeo, Episcopus jubet, Christus in me jubet. Nolite viros vestros permiscere fornicari, Interpellate contra illos Ecclesiam. Idem Aug. initio***

cio *Quaest. in Levit. c. 5. v. 1.* quaestionem, ut ipse ait, *difficillimam* peirastat, num Christianus deferendi peccatoris obligatione liberetur, si vereri jure possit, ne hic mortis periculum subeat. Respondet autem Aug. *solvi* Christianum peccati vinculo, si indicat talibus, qui magis possunt prodesse, quam obesse sua ad corrigendum, sive ad Deum pro illo placandum. Quin ita vetus disciplina ferebat, ut qui criminolusum aut omnino non deserebat ad Ecclesiam, aut serius deserebat, taciturnitatis, tarditatisve poenas daret: qua de re Morin. lib. 2. de Poenit. cap. 6. Et vero quum judicia criminalia Ecclesiastica eo spectent omnia, ut nocentes ipsi emendantur, alique exemplo deterreantur a malo, Religionis interest, eos prodi, & Christiana caritas, qua veluti quodam communi vinculo continemur, exposcit, ut ad privatam eujusque, & commune omnium spirituale bonum admonitionibus, & acylationibus adnitamur. Haec eadem ratio fecit, ut Episcopi in Visitationibus septem de plebe bene moratos viros sacramento adigerent ad prodequa crimina in Parochia admissa non solum Ecclesiastica, sed etiam communia, eosque jurisjurandi religione constrictos interrogarent prius recitata ea formula, *Nos ministri Dei sumus: non terrenam vestram substantiam concupiscimus, sed salutem animarum vestrarum requirimus*. Prostant eae interrogationes apud Burchardum Decret. lib. 1. post. cap. 94., & apud Beatum Rhenanum in fine Admonitionis de Dogm. Tertull.: unde habes, vel post X. saeculum eam disciplinam stetit, quae tandem publicis poenitentibus sublaus interdictis: aliqua tantum eis vestigia supersunt in Monitionibus, quae in finem revelandi ab Episcopis adhibentur. Sed quousque vetus obtinuit disciplina, deferri reus ad Ecclesiam debebat secundum Christi verbum, *dic Ecclesiae*: quo verbo, uti initio libri 3. dictum, & Ecclesiasticus conventus, & Episcopus Ecclesiastici conventus, princeps designatur. Ita autem se res habebat. Peccator semel, atque iterum admonitus prodebat Episcopo; hic eum, ut poenitentiam ageret, secreto hortabatur, S. Aug. *serm. 16. de verb. Dom.*, & in *Levit. ibid.* Si is minus erat dicti obediens, & legitimae probationes suppetebant, Episcopus dicebat Ecclesiae, lib. 2. *Const. Apost. c. 33.* hoc est, senioribus Ecclesiae, seu Presbyterio, quod proinde *spiritualis* Episcopi *corona* dicitur Ignatio *epist. ad Magnes.* Testimonia in hanc rem conceptissima sunt haec. Paulus Apostolus 1. ad Cor. 5. de Corinthio incestuoso, *Ego quidem*, ait, jam *judicavi eum congregatis vobis*. Auditor *Const. Apost. lib. 2. c. 47.* *Assistant*, inquit, *judicio Diaconi, & Presbyteri*: S. Gregorius lib. 2. *ep. 49.* haec habet, *Si quid de quocumque Clerico ad aures tuas pervenerit, praesentibus Senioribus Ecclesiae tuae est veritas persequenda*. Jam Presbyterium advocare non libera res fuit; nam antiqua consuetudo ab Apostolicis ducta temporibus ita fieri jubebat; unde Concil. Carth. IV. *can. 23.*, *Episcopus nullius causam audiat absque praesentia suorum Clericorum*, alioquin irrita erit sententia Episcopi, nisi Clericorum praesentia confirmetur: in quo Canone Clericos bene interpretatur Presbyteros Christianus Lupus *de Africanae Eccl. Romanis appellat. cap. 15.*; nam Presbyteris solis sedere ac judicare cum Episcopis datum. Aderant etiam judicio reliqui Clerici, imo vel ipsi laici, sed testes aderant, non iudices, Cyprian. *ep. 14.*, *Olen. Rom. ep. ad Cyp.*, quae inter Cyprianicas est 31., Euseb. lib. 6. *Hist. c. 35.*: & saepe Sacerdotes laicorum obsecrationibus victi poenas mitigabant, S. Cornel. P. apud Euseb. *ibid.* Prius saeculis nihil discriminis positum fuit inter laicorum, Clericorumque criminolorum judicia. Clerici aequae laici ab Episcopo suo adfinitumque Presbyteris judicabantur: neque ullus gradus Clericatus quidquam praecipuum

habebat. Timotheum Episcopum Ephesium Presbyterorum suorum iudicem pronunciat Paulus 1. *ad Timoth.* 15. v. 19. Synodus Antiochena *can.* 4., & *can.* 12., & Sardicensis *can.* 17. Presbyterum a proprio Episcopo gradu, & commotione abjici posse supponunt. Primum ab Africanis Paribus inter majores, & minores Clericos distinctum. Concilium Carthag. I. *can.* 17., *A tribus vicinis Episcopis*, (cum proprio Episcopo, quod supplendum ex *can.* 10. Carth. II.) *si Diaconus est, arguatur: Presbyter a sex: si Episcopus, a duodecim Consecratoribus* (h. e. Episcopis) *audiatur*. Eandem disciplinam confirmarunt Carthag. II. *d. c.* 10., & Carth. III. *can.* 81., ubi id additum, *Reliquorum autem causas etiam solus Episcopus loci agnoscat, & finiat*. Ait Concilium, *solus*, hoc est, sine aliorum Episcoporum conventu, non sine conventu Clericorum suorum: quod jam animadvertit Gratianus *caus.* 15. q. 7., ubi eum Canonem describit. At enim S. Augustinus Xantippum quemdam Presbyterum, qui solenne in Dominici Natalis vigilia jejuniū violaverat, & apud famulam mulierem sine Clerico aecolycho pransus, & coenatus dormierat, nullo Episcopo in consilium adhibito solus deposuit, ut ipse narrat *ep.* 226. Factum hoc Augustini clarissimos viros exercuit. Lupus Cypriani testimonio ex *ep.* ad Rogatianum *Novensem Episcopum* probat, laudatos Canones Carthaginieneses fuisse contra antiquam Africanæ Ecclesiæ consuetudinem conditos: tum suspiciatur, haud fuisse a nonnullis Episcopis veterem præferentibus receptos, eorūque numero Augustinum haberi: & quamvis is Carthaginieneses Canones subscripserit, potuisse tamen eos Canones contra Augustini sententiam conditi. Fortasse satis est dicere cum Thomasio in *vet. & nov. Eccles. discipl.* p. 2. lib. 1. c. 15. n. 18., tribuendum id nimio Augustini zelo, quem mirari præstat, quam imitari. Ceterum Africanos Canones aliæ etiam Christianæ gentes per omnia ferme arripuerunt: quod a Lupo, ac Thomasio abunde demonstratum.

Jam criminalia judicia apud Episcopos peragebantur eodem prope ritu, quem Romana Lex præscripserat. Id juris Civilis, & Ecclesiasticæ historiae collatione manifestissimum fiet. Jure Civili accusatio est libello instituenda, extatque accusetorū libelli formula in l. 3. *de accusat.* Accusatorius libellum, quo Eusebius Dorilaei Episcopus Euthycheten Presbyterum, & Archimandritam hæresis accusavit, Synodus Constantinop. I. S. Flaviani Patriarchæ meminit *act.* 1., & 3. Jure Civili inscriptione, & subscriptione accusatoris est opus. Inscriptione profitetur accusator, se Maevium ex. gr. hac, vel illa lege reum deferre, eumque se peracturum reum, d. l. 3., & l. 2. *C. de exhib. reis*: subscriptione aut per se ipse, aut, si literas nesciat, per alium testatur, professum se esse: ac porro, si pareat, falsum se affinxisse crimen, se poenæ reciproci obstringit, d. l. 2. *C. Eusebius d. act.* 1. postexpositam perversam, impiamque Euthychetis de Christo sententiam, paratum se libello profitetur *eum convincere falso habere Catholicum nomen*. Idem Eusebius *act.* 5. vereri se non obscure ostendit, ne per fraudem Euthychetis poenam subeat talionis: quem merum excutit S. Flavianus. Ita in Chalcedonensi Concilio *act.* 3. S. Paschasius S. Leonis P. Legatus de Theodoro Diacono Dioscori accusatore inquit, *Si confidit probare ea, quæ inperit, & proprio reo constitatur, si non vult regularem adversus se converti sententiam*. Jure Romano reus per apparitorem in jus vocatur semel, iterum, atque tertio, uti dictum lib. 3. *tit.* 7.: in causis autem, ex quibus sequi solet gravior poenæ usque ad relegationem,prehenditur arg. l. 1. *ff. an per al. caus. appel. red. pos.* Tribus etiam vicibus Dioscorum, Euthycheten, aliosque ad Synodum vocatos, ex Chalcedonensis, Constantinopolitanæ, S. Flaviani, aliarum-

que

que Synodorum actis jam constat : ex eisdemque id porro constat , Episcopum per Episcopos saltem duos, Clericum per Clericos , laicum per laicos vocari consuevisse , Lup. *Diff. de Concil. Ephes. c. 3.* , & *Append. ad Ephes. Latroc. act. 1.* Interdum (quod est placidum ac manuetum Ecclesiae ingenium) quartam citationem Synodi decrevere : decrevitque in causa Nestorii Synodus Ephesina *act. 1.* Jus prehensionis vetus non exercuit Ecclesia . Euthychetis accusator Eusebius Euthycheten invitum Synodo fisti postulat *act. 3.* ; at ab ea vi abhorret S. Flavianus . Lege Romana nuncius , si rei copiam habere potest , denunciare decretum citationis in faciem debet *arg. l. 1. §. 1. de agrose. lib.* Ita cum Euthychete factum *d. act. 3.* Civili jure regulariter in criminibus frustra pro reo procurator intervenit *l. pen. §. ult. de publ. judic. d. l. 1. an per alium &c.* : qua de re *lib. 3. tit. 3.* Euthyches ad Synodum citatus Abrahamium , aliosque misit pro se responsuros ; at S. Flavianus sic ad Abrahamium , *Quomodo , rogo te , possibile est , altero accusato alterum dicere ?* Apud Romanos reus ab accusatore , & judice interrogabatur , *Ascon. Pedian in Verrin. 3.* , Marcian. *l. 6. §. 1. de cust. reor.* Euthyches *act. 7.* ab Eusebio accusatore , & B. Flaviano Synodi Praefide interrogatur . Jure Civili tergiversari , puta , ab accusatione citra abolitionem prorsus cessare , crimen est , quod extra ordinem punitur , *l. 2. C. ad SC. Turpil.* , S. Gregorius *epist. ad Job. Episcopum Corinthiorum* , cujus fragmentum est in *can. 6. caus. 2. q. 3.* Paulum quendam Diaconum , qui ab accusatione Episcopi sui destiterat , criminis notat . Ignoscit quidem ei Gregorius ; sed tot tamen propria habet ea species , quae Romani Correctores adierunt in eum locum , ut produci in exemplum non possit . Quae de legitimis probationibus , atque exceptionibus Romano jure sunt comprehensa , ea fere omnia veteres Ecclesiae Patres in judiciis suis servasse , Conciliorum Acta demonstrant . Id unum moneo , jure civili in criminibus eruendis quaestionem , seu tormenta , adhiberi solere , *l. 1. de quaest.* ; at vero istum eruendae veritatis modum vetus nunquam adhibuit Ecclesia . Reos tormentis afficere , verba sunt Hildeberti Cenomani *ep. 30.* , vel supplicii extorquere confessionem censura Curiae est non Ecclesiae disciplina . Quid vitii sit in eo modo , tradit Aug. *lib. 19. de Civ. Dei c. 6.* , *Quum quaeritur , utrum sit nocens , erucietur ; & innocens luit pro incerto scelere certissimas poenas , non quia illud commisisse detegitur , sed quia non commississe nescitur , ac per hoc ignorantia judiciis plerumque est calamitas innocentis :* in quem Augustini locum videndus Ludovicus Vives . At enim Eusebius P. , qui IV. Ecclesiae saec. Romae sedit , *can. 4. caus. 5. q. 5.* inquit , *Hanc (veritatem) diversis cruciatibus & latebris suis religiosus tortor exigere debet , ut dum poenis corpora subjiuntur , quae gesta sunt , fideliter , & veraciter enquirantur .* Verum & Augustini de quaestionibus sententia , & Cristerorum-judicium de Epistolis Pontificum Siricio antiquiorum Eusebianam illam Epistolam supplicium esse , satis probant . Quod autem S. Gregorius ait *can. 7.* in fine *caus. 2. q. 1.* , vilissimis testibus sine corporali discussione credi non debere ; id ait is ex sententia Legum Romanarum , quas eo loco diserte laudat . Ait quidem Augustinus *san. 1. caus. 23. q. 5.* , saepe , in judiciis virgas ab Episcopis solitas adhiberi : & S. Gregorius in *cap. 1. de calumniat.* Subdiaconum calumniatorem veribus castigari jubet ; sed duo haec loca ad antiquas publicae poenitentiae regulas exigenda sunt , quae in criminosis castigandis pastores esse Episcopos , non percussures volebant , ipso Gregorio teste *can. 1. dist. 45.* Et sane Augustinus ibid. addit : eum ipsum modum coercionis ab Episcopis adhibitum , qui & ab artium liberalium magistris , & a parentibus adhibetur . Tandem in gravioribus delictis novum ius Canonicum quaestiones admittit , *cap.*

1. *de deposit.*, & *cap. 6. de reg. jur.* Absentem damnari leges vetant *l. 5. de poen.*, *l. 1. de requir. vel abs.*, *l. 6. C. de accus.* Synodi Tyriac de S. Athanasio iudicium quum multis nominibus, tum hoc maxime nomine nullum pronunciant Julius 1. *ep. ad Orientales*, & Alexandrini Concilii Patres in *epist. Synodica*, quod eum absentem damnaverit. Ulpianus *l. 5. de poen.*, Papinianus *l. 10. de publ. judic.*, atque alii passim contumaces etiam absentes recte damnari ajunt. Nestorium ad Synodum non ausum accendere depositionis sententiae ab Ephesinis Patribus subjectum, inquit S. Cyrillus *ep. ad Clerum*, & *populum Alexandrin.* Diolcorus etiam ob contumaciam absens damnatus in Chalced. Cone. *act. 3.* Ex sententia juris Romani scribit Afcon. in *Verrin. 3.*, *Loqui nisi interrogato testi non licebat.* Synodi Constantinopolitanae *act. 6.* Theophilus, & Mamas Presbyteri, qui Euthycheten ad Synodum vocaverant, instante Eusebio, ac iubente Flaviano multa contumacia testantur; interroganti autem Flaviano, cur ea reticuerint ad id tempus, respondent, *Minime interrogati superfluum putavimus haec dicere.* Jure Civili insinuari reo sententiam debere, ut ei liberum sit appellare, exploratissimum est. Lata in Concilio Ephesino contra Nestorium sententia insinuata ei est per literas Synodales, quarum haec Epigrapha, *Synodus Nestorio novo Judae.* Jam ut juris Civilis, & veteris Ecclesiastici fori collocationem verbo transigam; ajo, quoniam in legibus Romanis de ordine judiciorum quaedam sunt juris gentium, quaedam juris Civilis meri, atque haec ad iudicium solenniter exercendum, illa ad actionis probationem, reorumque tutelam, seu, quod idem est, ad causae cognitionem pertinent; veteres Ecclesiae Patres ea tantum retinuisse, quae juris gentium, neglexisse alia, quae juris Civilis meri solennia videbantur. At circa saec. XII., quum exterius Ecclesiae forum coepit ab interiore distingui, solennia etiam juris Romani in Ecclesiasticum forum exterius inlata sunt: ut dici recte possit, quo in Civili, eodem prope ritu in Ecclesiastico foro criminalia judicia exerceri; idque Romani juris, & Decretalium collatio demonstrat. Hinc triplex instituendi iudicii criminalis ratio novo jure Canonico proposita per *apagationem*, *denunciationem*, & *inquisitionem*, *cap. 24. §. 2. de accusat.*: quod ex jure Civili, ejusque glossis desumiisse Innocentius III. videtur. De accusatione in Pandectis agitur *lib. 48. §. 2.*, & in Codice *lib. 9. t. 2.*: de inquisitione in *l. 1. §. 12. de off. Praef. Urb.*, *l. 13. de off. Praes.*, *l. 3. §. ult. ad L. Jul. de annon.*, & *l. 4. §. 2. ad L. Jul. peculat.*: de denuntiatione in *l. 6. in fin. de cust. reor.*, *l. 6. §. 3. ad SC. Turpil.*, *l. 7. C. de accusat.*, *l. 2. pr.*, & *§. 4., l. 15. §. 1., & 2., l. 22. §. ult., l. 23., & 24. de jur. fisco.* Interibere, ac subscribere accusator debet, quia ad poenam instituitur accusatio, *l. 1. C. de accus.*, *l. 2. C. de exhib. reis*, *cap. 16. de accus.*, licet talio jamdiu defueryit, quod ea poena homines ab accusando deterrerentur: nuntiator solennia accusationum servare Civili, & Canonico jure non debet, *d. l. 7. C.*, & *d. cap. 16. tit. Degret. de accusat.*, & *cap. ult. de calumn.*; sed monere tamen jure Canonico, & vero etiam ex praecepto Christi peccatorem debet; quia ad correctionem denunciatio facienda est, *d. cap. 16.*, & *cap. 31. de simon.*; quales fuisse ex veteri Ecclesiae disciplina accusationes, jam tradidi. Porro hoc quodque differunt inter se Accusatio, & Denunciatio, quod denunciare prohibeatur nemo: multi vero prohibeantur accusare. De his Gratianus *caus. 2. q. 7.*, & *8.*, & *caus. 3. q. 4.* abunde edidit ex jure Civili, quod super hac re in jus Canonicum novum maximam partem defluxit: itemque ex jure Ecclesiastico, quod tamen is ex falsis Decretalibus derivat. Hic non consistam; usu enim inductum est, ut, quum de publica punitione agitur, soli Promotores fiscales in Curia Ecclesiastica locum obtineant accusatorum. Denique in criminosos in-

quirit

quirit ex officio iudex, sique reum, etiamsi nullus accusator existat, publicae sollicitudinis cura producit, uti elegantissime Constantinus loquitur in *l. 1. C. de cust. reor.*; sed inquisitionem clamosa debet insinuatione praeveneri. Innoc. III. in *d. cap. 31.*: quod de inquisitione, quam specialem dicitur, accipiendum est; puta quum in certum hominem inquiritur. *V. cap. 21. de accus.*

De appellationibus dictum *lib. 3.* Promissi memor addam nonnulla hoc loco. Ad Summum Pontificem *de toto mundo appellatur*, inquit S. Bernardus de *Consider. ad Eugenium lib. 3.* Sed multa sunt, quae de Episcoporum appellationibus ad Romanum Pontificem tradit Petrus de Marca *lib. 7. Concord. c. 3.*; & *seqq.* Ait, eos ante Sardicensem Synodum provocare ad Romanum Pontificem iure non potuisse: id tantum per Canones Sardicenses Romano Pontifici datum, ut causam ad Episcopos Provinciae, praesente, si ita arbitraretur, Legato suo, retractandam decerneret: denique jus istarum appellationum in Oriente non ante Trullanum Concilium, in Occidente non ante VIII. saeculum obtinuisse. Contra Natalis Alexander *Dissert. 28. saec. IV.* egregie praeter ceteros haec adstruit, jus istarum appellationum Primatus Romani Pontificis consecutum esse: idque a Synodo Sardicensi non institutum, sed repetitum. Africanæ Ecclesiae consuetudo, cuius testes sunt Canones secundae, & quintae Synodi Carthaginensis, & Canon. 11. Milevitanae, Presbyteros, aliosque inferiores Clericos ad Romanam Ecclesiam appellare non patiebatur. *Ad transmarina qui putaveris appellandum, a nullo intra Africam in communionem suscipiatur*, verba sunt *can. 22. Synodi Milevitanae*. *Transmarinam Ecclesiam in Conciliis Africanis Romanam esse*, multis collatis Canonibus ostendit Lupus de *Afric. Eccles. Rom. appel. cap. 20.* ut certe risum faciat exceptio, quam laudato Canoni Milevitano apponit Gratianus *caus. 2. q. 6. post can. 35.* nisi forte Romanam Sedem appellaveris, quasi Afri ad transmarina appellantes ad alium, quam ad Sedem Apostolicam, appellarent, uti bene in eum Canonem Binus. Discrimen, quod Africanæ Ecclesiae disciplina inter Episcopos posuit, ac reliquum inferiorem Clerum, tradit *Aug. ep. 162.*, quam Lupus longo commentario illustrat *d. c. 20.* Gradatum, & non omisso, ut ajunt, *medio appellandum*, ut sua cuique dignitas servetur, *l. 21. de appellat., cap. 66. de appellat., cap. 1. §. 1. eod. in 6.* Jure Civili appellationes recto ad Principem factae ad eos remittuntur, ad quos fieri debuerunt, *d. l. 21.*; at jure Canonico appellationes ad Summum Pontificem recto fiunt, *cap. ult. de for. comp., cap. 7., & 54. de appell.* Hoc idem jus Summi Pontificis adstruit Gratianus *caus. 2. q. 6. ex Decretalibus summorum Pontificum Sixti, Marcelli, Victoris, Zephirini, ac Julii*: sed Decretales istas Critici supposititias habent. S. Bernardus *loc. cit.* Eugenium monet, ne appellationes istas, quas in *testimoniis singulare Primatus* ejus interponi ait, temere recipiat, adhibereque in eam rem verbum illud Pauli Apostoli *1. ad Cor. cap. 6. v. 22., Omnia mihi licent, sed non omnia expediunt.* Verum aliquor istarum appellationum exemplaprehendunt nonnulli in Epistolis Gregorii P., pura *ep. 72. lib. 1., ep. 33. lib. 2., ep. 24., & 33. lib. 10.* Quid in Gallia, & Belgio obineat, videlicet apud Van Et. *p. 3. tit. 10. cap. 2.*

Restat, ut de criminalibus Episcoporum causis dicamus nonnulla. Episcopum a duodecim Consecratoribus audiendum dixit *can. 11. Carthag. I.* Fuit haec particularis Africanæ Ecclesiae disciplina. Magnus erat in Africanis Provinciis numerus Episcoporum, ut permolestum esset in singulis criminales Episcoporum causas Provinciale Synodum haberi: hinc, si extra solenne Synodi tempus deterri Episcopum contingeret (contingebat autem saepissime) nec res pati-

thoram

moram videretur, Episcopi duodecim cum Provinciae Primare conveniebant, fuitque haec eadem disciplina alicubi etiam recepta. Lup. in *Dictat. Gregor. VII. can. 25.* Communis Ecclesiae disciplina olim haec fuit, ut criminales omnes Episcoporum causae in Provincialibus Synodis disceptarentur. Vide in hanc sententiam Synodum Nicaenam *can. 5.*, Constantinopolitanam *I. can. 2.*, Antiochenam *can. 15.*, Sardicensem *can. 3. 4. & 7.*, Chalcedonensem *can. 4.*, Justiniani Novellam *123. c. 22.*, & Gelasii P. II. Epistolam ad *Joh. Constantinop.* Innumera etiam exempla suppeditat historia Episcoporum per Provinciales Synodos excommunicatorum, aut depositorum. V. Lup. in *Dict. c. 3.* Quum vero sub initium saec. VIII. Ildori Collectio prodisset, nova disciplina enata est ex Decretalibus Julii I., & Eleutherii P., quas ea habet Collectio, quasque deinde in Decretum suum inseruit Gratianus *can. 7. & 9. caus. 3. q. 6.* Iis Decretalibus damnandorum Episcoporum jus Romano Pontifici asseritur. De istarum Decretalium fide est quidem cur dubites, jamque eas multis argumentis ducti ad apocrypha ablegarunt viri doctiores; certe tamen post id tempus Episcopos a Summo Pontifice damnatos deprehendens. Jam nova isthaec disciplina antiquos Canones non omnino abrogavit, nam solae majores causae, puta eae, pro quibus gradu moveri Episcopi possunt, Summi Pontificis iudicio reservatae sunt. Hinc *depositionem* nominatim expressit Innocentius III. in *cap. 2. de translat. Episcop.* atque hinc illud in *Dictatu Greg. VII. can. 3.* Quod ille solus (Papa) possit deponere Episcopos, vel reconciliare. Distinctionem istam inter majores, & minores Episcoporum causas criminales potissime Tridentina Synodus confirmavit *sess. 24. cap. 5. de reform.*

TITULUS VI.

De Purgatione Canonica & Vulgaris.

SI quis de aliquo crimine publica laborat infamia, accusatore, & testibus deficientibus, eum ad purgationem esse compellendum, Alexander III. rescribit in *cap. 6. de purg. canonic.* Purgationem bene definit Lancellottus *demonstrationem innocentiae super objecto crimine.* Duplex est, altera *Vulgaris*, altera *Canonica*: de qua duplici purgatione duplex in Decretalibus caput. *Vulgaris* est, quam vulgi superstitio invenit, ac sequitur: Canonica, quae sacris Canonibus est comprobata. *Vulgaris* species multae. Alii monomachia, seu duello, alii candenti ferro, alii aqua vel ferventi, vel frigida se purgabant, alii aliis modis, quos a Longobardis, aliisque e Germania populis in Italiam inductos eorum legibus ac moribus exponunt Cujacius *lib. 1. Feud. tit. 1. §. si autem controversia*, González in *cap. 3. de purg. vulg.*, & alii satis multi. Id genus purgationis, quod eo tentetur Deus, passim Canones damnant. V. *can. 7. §. 1. (a), can. 20., & 21. caus. 2. q. 5., cap. 8. de purg. canonic., & tit. Decretal.*

(a) In d. can. 7. describit Gratianus S. Gregorii Epistolam ad Brunichildam Francorum Reginam, quae est *lib. 11. ep. 8.* Verum prior quidem Canonis pars ejus Epistolae segmentum est: posterior, qua vulgaris per frigidam aquam, ignique ferrum purgatio memoratur, S. Gregorii opus non est; neque enim eam habet Gregorii authenticum, neque ullus aetate Gregorii id genus purgationis usus erat. Accedit, quod eadem posteriore Canonis parte Menae Episcopi purgatio mulieris arbitrio committatur; quod utpote ab Ecclesiastica disciplina alienum mira-

cal. de purg. vulg. Alicubi in Ecclesia ferventis aquae, aut candentis ferri iudicium permiffum fuisse, ut alia desint testimonia, Triburiensis Synodi Canon testatur, qui est apud Gratianum *ead. caus. q. n. 15.* & in *cap. 1. de purg. vulg.* in prima Decretalium Collectione apud Ant. Augustinum, & in *cap. 1. de purg. can.* Greg. IX. *de purg. can.* extatque ejus Canonis sententia in *can. 22. Concilii Triburiensis.* Quoniam vero ejusmodi purgationes Romana Ecclesia semper est averfata, Raymundus verba illa Canonis, *ferventi aquae, aut candendi ferri* prudens omisit. Vulgarium Purgationum vestigia usque ad ultima saecula in nonnullis Ecclesiis superfuiffe, ostendit Van Espen *p. 3. t. 8. c. 4.* Meminit etiam Gratianus *can. 23.* & 26. ex Concilio Wormaciensi purgationis *per sacram Communionem*, de qua Van Espen in *Decretum caus. 2. q. 5.* Canonica purgatio iurjurandum est, Ejus mentio est in Epistolis S. Gregorii *can. 6.* & 7. *ead. caus. & q.* Jurare olim mos fuit *ad B. Petri corpus*: de qua formula, & similibus v. Cangium in *Glossario*, Pelagius III., Sixtus III., ac Leo III. iurjurando se ipsi purgarunt. Anastas. Biblioth. in *Pelag.* *can. 10.* & 18. *ead. caus. & q.* Disciplina sic ferebat, ut juraturus tres, quinque, aut septem ejusdem prope ordinis, vicinos, aut saltem qui eum probe nossent, & quod praecipuum erat, inculpatae fidei sibi socios, tanquam adfectores, adlitteret, *can. 12. 13. 16. 17. & 19. ead. caus. & q.* *cap. 7. 9. 11. de purg. can.* quo spectant formulae illae *tertia*, *quinta*, aut *septima manu* jurare, Quandoque plures eo numero acciti, si aut qui se purgabat, laicus esset, aut magni alicujus criminis infamia Clericus laboraret, *cap. 1. & 10. de purg. can.* Socii isti Compurgatores, Conjuratores, & Sacramentales dicti, Primum is, de cujus re agebatur, super sancta Evangelia jurabat: tum compurgatores super sancta etiam Evangelia jurabant, eum vere, ut ipsi credebant, jurasse *can. 17. caus. 2. q. 5.* Ita, quam gravis urget causae, Clericis quoque jurandum est. Canones, quibus Monachis, Clericis & maxime Episcopis jurare interdictum, & porro causas, quibus eos jurare honestum, & vero etiam necessarium, habes apud Lup. *append. ad Ephesin. Latroc. cap. 2. act. 2.* Nunc Purgatio desuevit.

TITULUS ULTIMUS.

De Poenis Ecclesiasticis.

Crimina exipiunt poenae Ecclesiasticae, quae Censurae appellantur, Censurarum potestatem Apostolis fecit Christus *Matth. 18. v. 15.* Quaecumque alligaveritis super terram, erunt ligata & in caelis. Sane S. Paulus 1. *ad Corinth. 2.* incestuosum excommunicavit, & Apostolorum successores Episcopi *Tom. V.* ad

miratur Glossa. Quis autem eradat, Gregorium mulieris arbitrio tantum tribuisse? Rectissime Romani Correctores advertunt, laciniam illam Epistolae Gregor. adsumt opus esse Alexandri II., qui saec. XI. Pontificatum gessit, ex ejus ep. ad Roynaldum Cumanum Episcopum illud laudant Ivo *p. 10. c. 15.* & Pann. *l. 5. c. 8.* ejusdemque Epistolae initium est in *can. 11. cit. caus. & q.* post ejus canonis extrema verba posterior canonis 7. pars continenter legenda. Alios quoque apocryphos Canones in eandem rem laudat Gratianus. Tu vide Ant. Augustinum, & Correctores Romanos.

ad nostra usque tempora idem jus exercuerunt. De aliis praeter Episcopos vide Juén. *de Cens. cap. 2*

Poenae Ecclesiae propriae spirituales sunt. Ecclesiae gladium spirituales appellat Cyprianus *ep. 62. al. 4 ad Pompon.* Si quando opus esse intelligeret, contumacibus vim adhiberi, *saeculare*, ut ajunt, *brachium* imploravit. Id sub Christianis Principibus passim: quandoque etiam sub Etanicis factum. Paulum Samosatenum ab Antiochenis Patribus depositum, quum noller Ecclesiae domo exire, quam novus ingredi Episcopus debebat, jussu Aureliani Imp., quem Ecclesia adierat, cum summo dedecore exturbatum, narrat Eusebius *lib. 7. c. 30.* Id adeo solenne fuit, ut in Canonem abierit. Concil. Antiochen. *an. 341. can. 5.* Sin autem, inquit, *perseverat perturbare, & Ecclesiam evertere, is per externam potentiam ut scditiosus castigetur.* Hoc idem eantum *can. 38. Carthag. III. can. 53., 67., & 93.* Codicis Africani, Appolite Petrus Blesensis *ep. 73., Duo sunt gladii, qui ad invicem sibi vires impartiuntur alternas, Sacerdotium Regibus, & Sacerdotibus Regnum, ideoque si ab altero suppletur alterius insufficientia, non videtur duplex cognitio, aut poenitio combinata.* Non debent autem opem denegare Christiani Principes, quorum praecipuae partes sunt Ecclesiam tueri, eo nomine rationem Deo reddituri, uti Ilidorus inquit *can. 20. caus. 23. q. 5.* Ita Episcopi per Civilem potestatem sententias suas exequabantur. Id etiam a Principibus contendere semper consuevit Ecclesia, ut, quae Ecclesiastica censura ad officium non revocabat, in eos temporales poenas constituerent. Id attigi *tit. 2. h. lib.* Addam hoc loco, quod *d. can. 93. Cod. Afric.* scriptum est. Eo certi Episcopi ad Arcadium, & Honorium nomine Ecclesiae legantur oraturi, ut per eos Theodosii lex de ordinatoribus, ordinatisque haereticis certa auri summa mulctandis confirmetur. Teodosiana lex extat *lib. 16. C. Th. 5. de haeret. n. 21.,* in quam *v. Aug. ep. 50. ad Bonifac.* Semper tamen Ecclesia a judicio sanguinis abhorruit. Hinc solenne Episcodis fuit vel perditissimorum hominum mortem a Magistratibus, ac Principibus deprecari: ac saepe eorum preces legum severitatem devicere: quod argumentum persequitur Thomasin. *p. 2. l. 3. c. 95., & seqq.* Hinc quoque illud Maticonensis *II. can. 13., Definimus, ut ad locum examinationis reorum, puta, ubi de reis habetur quaestio, nullus Clericorum accedat, neque intersit Atrium sauciolo, ubi poenitentia sui qualitate quispiam interficiendus est:* itemque illud Synodi Antiodor. *can. 33., Non licet Presbytero, nec Diacono ad trepalium, ubi rei conquirentur, stare.* Atrium sauciolum, quod & sauciatum dicitur in vita S. Cypriani, locus est, ubi capite, aut membris feriuntur rei: atque a tribus palis *trepalii* vox facta.

Antequam ulterius progrediar, praemonere nonnulla est opus, quae ad veteres, novosque Canones probe intelligendos praenoscere necessarium omnino est. In antiquis Canonibus nusquam *Censurae* nomen occurrit eo sensu, quo nunc vulgo usurpatur: & fortasse prius omnium Bernardus *de praeept., & dispens. c. 13.* excommunicationis *cenfuram* dixit: *Poenarum, & Poenitentiarum* veteres passim meminere. Postquam alia interioris, alia exterioris fori ratio fuit, ac vel post tempora Gratiani primum tradi in scholis coeptum, censuras esse poenas spirituales, ac medicinales, quibus homo aliquorum spiritualium bonorum usu per exteriorum clavium potestatem privatur: proinde, etsi omnes Censurae sint poenae Ecclesiasticae, has non semper esse Censuras: irregularitatem, ac degradationem esse quidem poenas, Censuras non esse: Censurarum nomine tres tantum poenas intelligi *Interdictum, Suspensionem, Excommunicationem,* uti docet Innocentius

III. in *cap. 26. de V. S.*, ubi addit, si quid sub Ecclesiasticis Censuris generaliter praecipitur, aut vetetur; spectandam judici esse, ut certam jure statuatur censuram, diversam rerum, ac personarum rationem: denique jus Censurarum non a potestate clavium, quae in interiori foro, sed ab ea pendere, quae in exteriori, & contentioso foro exercetur: sicque magis esse *jurisdictionis*, quam *ordinis*: quumque solius tonsurae Clericis competere possit jurisdictione, posse hos jus Censurarum habere. Quoniam vero ad XII. usque saeculum exterius forum ab interiore secretum non fuit, perque id tempus poenae Ecclesiasticae ad Sacramentum Poenitentiae spectarunt, quam diversa fuerit super hac re ejus temporis disciplina, tute intellige. Morin. *lib. 6. de Poenit. c. 25.* Mihi est animus veteres, & novas poenas Ecclesiasticas per censere, quae aut majores, aut minores: ac rursus aut Clericorum propriae, aut Clericis aeque ac laicis communes.

Clerici nunc, ut olim, beneficio, officio, aut persona multantur. Olim, ante constituta, qualia nunc sunt, Ecclesiastica Beneficia, si quid leve peccassent Clerici, a *divisione mensurna* (a), uti Cyprianus loquitur *ep. 28. al. 34. ad Cler.* abstinerebantur. Id erat, quod nunc est a *beneficio suspendi*. Abstinerebantur etiam officio, seu, ut ibid. Cyprianus inquit, *ministerium Ecclesiastico*: quod nunc est *officio, vel ordine suspendi*. Presbyteris suis, qui lapsos nondum peracta poenitentia susceperant, suspensionem minatur Cypr. *ep. 10.*, *Si in iisdem perseveraverint, interim prohibeantur offerre*. Interdum officio prohibebantur ex parte. Concil. Neocaesareense *can. 9.*, *Si Presbyter, qui corpore prius peccaverat, promotus fuit, & si ante ordinationem peccasse confessus fuerit, ne offerat, manens in aliis*. Concil. Carth. IV. *can. 68.*, *Si sciens Episcopus ordinaverit talem (puta, qui publice poenitentiam egit) etiam ipse ab Episcopatus sui ordinandi dumtaxat potestate privetur*. Demum quandoque ad tempus, quandoque in perpetuum abstanti. Concil. Epaonen. *c. 3.*, Sozomen. *lib. 1. cap. 24.* Suspendis Clericis salva dignitas erat: unde *cathedrae honoris participes, seu cathedram habere, & habere honorem, & obtinere nomen* dicuntur. Concil. Ancyr. *can. 1.*, Synodus VI. in Trullo *can. 26.*, Concil. Nicaen. *can. 8.*, & Agath. *can. 1.* Haec omnia nunc quoque obtinent; unde definitur passim suspensio Censura, qua Clericus ab officio, aut jurisdictione, beneficiove sive ex parte, sive omnino, sive ad tempus, sive in perpetuum salva dignitate abstinetur. Abstinenti verbum solenne est in hac re. Eo verbo suspensionem designat Synodus Eliberit. *can. 13.*, & Cypr. *ep. 55. ad Cornel.*, & 63. *ad Pomp.* Clerici alias solo officio, aut beneficio, alias utroque suspenduntur, *cap. 33. de test.*, *cap. 1. de secund. nupt.* Officio suspensi, si officium exerceant, irregulares sunt, *cap. 1. de re jud. in 6.*, *cap. 1. de sent. excom. in 6.*: beneficio suspensi, si fructus percipiant, beneficio privantur, *cap. 4. de cohab. cler.*, *cap. 1. §. ult. de elect. in 6.*

Longe gravior est Depositio, seu Degradatio, Quemadmodum autem qui suspenduntur, aut ex parte suspenduntur, aut omnino, ita qui degradantur. Ex parte degradari proprie *regradari* veteribus dictum, Regradatorum Clericorum in praefatis Canonibus mentio non rara. Concil. Tolet. I. in *can. 17. dist. 34.*, Aurelianense III. *cap. 27.*, Matiscqn. I. *can. 10.*, & 18. Militare

A 3 2

vo.

(a) De mensuris oblationibus, & mensura eorum inter Clericos partitione lib. 9.

vocabulum fuit *Regradatio*, de qua in *l. 2. C. Th. de cursu publ.*, eratque nullis in inferiore militiam resectio. Ita regradari dicebantur Clerici, qui de suo ad inferiorem gradum, aut gradu suo retento ad ultimum sui ordinis locum deiciebantur. Subdiaconos, qui defuncta uxore aliam duxerant, inter Oltarios & Lectores haberi, praecepit Toletanum *d. can. 17.* Idem de foeneratore, & calumniatore Clerico statutum in Aurelianensi *id. can. 27.*, & Matifcon. *d. can. 18.* Simile est, quod Nicaeni Concilii *can. 8.* de Episcopis Novatianis cautum est, ut ad Catholicam Ecclesiam reversi in urbibus, quae Episcopum habebant, loco essent Presbyterorum (a). Diaconum in Ecclesiastico conventu sedere ante Presbyteros ausum sui ordinis ultimum voluit Synodus VI. in Trullo *can. 26. dist. 93.* Eadem poena Liberatum Diaconum superbientem coercuit S. Gregorius *lib. 1. ep. 81.* Fornicatorem Presbyterum Psalmos in Choro ultimum canere iussit Hybernense Concilium in *can. 5. dist. 82.* De posteriore hoc regradationis genere sunt *can. 2. caus. 19. q. 3.*, *cap. 12. de actus & qualis*, & *ordin. praef. fic.*, & *cap. 3. ne Cler. vel Monach.* Omnino deponi est omnino deici de gradu, atque in ordinem redigi laicorum. Depositis nulla erat reliqua spes restitutionis. Concil. Antioch. *c. 5.*; unde de iis in Agathensi Conc. *can. 50.* ita statutum, *Quandiu vixerint, laicam tantummodo communionem accipiant (b).* Quid vero istud est? Bellarminus de *Euchar. lib. 4. cap. 24.* laicam communionem interpretatur communionem sub una panis specie, quo sensu hodie laica communio rectissime diceretur, quae laicis, & vel ipsis Presbyteris, atque Episcopis extra sacrificiorum officia communicantibus datur. Verum, quod jam satis constat, olim ipsos laicos utramque speciem panis, & vini sumfisse; vides, quam longe a vero absit opinio Bellarmini. Lindanus *Panopl. lib. 4. cap. 58.*, Durant. de *ritib. Eccles. lib. 2. cap. 55. n. 6.*, Voss. *thes. Theol. disp. 23. th. 5.*, & Cabassut. in *Notit. diss. 16.* laicam communionem intel-

(a) At enim in *can. 29. Concil. Chalced.* haec leguntur, Episcopum in Presbyteri gradum deducere est sacrilegium. Si qua autem iusta causa illos ab Episcopali actione removeret, nec Presbyteri debent locum obtinere. Hujus *can. occasio prostat act. 4. ejusdem Concilii.* Lupus in *Schol. in eum can. scribit*, Hic Canon, immo non Canon, sed quaedam dumtaxat Romanorum Legatorum interloquutio fuit semper modicae auctoritatis. Fuit quidem is Canon Romanorum Legatorum interloquutio in causa Eustachii Beryti Metropolitae, qui duos Episcopos a Photio Tyri Metropoli ordinarios deposuerat salvo Presbyteratu, uti ex *d. Act. constat*; sed eam tamen interloquutionem universa Synodus probavit, eamque ut Canonem proposuit. Nihil est, cur de hac re multo sermone laborem. Conciliorum dissonantiam, ubi de disciplina agitur, haud moror, neque optini quique morantur. Id ex historia compertum fit, Chalcedonensem Canonem vix ullum in Ecclesia usum habuisse: ac secutum Nicaenum Canonem saepissime judicatum. V. S. Gregor. *Tironens. lib. 7. cap. 17.*, S. Bernard. *ep. 245. ad Eugen. III.*, & Anastas. *Bibliothec. in vita Stephani IV.*

(b) Interdum praevis & publica causa fecit, ut depositi in integrum restituerentur. Restitutum a Cornelio P. Maximum Presbyterum de Novatiano schismate ad unitatem Ecclesiae redeuntem, quod schismaticos bene multos suo exemplo ad Ecclesiam revocaret, testatur ipse Cornelii *ep. 46. al. 49. ad Cyprian.*

telligunt, quae non intra Sanctuarium, quo loco soli sacri Clerici communicabant, *can. 19. Luodico*; sed extra sacros Cancellos laicis dabatur. Verum quidam est, quod illi ajunt de diverso communicantium loco: at non solo loco laicae communionis vocabulum aestimandum est; ita enim si quis Presbyter aegrotans in suis aedibus communicasset, ea certe fuisset laica communio: quod nusquam scriptum est. Bene Petrus de Marca *tract. in can. Clericus ad calcem Balutis de emend. Grat.*, & Rigaltius in *Cypr. ep. 52. ad Anton.* laicam communionem accipere idem fuisse docent, atque omnino deponi, & omnino laicorum jure censi. Hinc depositorum nomina de tabula, hoc est, matricula Clericorum expuncta. Aug. *serm. de cōmuni. viti Clerici* Hinc & clericalem vestem cum laica commutabant, & clericalem tonsuram cum coma, quam laxare solis laicis datum. Synod. VI. in Trullo *can. 24.* Hinc demum Clericalibus privilegiis exuti imperio suberant Magistratus in causa quum civili, tum criminali.

Communionis laicae mentio occasionem dat peregrinae communionis explicandae. Hujus primum Regens Concilium an. 439. *can. 3.* meminit: tum Agathense *can. 5.*, & porro Herdenhe *can. 151.* ex quibus canonibus apparet, eam Clericorum poenam fuisse, praeterea nihil. Hinc qualis ea fuerit, anxie quaesitum. Glossator Gratiani in *can. 11. caus. 13. q. 2.*, Bellarminus *loc. cit.*, & Binius in *can. 15. Concil. Herd.* idem esse laicam, & peregrinam communionem opinantur. Male. Clerici regulariter nulla spe restitutionis in laicam communionem detrudebantur: at ad peregrinam redacti post actam poenitentiam gradum suum repetebant *can. 2. Concil. Agath.* Idem Gratiani Glossator eo vocabulo significari posse addit communionem criminosis quibusdam dari solitam in hora mortis, *quum recedit homo, vel peregrinatur de hoc mundo.* Lepidum caput. Vita quidem peregrinatio est, non mors. Quid quod laudatus Canon 2. interpretationem istam perspicue refellit? Eo *can.* traditur, fieri poenitentiam posse, ut Clericus de peregrina communione ad priorem gradum evadat: quod recte sanum hominem, non gravi morbo laborantem supponit: Gabrielis Henao *lib. de sacrif. mis. p. 3. disp. 28. sect. 2.* singularis opinio est, peregrinam communionem fuisse peregrinationes sive temporarias, sive perpetuas criminosis Clericis in poenam injectas. Sed nullo antiquitatis Ecclesiasticae loco opinio isthaec juvatur. Vi Card. Bona *de rebi liturg. lib. 2. cap. 19. §. 5.* Dadini Alseferiae opinio fert de *jurisd. Eccl. lib. 9. cap. 8.*, peregrinam communionem fuisse nudam & simplicem communionem precum, quam honestis viris injuria excommunicatis pendente appellatione dehegatum non fuisse, probat ex facto Joh. Chrysostomus apud Socrat. *lib. 6. cap. 9.* Verum, si ita se res habuit, nulla fuisse videtur causa, cur ea communio peregrina diceretur; namque ea a peregrinis certe dicta est: peregrinos autem sine literis Episcoporum suorum habu fuisse ad communionem precum admissos, videtur probare Synesius *Ep. 65.* ubi de Alexandro Episcopo Basiopolitano sine communicatoriis literis peregrinanti scribit, *In Ecclesiam eum non admissi, neque sacrae mensae participem feci*: quo loco posteriora verba Eucharistiae perceptionem: priora communionem precum designant. Georgius Casander *de comm. sub utraq. spec.*, & Vossius in *thes. theol.* in ea sententia sunt, olim Clericos poenae nomine communicasse inter peregrinos, quorum gratia saepe extra statos dies mysteria celebrabantur: quae peregrina communio dicta est. At quo testimonio probatur; peregrinantium causa oblationes ex-

tra

tra ordinem factas? Profecto nullo. A peregrinis eadem factum peregrinae communionis nomen, sed longe aliter explicandum. Jam *tit. 2. h. lib. ex can. 7. Conc. Carth. I.*, & *can. 7. Antioch.* traditum est, Clericos, & laicos communicare veritos in aliena plebe sine literis Episcopi sui, quibus de eorum fide, ac moribus contaret. Quamquam aptem iis Ecclesiastica communione interdiceretur, haud denegabantur tamen officia humanitatis; unde sumtu Ecclesiae seorsum alebantur. Testem do *can. Apoliolicum 32.* in haec verba, *Ubi necessaria eis suppeditaveris, ad communionem ipsos non admittore.* Peregrina igitur communio genus poenae fuit, quo criminosi Clerici non peregrini detrudebantur in conditionem peregrinorum Clericorum, qui sine literis formati evagabantur. Alebantur quidem illi de redditibus Ecclesiae; sed non poterant tamen ullis sui ordinis muneribus fungi. Et quemadmodum peregrini etiam, si se vere orthodoxos probassent, ad Eucharistiae perceptionem admittebantur, uti est in *d. can. 32.*; ita Clerici ad peregrinitatem redacti, si se Eucharistia non indignos praestitissent, in communionem Ecclesiae suscipiebantur, ac demum emenis legitimae poenitentiae spatii officium repetebant suum. Dicam paucis. Cum iis Clericis tanquam cum Christianis, non tanquam cum Clericis communicabatur. Et apposite Albaspinæus 1. *Obs. 3.* hujus poenae imaginem quandam haud obscuram deprehendit in jure Romano, quo deportati, quae sunt juris Civilis, amittunt: quae juris gentium sunt, retinent, *l. 17. de poen. V.* quoque Petav. *not. in Synesi ep. 67.* Id non omitam, quod Natali Alexandro est animadversum *suoc. 6. art. 15.*, *can. 19. Concil. Aurelian. III.* peregrinam communionem abusione nominis laicam dici; namque is canon & Clericis ad laicam communionem redactis recuperandi gradus spem certam injicit, & consueta accipere stipendia permittit. Num autem sententia haec cum iis, quae de laica communione sunt dicta, conveniat, vide. Mihi laica depositio, peregrina suspensionis effectus videtur. Depositio (ut eo redeam, unde diverti) duplex est, aut nuda, aut solennis. Nuda est, quae nudis verbis, hoc est, nuda sententia: solennis, quae verbis, & re expeditur. Utramque collige ex *can. 3. Concil. Arelat. I.* ibi, *Non verbis nudis ab ordine Cleri amoveatur.* In solenni, quae proprie degradatio dici solet, res est solennis Clericalium insignium detractio, a re militari, ac Civili in Ecclesiam traducta, *l. 2. de his, qui not. inf., l. 12. C. de dignit. lib. 12.*, Chrysost. in *ep. ad Rom. hom. 6.*; quemadmodum contra insignium redditione restitutorio fit gradus. Ecce tibi verba Concil. Tolet. *IV. can. 24.*, quem ex Moguntino Concilio laudat Gratianus *can. 65. caus. 11. q. 3.*, *Episcopus, Presbyter, aut Diaconus a gradu suo injuste defectus, si in secunda Synodo innocens reperitur, non potest esse, quod fuerat, nisi gradus amissos recipiat coram altari de manibus Episcoporum: si Episcopus est, orarium, annulum, & baculum: si Presbyter, orarium, & planetam: si Diaconus, orarium, & alburn: si Subdiaconus, patenam, & Calicem.* Multa hujus rei exempla congerit Alseferra *loc. cit.* Ita fracto sigillo Abbates depositi. Matth. Paris. ad *an. 1214.* Veterem, ac novum expediendae degradationis ritum habes in *can. 3.*, & *segg. caus. 15. q. 7.*, & *cap. 2. de poen. in 6.*, & *sess. 13. Trid. cap. 4.* Saepe degradati Curiae tradebantur: quod quid sit, explicandum. Ea loquutio occurrit in *l. 53. §. 1. C. de Ep. & Cl.*; sed ejus origo altius repetenda, puta ab Honorii Constitutione in *l. 39. C. Th. eod.*, quam Justinianus in *d. l. 53.*, & *Nov. 123. c. 14.* confirmavit.

firmavit. Ait Honorius, *Quemcumque Clericum indignum officio suo Episcopus judicaverit, & ab Ecclesiae ministerio segregaverit. . . continuo sibi eum Curia vindicet, ut liber illi ultro ad Ecclesiam recursus esse non possit: & pro hominum qualitate, & quantitate patrimonii vel ordini suo, vel Collegio Civitatis adjungatur &c.* Constitutionem hanc, quae satis sua se luce prodit, luculentius explicat Justin. d. §. 1. his verbis, *Tradi Civitatum Curis ministraturus in posterum publico.* Igitur Curiae tradi erat Curiae ministerio addici. In eandem sententiam scriptum est in *can. 31. caus. 11. q. 1.* sub nomine Fabiani P., *Curiae tradatur, cui diebus vitae suae deserviat.* At juris Civilis ignoratio fecit, ut ea formula in alium sensum deverteretur, ac depositos Clericos tradi Curiae perinde apud Canonistas esset, atque eos Clericalibus privilegiis exutos secularibus iudiciis dedit puniendos. Math. Paris. ad an. 1163. Ivo Carnotens. ep. 53., & 66. Pro per vulgata temporis sui doctrina eodem modo illam formulam explicavit Innoc. III. in *cap. 26. de V. S.*, ubi illud de Clerico jam Curiae tradito sapientissime addit, *Pro quo tamen debet Ecclesia efficaciter intercedere, ut citra mortis periculum circa eum sententia moderetur.*

Persona etiam mulctantur Clerici. Primum huc pertinet mulctae dictio, Quod peccata eleemosynis redimi, in Sacris Literis scriptum sit *Daniel. 4. v. 24.* receptum in Ecclesia est, ut eleemosynarum largitio per Confessarios poenitentiae loco peccatoribus injungeretur. Vetus fuit haec Ecclesiae consuetudo. Auctor *Const. Apostolic. lib. 2. c. 43.*, *Et alios quidem, ait, subicies solis minis, alios eleemosynis in pauperes.* Ubi externum forum coepit ab interno seungi, consuetudine quadam fori iudices Ecclesiastici exemplo secularium multas decreverunt occasione ab eleemosynis, quae in foro poenitentiali imponebantur, arrepta, ita tamen, ut eleemosynae in interiore foro omnibus: multae in exteriori solis Clericis imponerentur. Quemadmodum autem per Canones vetantur Confessarii eleemosynis injunctis utilitati suae studere, ita cautum, ne iudices Ecclesiastici multas omnino, aut ex parte in suum usum convertant. Episcopos, & Comites, qui pro delictis *Wadios*, seu pignora capiebant, atque inter se pecuniam partiebantur, acerbè distringit Synodus Cabillonensis II. *can. 18. V.* *textum in cap. 3. de poen.*, in eumque Fagnan., & Covarruv. 2. *Var. 9.* Diserte Tridentinum pecuniarias poenas in eleemosynas, aut aliud pium opus impendi iussit *sess. 25. c. 3. V. S. Car. in Med. 1. tit. de poen.* Pertinet quoque huc carcer. Jure Civili carcer ad continendos homines, non ad puniendos haberi debet, l. 8. §. 9. *de poen.* Hoc idem ex sententia juris Romani affirmat Bonifacius VIII. in *cap. 3. de poen.*; se tamen non improbare subdit, ut criminosi Clerici sive ad tempus, sive in perpetuum carceri mancipentur. Quod non est novum jus a Bonifacio constitutum; namque vel ab eo tempore, quo Monasteria esse in Ecclesia coeperunt, Canonicarum poenarum numero fuit Clericorum in Monasterium detrusio, Concil. Agath. *can. 59.*, Epaonens. *can. 22.*, Aurelianens. III. *can. 7.*, Toletan. IV. *can. 44.*, ipsorumque Monachorum in aëlius Monasterium translatio. S. Gregor. *lib. 1. ep. 42.*, & *lib. 3. ep. 9.* De hac in Monasterium detrusione est *cap. 6. §. ult. de homicid.*, & *cap. 35. de sent. excom.* Ita Monasterium carceris vice fuit: cujus disciplinae aliqua vestigia adhuc supersunt. Sed vel ante instituta Monasteria carcer in Ecclesia fuit: & Clerici in Secretariis, aut cer-

te in aliqua eorum parte detinebantur: propriumque Ecclesiasticorum carcerum nomen *Diaconica*, vel *Decanica*, de quibus in l. 30. *C. Th. de hæret.*, & Nov. Justin. 79. c. 3. Quandoque etiam includebantur Catechumenis (2). Describam Gregorii II. verba ex ep. 2. ad Leon. Isaurum in VII. Synodo, *Pontifices, ubi peccarit quis, & confessus fuerit, suspendii vel amputationis capitis loco Evangelium, & crucem ejus cervicibus circumponunt, eumque tanquam in carcerem in Secretaria, sacrorumque vasorum aeraria conjiciunt, in Ecclesiae Diaconica, & in Catechumenis ablegant*, Sed non solo carcere Clerici coercerentur. Quod Ecclesia eluendis culpis unice studeat, Clericis Secretario, aut Monasterio inclusis jejunium, adhaec poenalia opera injungere consuevit. Gregorius II. in laudata ad Leonem Isaurum epistola addit, *Ac visceribus ejus (criminosi Clerici) jejunium, oculisque vigilas, & laudationem ori ejus indicunt*. Innocentius III. in cit. cap. 27. de Clerico falsi reo, *Hoc tibi, inquit, duximus consulendum, ut eum in perpetuum carcerem ad agendam poenitentiam includas pane doloris, & aqua angustiae sustentandum, ut commissi defleat, & flenda ulterius non committat*. Panem doloris interpretantur nonnulli hordeaceum testimonio Gregorii Turonensis lib. 9. c. 11., *Justi nihil aliud in usu vescendi, nisi pueri hordeaceum cum aqua mundum assumi*. Certis diebus aliquid de levitate remittebatur, Ex Concilio Hybernensi scriptum est in can. ult. dist. 82., *Tantum diebus Dominicis, & præcipuis festis modico vino, & pisciculis, atque leguminibus recreetur*. V. Gonzalez in d. c. 27. Num potuit, aut potest Ecclesia exilio damnare? S. Gregorius cap. 1. de column. Subdiaconum calumniatorem jubet in exilium deportari. In eandem sententiam sunt can. 23. dist. 63., can. 9. caus. 3. q. 4., can. 3. caus. 3. q. 5. At certe tamen, quum Ecclesia vi suae institutionis territorium non habeat, jus in exilium pellendi non habet: quod ipse Aleserra Ecclesiasticae Potestatis vindex acerrimus non disfitetur d. lib. 9. c. 15. In hanc rem seculare brachium implorare debet Ecclesia. Regis judicio exilio damnatur, ait Antiochena Synodus in prima Decretalium Collectione apud Ant. Augustin. cap. 15. de Clerico excom. ministrant. Hoc idem Antiochenae Synodi caput est in Libris Decretalium Greg. IX. cap. 12. eod., ubi post eo judicio additur, *ad requisitionem Ecclesiae*: quae aequissima verborum accessio propositam sententiam nihil quidquam obturbat. V. quoque cap. 10. de judic. Haec quum ita sint, jam vides, exilium apud S. Gregorium, & in antiquis Canonibus per quandam catachresin accipi debere, ac forte pro ipsa in monasterium detractione: quam, si id opus esset, per secularem potestatem Ecclesia exequerebatur, uti ex dictis initio hujus cap. intelligere est. Interpretationem hanc adstruunt formulae illae apud Ecclesiasticos Scriptores haud raras, *Monasterio relegare, Monasterii relegari, Exilio in monasteriis relegare, In Monasteria, tanquam in insulas, relegari*. Conc. Hispal. II. can. 3. (b), Anast. Biblioth. in Siricio, & Anastas., Platina in Christophoro. Abscessum a patria inter veteres poenitentias fuisse, habes apud Morin. De verberibus, & flagellatione dictum aliquid. Alia nonnulla dat Bingham. Orig. lib. 16. c. 4. §. 22. sed jamdiu receptum est, ut Episcopi criminosos clericos in exilium jure agant.

(a) De Ecclesiarum Secretariis, & Catechumenis lib. 2.

(b) Alibi est Monasterio religari: quae phrasis occurrit etiam in Tolet. I. can. 6.

Ecclesiasticae poenae Clericis aequae ac Laicis communes sunt omnino duae, Excommunicatio, & Interdictum. Quod cuiusque Societatis jus est, id Ecclesiae quoque jus esse debet, ut noxios homines ejiciat secundum illud Christi verbum *Matth. 18. Sit tibi tanquam ethnicus, & publicanus*. Ejectio haec hominis de Ecclesia Excommunicatio appellatur. Quod vero duplex esset reorum genus, alterum eorum, qui sceleris sui poenitentiam agere destitabant, alterum eorum, qui sese subiciebant poenitentiae, hinc Excommunicatio etiam duplex, prior *mortalis*, posterior *medicinalis* Augustino dicta *Hom. lib. 50. Hom. ult.* Mortalem definit Augustinus *lib. post collat. contr. Donatist.*, quae a populo Dei separat: medicinalem, quae ad humilitatem poenitentiae locum redigit. Publica igitur poenitentia Excommunicatio erat, sed ea tamen minor; unde & publicae poenitentiae subijci, & excommunicari veteribus omnino idem. Augustin. *ep. 108.*, & *d. lib. post collat.*; ut proinde ambigi non possit, quot fuere olim poenitentiae publicae, tot minoris Excommunicationis gradus fuisse. V. Morin. *de adm. Poenit. lib. 6. cap. 25.*, & Institutiones haec nostras *lib. 2. tit. 5.* Sunt & aliae in antiquis Canonibus minus propriae species excommunicationis; nam Episcopos, qui sine iusta causa Synodis Provincialibus deerant, a Coepiscoporum communione alienos pronuntiavit Synodus Arelatensis *can. 19.*: & saepe una Ecclesia se se alterius communioni subducebat, sicque una alteram excommunicabat, quod non sentire secundum Catholicam doctrinam videretur. Vidi Epiphani Epistolam inter Hieronymianas 60. Porro communicatorias, aut commendatorias literas ad aliquem negare, aut eas ab eo scriptas rejicere perinde erat, atque eum excommunicare. De istiusmodi lictis actum alibi. Id genus Excommunicationes poenae quidem Ecclesiasticae erant, longe tamen aberant ab ingenio Censurarum, quae actus sunt jurisdictionis, nec nisi in subditos exercentur. Hoc tempore Excommunicatio est aut minor, aut major. Minor hominem remouet a participatione, seu perceptione Sacramentorum, & hoc plus a Beneficiis, ac Dignitatibus Ecclesiasticis, ita tamen; ut collatio irrita non sit ipso jure, sed sententia iudicis rescindatur; major a communione fidelium separat, *cap. ult. de Cleric. excom. ministr.*, & *cap. 59. de sent. excom.* Est autem Communio non modo spiritualium bonorum communium, sed & civilium officiorum. Spiritualia bona sunt, quae homini tanquam Christiano lege Dei: civilia officia sunt, quae Christiano tanquam homini debentur jure naturali, gentium, aut civili. Haec sunt conversatio, convictus: illa sunt Eucharistia, & preces communes. Spiritualibus bonis communibus privatur excommunicatus jure Divino: civilibus officiis jure humano: quod utrumque patet ex verbo illo Christi, *Sit tibi tanquam ethnicus, & publicanus*: publicanus autem, & ethnicus Synagoga quidem excludebantur, non civili societate. Sed jus illud humanum est sane vetus, & Apostolis ipsis coeuvum. Paulus *ad Tim. v. 3. v. 10.*, Joh. *ep. 2. v. 10. V. Du Pin de antiqu. Eccl. discipl. diss. 3. cap. 3.* Sunt tamen iustae quaedam causas, quae civilem cum excommunicato vitando communionem non impediunt, quas ex *can. 103. caus. 11. q. 3.* veteres Canonistae tradiderunt hoc versiculo comprehensas, *Utile, lex, humile, res ignorata, necesse*. Qui praeter eas causas, & non in contemptum Ecclesiasticae disciplinae cum excommunicato vitando communicat, minorem incurrit excommunicationem: quod si in contemptum, pari, puta, majore excommunicatione feriendus est, *de cap. ult.* Minor haec excommunicatio nescio nup. saeculo XIII. antiquior.

Tom. V.

B b

fit;

III. in *cap. 26. de V. S.*, ubi addit, si quid sub Ecclesiasticis Censuris generaliter praecipiat, aut vetetur; spectandam judici esse, ut certam jure statuatur censuram, diversam rerum, ac personarum rationem: denique jus Censurarum non a potestate clavium, quae in interiori foro, sed ab ea pendere, quae in exteriori, & contentioso foro exercetur: sicque magis esse *jurisdictionis*, quam *ordinis*: quumque solius tonsurae Clericis competere possit *jurisdictio*, posse hos jus Censurarum habere. Quoniam vero ad XII. usque saeculum exterius forum ab interiore secretum non fuit, perque id tempus poenae Ecclesiasticae ad Sacramentum Poenitentiae spectarunt, quam diversa fuerit super hac re ejus temporis disciplina, tute intellige. Morin. *lib. 6. de Poenit. c. 25.* Mihi est animus veteres, & novas poenas Ecclesiasticas per censere, quae aut majores, aut minores: ac rursus aut Clericorum propriae, aut Clericis aequae ac laicis communes.

Clerici nunc, ut olim, beneficio, officio, aut persona multantur. Olim, ante constituta, qualia nunc sunt, Ecclesiastica Beneficia, si quid leve peccassent Clerici, a *divisione mensurnae* (a), uti Cyprianus loquitur *ep. 28. al. 34. ad Cler.* abstinabant. Id erat, quod nunc est a *beneficio suspendi*. Abstinebantur etiam officio, seu, ut ibid. Cyprianus inquit, *ministerio Ecclesiastico*: quod nunc est *officio, vel ordine suspendi*. Presbyteris suis, qui lapsos nondum peracta poenitentia susceperant, suspensionem minatur Cypr. *ep. 10.*, *Si in iisdem perseveraverint, interim prohibeantur offerre*. Interdum officio prohibebantur ex parte. Concil. Neocaesareaense *can. 9.*, *Si Presbyter, qui corpore prius peccaverat, promotus fuit, & si ante ordinationem peccasse confessus fuerit; ne offerat, manens in aliis*. Concil. Carth. IV. *can. 68.*, *Si sciens Episcopus ordinaverit talem* (puta, qui publice poenitentiam egit) *etiam ipse ab Episcopatus sui ordinandi dumtaxat potestate privetur*. Demum quandoque ad tempus, quandoque in perpetuum abstinendi. Concil. Epaonense *c. 3.*, Sozomen. *lib. 1. cap. 24.* Suspendis Clericis salva dignitas erat: unde *cathedrae honoris participes, seu cathedram habere, & habere honorem, & obtinere nomen* dicuntur. Concil. Ancyr. *can. 1.*, Synodus VI. in Trullo *can. 26.*, Concil. Nicaen. *can. 8.*, & Agath. *can. 1.* Haec omnia nunc quoque obtinent; unde definitur passim suspensio Censura, qua Clericus ab officio, aut jurisdictione, beneficiove sive ex parte, sive omnino, sive ad tempus, sive in perpetuum salva dignitate abstinetur. Abstinenti verbum solenne est in hac re. Eo verbo suspensionem designat Synodus Eliberit. *can. 13.*, & Cypr. *ep. 55. ad Cornel.*, & 63. *ad Pomp.* Clerici alias solo officio, aut beneficio, alias utroque suspenduntur, *cap. 33. de test.*, *cap. 1. de secund. nupt.* Officio suspendi, si officium exercerant, irregulares fiunt, *cap. 1. de re jud. in 6.*, *cap. 1. de sent. excom. in 6.*: beneficio suspendi, si fructus percipiant, beneficio privantur, *cap. 4. de cohab. cler.*, *cap. 1. §. ult. de elect. in 6.*

Longe gravior est Depositio, seu Degradatio, Quemadmodum autem qui suspenduntur, aut ex parte suspenduntur, aut omnino, ita qui degradantur. Ex parte degradari proprie *regradari* veteribus dictum, Regradiatorum Clericorum in precibus Canonibus mentio non rara, Concil. Tolet. I. in *can. 17. dist. 34.*, Aurelianense III. *can. 27.*, Mariscon. I. *can. 10.*, & 18, Militare

(a) De mensuris oblationibus, & menstrua earum inter Clericos partitione *lib. 9.*

telligunt, quae non intra Sanctuarium, quo loco soli sacri Clerici communicabant, *can. 19. Laodice.* sed extra sacros Cancellos laicis dabatur. Verum quidem est, quod isti ajunt de diverso communicantium loco: at non solo loco laicae communionis vocabulum aestimandum est; ita enim se quis Presbyter aegrotans in suis aedibus communicasset, ea certe fuisset laica communicatio: quod nusquam scriptum est. Bene Petrus de Marca *trakt. in can. Clericus* ad calcem Balusii de *emend. Grat.*, & Rigaltius in *Cypri. ep. 52. ad Anton.* laicam communionem accipere idem fuisse docent, atque omnino deponi, & omnino laicorum jure censi. Hinc depositorum nomina de tabula, hoc est, matricula Clericorum expuncta. *Aug. serm. de comm. vit. Clerici* Hinc & clericalem vestem cum laica commutabant, & clericalem tonsuram cum coma, quam laxare solis laicis datum. *Synod. VI. in Trullo can. 21.* Hinc demum Clericalibus privilegia exuti imperio suberant Magistratus in causa quum civili, tum criminali.

Communionis laicae mentio occasionem dat peregrinae communionis explicandae. Hujus primum Regense Concilium an. 439. *can. 3.* meminit: tum Agathense *can. 5.*, & porro Ilerdense *can. 15.*: ex quibus canonibus apparet, eam Clericorum poenam fuisse, praeterea nihil. Hinc qualis ea fuerit, anxie quaesitum. Glossator Gratiani in *can. 11. caus. 13. q. 2.*, Bellarminus *loc. cit.*, & Binius in *can. 15. Concil. Ilerd.* idem esse laicam, & peregrinam communionem opinantur. Male. Clerici regulariter nulla spe restitutionis in laicam communionem detrudebantur: at ad peregrinam redacti post aetnam poenitentiam gradum suum repetebant *can. 2. Concil. Agath.* Idem Gratiani Glossator eo vocabulo significari posse addit communionem criminosis quibusdam dari solitam in hora mortis, *quum recedit homo, vel peregrinatur de hoc mundo.* Lepidum caput. Vita quidem peregrinatio est, non mors. Quid quod laudatus Canon 2. interpretationem istam perspicue refellit? Eo *can.* traditur, fieri poenitentiam posse, ut Clericus de peregrina communionem ad priorem gradum evadat: quod recte sanam hominem, non gravi morbo laborantem supponit; Gabrielis Henao *lib. de sacrif. mis. p. 3. diss. 28. sect. 2.* singularis opinio est, peregrinam communionem fuisse peregrinationes sive temporarias, sive perpetuas criminosis Clericis in poenam injectas. Sed nullo antiquitatis Ecclesiasticae loco opinio isthaec juvatur. Vt Card. Bona *de reb. liturg. lib. 2. cap. 19. §. 5.* Dadini Alteserrae opinio fert *de jurisf. Eccl. lib. 9. cap. 8.*, peregrinam communionem fuisse nudam & simplicem communionem precum, quam honestis viris injuria excommunicatis pendente appellatione dehegatum non fuisse, probat ex facto Joh. Chrysolomus apud Socrat. *lib. 6. cap. 9.* Verum, si ita se res habuit, nulla fuisse videtur causa, cur ea communicatio peregrina diceretur; namque ea a peregrinis certe dicta est: peregrinos autem sine literis Episcoporum suorum habu fuisse ad communionem precum admissos, videtur probare Synesi Ep. 65., ubi de Alexandro Episcopo Basianopolitano sine communicatoris literis peregrinanti scribit, *In Ecclesiam enim non admissi, neque sacrae mensae participem feci*: quo loco posteriora verba Eucharistiae perceptionem: priora communionem precum designant. Georgius Cassander *de comm. sub utraq. spec.*, & Vossius in *thes. theol.* in ea sententia sunt, olim Clericos poenae nomine communicasse inter peregrinos, quorum gratia saepe extra statos dies mysteria celebrabantur: quae peregrina communicatio dicta est. At quo testimonio probatur, peregrinantium causa oblationes ex-

firmavit. Ait Honorius, *Quemcumque Clericum indignum officio suo Episcopus judicaverit, & ab Ecclesiae ministerio segregaverit, continuo sibi eum Curia vindicet, ut liber illi ultro ad Ecclesiam recursus esse non possit: & pro hominum qualitate, & quantitate patrimonii vel ordini suo, vel Collegio Civitatis adjungatur &c.* Constitutionem hanc, quae satis sua se luce prodit, luculentius explicat Justin. d. §. 1. his verbis, *Tradi Civitatum Curis ministraturos in posterum publico.* Igitur Curiae tradi erat Curiae ministerio addici. In eandem sententiam scriptum est in *can. 31. caus. 11. q. 1.* sub nomine Fabiani P., *Curiae tradatur, cui diebus vitae suae deserviat.* At juris Civilis ignoratio fecit, ut ea formula in alium sensum extorqueretur, ac depositos Clericos tradi Curiae perinde apud Canonistas esset, atque eos Clericalibus privilegiis exutos secularibus iudicibus dedi pueri. Math. Paris. ad an. 1163. Ivo Carnotens. ep. 53., & 66. Pro pervulgata temporis sui doctrina eodem modo illam formulam explicavit Innoc. III. in *cap. 26. de V. S.*, ubi illud de Clerico jam Curiae tradito sapientissime addit, *Pro quo tamen debet Ecclesia efficaciter intercedere, ut citra mortis periculum circa eum sententia moderetur.*

Persona etiam mulctantur Clerici. Primum huc pertinet mulctae dictio, Quod peccata eleemosynis redimi, in Sacris Literis scriptum sit Daniel. 4. v. 24., receptum in Ecclesia est, ut eleemosynarum largitio per Confessarios poenitentiae loco peccatoribus injungeretur. Vetus fuit haec Ecclesiae consuetudo. Auctor *Const. Apostolic. lib. 2. c. 48.*, *Et alios quidem, ait, subijcies solis minis, alios eleemosynis in pauperes.* Ubi externum forum cepit ab interno sejungi, consuetudine quadam fori iudices Ecclesiastici exemplo secularium mulctas decreverunt occasione ab eleemosynis, quae in foro poenitentiali imponebantur, arrepta, ita tamen, ut eleemosynae in inferiore foro omnibus: mulctae in exteriori solis Clericis imponerentur. Quemadmodum autem per Canones vetantur Confessarii eleemosynis injunctis utilitati suae studere, ita cautum, ne iudices Ecclesiastici mulctas omnino, aut ex parte in suum usum convertant. Episcopos, & Comites, qui pro delictis Wadios, seu pignora capiebant, atque inter se pecuniam partiebantur, acerbè distrinxit Synodus Cabillonensis II. *can. 18.* V. textum in *cap. 3. de poen.*, in eumque Fagnan., & Covarruv. 2. *Var. 9.* Diserte Tridentinum pecuniarias poenas in eleemosynas, aut aliud pium opus impendi iussit *sess. 25. c. 3. V. S. Car. in Med. l. tit. de poen.* Pertinet quoque huc *carcer.* Jure Civili *carcer* ad continendos homines, non ad puniendos haberi debet, l. 8. §. 9. *de poen.* Hoc idem ex sententia juris Romani affirmat Bonifacius VIII. in *cap. 3. de poen.*; se tamen non improbare subdit, ut *criminosi Clerici* sive ad tempus, sive in perpetuum carceri mancipentur. Quod non est novum jus a Bonifacio constitutum; namque vel ab eo tempore, quo Monasteria esse in Ecclesia coeperunt, Canonicarum poenarum numero fuit Clericorum in Monasterium detructio, Concil. Agath. *can. 59.* Epaoensis. *can. 22.* Aurelianens. III. *can. 7.* Toletan. IV. *can. 44.* ipsorumque Monachorum in arctius Monasterium translatio. S. Gregor. *lib. 1. ep. 42.*, & *lib. 3. ep. 9.* De hac in Monasterium detructio est *cap. 6. §. ult. de homicid.*, & *cap. 35. de sent. excom.* Ita Monasterium carceris vice fuit: cujus disciplinae aliqua vestigia adhuc supersunt. Sed vel ante instituta Monasteria carcer in Ecclesia fuit: & Clerici in Secretariis, aut cer-

Ecclesiasticae poenae Clericis aequae ac Laicis communes sunt omnino duae, Excommunicatio, & Interdictum. Quod cuiusque Societatis jus est, id Ecclesiae quoque jus esse debet, ut noxios homines ejiciat secundum illud Christi verbum *Matth. 18.*, *Sit tibi tanquam ethnicus, & publicanus.* Ejectio haec hominis de Ecclesia Excommunicatio appellatur. Quod vero duplex esset eorum genus, alterum eorum, qui sceleris sui poenitentiam agere desistebant, alterum eorum, qui sese subiciebant poenitentiae, hinc Excommunicatio etiam duplex, prior mortalis, posterior medicinalis Augustinus dicta *Hom. lib. 50. Hom. ult.* Mortalem definit Augustinus *lib. post collat. contr. Donatist.*, quae a populo Dei separat: medicinalem, quae ad humilitatem poenitentiae locum redigit. Publica igitur poenitentia Excommunicatio erat, sed ea tamen minor; unde & publicae poenitentiae subijci, & excommunicari veteribus omnino idem. Augustin. *ep. 108.*, & *d. lib. post collat.*; ut proinde ambigi non possit, quot fuere olim poenitentiae publicae, tot minoris Excommunicationis gradus fuisse. V. Morin. *de antiq. Poenit. lib. 6. cap. 25.*, & Institutiones haec nostras. *lib. 2. tit. 5.* Sunt & aliae in antiquis Canonibus minus propriae species excommunicationis; nam Episcopos, qui sine iusta causa Syndis Provincialibus deerant, a Coepiscoporum communione alienos pronuntiavit Synodus Arelatensis *can. 19.*: & saepe una Ecclesia se se alterius communioni subducebat, siquae una alteram excommunicabat, quod non sentire secundum Catholicam doctrinam videretur. Vid. Epiphani Epistolam inter Hieronymianas 60. Porro communicatorias, aut commendatitias literas ad aliquem negare, aut eas ab eo scriptas rejicere perinde erat, atque eum excommunicare. De istiusmodi literis actum alibi. Id genus Excommunicationis poenae quidem Ecclesiasticae erant, longe tamen aberant ab ingenio Censurarum, quae actus sunt jurisdictionis, nec nisi in subditis exercentur. Hoc tempore Excommunicatio est aut minor, aut major. Minor hominem removet a participatione, seu perceptione Sacramentorum, & hoc plus a Beneficiis, ac Dignitatibus Ecclesiasticis, ita tamen, ut collatio irrita non sit ipso jure, sed sententia iudicis rescindatur; major a communione fidelium separat, *cap. ult. de Cleric. excom. ministr.*, & *cap. 59. de sent. excom.* Est autem Communio non modo spiritualium bonorum communium, sed & civilium officiorum. Spiritualia bona sunt, quae homini tanquam Christiano lege Dei: civilia officia sunt, quae Christiano tanquam homini debentur jure naturali, gentium, aut civili. Haec sunt conversatio, convictus: illa sunt Eucharistia, & preces communes. Spiritualibus bonis communibus privatur excommunicatus jure Divino: civilibus officiis jure humano: quod utrumque patet ex verbo illo Christi, *Sit tibi tanquam ethnicus, & publicanus*: publicanus autem, & ethnicus Synagoga quidem excludebantur, non civili societate. Sed jus illud humanum est sane vetus, & Apostolis ipsis coeuvum. Paulus *ad Tit. c. 3. v. 10.*, *Joh. ep. 2. v. 10.* V. Du Pin *de antiqu. Eccl. discipl. diss. 3. cap. 3.* Sunt tamen justae quaedam causae, quae civilem cum excommunicato vitando communionem non impediunt, quas ex *can. 103. caus. 11. q. 3.* veteres Canonistae tradiderunt hoc versiculo comprehensas, *Utile; lex, humile, res ignorata, necesse.* Qui praeter eas causas, & non in contemptum Ecclesiasticae disciplinae cum excommunicato vitando communicat, minorem incurrit excommunicationem: quod si in contemptum, pari, puta, majore excommunicatione feriendus est, *d. cap. ult.* Minor haec excommunicatio nescio nunc saeculo XIII. antiquior sit;

Tem.V.

B b

sit;

normi Canonistae, aut haec *Anathema sit*, quam formulam esse omnia
 comminatoriam, idemque sonare, ac *liris deoventur*, sicque factum iudicis
 supponere, vit Hebraice, & Graece doctissimus Du Pin multis docet *est.*
diff. cap. 2. Post X. saeculum primum innovat; sed principio multo parcius
 adhibebatur: tempore addito mire percrebuit. In toto Gratiani Decreto vix
 unum ejus exemplum extat in *can. si quis suadente Diabolo 29. caus. 17.*
q. 4., ubi de eo, qui Clerico, vel Monacho violentas manus injecit, haec
 habentur, *Anathemati subjaceat*; & non desunt tamen, qui excommunica-
 tionem ejus Canonis potius ex interpretatione Canonistarum usv recepta,
 qua ex vi verborum jure excommunicationis latae sententiae censeri: tum
 usque ad an. 1298., quo anno Sextus Decretalium Liber est editus; vix
 36. ejus excommunicationis extabant exempla, quae tamen redigi commode
 poterant ad pauciora quam 26. Porro solus Liber Sextus exempla 32., &
 Clementinae solae edidere 50., supputante Navarro in *Manuali cap. 27. n.*
 49. Post haec exemplorum numerus mirum in modum excrevit. Quoniam
 autem excommunicatio poenarum maxima est, Episcopos, ne eam facile
 addant Constitutionibus suis, graviter admonet Petrus Damiani *ep. 12. ad*
Alexandrum II. Eadem ratio dicat, eam *non nisi pro mortali inponi crimina-*
ne debere, uti Meldense Concilium inquit apud Gratian. *can. 41. caus. 11.*
q. 3. Si sacras literas, Canones, Ecclesiasticamque historiam luitres, tripli-
 cem deprehendes causam excommunicationis, haeresh, disciplinae sive Ec-
 clesiae universae, sive etiam suae infractionem, & gravis quaevis delicta.
 Porro id saepe urgent Canones, ad novissimam Synodus Tridentina *sess. 25.*
de Ref. cap. 3., ne quis levi ex causa excommunicetur: quod adeo verum
 est, ut si quem antiqui Canones jubeant excommunicari, leveque expri-
 mant causas excommunicationis, si de minoribus antiquae Ecclesiae excom-
 municationibus, quas modo attingi, omnino sint accipiendi. Ita illud inter-
 pretare, quod Synodus Carth. IV. *can. 24.* habet, excommunicandum eum,
 qui *Sacerdote verbum faciente in Ecclesia, egressus de auditorio fuerit.* Sed
 postquam minores veteris Ecclesiae excommunicationes desere, haec ju-
 re Canonico novo prodita est regula, si quis simpliciter excommunicatus
 dicatur, excommunicatione majore excommunicatum intelligi *cap.*
59. de sent. exco. Non solum grave, sed & publicum, & in foro
 exteriori legitime probatum esse crimen debet. Origenes *Hom. 20.*
in Josue, S. Augustinus *lib. 3. contr. Parmen. cap. 2.* Huc faciunt quae
 de accusationibus edisserui initio hujus Libri. Praeterea contumacem esse
 reum est opus. Chrysost. in *cap. 15. ep. 1. ad Corinth.* Refer huc quae su-
 perius de monitionibus tradita sunt. Quod si forte vereri Episcopus jure
 possit, ne excommunicatio schisma, aut aliud grande periculum injiciat,
 illum, ut ab ea temperet sibi, Augustinus jubet *lib. 3. contr. ep. Parmen.*,
 Imperatori Theodosio, unde nihil erat Ecclesiae metuendum; plane enim
 erat is non mali ingenii vir, S. Ambrosius communionem interdixit; ac ab
 excommunicandis Principibus bene multis male in Ecclesiam animatis san-
 ctissimos, prudentissimosque Pontifices abstulisse, notius est, quam ut plu-
 ra in id verba adhibeantur. Quippe studium pacis omni tempore Ecclesiae
 Patribus suprema lex fuit. Venio ad Interdictum. Nimiam ac miseram
 Theologorum quotundam in definiendo interdicto diligentiam sequantur alii.
 Ego sic definio. Interdictum est Censura, qua quibusdam locis, aut perso-
 nis Divino officio, atque Ecclesiasticis Sacramentis interdicuntur. Est autem

hil est in iis locis, quod facere ad rem possit. V. Du Pin *d. c. 2. sub finem*, & Van Espen *p. 3. tit. 11. c. 9. n. 16.* Primum generalis interdicti exemplum occurrit saeculo VI. apud Gregorium Turonens. *lib. 8. hist. Francor. c. 31.*, ubi scriptum est, Praetextato Rothomagensi Episcopo die Paschatis in ipsa Ecclesia, dum Divina officia peragebat, occiso, Leudovaldum Episcopum *Ecclesias Rothomagenses clausisse*, ut in his populus solennia Divina non spectaret, donec indagazione communi reperiretur auctor sceleris, quo exemplo satis eorum retunditur audacia, qui interdictum esse novum, atque insolens censurae genus ab Ecclesia Romana confictum, per summam impudentiam affirmant. Sub Carolo M. ejusque successoribus coeperunt ea interdicta frequentari.

Id unum est reliquum, ut edisserantur nonnulla de Irregularitate, quae ab Ecclesiastica poenis haud longe abest. Quem postrema Ecclesiae aetas novo vocabulo *irregularem* dixit, Nicaeni Patres *can. 17. alienum a regula* dixere, uti Dionysius Exiguus vertit. Alienus autem a regula est is, cui Ecclesiastica regula impedimento est, ne aut adlegatur in Clerum, aut ad superiorem ordinem ascendat, aut in suscepto ordine ministret: unde irregularitatis definitionem tute confice. Iidem Nicaeni Patres *can. 9. ea ratione nonnullos regula non admitti ajunt, quia quod irreprehensibile est, Catholica defendit Ecclesia*: quae ratio petita est ex Pauli Epistolis ad Titum, ac Timotheum, ubi Episcopos, Diaconos, & uti Paulum Patres interpretati sunt, omnes Ecclesiae ministros *sine crimine, ac irreprehensibiles* esse jubet. Igitur irregularitas, quam potissimam initio novit Ecclesia, ex crimine, aut criminis suspicione proficiscebatur: tum aliae etiam irregularitatis causae per Canones accessere. Omnes singillatim persequi pro varia Ecclesiae disciplina, quod facit Thomassinus *p. 2. lib. 1. a cap. 57. ad fin.*, instituti mei ratio non finit. Eas ego hic breviter dabo, quae sunt hoc tempore receptiores. Irregularitatis summa partitio haec est. Ea vel ex crimine enascitur, vel ex defectu.

Paulus in eis, quas modo laudavi, Epistolis, ac Latini omnes, & Graeci Patres criminis puros volvere Ecclesiae ministros. Crimen, ut dictum *lib. 2. tit. 4.*, grave peccatum est. Et quamquam nonnulla sint Patrum loca, quae homines lethalis peccati reos nullo peccatorum discrimine pronuncient irregulares; vere tamen sola capitalia crimina irregulares fecerunt; namque ea tantum meminere Concilium Aurelianense I. *can. 9.*, Epaoenses *can. 22.*, Aurelianense III. *can. 7.*, & 8., Aurelianense V. *can. 12.*, & Gregorius M. *lib. 12. Reg. ep. 6.*, ubi ea esse capitalia docet, quae per legis sacrae regulam morte multanda sunt: sacrae autem legis nomine se legem Mosaicam intelligere, inquit *lib. 7. ep. 50.* His accedebant fornicatio, copula cum uxore ante ordinationem ducta, perjurium, aliaque id genus, licet capitalia non essent. Johannes II. ad Caesarium Arelat. Archiep. in causa Contumeliosi *r. 1. Concil. Gall. p. 232.*, & Zacharias P. ad Bonifac. *ead. tom. 1. p. 583.* Forte quae crimina depositioni, ac poenitentiae publicae subiciebantur, ea irregulares faciebant. Hinc intellige, quod Siricius *ep. 1. c. 14.*, & Concilium Carth. IV. *can. 68.* ajunt, eos, qui publicam agunt, egeruntve poenitentiam, quocumque ordine exclusos. Certe eos non poenitentia, sed crimen, quod publica fuit poenitentia eluendum, Clericatu prohibebat. Nec publica solum, sed & occulta crimina laicos ordinibus, Clericos usu ordinum perpetuo excludabant, ut fuisse Van Espen

de

tus; si quis enim jam Clericus Epilepsia coeperit laborare, non semper usque ordinis prohiberi, perspicue tradit Juenin. *diff. de censur. 9. 6. c. 1. art. 1.* Ab iis, qui propter defectum rationis irregulares sunt, prope absunt i literati, quos & ordinari omnium aetatum Canones vetant, & ordinatos officio fungi, quousque scientiam suo competentem Ordini adepti sint. Gelasius P. apud Gratian. *can. 1. dist. 36.*, & Concilium Roman. sub Eugenio II. apud A. Augustin. *lib. 6. tit. 9.* Secundus est defectus famae. Qui jure civili notantur infamia, eos Ecclesia Ordinibus arect, quae causa est, cur eos, qui *luserint in secula*, irregulares pronunciet Gennadius *de dogm. Eccl. c. 7.* Tertius est defectus lenitatis. Mites esse exemplo Christi ministros suos jubet Ecclesia; hinc inter officia Episcoporum illud non ultimum fuit, pro reis capite damnatis intercedere apud Magistratus. S. Augustin. *ep. 253. ad Macedonium.* Non est quidem crimen militiae nomen dare, iustoque bello manus conferere: aut capitalium criminum reos sive accusare, sive damnare: quin id, si iuste fiat, fieri & expedit, & necesse est, tamen si quis eorum aliquid fecisse dicatur, ei aut susceptione, aut usu Ordinis Canones interdixit voluere. Innocentius I. *ep. 4. c. 3.*, & *ep. 23. c. 2.*, & Zacharias P. ad S. Bonifacium Archiepisc. Moguntin. Hinc quum Panoritanus Archiepiscopus ex sculi Regis delegatione in criminosos quosdam deberet animadvertere, poenam sanguinis Regiae potestati reservandam, Alexander III. descripsit in *cap. 4. de raptor.* Quod si vero Clericus temporalem obtinens jurisdictionem criminales causas Ballivo suo, aliive committat, eumque *iustitiae debitum exequi* jubeat, irregularis non est, *cap. ult. ne clerici, vel monachi in VI.* Novissime a Bonifacio VIII. constitutum est in *cap. 2. de homic. in VI.*, irregulares non esse Clericos, qui inlatas sibi a laicis injurias persequuntur, modo expresse, & ex animo protestentur, se ad vindictam, seu poenam sanguinis non intendere. Quartus est defectus libertatis. Servi igitur, nisi a Dominis manumittantur, ordinari non debent, *can. 82. inter Apostolicos; can. 29. Triburiensis Concilii, ac tit. Decretal. de serv. non ordin.* Accedere videntur ad servos ii, qui publicis rationibus obstringuntur, de quibus S. Gregorius *lib. 2. ep. 62.*, & Gregorius IX. *tit. Decretal. de obligat. ad rationem.* Quintus defectus est Bigamia, quam in veram, interpretativam, & similitudinariam dividunt Canonistae. Vera est, si quis priore uxore mortua alteram ducit. Interpretativa est, si quis in sacro aliquo Ordine constitutus alteram mulierem sibi contubernalem adiungit, quam speciem pertractat in *cap. 4. de bigam. non ord.* Innocentius III., uti liquet ex integra ejus Epistola *66. lib. 2. edit. Baluzii*: aut si quis unicam quidem, sed eam tamen viduam ducit, sive dirimens aliquid impedimentum obstat matrimonio, qui est casus *cap. 7. eod.*, sive matrimonium constituit: quo casu licet inter Canonistas non constet, num sit vere sit bigamus, an per interpretationem, certe tamen bigamus est, perinde ac si secundas nuptias contraxisset: aut demonstret si quis matrimonium consummat cum una, cui tamen jam ab alio vitium inlatum est, puta, si quis ducit meretricem, *can. 2. dist. 33.* sed vix est ut nunc obtineat genus hoc irregularitatis. Cotta in *Summ. ad tit. de bigam.* Similitudinaria ex multorum sententia est, si quis solenni voto obstrictus virginem ducit, quae se Christo devovit. Hunc bigamum *similitudinariam* dicunt a similitudine, quae inter carnale, & spirituale matrimonium intercedit. Vide de hac re Fagnan. in *cap. nuper eod. tit.* Irregularitas, quae ex bigamia vera enascitur, antiquissima

110000

suma est, namque ejus meminit Apostolus 1. ad Timoth. 3., & ad Tit. 1. Irregularitas, quae ducta vidua contrahitur, quamque interpretativam dicunt multi, ad priora etiam Ecclesiae saecula referri debet, quod Apostolico *can. 18.* memoretur. Saeculo IV., quo saeculo Innocentius I. *ep.* ad Victorium Rothomagensis Episcopum copiose scribit de irregularitate, similitudinariam bigamiam non dum cognitam, ejus Pontificis silentio probatur. Multo post aevum Innocentianum id genus bigamiae in jus Canonicum inductum est, & forte occasionem ei dedit mala interpretatio Ancyran Canonis 18. ex Isidoriana versione apud Gratianum *can. 24. caus. 27. q. 1.*, quae de re videtur Van Espen *p. 2. tit. 10. n. 29.* De eo disputarunt Patres, nam qui unam ante Baptismum, alteram post Baptismum duxerat, vere bigamus esset. Negabant Graeci, quos Hieronymus sequutus est. affirmabant Latini. Graecorum ratio haec fuit, quod hujus irregularitatis causa sit suspicio incontinentiae, quam omnino dispellit Baptismus, ut proinde baptizato homini, qui novus homo est, vitio dari non debeat, quod factum est ante Baptismum. V. *can. Apostol. 16.*, & Hieronym. in *ep. ad Tit.*, & *ep. 83. ad Ocean.* Latinorum ratio fuit haec, quod non incontinentiae suspicio, sed solus uxorum numerus huic causam det irregularitati: Baptismo autem peccata quidem remittantur, non uxorū numerus aboleatur. Innocent. I. *d. ep. cap. 6.* Idem docet Augustinus de *bono conjug. cap. 18.*, ubi in mysticas unius matrimonii rationes subtiliter inquit. Defectuum, qui corporis dicuntur, primus est defectus natalium. Illegitimi igitur, & maxime filii Presbyterorum irregulares sunt, *c. 1. de filiis Presb.* Principio de filiis Presbyterorum per Canones sancitum ad castigandam Clericorum impudicitiam. Impedimenti hujus non obscura extant vestigia in *can. 10. Synodi Toletanae IX.*; sed is tamen Canon peculiarem continet Ecclesiae Hispanicae disciplinam. Tandem ad quoslibet ex injusto concubitu natos productum jus est. De filiis Presbyterorum non ordinandis primum ab Urbano II. generaliter cautum, videtur docere Innocentius III. *lib. 4. ep. 118.*: sed in Decretalibus omne illegitimum genus sacris Ordinibus arcetur, *d. cap. 1.*: ac procedente tempore quod de majoribus Ordinibus, ac Beneficiis statutum erat, de minoribus etiam Ordinibus, ac prima Tonsura, & quibuslibet minoribus Beneficiis statui coepit, *cap. 1. eod. in VI.* Secundus est defectus aetatis, de qua actum *tit. 7.* Tertius defectus est vitium aliquod corporis. Ecclesiam non corporum vitia contemplari, sed religionem & vitam, inquit Auctor *Const. Apost. lib. 7. cap. 23.* Ea tantum vitia obstant, quibus impediuntur Ecclesiastica, uti est in *can. Apost. 77.* Latina etiam Ecclesia neminem eo nomine irregularem habebat saeculo IV., quod ex Innocentio I. *ep.* ad Felicem Nucernanum satis patet. Sed mox cautum, ne quis aliqua membrorum damna perpeffus ad sacros Ordines aspiraret, *can. 3. dist. 55.*: quod idem de eo, cui erutus est oculus, statutum est *can. 13.* Jure Decretalium ea corporum vitia irregularitatem inducunt, quae aut uilum Ordinis omnino impediunt, aut faciunt, ut non sine irreverentia, vel offensione ac periculo exerceri possit, *cap. 1. 2. & ult. de corp. vitiat.*; cujus rei judicium est Episcopi, *d. cap. 2.* Haec de rectoribus Irregularibus. Latissime hoc argumentum persequitur ex veteri & nova Ecclesiae disciplina Thomassinus *p. 7. lib. 1. a cap. 56. ad 92.* Atque hic epem Operi impono, quod Romanae Ecclesiae judicio submisso.





